

9(47.925)

5-40

543-42

463

4085

2004

ԸՆՏԻՐ

Մ Ա Տ Ե Ն Ա Գ Ի Ի Ր Ք

—

Ե Ղ Ի Շ Ե



242.29
УДК 621.44
150.00



18191-559





Worumwegen Styrzbleuysch
 Künigklichlicher Hof-
 Rath
 29 1855

Retradere des.

Genl. Borra inc.

ms. 4031

ԵՂԵՂԻ ՄԻՐՈՅ

Լուսի

Լուսեպագրի Գրքարան



Ի ԳԵՆԵՏԻ

1828

30.11.77



543-44

ԵՂԻՇԻՒՆ ԳԱՐԴԱՊԵՏԻ

ՎԱՍՆ

ՎԱՐԳԱՆԵՅ

ԵՒ

ՀԱՅՈՑ ԳԱՏԵՐԱԶՄԻՆ


ASSADOUR A. BEDIKIAN
Panagurischko (Bulgarie)



Ի ՎԵՆԵՏԻԿ

Ի ՍՈՒՐԲ ԴԱԶԱՐ

ՌՄՀԷ



43-10-01-01-01-01

1970

01.11.70

11

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70

11.11.70



ԱՌ ԵՎԸԷ

ՈՐ ընդ արիւնտուոյ մարգս
Աւարայրի մնչեա տակաւին 'ի վե-
րայ վարդապոյն ճապարկեաց դիւցա-
ղինդ սիրայնոյ և արիադունդ սրա-
կակցացն, անտի թեւածեալ 'ի շա-
ւարչական ասորժ հովանիս՝ զտապ
սրտիդ խնդրեա հանգուցանել յո-
րոճս աստուածեղէն խնայտից, Ոգի
վսեմասոս՝ միշտ քաղցրաբարբառ
'ի լուր հայրենեաց, խոնարհեացի
ունկնդ հեշտալուր 'ի սպառտա-
խառն ուղերձ, որ 'ի հանդրին վտա-
րանդի ալեաց նուազ աղերախ առ-
քեզ սլանայ մրմունջ որդեգորով
'ի նուէր փոխարինի հայրականաց

քոյոց վաստակոց ծնող եղելոյդ դե-
ղածաղիկ շնորհի անբիծ ախորժա-
կաց հայկազանց, համերական մըր
ցող նուագաց, ո՛վ մեծ 'ի բարերարս
հայկեան դպրութեանց և 'ի խրա-
խոյս աստուածապաշտ կարգաց
հանդիսի, ոսկի քանդակաց արժա-
նաւոր յուերժ արձանաց, զոր թէ
ոչ կանգնեցին յոլով դարբ հաստա-
հարուստք՝ փոխան ընկալցիս յա-
նօսրութենէ զդրուագ բանի, որ
քանզի դու քեւ պատուիս՝ զքեզ
ընծայէ քեզ 'ի քոյին բարգաւա-
ճանս, և քեւ 'ի մեր՝ եթէ ճանա-
չող միայն իցեմք փառաց հայրենա-
կանաց, որ յոսկեղէն տառիցդ փայ-
լատակեալ բնիկ ճաճանչ թորգո-
մական սարժանաց 'ի լոյս աշխարհի:

Ազէ միանգամ, հայր, հաշտ ա-
կամբ ակնարկեա 'ի սա, և դեղեց-
կասէր աչացդ լիցի արժանի:

ԵՂԻՇԷՒ ՎԱՐԴԱՊԵՏԻ

ՎԱՍՆ

ՎԱՐԴԱՆԵՆՆՅ

ԵՒ

ՀԱՅՈՅ ՊԱՏԵՐԱԶՄԻՆ

ԴԱԹԻ ԵՐԻՑՈՒ ՄԱՄԻԿՈՆԻ

ՀԱՅՑԵԱԿ

ՔԱՆՆ վասն որոյ պատուիրեցեր՝ արարի, ովքաջ. վասն Հայոց պատերազմին հրամայեցեր, յորում բազումք առաքինացան քան զսահաւս : Ահա նշանադրեցի յայտ եւթն յեղանակիս . առաջին զժամանակսն, երկրորդ զիրացն պատահումս յիշխանէն արեւելից, երրորդ

զմիաբանութիւնն ուխտինն եկեղեցւոյ, չորրորդ զերկապառակութիւնն ոմանց բաժանելոց 'ի նմինն ուխտէ, հինգերորդ զյարձակումն արեւելեայց, վեցերորդ զընդդիմանալն Հայոց պատերազմաւ, եւ թներորդ զյերկարումն իրացն խռովութեանն:

Յայսմ յեւթն գլուխս կարգադրեալ եւ դեալ ծայրալիր պարասմամբ զսկիզբն եւ զմիջոցն եւ զկատարածն. զի հանապազորդ ընթեռնուցուս, լսելով զառաքինեացն զքաջութիւնն եւ զյեսաս կացելոցն զլատթարութիւնն, ոչ յանձինն կարօտութիւնն երկրաւոր առատ գիտութեանն լրմանն, այլ այցելութիւնն երկնաւոր տնտեսութեանն՝ որ մատակարարէ յառաջգիտութեամբ զհատուցումն երկոցունց կողմանցն, որ երեւելեօքն զաներեւոյթն գուշակէ:

Այլ դու, ո՛վ մեծ 'ի գիտութեանն Աստուծոյ, առ ինչ արդեւք հրամայեսցես, քան եթէ հրամայիցիս լաւագունացն: Որպէս երեւի ինձ եւ քեզ եւ այնոցիկ որ դե-

գերեցին յիմաստութիւն՝ երկնաւոր սիրոյ է նշանակս այս, և ոչ երկրաւոր փառասիրութեանն. որպէս և սասցին ոմանք ՚ի քաջ սրատմագրացն. Չուգութիւն է մայր բարեաց, անպուգութիւն ծնող շարեաց: Որպէս և մեր խկ հայեցեալ ՚ի սուրբ սէր քոյոյ հրամանիդ, ոչ ինչ դանդաղեալ վեհերեցաք հայեցեալ ՚ի մեր արտութիւնս: Քանզի բազում ինչ է սրբութիւն՝ սատար լինել անօրութեան, որպէս աղօթք՝ գիտութեան, և սէր սուրբ՝ միաբան օգտից:

Չոր և մեր ընդ հրամանին քում ընկալեալ, յօժարութեամբ ձեռնարկեցաք զայս ինչ, որ է մխիթարութիւն սիրելեաց և յոյս յուսուցելոց, քաջալերութիւն քաջաց, կամակարութեամբ յարձակեալ ՚ի վերայ մահուան, առաջի տեսանելով զգորագլուխն յաղթութեան, որ ոչ ումեք ոտնհար լինի թշնամութեամբ, այլ անդ ուսուցանէ զիւր անսարսելի զօրութիւնն: Եւ ահա ո ոք կամեսցի՝ ընդունի իբրեւ զնա

հատակ առաքինի : Եւ քանզի բազմադիմի է նահատակութեանդ ա՛նուն, և նա բազմադիմի շնորհս բաշխեաց ամենեցուն . զոր և մեծ իսկ քան զամենայն՝ սէր սուրբ յաննենգ մտաց գիտեմք :

Այս պարզութիւն զվերնոյն բերէ զնմանութիւն . զոր և մեր՛ի քեզ տեսալ , մոռացաք զմեր բնութիւնս : Եւ ահա վերաբերիմք ընդ քեզ ճախրելով , և իբրեւ բարձրաթռիչս եղեալ՝ զամենայն ինաստիար մրրկածին օգովքս անցուցանիցեմք . մոքր՛ի շատէ ծծելով յանապական վերին օդոցն՝ առնուցումք զգիտութիւն ՚ի փրկութիւն անձանց և ՚ի փառս ամենայալթ եկեղեցւոյ : Ուստի բազում սուրբ պաշտօնեայքն զըւարթութեամբ կատարեսցեն զըստսս վիճակին իւրեանց , ՚ի փառս հօրն բոլորեցուն . ուր ընդ նմին սուրբ Երրորդութիւնն ցնծացեալ բերկրիցի յանարտմական յիւրում էութեանն :

ԱՌԱՋԻՆ ՅԵՂԱՆԱԿ

Ժամանակն ։

ԱՐԴ որովհետեւ ընկալաք ըզհրամանն պատուիրանին յաննախանձ քոյոց բարուց բնութեանդ, սկսցուք ուստի արժան է սկսանել. թէպէտ և ոչ յօժարիցեմք զթշուառութիւն մերոյ ազգիս ողբալ ։ Ահա ոչ ըստ կամաց արտասուալից ողբովք ճառագրեմք զբազում հարուածս, յարում պատահեցաք և մէք իսկ ահանատեսք լինելով ։

Քանզի ՚ի բառնալ ազգին արշակունեաց, տիրեցին աշխարհին Հայոց ազգն Սասանայ պարսկի, որ վարէր զիւր իշխանութիւնն օրինօք մտգուցն. և բազում անգամ մարտընչէր ընդ այնոսիկ, որ ոչ ընդ նովին օրինօք մտանէին, սկիզբն արարեալ յամացն Արշակայ արքայի որ.

դւոյն Տիրանայ, Թոռորդւոյն Տըր
 դասայ, և կառուէր մինչեւ յամն
 վեցերորդ Արտաշիսի արքայի Հայ
 ոց, որդւոյն Ստահրաշապհոյ: Եւ
 իբրեւ զնա եւս մերժեաց 'ի Թագա
 ւորութենէն, 'ի նախարարան Հայ
 ոց անկանէր Թագաւորութիւնն .
 զի Թէպէս և գանձն յարքունիս
 պարսկաց երթայր, սակայն այրու
 ձին Հայոց բովանդակ 'ի ձեռն նա
 խարարացն առաջնորդէր 'ի պատե
 րազմի: Ասան որոյ և աստուած
 պաշտութիւնն բարձրագլուխ կա
 մակարութեամբ երեւելի լինէր յաշ
 խարհին Հայոց 'ի սկզբան տէրու
 Թեանն Շապհոյ արքայից արքայի
 մինչեւ յամն յերկրորդ Յազկերախ
 արքայից արքայի՝ որդւոյ Առամայ .
 զոր եգխտ սասանայ իւր գործակից,
 և զամենայն մթերեալ Թոյնան Թա
 վեաց 'ի բաց, և ելից զնա իբրեւ
 զպատկան դարան դեղովք: Եւ սկը
 սաւ եղջերածել անօրէնութեամբ,
 և գոռալով հող հանէր ընդ չորս
 կողմանս երկրի . և Թշնամի և հա
 կառակորդ երեւեցուցանէր իւր

զհաւատացեալքս 'ի Քրիստոս , և նեղեալ տաղնասէր խաղաղասէր կենօք :

Քանզի յոյժ սիրելի էր նմա խոս վուծիւն , արիւնհեղուծիւն , վասն այնորիկ տարբերէր , եթէ յի թափեցից զգառնուծիւն թիւնից , կամ ուր բացատրեցից զբազմուծիւն նեախցն : Եւ առ յոյժ յիմարուծեան իբրեւ զգազան մի կատաղի յարձա կեցաւ 'ի վերայ աշխարհին Յունաց . եհար մինչ 'ի քաղաքն Մծբին , և զբազում գաւառս Հռոմոց աւերեաց ասպատակաւ , և զամենայն եկեղեցիս հրձիգ արար . կուտեաց զաւար և զգերի , և ահաբեկ արար զամենայն զօրս աշխարհին :

Իսկ երանելին Թէոդոս կայսր , քանզի խաղաղասէր էր 'ի Քրիստոս , ոչ կամեցաւ երանել ընդ առաջ պատերազմաւ . այլ այր մի Անատոլ անուն , որ էր նորա սպարապետ արեւելից , առաքեաց առ նա բազում գանձիւք : Եւ արք սարսիկք , որք փախուցեալ էին վասն քրիստոնէուծեան և էին 'ի քաղա

քին կայսեր, կալաւ և ետ 'ի ձեռս նորա : Եւ զամենայն զոր ինչ ասաց 'ի ժամանակին՝ կատարեաց ըստ կամաց նորա, և արգել զնա՛ի բազում բարկութենէն, և դարձաւ անդրէն յիւր քաղաքն Տիզբոն :

Եւ իբրեւ ետես անօրէն իշխանն, եթէ յաջողեցաւ չարութիւնն նորա, սկսաւ այլ եւս խորհուրդ յաւելուլ, իբր ոք զի՛ ի հուր բորբոքեալ յաւելով բազում նիւթս փայտից : Քանզի ուստի սակաւ մի կանկաճօտն էր, անտի աներկեւղ հաստատեցաւ, վասն այնորիկ գրգռուեցոյց զբազումս 'ի սուրբ ուխտէն քրիստոնէից, էր՝ զոր բանիւք սպառնալեօք, էր՝ զոր կասկանօք և տանջանօք : Էր՝ զոր չարաչար մահուամբ վախճանէր. յափշտակութիւն առնէր ընչից և արարոց, և մեծաւ անարգանօք տանջէր զամենեսեան : Եւ իբրեւ ետես՝ եթէ վայրատեալ ցրուեցան 'ի բազում կողմանս, 'ի խորհուրդ կոչէր զսրաշտօնեայս ձախակողմանն, որք կասկեալ էին 'ի կռասրաշտութեանն անլու-

Ծանեղի հանգուցիւք, վառեալք և
ջեռեալք իբրեւ զհնոց առ այրել
զուխա սուրբ եկեղեցւոյ :

Քանզի էին իսկ այնպիսիքն բնա-
կեալ 'ի կեանս իւրեանց իբրեւ 'ի
Թանձրամած խաւարի, և ոգիքն
արդէլեալք 'ի մարմնի իբրեւ զկեն-
դանի 'ի գերեզմանի, յորս ամենեւ-
ին չճագէ նշոյլ սուրբ լուսոյն Քրիս-
տոսի : Նա և արջք օրհասականք
ընդ վախճանել շնչոյն հզօրագոյնք
կռուին . յորոց և իմաստունք տե-
ղի տուեալ փախչին 'ի նոցանէ :
Այսպիսի իմն եկեալ հասեալ է
վախճան տէրութեանն . եթէ հար-
կանին՝ չգգան, և եթէ հարկանեն՝
չխմանան . իբրեւ ոչ գտանի արտա-
քին թշնամի, ընդ անձինս իւրեանց
մարտ եղեալ կռուին : 'Ի գէս իսկ
եւանէ բան մարդարէին 'ի վերայ նո-
ցա . Այր, ասէ, առ քաղցի իւ-
րում շրջեսցի և կերիցէ զկէս ան-
ձին իւրոյ . նման սմին և Տէր ինք-
նին ասէ . Ամենայն տուն և թա-
գաւորութիւն՝ որ յանձն իւր բա-
ժանի, ոչ կարէ կալ հաստատուն :

Արդ զի՞ կոծիս, զի՞ մրցիս, զի՞ այրիս, զի՞ բորբոքիս, զի՞ շեջանիս. զի՞ կոչես 'ի խորհուրդ զայնասիկ, որ զողիսն ձեր 'ի ձէնջ քաղեալ՝ հանեալ է զանասականդ յասական սուլթիւն, և զասականեւ լի մարմինդ գիշաքարչ արարեալ՝ իբրեւ զազիր մեռելոտի 'ի բաց ընկեցեալ: Ասաքէն զայդ կամիս, զի ծածկես զխորհուրդ ամբարշտութեան, տեսլիր յորժամ յայանեացի, ասա գիտացես զելս կատարածի դորս:

Ատեն մողքն. Արքայ քաջ, աստուածքն ետուն քեզ զտէրութիւն և զյաղթութիւն, և ոչ ինչ կարտաննորս մարմնաւոր մեծութեան, բայց եթէ 'ի մի օրէնս դարձուցանես զամենայն աղքս և աղինս, որ են 'ի տէրութեան քում. յայնժամ և աշխարհն Յունաց հնազանդեալ մտցէ ընդ օրինօք քովք: Արդ ըզբանս զայսոսիկ վաղվաղակի կատարեա դու, արքայ. զօր դուամարեա և դունդ կազմեա, խաղա գնա դու յաշխարհն Քուշանաց, և զամենայն աղքս ժողովեա և անցս ըստ

պահ դուռն 'ի ներքս . և դու ան-
 դէն արա քեզ բնակութիւն : Յոր-
 ժամ արդելուս և փակես զամենե-
 սեան 'ի հեռաւոր օտարութեան, կա-
 տարին խորհուրդք կանաց քոց . և
 որպէս երեւիս մեզ 'ի դէնիս մերում,
 տիրես դու և երկրին Քուշանաց,
 և Յոյնք իսկ ոչ ելանեն ընդ քոյ իշ-
 խանութիւնդ : Բայց միայն զա-
 ղանդ քրիստոնէից բարձ 'ի միջոյ :

Հաճոյ թուեցաւ խորհուրդն թա-
 գաւորին և մեծամեծացն , որ էին
 'ի նմին բանի . հրովարտակս գրէր ,
 սնդադեսպանս առաքէր յամենայն
 տեղիս տէրութեան իւրոյ : Եւ այս
 է պատճէն հրովարտակին :

Առ ամենայն ազգս տէրութեան
 իմոյ՝ Արեաց և անարեաց , բազմաա-
 ջի 'ի ձեզ ողջոյն մարգասիրութեան
 մերոյ . դուք ողջ լերուք, և մեք մե-
 դէն ողջ եմք զիցն օգնականու-
 թեամբ :

Աւանց զձեզ ինչ աշխատա առնե-
 լոյ խաղացաք գնացաք յերկիրն Յու-
 նաց , և առանց գործոյ պատերազ-

189
 190
 191

1604
 4031
 424



մի՛ սիրով մարդասիրութեամբ նուա՜
 ճեցաք զամենայն երկիրն մեզ 'ի ծա-
 ռայութիւնս . դուք զբարի զմտաւ
 ածէք , և անսպառ լերուք յուրա-
 խութեանս . բայց բան զայս կատա-
 րեցէք վաղվաղակի , զոր ասեմքս :
 Մէք 'ի մտի եդաք անվրէպ խորհրդ
 դովք խաղալ գնալ յաշխարհն ա-
 րեւելից , աստուածոցն օգնականութե-
 թեամբ դարձուցանել 'ի մեզ զտէ-
 րութիւնն Քուչանաց . դուք իբրեւ
 զհրովարտակս զայս տեսանէք , ան-
 խափան վաղվաղակի այրեւծի դու-
 մարեցէք առաջի քան զիս , յանդի-
 ման լերուք ինձ յԱպարաշխարհին :

Ըստ այսմ՝ պատճենի հրովար-
 տակ եհաս յաշխարհն Հայոց , 'ի
 Վրաց և յԱղուանից և 'ի Լփնաց ,
 'ի Ծօղէից և 'ի Կորդուաց , յԱղձ-
 նեաց և բազում այլ տեղեաց հե-
 ռաւորաց , որոց ոչ էին օրէնք եր-
 թալ զայն ճանապարհ յառաջ ժա-
 մանակաւ : Գուցի կազմէր 'ի Հայոց
 մեծաց զազատ և զազատորդի , և
 յարբուելի տանէ զոստանիկ մար

գիւղ . ըստ նմին օրինակի 'ի Աբայ և
 յԱղուանից և յաշխարհէն Լփնաց ,
 և որ այլ եւս 'ի կողմանց կողմանց
 հարաւոյ , մերձ 'ի սահմանս տաճ
 կաստանի և 'ի Հոռոմոց աշխարհն
 և 'ի Կորդուաց և 'ի Գղացն և 'ի
 Ծօղէիցն և յԱրղնարղիւն . որք էին
 ամենեքեան հաւատացեալք 'ի մի
 կաթողիկէ առաքելական եկեղեցի :
 Եւ անմեղութեամբ ոչ գիտա
 ցեալ զերկդիմի միտս թագաւորին ,
 խաղացին գնացին յիւրաքանչիւր
 աշխարհաց լըջմտութեամբ և ան
 տրտում ինդութեամբ և տիրասէր
 խորհրդովք , կատարեալք զստա
 զինութեան աներկբայ վաստա
 կովք : Բարձին եւս ընդ իւրեանս
 սուրբ կտակարանս բազում պաշ
 տօնէիւք և բազմագոյն քահանայ
 իւք : Բայց հրաման տուեալ աշ
 խարհի՝ ոչ իբրեւ յակնկալութիւն
 կենաց , այլ իբրեւ 'ի վճարումն վախ
 ճանի . յանձն առնելով միմեանց զը
 գիս և զմարմինս : Զի թէպէտ և
 խորհուրդ թագաւորին չէր յայտ
 նեալ նոցա , սակայն կարծիք 'ի մտի

էին ամենեցուն . մանաւանդ իբրեւ
բեկեալ տեսին զգորութիւնն Յու-
նաց առաջի նորա , յոյժ հարեալ
խոցեցան 'ի խորհուրդս իւրեանց :

Բայց քանզի սլառութրապանք
էին սուրբ կառկարանայն Աստու-
ծոյ , հանապազ յիշէին զսլառութի-
րեալն 'ի Պաւղոսէ , եթէ ծառայք
հնազանդ լերուք տերանց ձերոց
մարմնաւորաց . մի' սուտակասպասք
և առ աչս աչառելով , այլ սրտի
մտօք ծառայել իբրեւ Աստուծոյ ,
և մի' իբրեւ մարդկան . քանզի 'ի
Տեառնէ է հասուցումն վաստակոց
ձերոց : Եւ ամենայնիւ այսու բա-
րեմասութեամբ յուղարկեալք յաշ-
խարհէ և յանձն եղեալք սուրբ
Հոգւոյն , յանդիման լինէին , փու-
թով կատարեալ զհրամանն , և զա-
մենայն արարեալ ըստ կամաց նորա :
Յոյժ ուրախ լինէր թագաւորն , իբր
այն եթէ կատարեցան կամք կար-
ծեաց նորա . և ահա առնէր ընդ
նոսա զայն ինչ , զոր սլաշտօնեայքն
ամբարշտութեան նորա խրատեցին :

Արդ իբրեւ ետես թագաւորն

զամենայն կազմութիւնն և զբազմութիւնն գնդին բարբարոսաց, որք սրաի մտօք եկեալ էին 'ի վաստակ արքունի, առաւելապէս ուրախ և զեւ առաջի մեծամեծացն և ամենայն բազմութեանն զօրաց իւրոց : 'Ի վերին երեսս թաքուցանէր զկամս մտաց իւրոց, և ակամայ առատապէս սլարգեւէր զնոսա : Խաղաց գնաց միանգամայն 'ի վերայ տէրութեանն Հոնաց աշխարհին, զոր Քուշանս անուանեն և զերկեամ' մի կռուեալ, ոչ ինչ կարաց ազդել նոցա : Ասիա արձակեաց զմարտիկսն յիւրաքանչիւր տեղիս, և զայլնն փոխանակ նոցա առ իւր կոչէ նովին սլատրաստութեամբ : Այսպէս ամ յամէ սովորութիւն կարգեաց, և իւր անդէն քաղաք բնակութեան շէնեաց, սկսեալ 'ի չորրորդ ամէ տէրութեանն իւրոյ մինչեւ յամն մետասաներորդ թագաւորութեանն :

Եւ իբրեւ ետես՝ եթէ հաստատուն կացին Հոռոմք յուխտին իւրեանց՝ զոր եղին ընդ նմա, և դադարեցին խայլնդուրք ելանել ընդ

պահակն Ճորայ, և յամենայն կողմանց խաղաղութեամբ բնակեաց աշխարհնորա, և ՚ի նեղ եւս արկ զթագաւորն Հոնաց, քանզի աւերեաց զբազում գաւառս նորա, և յաջողեցաւ տէրութիւնն նորա, աւետիս առաքեաց ընդ ամենայն ատրուշանս աշխարհին իւրոյ. զլուք սպիտակօք և գիսաւոր նոխազօք առատացոյց զոհոս կրակին, և խիտ առ խիտ թանձրացոյց անդադար զպաշտօն սղծութեան իւրոյ. սրակօք և սրտուովք մեծարեաց զբազումս ՚ի մագաց և զբազմագոյնս ՚ի մոգակտաց: Ետ եւս հրաման յափշտակել ըզքրիտանէից ինչս և զտացուածս, որք էին ՚ի մեջ սարսկաց աշխարհին:

Եւ այսպէս հարարացաւ բարձրացաւ ՚ի միտս իւր, ՚ի վեր քան ըզմարդկային բնութիւնս ընդ վզեալ ապարթանէր, ոչ միայն յիւր ՚ի մարմնական սրտերազմացն, այլ մեծ ոմն զինքն կարծէր քան զբնութիւնն հայրենի կարգին. վասն այնորիկ կեղծաւորութեամբ թագուցանէր զինքն ըստ կարծեացն, և որ

պէս երեւեր խմասանոցն՝ յանմահից
 իմն կարգի դնէր զինքն : Եւ յոյժ
 էր ցատուցեալ ընդ անունն Քրիս-
 տոսի , յորժամ ըսէր՝ թէ տանջե-
 ցաւ , խաչեցաւ , մեռաւ և թաղե-
 ցաւ :

Իբրեւ այսպէս օրըստ օրէ 'ի սոյն
 միտս ցնորեալ դանդաչէր , մի ոմն
 մանկագոյն 'ի նախարարացն Հայոց
 ընդդէմ բանս եղ և ասէ . Աբբայ
 քաջ , դու ուստի՞ գիտես այսպիսի
 բանս խօսել զՏեառնէ : Ետ սբա-
 տասխանի թագաւորն և ասէ . Իմ
 խակ առաջի ընթերցան զգիրսն մե-
 լորութեան ձերոյ : Ետ սբատասխա-
 նի անդրէն սբատանեակն և ասէ .
 Ընդէր ցայդ վայր , արքայ , միայն
 ետուր ընթեռնուլ . այլ յառաջ
 եւս մատու զկարդացումնն , և ըստ
 սնդ զյարութիւնն , զյայտութիւնն
 առ բազումս , զվերացումս յերկինս ,
 զնստելն ընդ աջմէ հօր , զխոստումն
 երկրորդ գալատեանն՝ զհրաշակերտ
 յարութիւնն առնելով բոլորե-
 ցունց , զհամառօտ հատուցմունսն
 արդար գատաստանին : Իբրեւ լուաւ

զայս թագաւորն, խոնարհեալ վեր
 'ի վայր ծիծաղեցաւ, ասէ. Ամե-
 նայն այդ խաբէութիւնն է: Ետ սաւ
 տասխանի զինուորն Քրիստոսի և
 ասէ. Եթէ հաւատարիմ են քեզ
 մարմնաւոր չարչարանքն նորա, հա-
 ւատարմագոյն եւս լիցի քեզ երկ-
 րորդ ասհաւոր գալուսան նորա:

Եւ զայս լսելով թագաւորին՝ բոր-
 բոքեցաւ իբրև զհուր հնոցին 'ի Բա-
 բելոն, մինչև իւրքն իսկ անգէն
 դեռ եւս իբրև զքաղղէացիան այրե-
 ցեալ լինէին: Յայնժամ զբոլոր բար-
 կութիւն սրտմտութեանն եհեղ
 յայրն երանելի, որում անունն էր
 Գարեգին: Կապեալ ոտիւք և կա-
 պեալ ձեռօք զերկեամ մի տուաւ
 'ի չարչարանս, և հանեալ 'ի բաց
 զտէրութիւնն 'ի նմանէ, և ընկա-
 լաւ զվճիռ մահու:

ԵՐԿՐՈՐԴ ՅԵՂԱՆԱԿ

Իբացն պատահո՞ւմ յիշխանէն արեւել-
ւից :

ՈՐՈՅ ոգիքն թուղացեալ էն
յերկնաւոր առաքինու թենէն, յոյժ
ընդ ահիւ անկեալ է բնութիւն մար-
մնոյ . յամենայն հողմոյ շարժի և
յամենայն բանէ խռովի և յամե-
նայն իրաց դողայ . երազագէտ է
այնպիսին ՚ի կեանս իւրում, և յան-
գիւտ կորուսան յուղարկի ՚ի մա-
հուան իւրում : Արպէս և ասաց ոմն
՚ի հնումն . Մահ ոչ իմացեալ՝ մահ
է, մահ իմացեալ՝ անմահութիւն է :
Ար զմահ ոչ գիտէ, երկնչի ՚ի մա-
հուանէ . իսկ որ գիտէ զմահ, ոչ
երկնչի ՚ի մահուանէ :

Եւ այս ամենայն շարիք մտա-
նեն ՚ի միտս մարդոյ յանուսումնու-
թենէ : Կոյր զրկի ՚ի ճառագայթից

արեգական, և տգիտութիւն զսկի
 'ի կատարեալ կենաց . լաւ է կոյր
 աչօք քան կոյր մաօք : Որպէս մեծ
 է հոգի քան զմարմին , այսպէս մեծ
 է տեսաւորութիւն մտաց քան զմար
 մնոց : Եթէ ոք կարի առաւելեալ
 իցէ աշխարհական մեծութեամբ ,
 և մաօքն աղքատագոյն , այնպիսին
 ողորմելի է քան դրազումս . որպէս
 և տեսանեմք իսկ , ոչ միայն 'ի չա
 մաւոր մարդիկ , այլ որ մեծն է քան
 զամենայն : Թագաւոր՝ որ ոչ ունի
 զինաստութիւն աթոռակից իւր ,
 ոչ կարէ 'ի վիճակին իւրում վայել
 լուչ գոլ : Իսկ եթէ առ երկրաւորս
 այսպէս , սրչափ եւս առաւել առ
 հոգեւորն : Բոլոր մարմնոյս հոգի
 է կենդանութիւն , իսկ մարմնոյ և
 հոգւոյ միտք են կառավար . և որ
 պէս առ մի մարդ՝ այսպէս առ բո
 լոր աշխարհս : Թագաւոր ոչ միայն
 զիւրն տայէ պարտիս , այլ և որոց
 եղև պատճառք 'ի կորուստ :

Բայց մեք թէպէտ և ոչ ունիմք
 հրաման բամբասել զիշխանն , և ոչ
 գովողք կարեմք լինել այնմիկ՝ որ

աստուածամարտ լինին: Այլ զանցս
 իրացն պատմեմ, որ 'ի նմանէ ընդ
 սուրբ եկեղեցիան անցանէր, և ոչ
 դանդաղիմ. ոչ բամբասասէր մտօք,
 այլ ճշմարտութեամբ պէլս իրացն
 ասելով ոչ լռեցից. ոչ 'ի կարծ ընդ-
 ստուցեալ, և ոչ 'ի լուր զարթու-
 ցեալ. այլ ես ինքնին 'ի տեղւոջն պա-
 տահեցի և տեսի, և լուայ զձայն
 բարբառոյ յանդգնաբար խօսելով.
 Իբրեւ զհողմն աստօիկ՝ զի բախիցէ
 զծով մեծ, այնպէս շարժէր և տա-
 տանէր զամենայն բազմութիւն զօ-
 րաց իւրոց: Եւ հանդէս առնէր ա-
 մենայն ուսմանց, և ընդածէր զա-
 մենայն մտգութիւնն և զքաւդէու-
 թիւնն և զամենայն ուսմունս աշ-
 խարհին իւրոյ: Արկանէր 'ի ներքս
 և զքրիստոնէութիւն կեզճաւորու-
 թեամբ, և ասէր զայրացեալ մտօք.
 Հարցէք, քննեցէք, տեսէք. թող
 որ լաւն է՝ ընտրեալ կալցուք: Եւ
 փութայր որ ինչ 'ի մօիւն էր, թէ
 վաղվաղակի կատարեսցէ:

Իսկ 'ի կողմանց կողմանց քրիս-
 տոնեայքն որ 'ի զօրուն էին, իմա

ցան զհուրն՝ որ 'ի ծածուկն վա-
ռեալ բորբոքէր, և կամէր հրդեհել
զլերինս և զգաշուս առ հասարակ :
Ջեռան և նորա անծախական հը-
րոյն, և սաստիապէս սրատրաստե-
ցան 'ի փորձութիւն գաղանի մեքե-
նայիցն : Սկսան այնուհետեւ բարձր
բարբառով, սաղմոսիւք և երգովք
հոգեւորօք և մեծապայծառ վար-
դապետութեամբ յայտ յանդիման
մեծի բանակին զպաշտօնն ցուցա-
նէին . և աներկեւղ առանց զանգի-
տելոյ՝ որք և երթայր առ նոսա՝ ու-
սուցանէին կամակար : Եւ Տէր յա-
ջողէր նոցանշանօք և արուեստիւք .
քանզի բազում հիւանդք ընդու-
նէին զբժշկութիւն 'ի հեթանոսա-
կան զօրուէն :

Իսկ անօրէն իշխանն իբրեւ գի-
տաց, եթէ յայտնեցաւ խորաման-
կութիւն խորհրդոցն, և սրատրաս-
տեալ հուրն՝ մինչ չեւ ուրուք 'ի նա
փչեալ, վառումն նորա յայանի ի-
մացաւ երկիւղածաց Աստուծոյ,
սկսաւ ծածուկ նետիւք խոցտուել
զմիտս իւրոյ չարութեանն . և ան-

բժշկական վերս յոգիս և 'ի մարմնս տեսանէր: Մերթ շանթէր գալարէր իբրեւ զօձ թիւնաւոր, մերթ պարզէր գոչէր իբրեւ զառեւծ զայլացեալ . գելոյր, գլորէր, տասալէր երկգիմի մտօք, զխորհուրդս կամացն կամէր կատարել: Քանզի ձեռն արկանել և ունել ոչ կարէր, վասն զի ոչ էին համագունդ 'ի միում վայրի առ նմա, սկսաւ այնուհետեւ յառաջ կոչել զկրտսերս յաւագաց և զանարդս 'ի պատուականաց և զազէտս 'ի գիտնոց և զանարիս 'ի քաջ արանց . և զն' մի մի թուիցեմ, այլ զամենայն զանարժանսն յառաջ մատուցանէր, և զամենայն զարժանաւորսն յետս տանէր. մինչեւ ըզհայր և զորդի քակէր 'ի միմեանց:

Թէպէտ և ընդ ամենայն ազգս առնէր զանկարգութիւնս զայս, առաւել ընդ Հայոց աշխարհին մարտընչէր . քանզի տեսանէր զնոսա ջերմագոյնս յաստուածաբաշտութեան . մանաւանդ որք էին յազգէ նախարարացն Հայոց, և անմեղութեամբ ունէին զուրբ քարոզու-

Թիւն Առաքելոցն և զմարդարէից :
 Պատրէր զմանս 'ի նոցանէ ոսկւով
 և արծաթով, և զբազումս այլով
 եւս առատ պարգեւօք . իսկ զմանս
 ագարակօք և մեծամեծ գեղօք, և
 զմանս պատուովք և իշխանու-
 թեամբք մեծամեծօք . և այլ եւս
 սնտաի յոյս ոգւոցն առաջի դնէր :
 Եւ այսպէս հրապուրէր և յորդո-
 րէր հանապազ . Եթէ միայն, ասէ,
 զօրէնս մոգութեան յանձին կալ-
 ջիք, և զձեր մոլորութիւնդ սրտի
 մտօք դարձուսջիք 'ի ճշմարտութիւն
 երեւելի մերոյ գից օրինացս, 'ի մե-
 ծութիւնս և յաւագութիւնս հա-
 սուցից հաւասար իմոյ սիրելի նա-
 խարարացս, առաւել եւս զանցու-
 ցից : Եւ այսպէս կեղծաւորու-
 թեամբ խոնարհեցուցանէր զինքն
 առ ամենեւեան, խօսելով ընդ նոսա
 'ի պատճառս սիրոյ . զի խորաման-
 կութեամբ որաւ մարթասցէ ըստ
 առաջին խորհրդեան խրատաուացն :
 Եւ զայս առնէր 'ի չորրորդ ամէն
 մինչեւ 'ի մետասան ամս իւրոյ տէ-
 րութեանն :

Եւ իբրեւ ետես, եթէ ոչ ինչ յարդեցաւ ծածուկ հնարագիտութիւնն, այլ ընդդէմք յուրմագոյն գործէին, քանզի տեսանէր զքրիստոնէութիւն՝ որ օր քան զօր յորդեալ տարածանէր ընդ ամենայն հողմանս հեռաւոր ճանապարհին ընդ որ ինքն անցանէր, սկսաւ հաշել և մտշել և հառաչելով յողոց հանել: Յայանեաց ակամայ զծածուկ խորհուրդսն, ետ հրաման բարձր բարբառով և ասէ. Ամենայն ազգ և լեզուք՝ որ ընդ իմով իշխանութեամբ՝ դադարեացեն յիւրաքանչիւր մուր օրինացն, և միայնոյ եկեացեն յերկրագութիւն արեգական, զոհս մատուցանելով և աստուած անուանելով, և սպասունելով կրակի. ՚ի վերայ սյսր ամենայնի և զմոգութեան եւս օրէնս կատարելով. զի մի՛ ինչ ամենեւին պակաս առնիցեն: Զայս ասելով քարոզ կարգայր ՚ի մեծի կարաւանին, և պատուէր սասախւ ՚ի վերայ դնէր ամենեցուն. և դեսպանս սախաւ արձակէր յամենայն ազգս հե-

ուաւորս , զի ոյն սրատուէր հրամա-
նի առ ամենեանն արկանէր :

Արդ 'ի սկզբանն երկոտասան ամի
Թագաւորութեանն իւրոյ գունդ
կազմէր անհամար բազմութեամբ ,
յարձակեալ հասանէր յերկիրն ի-
տաղական : Չայս տեսեալ Թագա-
ւորին Քուշանաց , ոչ հանդուրժէր
ելանել ընդ առաջ նորա սպատերազ-
մաւ . այլ խոյս տուեալ 'ի կողմանս
ամուր անասլափին , Թագստեամբ
ապրէր ամենայն զօրօքն իւրովք :
Իսկ սա ասպատակ արձակէր գա-
ւառաց , տեղեաց , վայրաց . առ-
նոյր զբազում բերդս և զքաղաքս ,
կուտէր զգերին , զառ և զապուռ
և զաւար , ածէր հասուցանէր յեր-
կիրն իւրոյ տերութեանն : Եւ անդ
այնուհետեւ յընդունայն եղեալ 'ի
նոյն խորհուրդս , հաստատէր 'ի կար-
ծիս մոլորութեան , ասելով ցալաշ-
տօնեայս ամբարշտութեանն . Չի՛նչ
հասուցուք մեք աստուածոցն փո-
խանակ այս մեծի յաղթութեանս ,
որ ոչ ոք կարէ ելանել ընդդէմ մեր
սպատերազմաւ :

Յայնմ ժամանակի միաբան մոգքն
 և քաւդեայքն բարձին զձայնս իւ-
 րեանց և ասէն . Աստուածքն՝ որ
 ետուն քեզ ակրութիւն և զյաղ-
 թութիւն 'ի վերայ թշնամեաց քոց ,
 ոչ ինչ են կարօտ խնդրել 'ի քէն
 յերեւելի պատուականացս , այլ
 զի բարձցես զամենայն ուսմունս
 մոլորութեան մարդկան , և 'ի մի
 դարձուցես օրէնս զրադաշտական
 պատուիրանին : Հաճոյ թուեցաւ
 բանն առաջի թագաւորին և ամե-
 նայն մեծամեծացն , և մանաւանդ
 որ էին առաջիկայք օրինացն : Խոր
 հուրդ 'ի մէջ առեալ , յաղթէր
 խրատն : Անդէն 'ի ներքոյ սահ
 գրանն արգելոյր զբազմութիւն այլ
 ուձիոյն Հայոց և Արաց և զԱ-
 զուանից , և զամենեցուն՝ որ էին
 հաւատացեալ սուրբ աւետարանին
 Քրիստոսի : Եւ հրաման սասաիւ 'ի
 վերայ դռնասպանացն առնէին , թէ
 որ յարեւելա առ մեզ գայցեն՝ թող
 ցեն . իսկ յարեւելից յարեւմուտս
 անանց լիցի ճանասպարհ :

Եւ իբրեւ արգել և փակեաց զնո ,

սա յամուր և յանել գառազիղն,
 որ 'ի յիրաւի ասացի ամուր և ան-
 էլ, քանզի չիք անդ տեղի փախըս-
 տի և թաքստի, վասն զի շուրջանա-
 կի թշնամիք են բնակեալ, յայնմ
 ժամանակի ձեռն արկանէր 'ի նո-
 սա, և մեծաւ չարչարանօք և պէս
 պէս տանջանօք վատթարէր զբա-
 զումս 'ի նոցանէ, և ստիպէր ուրա-
 նալ զճշմարիտն Աստուած և խոս-
 տովանել զերեւելի տարերսս : Իսկ
 զօրականքն առ հասարակ գեղեցիկ
 խորհրդով, քաջապէս զօրութեամբ
 միաբան աղաղակէին և ասէին .
 Ակայեն երկինք և երկիր, ոչ երբէք
 հեղգացեալ ենք յարքունի վա-
 տակս, և ոչ խառնեալ վատութիւն
 ընդ արութիւն քաջութեան, 'ի
 զուր անողորմ են հարուածքս ի վե-
 րայ մեր : Եւ բազմանայր գոչումս
 աղաղակի նոցա, մինչեւ ինքնին թա-
 գաւորն ականատես լինէր իրացն
 յանդիմանութեան, և անդէն վաղ-
 վաղակի երգմամբ հաստատէր և ա-
 սէր . Աչ թուղացուցից ձեզ, մինչեւ
 կատարես չիք զկամս հրամանաց խնց :

Եւ ահա իշխանութիւն առեալ շարաշար սարսաւորացն, զի զէորս զինուորսն 'ի բուն աւագացն մատուցեն 'ի փորձութիւն տանջանացն : Զառաջեալ դատեալ բազում հարուածովք, նովին կապանօք անցին 'ի տեղիս արգելանին : Իսկ սցլոցն խաբէութեամբ առ ժամանակն թողութիւն արարեալ, և զամենայն միասուն սրածառս արկանէր զկապելովքն . և զայս անէր սատանայական խրատուն :

Եւ յես երկոտասան աւուր հրաման տայր ընթրիս կազմել առատութեամբ և աւելի քան զաւուրց սովորութիւն . և կոչէր զբազումս 'ի զինուորական քրիստոնէից : Եւ 'ի ժամ գահուն սրատրաստութեամբ զւրաքանչիւր տեղիս շնորհէր նոցա զբազմականին : Եւ սիրով խոնարհութեամբ խօսէր ընդ նոսաբոս առաջնում կարգին . զի թերեւ հաւանեցին ուտել զմիս զահեալ, զոր ոչ էր երբէք օրէն ուտել քրիստոնէից : Իբրեւ ոչ կալան յանձին սմենեքին, ոչ ինչ կարի

ատիպեաց • այլ հրամայեաց՝ նոցա մատուցանել զսովորական կերակուրն , այլ առեալ գինեօքն յաւելոյր 'ի տաճարին զխրախուժիւն : Եւ անտի 'ի դուրս ելեալ 'ի սրահն արքունի , արդեւին զոմանս 'ի նոցանէ ձեռս յետս կապելով , և զխոն ջանունան կնքելով , և զգուշութեամբ սրահելով , էր որ զերկուս աւուրս , և էր որ զերիս : Եւ բազում և այլ եւս յանարժան հարուածս չարչարէին , զոր և ոչ ընդ գրով իսկ արժանի համարեցաք արկանել : Եւ զոմանս 'ի նոցանէ հեռացուցին , և քարշեցին յազնուական սրատուոյն անարգեալ :

Եւ գունդս գունդս դարձեալ գումարէին 'ի նոցանէ յերկիրն 'ի հեռաւոր , յամուրս անապատին 'ի մարտ սրատերազմի թշնամեացն արքայի • և բազմաց իսկեւ իսկ անդէն հասանէր վախճան մահու սրով : Եւ զամենեցուն զկարգեալ թոշակ սրն նուազեցուցանէին , և քաղցիւ և ծարաւով տառապեցուցանէին զնոսս • և ձմերոցի տեղիս՝ զգժնեաց

զվայրան հրամայէին նոցա . և ան-
արդս և վատթարս յաչս ամենե-
ցուն զնոսա ցուցանէին : Իսկ նոքա
առ սէրն Քրիստոսի յոյժ խնդու-
թեամբ ընդունէին զամենայն չար-
չարանան վասն անուանն Քրիստոսի
և մեծի յուսոյն , որ առաջի պատ-
րաստեալ կայ սրատուիրանապահ
համբերողացն : Արչափ չարութիւն
զանարդութիւն բազմացուցանէր ,
նոքա եւս քան զեւս զօրանային 'ի
սէրն Քրիստոսի . մանաւանդ զի բա-
զումք 'ի նոցանէ զգիրս սուրբս ու-
սեալք էին 'ի մանկութենէ , զան-
ձինս միսիթարէին և զընկերսն քա-
ջալերէին . և աշկարայ զպաշտօնն
ունէին և բազմացուցանէին : Ասան
որոյ և 'ի հեթանոսաց՝ որոց հեշտ
և ցանկալի ձայնքն թուէին , քաջա-
լերէին զնոսա , և ասէին բանս միսի-
թարութեան , իբր թէ լաւ իցէ մար-
դոյ մահու չափ ճգնել , քան յայդ-
պիսի օրինաց ուրանալ :

Բայց սակայն թէպէտ և նոքա
առ սէրն Քրիստոսի յոյժ զօրու-
թեամբ խնդային ըստ ներքին մար-

գոյն , արտաքին տեսիլն կարի ողորմ էր յօտարութեան : Այնպիսի պաւտուական զինուորութիւն հասեալ էր 'ի չարաշուք անարգութիւն , և հայրենի ազատութիւնն չարաչար կայր 'ի ծառայութեան մարդաստ, շոշ բռնաւորին , որ և ընդ հեթանոսաց օրէնս անցանէր արիւնահեղութեամբ . և ամենեւին չկարծէր , թէ գուցէ այսր ամենայնի վրէժխնդիր գոյ յերկինս : Նա և ոչ զերկրաւոր վատտակա ուրուք յիշէր . և որ մեծն քան զամենայն է ըստ մարմնաւոր կարգի , քանզի գոյին ոմանք 'ի նախարարացն Հայոց , որոց զեղբարս նորա սնուցեալ էր մայրենի կաթամբ իւրեանց , առաւել եւս քան զամենեսեան՝ զնոսա դատէր :

Եւ յայսր ամենայնի վերայ այլ եւս չարութիւն խորամանկեաց : Զմի ոմն 'ի հաւատարիմ ծառայից իւրոց 'ի գործ առաքէր յերկիրն Հայոց , որում անունն էր Գեննշա սուհ . որ եկեալ հասեալ հրամանաւ արքունի , զողջոյնս բերեալ զմեծ թագաւորին , և խաղաղասէր

կեղծաւորութեամբ աշխարհագիր
առնել ամենայն երկրին հայոց 'ի
Թողութիւն հարկաց և 'ի Թեթե-
ւութիւն այրեւծիոյ :

Թէպէտ 'ի վերին երես կեղծա-
ւորէր, այլ 'ի ներքոյ խորհուրդք
չարագոյն ցուցանէին : Առաջին,
զազատութիւն եկեղեցւոյն արկա-
նէր ընդ ծառայութեամբ, երկ-
րորդ, միայնակեացք քրիստոնեայք՝
որ բնակեալ էին 'ի վանորայս, ընդ
նովին աշխարհագրաւ արկանէր. եր-
րորդ, զհարկ աշխարհին առաւել
ծանրացոյց, չորրորդ, բանաարկու-
թեամբ զնախարարեանն արկ ընդ
միմեանս, և յամենայն տան արար
խռովութիւն : Եւ զայս ամենայն
առնէր, Թերեւս զմիաբանութիւնն
քակեացէ, և զուխան եկեղեցւոյն
ցրուեացէ, և զմիայնակեացսն փա-
խուացէ, և զչինականսն վատնեա-
ցէ, և առ յոյժ աղքատութեանն՝
ակամայ դիմեցեն յորէնս մոգուց :
Եւ եւս չարագոյն հինգերորդն .
քանզի որ հազարապետն էր աշ-
խարհին՝ իբրեւ զհայր վերակացու

համարեալ էր աշխարհականացն և քրիստոնէիցն . գրգռեաց յարոյց զամբաստանութիւն 'ի վերայ նորա , և հանեալ զնա 'ի գործոյն՝ փոխաւ նակ նորա պարսիկ ած յաշխարհն , և մեւս եւս մոգպետ դատաւոր աշխարհին , զի զեկեղեցւոյն փառան ազաւաղեացեն :

Բայց սակայն թէպէտ և ամենայն գործքս այս դժնեայ էին , շեւ էր ուրուք ձեռնարկեալ յայանի յեկեղեցին . վասն այնորիկ ոչ ոք ընդդիմացաւ նմա , թէպէտ և էր ծանրութիւն հարկացն : Քանզի ուստի արժանն էր առնուլ հարեւր դահեկանաւ չափ , կրկին առնուին . նոյնպէս և եպիսկոպոսաց և երիցանց դնէին , ոչ միայն շինաց , այլ և աւերակաց : Նա բնաւ ումիսկ կարէ սրատմել վասն ծանրութեան մըտից և սակից , բաժից և հասից լերանց և դաշտաց և մայրեաց : Ոչ ըստ արքունի արժանաւորութեանն առնուին , այլ հինաբար յափշտակելով , մինչեւ ինքեանք իսկ մեծապէս զարմանային , թէ ուստի այս

ամենայն դանձ երանէ, զիարդ շէն
կայցէ աշխարհն :

Եւ իբրեւ տեսին, թէ այսու ա-
մենայնիւ չկարացաք ձանձրացու-
ցանել, յայնժամ յայտնապէս հրա-
ման ետուն մոգաց և մոգպետաց
նամակ մի գրել ըստ ձախողակի դե-
նին իւրեանց : Եւ է պատճէն նա-
մակին այս :

Մ Ի Հ Ը Ն Ե Ր Ս Ե Հ վզոուկ հրա-
մանատար Երան և տաներան, հայ-
ոց մեծաց ողջոյն շատ :

Դուք գիտասջիք, ամենայն մարդ՝
որ բնակեալ է ՚ի ներքոյ երկնի, և
ոչ ունի զօրէնս դենի մագդէզն, նա
խուլ է և կոյր, և դիւաց հարա-
մանոյ խաբեալ : Քանզի մինչ չեւ
էին երկինք և երկիր, Չրուան մեծն
աստուած յաշտ առնէր զհազար ամ,
և ասէր. Թերեւս լիցի իմ որդի Որ
միզդ անուն, արացէ զերկին և զեր-
կիր : Եւ յղացաւ երկուս յորովայ-
նի. մի վասն յաշտ առնելոյ, և ըզ-
մեւան եւս թերեւան ասելով : Իբ-
րեւ գիտաց, եթէ երկու են յորո

վայնիս, Ար վաղ եկեացէ, ասէ, նմա
տաց զԹագաւորութիւնս : Իսկ որ
էր 'ի Թերահաւատութենէն յղա-
ցեալ, սրատառեաց զորովայնն և ել
'ի դուրս : Ասէ ցնա Ջրուանն . Ո՞վ
ես դու : Ասէ . Արդին քոյ եմ Ար-
միզդ : Ասէ ցնա Ջրուանն . Իմ որ-
դին լուսաւոր է և անուշահոտ, դու
խաւարային ես և չարասէր : Եւ իբ-
րեւ կարի դառնապէս ելաց, ետ ցնա
զԹագաւորութիւնն հազար ամ :

Իբրեւ ծնաւ զմեւս եւս որդի,
անուանեաց զնա Արմիզդ . եհան
զԹագաւորութիւնն յԱրհմսէ, և
եւս ց Արմիզդն . և ասէ ցնա . Յայժմ
ես քեզ յաշտ արարի, արդ դու ինձ
արա : Եւ Արմիզդ արար զերկինս և
զերկիր . իսկ Արհմս ընդդէմ չար
գործեաց : Եւ այսպէս բարժանին
արարածքս . հրեշտակք Արմիզդի են,
իսկ գեւքն Արհմսոյն . և ամենայն
բարեք՝ որ յերկնից և այսր լինին՝
Արմիզդի են, և ամենայն վնասք՝ որ
անտի և այսր գործին՝ զայն Արհմս
արար : Սոյնպէս յերկիրս որ ինչ բա-
րի է՝ զայն Արմիզդն արար, և որ ոչն

է բարի՝ զայն Արհմն արար . որպէս զմարդ Արմիզդ արար , և զախոս և զհիւանդութիւնս և զմահ՝ Արհմն արար : Եւ ամենայն թշուառութիւնք և պատահարք՝ որ լինին , և պատերազմունք գառնութեան՝ չարին մասին արարածք են : Իսկ յաջողութիւնք և տէրութիւնք և փառք և պատիւք և առողջութիւնք մարմնոց , գեղեցկութիւնք գիմաց և ճարտարութիւնք բանից և երկայնակեցութիւնք ամաց , այդ ՚ի բարւոյն առնուն զգոյացութիւն . և ամենայն որ ոչ այդպէս է , ՚ի նաչարին արարած խառնեալ է :

Եւ ամենայն մարդիկ մուրեակ են , որ ասեն՝ եթէ զմահ՝ Աստուած արար , և չար և բարի ՚ի նմանէ լինին . մանաւանդ որպէս քրիստոնեայք ասեն , թէ Աստուած նախանձոտ է . վասն թող միոյ ուտելոյ ՚ի ծառոյն Աստուած զմահ՝ արար , և զմարդն արկ ընդ այնու պատուհասի : Զայդպիսի նախանձ և ոչ մարդ առ մարդ ունի , թող թէ Աստուած առ մարդիկ . զի որ զայս

ասէ՛ նա խուլ է և կոյր և ՚ի գիւաց
 Հարամանոյ խաբեալ :

Դարձեալ մեւս եւս այլ մոլորու
 թիւն ասէն . Աստուած , ասէն , որ
 զերկինս և զերկիր արար , եկն և ՚ի
 կնոջէ ումեմնէ ծնաւ , որում ա-
 նուն էր Մարիամ , և առն նորա
 Յովսէփ : Եւ զհետ այսպիսի մար-
 դոյ մոլորեալ են բազումք : Եթէ
 աշխարհն Հռոմոց առ յոյժ յի-
 մարութեան տգիտաբար մոլորեալ
 են , և զրկեալ են ՚ի կատարեալ գե-
 նէս մերմէ , յանձանց սպարմայեն
 զփասն իւրեանց . դուք եւս ընդէր
 զհետ նոցա մոլորութեանն ցնորիք :
 Այլ զոր օրէնս տէրս ձեր ունի ,
 զնոյն և դուք կալարուք . մանաւանդ
 զի և առաջի Աստուծոյ վասն ձեր
 համարս ունիսք տալ :

Մի հաւատայք առաջնորդացն
 ձերոց , զոր նաճրացիադ անուանէք ,
 քանզի յոյժ են խաբեբայք . զոր
 բանիւք ուսուցանեն , գործովք ոչ
 կարեն յանձն առնուլ : Միս ուտել
 ոչ ասեն մեղք , և ինքեանք ուտել
 ոչ կամին . կին առնել արժան է ,

բայց ինքեանք և հայել 'ի նա ոչ կա-
մին . կարասի որ ժողովէ , ասեն ,
մեզք են յոյժ , բայց զաղքատու-
թիւն առաւել քան զյոյժ գովեն .
յարգեն զԹշուառութիւն , և պար-
սաւեն զյաջողուածս . ծաղր առ-
նեն զանուն բախաի , և զփառաւո-
րութիւն յոյժ այսրանեն . սիրեն
զանչքութիւն հանգերձից , և յար-
գեն զանարգս քան զսրատուականս .
գովեն զմահ , և պարսաւեն զկեանս .
անարգեն զճնունդս մարդոյ , և գո-
վեն զանորդութիւն : Եւ եթէ լսէ
ոք գոցա և 'ի կանայս ոչ մերձենան ,
աշխարհի վախճան վաղվաղակի հա-
սանէ :

Այլ ես ոչ կամեցայ զամենայն
լատմասանց ընդ գրով արկանել առ-
ձեզ . զի բազում այն ինչ է , զոր
խօսին գոքա : Ար չարագոյն եւս է
քան զոր գրեցաքդ , զԱստուած 'ի
խաչ ելեալ 'ի մարդկանէ քարողեն ,
և զնոյն մեռեալ և Թաղեալ , և ա-
պա յարուցեալ և վերացեալ յեր-
կինս : Ա՛չ ահա ձեզէն իսկ արժան
էր անգրէն դատաստան առնել վասն

այդպիսի անարժան ուսմանց: Դեւք
որ չարք են, ոչ ըմբռնին և տանջին
ի մարդկանէ, թող թէ Աստուած
արարիչ ամենայն արարածոց. զոր
ձեզ ամօթ է ասել, և մեզ կարի
անհաւատալի բանք:

Արդ երկու իրք կան առաջի ձեր.
կամ արարէք բան առ բան նամա-
կիդ սրատասխանի, և կամ արիք ՚ի
դուռն եկայք, և յանդիման ը-
րուք մեծի հրապարակին:

Անուանո՛ք եզիսի-դոսացն, որո՛ք պատա-
խանեցին նամակին:

ՅՈՎՍԷՓ եպիսկոպոս Այրա-
րատոյ, Սահակ եպիսկոպոս Տարօ-
նոյ, Մեղեա եպիսկոպոս Մանազ-
կերտոյ, Եղնակ եպիսկոպոս Բաղ-
րեւանդոյ, Սուրմակ եպիսկոպոս
բղնուռնեաց, Տաճատ եպիսկոպոս
Տայոց, Թաթիկ եպիսկոպոս Բա-
սենոյ, Քասու եպիսկոպոս Տարու-
բերանոյ, Երեմիա եպիսկոպոս Մալ-
դաստանի, Եւզաղ եպիսկոպոս
Մարդոյ աղւոյ, Անանիա եպիսկո-

պոս Սիւնեաց, Մուշեայ եպիսկոպոս արծրունեաց, Սահակ եպիսկոպոս ռըշաունեաց, Բասիլ եպիսկոպոս Մոկաց, Գաղ եպիսկոպոս Վանանդայ, Եղիշայ եպիսկոպոս ամատունեաց, Եղբայր եպիսկոպոս անձեւացւոց, Երեմիաս եպիսկոպոս ապահունեաց :

Այս ամենայն եպիսկոպոսք և բազում քորեպիսկոպոսք և սրտուական երիցունք 'ի տեղեաց տեղեաց հանդերձ սուրբ ուխտիւ եկեղեցւոյ միաբանք և միահաւանք, միահամուռ ժողովեալք 'ի Թագաւորանիստ քաղաքն յԱրտաշատ, հաւանութեամբ մեծամեծ նախարարացն և ամենայն բազմութեամբ աշխարհին արարին նամակին սրտասխանի :

ՅՈՎՍԻՓ եպիսկոպոս հանդերձ ամենայն միաբանելովքս 'ի մեծամեծաց մինչեւ ցփոքունս՝ Միհրնեւ սեհի մեծի հազարապետիդ Արեաց և անարեաց՝ բազում խաղաղասէր մտօք բազմասցի ողջոյն առ քեզ և

ամենայն մեծի սպահիդ Արեաց :

'Ի նախնեաց ունիմք սովորու
թիւն աստուածատուր սրատուիրա
նաւ՝ աղօթս առնել 'ի վերայ կե
նաց թաղաւորի , և անձանձրոյթ
ինդրել յԱստուծոյ վասն երկայն
ժամանակաց դորա , զի խաղաղու
թեամբ վարեսցէ զտիեզերական իշ
խանութիւնդ , զոր աւանդեալ է
դմա յԱստուծոյ . զի 'ի դորա յեր
կար խաղաղութեանն և մէք առող
ջութեամբ և աստուածսպաշտու
թեամբ կատարեսցուք զկեանս մեր :

Վասն նամակին , որ քո 'ի մեր
աշխարհս տուեալ էր , յառաջ ժա
մանակաւ մի ոմն 'ի մոգպետաց , որ
կատարելագոյն էր 'ի դենիդ ձերում ,
և դուք առաւել քան զընութիւն
մարդկան 'ի վեր համարելիք զնա ,
հաւատաց նա յԱստուած կենդա
նի յարարիչն երկնի և երկրի , և
քան առ քան ելոյծ և խնացոյց ձեզ
զօրէնս ձեր : Եւ իբրեւ ոչ կարա
ցին քանիւ զդէմ ունել նորա , քար
կոծեալ մեռաւ յԱրմզէ արքայէ :
Եւ եթէ հաւատարիմ համարիցիս

զմեր բանս լսել, 'ի բազում տեղիս
այդր աշխարհիդ ձերոյ գասնին
գիրք նորս . ընթերցելը, այսի տե-
ղեկանաս :

Այլ վասն օրինացս մերոյ, ոչ
ինչ աներեւոյթ են, և ոչ յանկեան
ուրեք աշխարհի քարոզի . այլ հա-
մատարած ընդ ամենայն երկիր, ընդ
ծով և ընդ ցամաք և ընդ կղզիս .
ոչ միայն ընդ արեւմուտս, այլ և
ընդ արեւելս, այլ և ընդ հիւսիս և
ընդ հարաւ և 'ի միջոցս լի է հո-
ծութեամբ : Աչ 'ի մարդ ապաստան,
եթէ վերակացուս տարածեցի
ընդ աշխարհս . այլ ինքն յինքենէ
ունի զհաստատութիւն : Աչ առ
այլովքն վատթարօքն վեհ երեւի,
այլ 'ի վերուստ յերկնուստ ունի
զանսուս օրէնսդ բութիւնն . ոչ միջ
նորդաւ, զի մի է Աստուած, և չեք
այլ ոք բայց 'ի նմանէ, ոչ երիցա-
գոյն և ոչ կրասերագոյն : Աչ սկիզբն
առեալ յումեքէ լինել Աստուած,
այլ ինքն ինքեամբ մշանջենաւոր .
ոչ 'ի տեղւոջ ուրեք, այլ ինքն ին-
քեան տեղի, ոչ 'ի ժամանակի իմեք :

այլ ժամանակք 'ի նմանէ գոյացան . ոչ միայն քան զերկինս երիցագոյն , այլ և քան զկարծիս մտաց մարդկան և հրեշտակաց : Ոչ ձեւանայ 'ի տեսիլ տարրեղէն , և ոչ անկանի ընդ տեսլեամբ ական , և ոչ միայն ձեռինն չղննի , այլ և ոչ ընդ միտս ուրուք հարկանի , ոչ միայն ընդ մարմնականացս , այլ և ոչ ընդ անմարմին հրեշտակացն . բայց եթէ ինքն կամի՝ իւրոց արժանաւորացն մտաց խմանի , այլ ոչ աչաց տեսանի . և մտաց՝ ոչ երկրաւորացս , այլ որ յԱստուած են հաւատացեալ ճշմարտիւ :

Եւ անուն նորա արարիչ երկնի և երկրի . իսկ յառաջ քան զերկին և զերկիր , որսէս ինքնագոյ՝ ինքնանունն է : Ինքն անժամանակ է , իսկ արարածոցս յորժամ կամեցաւ՝ սկիզբն արար լինելոյ , ոչ յընչէ , այլ յոչընչէ . զի ինչ՝ նա միայն է , և այլս ամենայն 'ի նմանէ ընչացաւ : Ոչ եթէ իբրեւ յետոյ խմացաւ և քրար , այլ մինչ չեւ արարեալ էր նորա՝ 'ի կանուխ գիտութեանն իւ-

բուսմ տեսանէր զարարածս . որպէս
 և այժմ մինչ չեւ է գործեալ մար
 դոյ բարի ինչ կամ չար , Աստու
 ծոյ յայտնի է անգործք մարդկան :
 Սոյնպէս և յայնժամ մինչ չեւ էր ,
 ոչ խառն 'ի խառն ինչ ճանաչէր
 զանեղան , այլ կարգեալ և յարմա
 րեալ կային առաջի նորա իւրաքան
 չիւր մասանցն տեսակքն . իսկ մարդ
 կան և հրեշտակաց՝ և տեսակքն և
 որ 'ի տեսակին լինելոց էին :

Եւ քանզի արարող զօրութիւն
 է , ոչ կարէր խափանել զնորա բա
 րերարութիւնն մեր չարութիւնս .
 որպէս և եղև իսկ , և ունիսք դա
 տաւոր զաջն արարչին : Չեոք , որ
 զերկինս և զերկիր հաստատեցին ,
 նոյն և տախտակս քարեղէնս փորա
 գրեցին և ետուն մեզ դպրութիւն՝
 որ ունի զօրէնս խաղաղականս և
 փրկականս . զի գիտասցուք զմի Աս
 տուած արարիչ երեւելեաց և անե
 րեւութից . ոչ այլ և այլ , իբր թէ
 ոմն բարի և ոմն չար , այլ մի և նոյն
 համակ բարի :

Բայց եթէ թուիցի քեզ չար ինչ

գող յարարածս Աստուծոյ, ասա
 համարձակ . զի թերեւս ուսցիս
 զճշմարիտն բարի : Զգեւս չար ա-
 սացեր . գոն և դեւք բարի, զոր և
 դուք և մէք հրեշտակս անուանեմք .
 եթէ կամին՝ և դեւք բարի լինին,
 և եթէ կամին՝ և հրեշտակք չար լի-
 նին : Այդ և ՚ի մարդիկ երեւին, և
 առաւել ՚ի միոյ հօր որդիս . է որ
 հնազանդ և հպատակ է հօրն, և է
 որ չարագոյն քան զսատանայ : Նա
 և ինքն իսկ մարդն առանձին յեր-
 կուս բաժանեալ տեսանի, երբեմն
 չար և երբեմն բարի . և որ բարին
 էր՝ նոյն և չարացաւ, դէս եղեւ՝
 զի դարձեալ անդրէն ՚ի բարին շքը-
 շեցաւ, և բնութիւն մի է :

Բայց այն՝ որ ասեան, եթէ վասն
 թողոյ միոյ մահ արար Աստուած,
 վատթարագոյն է սպտառ մի մա-
 դաղած քան զթուղ . ապա եթէ
 բան թագաւորին նկարի ՚ի նմա, ո
 սպտառ է զնա՝ մահու ընդունի զպա-
 տուհաս . իսկ արդ չար արժան է
 ասել թագաւորին . քաւ, ես ոչ
 ասեմ . սյլ խրատ ՚ի գործ արկեալ

զայլս ուսուցանեմ : Յայնժամ էր
Աստուած նախանձոտ, թէ չէր սրա
տուիրեալ չուտել 'ի ծառոյ անտի .
ասրա եթէ յառաջագոյն զգուշա-
ցաւ, զգուժ բնական սիրոյն իւրոյ
յայտնեաց 'ի նմա : Իսկ արհամար-
հելով մարդ՝ ընկալաւ զպատիժս
մահունն :

Բայց այն, զոր ասացեր, եթէ
Աստուած 'ի կնոջէ ծնաւ, յայդմ
չէր արժան քեզ խորշել և փախ-
չել . զի ահաւասիկ Արհմն և Որ-
միզդ 'ի հօրէ ծնան և ոչ 'ի մօրէ .
որում եթէ քաջ միտ դնես, և ոչ
դու յանձն առնուս : Եւ մեւս եւս
այլ ծաղրագոյն քան զայդ . Միհր
աստուած 'ի կնոջէ ծնաւ, եթէ ոք
ընդ իւրում ծնողին անկցի :

Այլ սակաւիկ մի եթէ 'ի բաց
թողացուցանելիք զփքումն տէրու-
թեանդ, և ընկերաբար գայիր 'ի
սրայքար, գիտեմ՝ զի իբրեւ այլովդ
ամենայնիւ յոյժ խմաստուն ես, և
վասն ծննդեան Տեառն մերոյ 'ի
սուրբ կուսէն՝ ոչ աւելաբանու-
թիւն համարէիր, այլ առաւել

քան զարարչութիւնն յոչընչէ զաշխարհս՝ մեծագոյն զվերջին փրկութիւնն իմանայիր, ազատութեան մարդոյն զյանցաւորութիւնն գնէիր, և բարերարութեանն Աստուծոյ՝ զազատութիւնն ՚ի ծառայութենէ :

Քանզի յորժամ լսես, եթէ յոչընչէ արար Աստուած զամենայն աշխարհս, բանիւ ծնունդ իմասջիր զարարածս : Իսկ քանզի Աստուած որ զայս մեծ մարմին առանց չարչարանաց ծնաւ, ապաքէն իբրեւ զհայր գութ ունի ընդ սմա : Չի որ ինքն անապական է, և զարարածս առանց սպականութեան ծնաւ. իսկ սա կամօք գլորեալ սպականեցաւ, և անձամբ եւս ոչ կարէր կանգնել կալ ՚ի վերայ ստից : Ասն զի էր ՚ի հողոյ, անձամբ անձին արարեալ, անդրէն ՚ի նոյն բնութիւն դարձաւ. և իբրեւ ոչ եթէ յօտար զօրութենէ չարի ինչ ընկալաւ ուրուք զպատիժս պատուհասին, այլ ՚ի յիւրմէ հեղգութենէն չսել բարերար պատուիրանին, խրատեցաւ ծա-

ուայական մասնն մահուամբն , զոր
կրեաց յանձն իւր :

Այդ եթէ զմահ չար աստուածն
արար , զինչ գոյացութիւն երեւի
մահու 'ի միջի . և ոչ ինչ : Բայց
զբարի Աստուծոյ զարարածն խան
գարեաց : Եթէ այդ այդպէս է ,
նմա և բարի իսկ ասել ոչ մարթի ,
այլ կիսագործ ապականացու : Եւ
որոյ աստուծոյ արարածքն ապա-
կանելիք են և եղծանելիք , նմա ան-
եղծ Աստուած չմարթի ասել : Տի
օն անդր թողէք զյիմարութեան
զբարբանջմունսդ : Միոյ աշխարհի
երկու դեհապետք ոչ լինին , և ոչ
միոյ արարածոց երկու աստուածք :
Եթէ Ժարհեսցին և լինիցին եր-
կու թագաւորք միոյ աշխարհի , աշ-
խարհն եղծանի և թագաւորու-
թիւնքն խանգարին :

Աշխարհսն իւթեղէն է , և նիւթ-
քըս որիչ որիչ են և ընդ միմեանց
հակառակ . մի է արարիչ հակառա-
կորդացս , որ ամէ զսոսա 'ի սիրելու
թիւն հաւանութեամբ . որպէս մա-
լեալ կակղէ զժերմութիւն՝ օգոյս հա-

ւանու թեամբ , և զտապառուս պըն
 դու թեան՝ հրոյն եռանդ մամբ . սոյն
 պէս և մանրամաղ փոշիացեալ հողս՝
 ջրոյն խոնաւու թեամբ զանգանի ,
 իսկ զ՛ի վայր ծորելի բնու թիւն ջրոյն՝
 սալայատակ տրամացեալ հողոյն
 կափմամբ :

Զի եթէ միաբանէին տարերքս ,
 գուցէ ոք ՚ի կարճամտաց և Աս-
 տուած անապահան զտտա կարծէր-
 և թողեալ զարարիչն՝ արարածոյս
 զերկրարագու թիւն մատուցանէր .
 վասն այնորիկ որ արար զսա , զգու-
 շացաւ յառաջագոյն . զի հայեցեալ
 մարդիկ ՚ի յանդիմանու թիւն սաբա-
 կանացու տարերացս , անապահան
 միայն զկառավար սորա խնացին ,
 զմի և ոչ զերկուս . զնոյն արարիչ
 չորեքկին նիւթոյս , յորմէ ամենայն
 քրս ծննդագործին հրամանաւ ա-
 ըրարողին իւրեանց : Եւ շրջագայու
 թեամբք չորեք յեղանակք կատա-
 րեալք՝ գործեն զտարեւոր սպասա-
 ւորու թիւնն . և չորեքեան հային
 կամաց ակնարկելոյ արարչին իւ-
 րեանց , և անդգայու թեամբ լծեալ

են 'ի գործ հարկաւորութեանն չափը շատակելով զկարգ պատուոյն 'ի միմեանց :

Եւ ահա սրարզաբար ասացեալ զիւրատար լուսաւորութիւն 'ի յազանջս ամենեցուն : Զի այն որ հուրն է, գոյացութեամբ և զօրութեամբ խառնեալ է յերկան եւս մասունս . իբրեւ գտանի ջերմութիւնն յոլովազոյն 'ի քարինս և յերկաթս, և սաւկաւագոյն 'ի յօդ և 'ի ջուր, և ինքն առանձին ուրեք ոչ երեւի : Իսկ ջրոյն բնութիւն գոյ առանձինն, գոյ և 'ի խառնուածսն երկցն եւս մասանցն . յոլովագոյն 'ի հողաբոյսս և սակաւագոյն 'ի յօդ և 'ի հուր : Իսկ օգն թափանցանց է ընդ հուրն և ընդ ջուրն, և 'ի ձեռն ջրոյն ընդ կերակուրս աճեցականս :

Եւ այսպէս խառնեալ են սաքերբս այս, և գոյացեալ իբրեւ զմի մարմին, և ոչ կորուսեալ զիւրաքանչիւր բնութիւնս, և ոչ երբէք ըզկայան առեալ հակառակութեամբ, հայելով 'ի մի իշխանն միխառնն, որ զխառնուածսն յարմարեալ կազմէ

առ 'ի բնակութիւն կենդանեաց ա-
մենեցուն, և տեւողութիւն յարա-
կայութեան բոլոր աշխարհիս :

Իսկ եթէ առ անբան աշխարհս
այսպէս հոգ տանի Աստուած, որ
չափ եւս առաւել առ բանաւոր աշ-
խարհս մարդս : Չոր և ձեր ոմն քաջ
յիմաստնոցն ասաց, եթէ Միհրն
աստուած մայրածին էր 'ի մարդկա-
նէ, և թագաւոր աստուածազաւակ
է, և համհարդ քաջ եւ թներորդաց
աստուածոց : Եւ եթէ հաւատալ
արժան է առասպելաբանութեանդ,
զոր դուք և գործովք իսկ կատա-
րեալ ցուցանէք 'ի դենիդ ձերում,
մեք ոչ եւս առասպելացն հաւա-
տամք . այլ աշակերտք եմք մեծին
Մովսիսի մարգարէին, ընդ որում
Աստուած խօսեցաւ 'ի մորենւոջն
'ի Սինէ, և դէմ յանդիման օրէնս
գրեաց և եա ցնա . և ծանոյց զնիւ-
թեղէն աշխարհն իբրեւ զարարածս,
և զիւր աննիւթ էութիւնն՝ արա-
բիչ նիւթոցս յոչընչէ . և զերկիրս
երկրաւորօքս և զերկինս երկնաւո-
րօք ծանոյց նմա, զի գործք ձեռաց

Նորա են : Բնակիչք երկնի՝ հրեշտակք, և բնակիչք երկրի՝ մարդիկ . քանաւոր՝ մարդ և հրեշտակ միայն, և Աստուած ՚ի վեր քան զերկինս և զերկիր :

Եւ ամենայն արարածք անբանութեամբ կատարեն զհրամանս սլաութիրանի նորա, ոչ երբէք անցանեն ըստ եղեալ սահմանն իւրեանց . բայց մարդ և հրեշտակ ազատ թողեալ ՚ի կամս անձին իւրոյ, քանզի մտաւորք են, եթէ կայցեն ՚ի հրամանի նորա, անմահք են և որդիք Աստուծոյ : Չբոլոր արարածս առեալ է ՚ի ծառայութիւն, զերկիրս մարդկան և զերկինս հրեշտակաց . ապա եթէ ստունգանիցեն և անցանիցեն ըստ հրամանաւ, զընդդէմսն գործեսցեն Աստուծոյ, յիւրաքան չիւր սլաութոցն զանարդանս ընկալցին . զի երեւեսցի տէրութիւնն անբամբաս, և յանցաւորքն ամօթալից յանցանացն :

Իսկ եթէ դու ՚ի սոգիտութեան վրիպեալ ես, ես որ հաստատունս գիտեմ՝ ոչ կարեմ դալ զինի քո մա-

լորու թեանդ : Եթէ աշակերտսխան
ուսումնու թեանդ , երկոքինս յան
դիւտ կորուսան մասնիսք , թերեւս
ես չարագոյն քան զքեզ . քանզի
վկայ ունիս ինձ զինքնասաց ձայն
Աստուծոյ . Ծառայ , ասէ , որ ոչ
գիտէ զկամս տեառն իւրոյ , և ար
ժանի գանի ինչ գործ գործէ , ըմ
պել ըմպէ գան , այլ սակաւագոյն .
Իսկ որ տեղեկագոյն է կամաց թա
գաւորին , և յանցանէ ինչ առաջի
նորա , առանց բարեխօսի բազմապա
տիկ տանջի :

Արդ աղաչեմ զքեզ և զամենե
սեան՝ որ ընդ քոյով իշխանու թեամք
են , մի՛ գու ընդ իս բազմապատիկ
տանջիր , և ոչ ես ընդ քեզ սակա
ւագոյն . այլ ես և գու և ամենայն
բազմութիւնդ հանդերձ արի թա
գաւորաւդ այնպէս աշակերտես
ցուք աստուածային գրոց , զի 'ի
տանջանացն ասլրեսցուք , և զդժոխս
արհամարհեսցուք , և յանչէջ հրոյն
ղերծանիցիսք , և զարքայութիւնն
ժառանգիցեմք , և անցաւոր կենօք
զանանց մեծութիւնն անվախճան

ունիցիմք : Բայց յորմէ դուդ զարհուրեալես՝ դիւրահաւան լեր, և վաղվաղակի աշակերտիս ճշմարտութեանն :

Ոմն 'ի հրեշտակաց յանմահիցն գնդէն ստամբակեալ և 'ի բաց գնաց յերկնից, 'ի մեր աշխարհս եկեալ՝ պատիր բանիւք և սուտ խոստմամբ զանլինե յոյսն առաջի գնէր, իբրեւ տղայ մանկան, անսիրձ և անկիրթ նորաթէք մարդոյն, 'ի վեր հայեցուցանելով զմիտս նորա, ուտելով 'ի սրտոյ ծառոյն, յոր հուան չհրամայեաց երթալ, զի լիցի աստուած : Իսկ նորա մտացեալ զպատուիրանն Աստուծոյ, խաբեցաւ զկնի մտար խաբէութեանն, կորոյս զոր ունէր զփառս անմահութեանն, և չեհաս երազայոյս կարծեացն : Ասան որոյ և մերժեալ 'ի կենաց տեղոյն, ընկեցաւ յասրականելի աշխարհս՝ յորում և դուքս էք բնակեալ այժմ, և ցնորեալ մտորիք զկնի նորին խրատութի . ոչ եւս ուտելով 'ի պատուիրեալ ծառոյն, այլ զարարածս աստուած ասելով, և ան-

խօս տարերցս երկիր սլազանելով,
և անորովայն դիւաց կերակուր մա
տուցանելով, և յարարչէն բոլորե
ցունց 'ի բաց լինելով:

Ոչ յագի չար խրատուուն . այլ
կամի՝ զի քան զինքն չարագոյնս ա
րացէ: Քանզի դեւքն ոչ եթէ բըռ
նաբար զոք վարեն 'ի կորուստ, այլ
զմեղս քաղցրացուցանեն 'ի կամս
մարդոյն, և ողորանօք որսան զան
ուամունս 'ի խաբէութիւն, որպէս
բազում մարդիկ զընկերս իւրեանց
'ի գողութիւն և յաւազակութիւն .
իբր ոչ եթէ բռնի ինչ վարելով, այլ
սլատիր խաբէութեամբ տան գոր
ծել բազում չարիս, զումանս 'ի կա
խարդութիւն և զումանս 'ի սոռնը
կութիւն և զումանս յանթիւ 'ի բա
զում յայլ իրս աղտեղութեան: Եւ
արդար դատաւորօք վրէժ առնուն
մահու չափ . իբր ոչ եթէ բարի աւ
տուծոյ դատաւորք իցեն բարեգործ,
և չարին չարագործ . զի բազում
անգամ է՝ զի 'ի բարի մարդկանէ
չարք լինին, և յետոյ 'ի չարագու
նից անտի կատարելագոյն բարիք:

Եւ դատաւորք ստոյգ, որք դա-
տին զչարագործս, ոչ եթէ չարք
անուանին և չարչարիչք, այլ յոյժ
բարիք և բարեգործք. և բնութիւն
մի է, և ոչ երկու. իսկ 'ի միոջէ ան-
տի գործք երկուութեան երեւին.
ումանց սատակիչք, և ումանց սար-
գեւատուք: Եւ եթէ առ մարդիկ
այս սրաշտի 'ի ձեռն թագաւորական
վիճակին խրատուն խնամ տանել
իւրում իշխանութեանն, որչափեւ
առաւել Աստուծոյ բոլոր աշխարհս,
որ ընդ ամենեցուն կեանս կամի, և
ոչ զմահ: Իսկ ուր բազմացաւ յան-
ցաւորութիւն, տանջեաց զամենե-
ւեան մահուամբ. իսկ ուր եղև
ունկնդրութիւն հնազանդութեան,
չնորհեաց սարգեւ անմահութեան:

Այն է ճշմարիտ Աստուած՝ բո-
լորեցունց մեր արարիչ, զոր դու
աներեսանակ արձակ բերանով ան-
ահ աներկեւղ համարձակ հայհոյ-
ես. թողեալ զՅիսուս Քրիստոս
զփրկական անունն, փանդուրակայ
որդի անուանես, և մարդ մոլորե-
ցուցիչ կարծես. և զերկնաւոր փրբ-

կութիւնն աղաւաղես և անարդես
 'ի կորուստ անձին և բոլոր աշխար-
 հիս : Չոր տալոց և հասուցանելոց
 էս զանանցական վրէժ տանջանացն
 յանչէջ հուրն սպառնացեալ գե-
 հենին, հանդերձ ամենայն գործակ-
 ցօք քոյովք, առաջնովք և միջնովք
 և վերջնովք : Այլ մեք այսպէս գի-
 տեմք զԱստուած, և 'ի սոյն հաւա-
 տամք 'ի յաներկբայս :

Եւ որ արար զաշխարհս, նոյն
 էկն և ծնաւ 'ի սուրբ կուսէն Մա-
 րիամայ, յառաջագոյն նկատելով
 մարդարէիցն, առանց իրիք սրա-
 ճառանաց մարմնաւոր կարգի : Առ-
 պէս յոչնչէ արար զայս մեծամար-
 մին աշխարհս, սոյնպէս առանց ի-
 րիք մարմնական միջնորդի առ զմար-
 մինն յանխորձ կուսէն ճշմարտիւ,
 և ոչ առատուերագիր երեւմամբ :
 Էր Աստուած ճշմարտիւ, և եղև
 մարդ ճշմարտիւ, ոչ 'ի լինելն մարդ'
 կորոյս զաստուածութիւնն, և ոչ
 'ի կալ մնալ Աստուած՝ աղաւաղեաց
 զմարդկութիւնն, այլ նոյն և մի :
 Այլ քանզի ոչ կարէաք տեսանել

զանտեսանելին և մերձենալ յան-
մերձենալին, եկն եմուտ ընդ մերով
մարդկու թեամբս, զի և մեք մտցուք
ընդ նորա աստուածու թեամբն : Ոչ
անարգանա ինչ համարեցաւ զգե-
նուլ զիւր ստեղծուած մարմինս,
այլ մեծարեաց իբրեւ աստուածաւ
ստեղծ զիւր գործ : Ոչ առ սակաւ
սակաւ շնորհեաց ինչ սմա զանմա-
հու թեան պատիւն, իբրեւ զանմար-
մին հրեշտակաց, այլ միանգամայն
զբոլոր բնութիւնն մարմնով շնչով
և հոգւով զգեցաւ, և միաբանեաց
ընդ աստուածու թեանն. միութիւն,
և ոչ երկուութիւն. և այսուհետեւ
մի գիտեմք զաստուածութիւնն. որ
յառաջ էր քան զաշխարհս, նոյն և
այսօր :

Այս Յիսուս Քրիստոս՝ որ յիւր
մարմինն փրկեաց զբոլոր աշխարհս,
սա եկն կամօք՝ ի մահ. և որպէս ինքն
աստուածութիւնն գիտէ, թանձ-
րացաւ յանարատ կուսէն, և ծնաւ
և պատեցաւ ՚ի խանձարուբս և ե-
ղաւ ՚ի մտուր, և շարժեաց ամ զմտ-
օրն յարեւելից յերկրապաղութիւն .

անաւ իբրեւ զտղայ կաթամբ, աճեաց
 և մեծացաւ ամս երեսուն, մկրտե-
 ցաւ 'ի Յովհաննէ 'ի յամլորդւոյն
 'ի Յորդանան գետ: Արար նշանս մե-
 ծամեծս և զարուեսաս 'ի մէջ Հրէ-
 իցն. մատնեցաւ 'ի քահանայից, դա-
 տապարտեցաւ 'ի Պիղատոսէ սրն-
 դացւոյ: Խաչեցաւ, մեռաւ, թա-
 դեցաւ, յարեաւ յաւուր երրոր-
 դի. երեւեցաւ երկոտասան աշակեր-
 տացն և այլոց բազմաց աւելի քան
 զհինգ հարիւրոցն: Եւ շրջելով ընդ
 նոսա զաւուրս քառասուն՝ վերա-
 ցաւ յերկինս 'ի լեռնէն ձիթենեաց
 յանդիման իւրոց աշակերտացն, եւ
 և նստաւ 'ի հայրենի աթոռն: Խոս-
 տացաւ երկրորդ անգամ՝ դալ ահա-
 ւոր զօրութեամբ յարուցանել զմե-
 ռեալս, նորոգել զքոչոր աշխարհս,
 առնել դատաստան արդար 'ի մէջ
 արդարոց և մեղաւորաց, տալ սխա-
 դեւս արժանաւորաց, և հաստեցաւ
 նել սխառիժս չարագործաց՝ որ այսմ
 ամենայնի բարերարութեանց ոչ հա-
 ւատան:

Յայսմ հաւատոց զմեզ ոչ ոք կա-

րէ խախտել, ոչ հրեշտակք և ոչ
 մարդիկ, ոչ սուր և ոչ հուր, ոչ
 ջուր, ոչ ամենայն զինչ և են դառն
 հարուածք: Ամենայն ինչք և ստա-
 ցուածք մեր 'ի ձեռս քո, և մար-
 մինք մեր առաջի քո կան. ըստ կա-
 մաց քոց արա զինչ և կամիս: Եթէ
 սովին հաւատովք թողուս, ոչ յերկ-
 րի այլ տէր փոխանակեմք ընդ քեզ,
 և ոչ յերկինս այլ Աստուած փո-
 խանակեմք ընդ Յիսուսի Քրիստո-
 սի, որ չեք այլ Աստուած բայց 'ի
 նմանէ: Ասա եթէ յետ այսր մեծի
 վկայութեան այլ ինչ հարցանես,
 աւասիկ կամք, զքոչոր մարմին տը-
 ւեալ 'ի ձեռս քո. վաղվադակի ա-
 րա զինչ և կամիս: 'Ի քէն տանջանք,
 և 'ի մէնջ յանձնառութիւնք. սուր
 քո, և սպարանոցք մեր: Չեմք ինչ
 լաւ մեք քան զառաջինսն, որ յայսր
 վկայութեան վերայ եղին զինչս
 և զստացուածս և զմարմինս իւ-
 րեանց:

Չի եթէ անմահք իսկ էաք, և
 մարթ էր մեզ մեռանել վասն սի-
 րոյն Քրիստոսի, արժան էր. քան-

զի և նա անմահ էր, և այնչափ սիրեաց զմեզ, մինչեւ մահ 'ի յանձն էառ, զի և մեք նորա մահուամբն յաւիտենական մահուանէն ապրեացուք: Եւ եթէ նա յիւր յանմահութիւնն ոչ իննայեաց, մեք զի կամօք եղաք մահկանացուք, կամօք մեռցուք վասն սիրոյ նորա, զի կամօք յանձն առցէ զմեզ յիւր յանմահութիւնն, մեռցուք իբրեւ ըզմահկանացուս, զի ընկալցի զմեր մահն իբրեւ զանմահից:

Այլ դու յայսր ամենայնի այլ զմեզ մի հարցաներ. զի ոչ եթէ ընդ մարդոյ է ուխտ հաւատոց մերոց, եթէ պատրիցխք իբրեւ զողոյսայլ անլուծութեամբ ընդ Աստուծոյ, որում չիք հնար քակտել և 'ի բաց ելանել, ոչ այժմ, և ոչ յապա, և ոչ յաւիտեանս, և ոչ յաւիտենից յաւիտեանս:

'Ի սմին մեծի հաւանութեան աւանայն բազմութիւնն միաբանեաց 'ի մեծամեծաց մինչ ցփոքունս. անսուա երզմամբ եղին վկայութիւն

կենօք և մահու 'ի նմին կալ հաս-
տատուն :

Եւ իբրեւ եհաս նամական յար-
քունիս , և ընթերցան 'ի մեծի խա-
նաստանի յանդիման ամենայն բազ-
մութեան կարաւանին , բազումք
այնոքիկ էին՝ որ իբրեւ լսէին՝ գո-
վէին զպատասխանիան : Թէպէտ և
երկնչէին յահէ տերութեանն , սա-
կայն 'ի ծածուկ առ միսեանս զնոյն
վկայութիւնս գովութեանց տային •
առաւել քան ընդ ճարտարաբանու-
թիւնն , ընդ համարձակութիւն ան-
երկիր զութեանն զարմանային : Եւ
բազումք ահաբեկեալք սկսան զրա-
հել սնոգապէս • և զնոյն շնջիւնս
լսէին յամենայն շրթանց :

Իսկ չարասէր մոգպետն հանդերձ
մեծ հազարապետուն շնչեաց չա-
րախօսութիւն , և բորբոքեաց զթա-
ղաւորն իբրեւ զհուր անշիջանելի :
Եւ սկսաւ կրճտել զատամունան իբ-
րեւ զօրհասական վիրաւոր • և յայտ
յանդիման ձայնարկեաց առ մեծ
հրապարակին , և ասէ • Գիտեմ ես
զչարութիւն բազմութեան մարդ-

կանս , որ Թերահաւատեն 'ի մերոց օրինացս , և զինի կախարդութեան մոլորեալ են անդարձութեամբ : Եւ իմ եղեալ է 'ի մաի , Թէ ոչ ումեք Թողացուցից 'ի մեծամեծ հարուածոցն , մինչեւ ակամայ 'ի բաց կայցեն յայնպիսի վրիպական օրինաց . եթէ ոք կարի 'ի մերձաւորաց իցէ , զնոյն անցս և ընդ նոսա անցուցից :

Յայնժամ ծերն դառնացեալ բա նրա 'ի ներքս ընկէց , և ասէ ջԹագաւորն . Առի՛նչ է քոյ այդ մեծ արբա մութիւնդ . զի եթէ կայսր չելաննէ ըստ քո հրաման , և հոնք կան քեզ 'ի ծառայութեան , ո՞ր մարդ է յերկրի՝ եթէ կարող է ընդդէմ դառնալ քում հրամանիդ : Տիրաբար հրաման տուր 'ի ներքս , և ամենայն որ զինչ և ասես՝ վաղվաղակի կատարի :

Եւ անդէն Թագաւորն 'ի ներքս կոչեալ զդպրապետն , հրամայէր գրել հրովարտակ . և ոչ եւս ըստ սովորութեանն , այլ բանս զայրագինս իբր առ ատելիս և անսխտանս , չիչելով ամենեւին զմեծամեծ վաս-

տակա տիրասէր մարդկանն • այլ մի այն կոչոյ հրաման տուեալ յականէ յանուանէ զարս՝ զոր ինքն ճանաչէր • որոց անուանքն են այս : 'Ի տոհմէն Սիւնեաց Աստակ անուն , 'ի տոհմէն արծրունեաց՝ Ներշապուհ անուն , 'ի տոհմէն ռըշտունեաց Արտակ անուն , 'ի տոհմէն խորխոռունեաց Գաղէշոյ անուն , 'ի տոհմէն մամիկոնեանից Արդան անուն , 'ի տոհմէն Մոկաց Արտակ անուն , 'ի տոհմէն ապահունեաց Մանէճ անուն , 'ի տոհմէն ամատունեաց Աւհան անուն , 'ի տոհմէն վահեւունեաց Գիտ անուն , 'ի տոհմէն անձեւացւոց Շմաւոն անուն : Զայս նախարարքս յականէ յանուանէ կոչեցին 'ի դուռն արքունի • և կէսքն առ նմա խակ էին 'ի կարաւանին , և այլքն 'ի կողմանց հիւսիսոյ 'ի Հոնաց սրահակին • Թողեալ էր զոմանս 'ի նախարարացն անդէն յաշխարհին Հայոց :

Արդ Թէպէտ և ոչ համագունդ 'ի միջ վարի գիպեցան ամենեքեան , սակայն յառաջագոյն գիտացեալ

զևորհուրդան չարաբարոյ բռնաւորին, և զհեռաւորան եւս իբրեւ ըզմերձաւորան 'ի միջ վայրի առ միմեանս համարէին: Եւ 'ի ձեռն Յովսեփու եպիսկոպոսի նովին ուխտիս հաստատեալ յաղացին գնացին յերաքանչիւր տեղեաց 'ի դուռն արքունի: Եւ յոյժ փութային վասն եղբարց և որդեաց և սիրելի դայեկանունդ բնակացն, որ չարաչար կային 'ի մեծի նեղութեանն: Վասն որոյ և նոքա զանձինս 'ի մահ մտոնեցին, ոչ ինչ զանգիտելով իբրեւ զանարի վատասիրտս. այլ յոյժ քաջութեամբ պնդէին զանձինս, զի թերեւս կարասցեն փրկել զնոսա 'ի մեծամեծ հարուածոցն:

Եւ իբրեւ հասին 'ի դուռն արքունի, և 'ի մեծի շարաթու զտակին յանդիման լինէին մեծի թողաւորին: Բայց թէպէտ և տեսանէին զեղբարս իւրեանց 'ի մեծամեծ վիշտատառապանաց, որ վասն անուանն Քրիստոսի ճգնեալք էին պնդապէս, ոչ ինչ տրտում և տխուր վերեսս ցուցանէին հրապարակին: Եւ

որչափ նորքա զուարթագին երեւէին
ամենեցուն, առաւել զարմանային
չարասէրքն :

Եւ զի օրէնք էին յառաջ ժամա
նակաւ, յորժամ 'ի Հայոց այրու
ձի 'ի դուռն երթայր 'ի ձեռն պա
տուաւորի զօրագլխի ուրուք, այր
ընդ յառաջ յղէր, և հարցանէր զող
ջոյն և զխաղաղութիւն Հայոց աշ
խարհին. և երկիցս և երկցս անգամ
զնոյն առնէր, և զհանգէս գնդին
ինքնին տեսանէր : Եւ յառաջ քան
'ի գործ պատերազմին հասանել,
զգալն իսկ առ նա՝ մեծ շնորհակա
լութիւն համարէր. և առաջի աթո
ռակցացն իւրոց և ամենայն մեծա
մեծացն՝ ամենեցուն գովութիւն մա
տուցանէր. և յիշէր զնախնեացն
զվատտակս, և զառն առն քաջու
թիւն պատմէր նոցա :

Իսկ այն օր և ոչ մի ինչ յայցաւ
նէ ամենեւին ինչ ոչ յիշեաց. այլ
իրբեւ զչարագեւ մի՝ ոչ եւս դադա
րէր յուզել և շարժել զբուք ձմե
րայնուոյ. որպէս և նմանեալ իսկ էր
ծովածուփ ալէկոծ խռովութեան .

և ոչ դուզնաբեայ վեր'ի վերոյ, այլ անդատին յանդնդոց բարձրանալ փրփրել կուտակել՝ վիշապաձայն ուրտալով, գազանաբար գոչելով առ հասարակ գողացուցանէր զտիեզերական իշխանութիւնն, որպէս փրկեալ տարածանիցի համատարած ամենայն 'ի վերայ լերանց, խորոց, ձորոց, ապականել միանգամայն զլայնութիւն գաշտացն վայելչութեան:

Մոնչելով բարբառ արձակեալ, և ասէ. Երդուեալ իցէ իմ յարեգակն, 'ի մեծ աստուածն, որ ճառագայթիւքն իւրովք լուսաւորէ զամենայն տիեզերս, և ջերմութեամբն կենդանածնէ զամենայն գոյացեալն. եթէ ոչ վաղիւ ընդ առաւօտն, ընդ երեւումն սքանչելոյն, ընդ իս զիւրաքանչիւր ծունր նմա ոչ կրկնեսլիք՝ խոստովանելով զնա աստուած, ոչ ինչ թողացուցից ձեզ՝ զամենայն նեղութիւնս չարչարանացն 'ի վերայ ածելով, մինչեւ ակամայ կատարեսլիք զկամս հրամանաց իմոց:

Իսկ հաւատացեալքն հաստա-

տեալք 'ի Քրիստոս , ոչ 'ի սառնաւ
մանեաց ձմերայնւոյն հովանային , և
ոչ 'ի սապոյ խորշակին ջեռնութին ,
և ոչ յահագին ձայնէն սարսէին ,
և ոչ 'ի սպառնալեաց տանջանացն
զանգիտէին . այլ 'ի վեր հայեցեալք՝
զղօրութիւնն Քրիստոսի յօգնակաւ
նութիւն եկեալ տեսանէին . և զը-
ւարթագին դիմօք և համեստ բա-
նիւք յառաջ մատուցեալ՝ տային պա-
տասխանի թագաւորին .

Խնդրեմք 'ի քէն , արքայ քաջ ,
ունկն դիր սակաւ բանից մերոց , և
քաղցրութեամբ լուր զոր ասելոցս
եմք : Քանզի յիշեցուցանեմք քեզ
զժամանակն Շապհոյ արքայից ար-
քայի , որ էր հայր հաւուն քո Յազ
կերտի . և ետ նմա Աստուած զեր-
կիրն Հայոց 'ի ժառանգութիւն սո-
վին օրինօք , որով և մեք իսկ վարիմք
այժմ , և հարքն մեր և հաւքն հարցն
մերոց կացին նմա 'ի ծառայութեան
վաստակս . և սիրով կատարէին զա-
մենայն հրաման բանի նորա , և բա-
զում անգամ 'ի նմանէ մեծապար-
գեւք լինէին : Եւ յայնց ժամանա-

կայց մինչև է ՚ի քո հայրենի աթոռդ՝
 և մեք զնոյն ծառայութիւն ծա-
 ռայեցաք . բայց թերեւս քեզ լաւա-
 դոյն քան զառաջնոցն :

Զայս ասելով ցուցանէին զքա-
 ջութիւն արութեանցն լաւագոյն
 քան զառաջնոցն ըստ զինուորու-
 թեան կարգի : Իսկ զմտից և զա-
 կից , և որ սյլ եւս էին հարկ աշ-
 խարհին, բազմագոյն քան առ հարբն
 նորա երթայր յարքունիս , նա և ՚ի
 սուրբ եկեղեցոյն , որ էր ազատ ՚ի
 Քրիստոս ըստ կարգի նախնեացն
 մերոց իսկզբանէ , և դու ընդ հար-
 կաւ եդիր . և մեք առ սէր քոյոյ
 տէրութեանդ ոչ ինչ ընդդիմացաք
 քեզ : Արդ վասն է՞ր յուզեալ իցէ
 ցատուինս այս ՚ի վերայ մեր . ասա
 դու մեզ զպատճառս մնասուն . ե-
 թէ օրէ՞նքն մեր պատճառք իցեն
 անվաստակ լինելոյ առաջի քոյ :

Իսկ չարագեւն լի ամենայն նեն-
 դութեամբ՝ զերեսս ՚ի մի կոյս դար-
 ձուցեալ , և ասէ . Ա՛նաս համարիմ
 ընդունել ՚ի գանձ արքունի զհարկս
 աշխարհին ձերոյ , և անօգուտ զքա-

Զուժիւն արուժեան ձերոյ . քան զի ազխաբար մոլորեալ էք ՚ի ճշմարիտ օրինացս մերոց , և զաստուածս անարգէք և զկրակ սպանանէք և զջուրս սղծէք , և զմեռեալս ՚ի հող թաղելով զերկիր սպականէք , և քրտիկար չառնելով ոյժ աայք Հարամանոյ . և որ մեծ քան զամենայն , զի հանապաղ ՚ի կանայս ոչ մերձենայք . և մեծապէս լինի դիւաց խրն գուժիւն , չխրատելով ձեր և չարահելով զամենայն կարգս մոգաց : Տեսանեմ զձեզ իբրեւ զխաշինս ցրտուեալս և զվայրատեալս յանապատի . և յոյժ զեղջ է մտաց իմոց , թէ գուցէ աստուածքն բարկացեալ վասն ձեր ՚ի մէնջ վրէժ առնուցուն : Այլ դուք եթէ կամիք կեալ և կեցուցանել զանձինս ձեր և մեծարանօք անդրէն յուղարկիլ , զոր ասացի՝ վաղիւ վաղվաղակի կատարեցէք :

Յայնժամ երանելի նախարարքն առ հասարակ զձայնս իւրեանց բարձին և ասեն յանդիման ամենեցուն . Մի դու , արքայ , և մի զայդ այլ առ մեզ ասեր . քանզի ոչ է եկեղե-

ցի շինուած մարդոյ, և ոչ առւրք արեգական, որպէս գուգ այլ ընդ այլոյ կարծես՝ թէ աստուած իցէ, ոչ միայն զի աստուած չէ, այլ և կենդանի չէ: Այլ եկեղեցիք ոչ են պարգեւք թագաւորաց, և ոչ արուեստ ճարտարութեանց, և ոչ գիտք խնասանոց, և ոչ աւար քաջութեան զինուորաց, և ոչ պատիր խաբէութիւնք գիւաց. նա և բնաւ իսկ ամենեւին զինչ և ասասցես յերկրաւորացն, կամ՝ ի վեհից կամ՝ ի վատթարաց, բնաւ ուրեք եկեղեցի՝ ի նոցանէ ոչ գտցի: Այլ շնորհք են մեծին Աստուծոյ, ոչ միում ումէք ի մարդկանէ տուեալ, այլ ամենայն բանաւոր ազգաց, որք վեճակեալք են ի բնակութիւն ի ներքոյ արեգականս: Հիմունք նորա եղեալ են ի վերայ հաստատուն վեմի. ոչ ներքինք շարժել կարեն, և ոչ վերինք դրդուեցուցանել: Եւ զոր երկինք և երկիր ոչ դողացուցանէ, մի ոք ի մարդկանէ խրոխտասցի յաղթել նմա: Հայպա, որով օրինակաւ զինչ կամիս առնել, կա-

տարեա. սրատորաստ եմք ամենեքեան
 առ ամենայն մեքենայս հարուա-
 ծոցն տանջանաց, զոր սպառնացար-
 ոչ միայն 'ի չարչարել, այլ և 'ի մե-
 ռանել: Եւ եթէ դարձեալ եւս զնոյն
 քանս հարցանեսս, 'ի միովէ միովէ
 լուիցես առաւել քան զգոյն սպ-
 տասխանի:

Յայնժամ դառնացեալ քան զդէ-
 ղի թագաւորն, փլուզանէր անդէն
 'ի փորին զծով կամաւոր մաղձուն
 իւրոյ. և ընդ քիթան և ընդ բերանն
 առ հասարակ գոլոջի ջերմախառն
 ելանէր, իբրեւ 'ի սաստիկ հնոցէ
 ծուխ թանձրացեալ: Եւ առ չհան
 դարտել սրտին իւրոյ՝ կտորէր զզ-
 րու թիւն մարմնոյն, և ծակոտէր
 զբազմամթեր աման խորհրդոցն,
 ցրուէր և վասնէր զամենայն խոր-
 հումն նենգութեան: Եւ զոր ոչ եր-
 քէք կամէր իւրոց սիրելեացն յայտ
 նել, ահամայ առաջի ծառայիցն
 Քրիստոսի մերկանայր և դնէր զա-
 մենայն կարգաւ:

Երեքինէր և չորեքինէր զանսուտ
 երդումն յարեգակն, և ասէր այս-

պէս . Ոչ կարէք աւերել զանխաբ
ամուրս իմ . և ոչ որում ցանկա-
ցեալդ էք՝ վաղվաղակի տամ գտա-
նել ձեզ . այլ զամենեւեան զձեզ և
որ ՚ի գնդիս են՝ չարաչար կապանօք
՚ի սագատտան տամ անցուցանել
ընդ անձանապարհ տեղիս , որ և
բազումք ՚ի ձէնջ ՚ի խորշակէ յեր-
թալն սատակիցին : և մնացեալքն
անկցին ՚ի բերդս ամուրս և ՚ի բան-
դրս անելս : Եւ ՚ի ձեր աշխարհն
առաքեցից զօրս անթիւս հանդերձ
փղօք , և զկին և զորդիս ՚ի խու-
ժաստան տամ խաղացուցանել . և
զեկեղեցիս , և զոր անուանէք վկայ-
արանս՝ քահեցից , քանդեցից և յա-
պահանու թիւն դարձուցից . և եթէ
ոք ընդդէմ դարձեալ գտցի , կոխան
եղեալ դազանաց՝ անողորմ մեռա-
նիցի : Եւ զամենայն սասցեալս արա-
րից և կատարեցից առ մնացորդս
աշխարհին :

Եւ վաղվաղակի հրամայէր զարա-
տուական նախարարան հանել մե-
ծաւ անարգանօք յերեսաց իւրոց ,
և զգուշութեամբ հրաման տուեալ

դասճապեաին՝ առանց կապանաց
 յիւրաքանչիւր վանս պահել, և ինքն
 զառածեալ անդրէն դառնայր ան-
 մխիթար արամու թեամբ զօթեւանս
 ագանէր: Իսկ հաւատացեալքն ճրշ
 մարտութեամբ 'ի Քրիստոս՝ ոչ ինչ
 երկմտութեամբ թերահաւատէին
 յառաջին խրատուէն 'ի սուրբ վարդ
 դապետացն իւրեանց, այլ սակա-
 ւին խնդրէին հնարս իրացն, թէ
 որպէս զանձինս և զսիրելիս հանցեն
 'ի մեծ նեղութենէն: Եւ բազում
 անգամ ջանալով, և մեծամեծացն՝
 որ օգնականք էին նոցա 'ի դրանն
 արքունի՝ խոստմունս մեծամեծս ա-
 ռաջի դնէին նոցա առ 'ի յոյս կա-
 րասւոյ, և ոչ սակաւ զանձս առ
 ժամայն ծախէին նոցա:

Եւ իբրեւ յամենայն կողմանց եկն
 փակեցաւ անել արգելան նոցա,
 յայնժամ զխորհուրդն Աբրահա-
 մու 'ի մէջ առեալ՝ աղաղակէին և
 ասէին 'ի սիրոս իւրեանց. Ամենե-
 ցուն մեր նուիրեալ և եղեալ զեղ-
 բարս և զորդիս և զամենայն սիրե-
 լիս ընդ կապանօք իբրեւ զԱհակ

'ի վերայ սուրբ սեղանոյն, ընկալ
Տէր զկամաւոր պատարագս մեր, և
մի' տար զեկեղեցի քո յայսին կատա-
կանաց անօրէն իշխանիս այսօրիկ:

Մի ոմն 'ի ներքին խորհրդակ-
ցացն արքայի'ի ծածուկ ունէր զան-
քակ սէրն 'ի Քրիստոս, քանզի մկրդ
տեալ իսկ էր յաւազանն կենդանի .
և մեծապէս հոգ տանէր ինամից
կենաց վշտացելոցն: Եւ իբրեւ ստու-
գեաց ճշգրտիւ, եթէ զոր բազում
սպառնացաւ թագաւորն՝ զամենայն
չարիան կամի անցուցանել ընդ աշ-
խարհն Հայոց, թէպէտ և ոչ ամե-
նեցուն՝ այլ սակաւուց 'ի նոցանէ
ուսոյց զխրատ հնարից . զի առ ան-
գամ մի 'ի նեղութենէ անտի զան-
ձինս ապրեցուցեն:

Եւ մինչ դեռ գունդ կազմէին,
որ զնոսա շիթակ արասցեն յան-
դարձ օտարութիւն, որպէս զբա-
զում նախարարան 'ի Արաց աշ-
խարհէն արարին, 'ի նմին ժամա-
նակի գուժկան հասանէր 'ի կող-
մանցն Քուչանաց, եթէ գունդ հա-
տաւ 'ի թշնամեացն, որ ելին աւե-

րեցին զգաւաւս բազումս արքունի :
 Եւ այս լինէր մեծ օգնականութիւն
 նոցա յերկնից : Եւ անօրէնն ճե-
 պեալ տազնապէր զայրուձին յա-
 ռաջ արձակեալ, և ինքն փութով
 ստէպ զհետ երթայր . և 'ի խոր խո-
 ցեալ զխորհուրդսն՝ ցրուէր զառա-
 ջին հաստատուն երգումս :

Իսկ երկիւղածացն Տեառն զայս
 տեսեալ, մեծաւ յուսով աղօթե-
 լով ասէին միարբան . Դու Տէր ամե-
 նայնի, որ գիտես զծածկեալս սրբ-
 աից մարդկան, և յայտնի են առա-
 ջի քո ամենայն աներեւոյթք խոր-
 հրրոց, և ոչ ինչ խնդրես վկայու-
 թիւն յերեւելեաց, որպէս զի և
 զանգործս մեր տեսին աչք քո . արդ-
 առաջի քո հեղուիք զխնդրուածս
 մեր : Ընկալ, Տէր, զծածկութիւն
 աղօթից մերոց, և կատարես զմեզ
 'ի հաճոյս պատուիրանաց քոց . զի
 ամաչեացէ չարն, որ խրոխտացեալ
 մարանչի ընդ մեզ իշխանութեամբ
 անօրինին : Շարժեա, Տէր, զկա-
 մակոր խորհուրդսն նենգաւորին,
 և խափանեցո զկամս ամբարշտու-

Թեան նորա , և դարձո զմեզ խաղաղութեամբ խորհրդոցն անգրէն 'ի սուրբ եկեղեցին . զի մի՛ յանկարծակի յափշտակեալ աւերեսցի չարաչար 'ի Թշնամեաց :

Եւ անձամբք իւրեանց զայս ուխտ եղեալ անքակութեամբ ընդ Աստուծոյ , զի հաստատուն կայցեն ըստ առաջին խորհրդոցն, պատգամ 'ի ներքս յղէին զնոյն խրատաւուն իւրեանց , իբր Թէ կատարեսցին կամք անօրէնութեան նորա :

Զայն իբրեւ լուաւ Թադաւորն , յոյժ ցնծացեալ բերկրեցաւ , կարծեցեալ զդիւն հասանել նմա յօգնականութիւն , շրջեալ և աւերեալ զհաստատուն խորհուրդս ծառայիցն Աստուծոյ , և ահա մատուցանեն երկրպագութիւն արեգական , պատուեալ զնա զոհիւք և ամենայն օրինօք մոգութեանն : Եւ զայն ոչ կարաց խմանալ ցնորեալն , և Թէ անատուեր լոյսն արեգականն արդարութեան՝ սպառէր և մաշէր զխաւարային խորհուրդս նորա , և եղծեալ առականէին զամենայն խե-

դաժեւը կամս նորա : Եւ կուրա-
 ցեալ 'ի Ճշմարիտ յայտնութենէն՝
 ոչ ինչ խնացաւ զպատրանս խա-
 բէութեանն, որով վրիպեացն : Հե-
 ղոյր արկանէր առաջի նոցա զպար-
 գեւս երկրաւորս, և վերստին ամե-
 նեցուն զպատիւս և զգահս նորո-
 գէր, յառաջ մատուցանելով և ե-
 րեւելի առնելով ընդ ամենայն տիե-
 ղերական իշխանութիւնն : Եւ ան-
 բաւ առատութեամբ ագարակս և
 աւանս միում միում նոցա յարբու-
 նուստ շնորհէր, սիրելիս և բարե-
 կամս կարգայր զնոսա, և առ հպարտ
 յանդգնութեան մտացն կամակո-
 րութեան՝ կարծէր եթէ փոխանա-
 կիցի Ճշմարտութիւնն ընդ ստու-
 թեանն :

Եւ զայս արարեալ, բազում այր
 ուձի գումարէր ընդ նոսա, և 'ի
 մոգացն ոչ սակաւս, աւելի քան
 զեւթն հարիւր վարդապետս յղէր
 ընդ նոսա, և զմեծ ոմն իշխան մոգ-
 պետ կացուցանէր 'ի վերայ նոցա :
 Խոնարհէր և աղաչէր պատուիրե-
 լով, թէ մինչ ես 'ի պատերազմէս

դարձեալ գայցեմ խաղաղութեամբ,
 ձեր արարեալ և կատարեալ իցէ զա-
 մենայն ըստ կամաց խնոց : Եւ այս-
 պէս շքով և պատուով առաջնոր
 դէր նոցա զերկարութիւն ճանա-
 պարհին անդրէն յերկիրն Հայոց :
 Եւ ինքն աւետիա խնդալիս առա-
 քէր յատրուշանս բազումս, գրէր
 և ցուցանէր մոգաց և մոգպետաց և
 ամենայն մեծամեծաց կողմանց կող-
 մանց աշխարհաց՝ որպէս գիցնօգնա-
 կանութեամբ զգործ քաջութեան
 խնոյ յառաջ մատուցեալ :

Իսկ խոհերականքն այնուհետեւ
 յարուցեալ յիւրաքանչիւր խաւա-
 րային դարանաց՝ իղձք լինէին վաղ
 վաղակի զհրամանն կատարել . ձայն
 արարեալ յաշխարհս հեռաւորս՝
 միանգամայն խաղալ գնալ յերկիրն
 արեւմտից : Եւ մինչ շեւ հասեալ
 էին յերկիրն Հայոց, փայտ ընկե-
 նուին և վիճակս արկանէին, թէ
 որ լեզու որում դասու հասցէ յա-
 շակերտութիւն : Զի առ հասարակ
 հրաման առեալ էր յարքունուստ,
 որպէս աշխարհին Հայոց՝ նոյնպէս

և Վրաց և Աղուանից և Լիւնաց ,
 Աղձնեաց և Կորդուաց և Ծոզէից
 և Դասան և որ այլ եւս ուրեք ու-
 րեք 'ի ծածուկ յիշխանութեանն
 Պարսից ունէին զքրիստոնէութիւն :
 Եւ յանդգայ յարձակմամբ յաւարի
 առնուլ փութային զգանձս սուրբ
 եկեղեցեացն . և իբրեւ զդեւս այ-
 նուհետեւ միմեանց սլատահէին :
 Եւ լինէր գունդ զօրաց բազմաց , և
 շարասէրն սատանայ իբրեւ զօրա-
 վար 'ի մէջ նոցա երեւէր , և ան-
 դադար յորդորելով զամենեւեան
 ճեպեալ փութացուցանէր : Աէտ
 եղեալ զժամանակն՝ զամիսն վեցե-
 րորդ , տաղնապէին և սախպէին ար-
 քունի հրամանաւ :

Մինչեւ 'ի նաւասարդէ նաւա-
 սարդ , ասէ , յամենայն տեղիս՝ ուր
 իցեն ընդ իշխանութեամբ թագա-
 ւորին մեծի , բարձցին կարգ եկե-
 ղեցւոյ , փակեացին և կնքեացին դը-
 րունք սուրբ տաճարացն , գրով հա-
 մարով առցին նուիրեալ սպասքն
 յարքունիս , լռեացեն ձայնք սաղ-
 մոսացն և դադարեացեն ընթեր-

ցուածք անսուտ մարդարէիցն : Քա-
հանայք մի՛ իշխեսցենն 'ի տունս իւ-
րեանց ուսուցանել զժողովուրդս ,
և հաւատացեալքն 'ի Քրիստոս՝
արք և կանայք , որ բնակեալ են յու-
րաքանչիւր մենանոցս , փոխեսցենն
զհանդերձս իւրեանց ըստ աշխարհ-
հական կարգաց :

Դարձեալ և կանայք նախարա-
րացն կալցին զուսումն վարդապե-
տութեան մողացն : Ուստերք և
դստերք աղատաց և շինականաց կրթ-
ութեցին 'ի հրապարակս նոցունն մո-
ղաց : Կարձեացին և արդեցին օ-
րէնք սուրբ ամուսնութեան , զոր
ունէին 'ի նախնեաց ըստ կարգի
քրիստոնէութեանն . այլ փոխանակ
ընդ կնոջ միոյ՝ բազում կանայս ա-
րացեն , զի աճեցեալ բազմացին
աղքէ Հայոց : Դստերք հարանց լի-
նիցին , և քորք՝ եղբարց , մարք մի՛
ելցեն յորդուոց , այլ և թոռունք
ելցեն յանկողինս հաւուց :

Պատրուճակք մի՛ մեռցին անյազ ,
եթէ յողեաց իցէ և եթէ յայծեաց
և եթէ յարջառոց և եթէ 'ի հա-

ւուց և եթէ 'ի խողաց : Հայսք աւանց փանդամի մի զանգցին, ծիւղք և քակորք 'ի կրակ մի եկեացեն, ձեռք աւանց գոմիզոյ մի լուսացին, շնջիք և աղուեսք և նապատտակք մի մեռցին : Օձք և մողէղք, գորտք և մրջմունք, և որ այլ եւս խառնափնդոր բազմաճճիք են, մի կայցեն, այլ վաղ թուով համարով 'ի մէջ բերցեն ըստ արքունի չափոյն : Եւ որ այլ եւս ինչ սպասք իցեն, կամ զոհից կամ սպանդից, ըստ տօնական կարգին՝ տարեւոր թուականին, և ըստ կապճաթիւ մոխրաչափի կարգին :

Զայս ամենայն որ ասացաք, առ ժամանակ մի մինչեւ 'ի գլուխ տարւոյ կատարեսցեն ամենեքեան, և զայն ամենայն առ յասլա սխարաստեսցին :

Իսկ զայս ամենայն հրամանս սլատուիրանաց առեալ մոզաց և մոզպետաց, զաիւ և զգիշեր փութային հասանել յաշխարհն Հայոց, և առ յոյժ ինդու թեանն ոչ երբէք յագէին երկայնութեամբ ճանապարհին :

[The text on this page is extremely faint and illegible due to fading or bleed-through from the reverse side. It appears to be a continuous block of text.]

ԵՐՐՈՐԴ ՅԵՂԱՆԱԿ

Վասն Տրաքանոսիէան սուրբ ուխտին
Էլիշէոյ : :

ԹԻՒՊԻՏ և ոչ իցեմք բաւական
ասել զամենայն շարիան , որ անցք
անցին անդէն 'ի կարաւանին ընդ
գունդն Հայոց , սակայն և ոչ լուել
կամիմք ծածկելով զվիշտս նեղու-
թեանն . այլ ասասցուք փոքր 'ի շա-
տէ , զի ձայնակիցք լիցուք այնոցիկ ,
որք դառնապէս զմեզ ողբային . զի և
գու իբրեւ լուիցես , ոչ սակաւ ար-
տասուս հեղուցուս 'ի վերայ ազգին
Թշուառութեան :

Զի ահա անդէն 'ի մեծ բանակին
Պարսից՝ յազգաց ազգաց , որք են
հաւատացեալ 'ի սուրբ աւետարանն
Քրիստոսի , իբրեւ տեսին զչար յանձ-
նառութիւնն Հայոց , յոյժ հարան
'ի միտս իւրեանց , և կործանեցան

անկան 'ի վերայ դիմաց խրեանց :
 Բազումք 'ի նոցանէ թաղծեալք 'ի
 սուգ ծանրութեան, հարեալ յո.
 դիս և դառնացեալ յարտասոււ,
 եկին և յանդիմանեցին զնախարա.
 րեանն, և յոյժ դարովեցին զուխա.
 քահանայութեանն : Չզուէին զա.
 մենեսեան և ասէին . Չ'ի առնիցէք
 զսուրբ կտակարանագ, և կամ յո.
 տանիցէք զսպաս տերունեան սեղո.
 նոյն . մտանայցէք արդեւք զհո.
 դեւոր օրհնութիւնագ, և կամ լը.
 ուեալ դադարիցէք 'ի մարդարեա.
 կան ձայնիցդ : Վախուցէք զաչս յըն.
 թերցուածոց, և խցէք զականջս 'ի
 լսելոյ . միթէ զմտացդ անմտացու.
 թիւն ոչ յիշիցէք . զինչ առնիցէք
 զպատուիրեալն 'ի Տեառնէ, Ար.
 ուրասցի զիս առաջի մարդկան, յու.
 րաստ եղէց և ես առաջի հօր խնոյ,
 որ յերկինս է, և հրեշտակաց սրբոց :

Վարդապետք էիք առաքելական
 քարոզութեանցն, արդ աշակերտք
 լինիցիք մոլար խաբէութեանն : Ու.
 սուցիչք էիք ճշմարտութեանն, արդ
 ուսուցանէք զպատիր խաբէութիւն

մտաաց : Քարոզք էիք արարչական
 զօրութեանցն , արդ զտարերա աս-
 տուածս խոստովանիք : Յանդիմա-
 նիչք էիք ստութեան , արդ և քան
 զսուան սասագոյնք լինիցիք : 'Ի հուր
 և 'ի հողի էիք մկրտեալք , արդ 'ի
 մոխիր և յաճիւն թաթաւիցիք . կեն-
 դանի մարմնով և անմահ արեամբ
 էիք սնեալ , արդ 'ի ճենձեր զոհից
 և 'ի շարաւս աղտելիս մրճոտիցիք :
 Տաճար էիք Հոգւոյն սրբոյ , արդ
 զոհարան դիւաց լինիցիք . քրիստո-
 սազգեացք էիք 'ի մանկութենէ , արդ
 մերկացեալք 'ի փառացն դիւաբար
 արեգական կաքաւիցէք . ժառանգ
 էիք արքայութեանն , արդ անձամբ
 զանձինս արկէք 'ի ժառանգ գեհե-
 նին : Նոցա է սպառնացեալ հուրն
 անշէջ , ընդէր դուք ընդ նոսա այ-
 ընցեալ տոչորեցայք . նոցա պարա-
 ըի որդն անմահ , խակ արդ դուք պա-
 րարիցէք զմարմնս ձեր նմա 'ի կե-
 լսակուր . խաւարն արտաքին նոցա
 թանձրացեալ սահի , դուք լուսա-
 ղգեստք ընդէր յուղարկեցայք ընդ
 նոսա 'ի նոյն խաւար : Նոքա 'ի վա-

դընջուց հետէ էին խակ կուրացեալք,
 դուք զինի կուրացն կուրացարուք,
 նոցա էր փորեալ զխորխորասն,
 դուք ընդէր՝ Եկէք յառաջագոյն :
 Ե՛րբ ուսանիցիք զբազմաթիւ ա-
 նուանա աստուածոցն նոցա, այն՝
 որ չիք ուրեք 'ի միջի և ոչ մի : Թե-
 թեւացեալք 'ի ծանր բեռանց՝ ան-
 ձին անձամբ առէք զբեռն ծանրու-
 թեան . ազատեալք 'ի մանկու(թե-
 նէ՝ չարաչար մտէք յանազատելի
 ծառայութիւնն :

Եթէ գիտէիք և երեւէր ձեզ
 յայանի, սուգ առին երկինք 'ի վե-
 րայ ձեր, և թաղծեցաւ երկիրս 'ի
 ներքոյ ոտից ձերոց : Հրեշտակք 'ի
 վերուսա են ձեզ բարկացեալք, և
 'ի յերկրէս մարտիրոսքն են ձեզ ցա-
 սուցեալք : Ողորմիմ ողորմիմ սիրե-
 լեաց ձերոց, և բազում անգամ ո-
 ղորմիմ անձանց ձերոց : Զի թէ մար-
 դոյ փրկեալ էր զձեզ 'ի ծառայու-
 թենէ, և դուք անձամբ զանձինս
 այլում 'ի ծառայութիւն արկա-
 նէիք, 'ի մեծ բարկութիւն բրդէիք
 զառաջին տէրն ձեր : Իսկ արդ զի՛նչ

առնիցէք զաստուածասասա հրա-
մանն . Ես եմ Աստուած , և չեք
այլ ոք բայց յինէն , և ոչ զկնի իմ
այլ ոք լիցի Աստուած . Աստուած
նախանձոտ եմ ես , հատուցանեմ
զմեզս հարց յորդիս , մինչեւ յեւթն
դար : Իսկ եթէ որդիքն արդարք վասն
հարցն մեզաց ընդունին զաստա-
կուսն , իսկ յորժամ ինքեանք որ-
դիքն իսկ մեղիցեն , ոչ ահա միան-
դամայն զանձանց և զհարց տայցեն
ի միասին :

Դուք էիք մեր ամուր սրարիսս
տարաստանի . յորժամ աստի վտանգ
հասանէր , առ ձեզ յանդորր ելա-
նէաք . արդ մեծ ամուրդ այդ հիմն
ի վեր տապալեցաւ : Դուք էիք մեր
սրարժանս առ թշնամիան ճշմար-
տութեան , արդ դուք էք մեր նա-
խասինք առ նոյն թշնամիս : Յայժմ
վասն ձերոյ ճշմարիտ հաւատոցն և
ի մեզ փոքր ՚ի շատէ խնայէին . և
արդ ՚ի սրատճառս ձեր և զմեզ ան-
ողորմ դատին : Ոչ միայն զանձանց
դատաստան տալոց էք առաջի ա-
հեղ տակնին Աստուծոյ , այլ և բազ-

միաց ամենեցուն՝ որ 'ի ձեր պատ-
ճառս և զնոսա եւս չարչարեցեն :

Զայս և առաւել քան զսոյն խօսե-
ցան ընդ մեծամեծս աւագանւոյն ,
և յաւելին ցաւս 'ի վերայ ցաւոց :
Յայտնել և ցուցանել նոցա զխոր-
հուրդն ոչ կամէին , լռել և չառ-
նել պատասխանի անհնար էր . հեղ
ձամղձուկ եղեալ մեծապէս յար-
տասուս հարկանէին : Ընդ նոսին
դառնացեալ լսողք և տեսողք յան-
մխիթար սուգ լինէին ամենեքեան :

Յայնմ ժամանակի քահանայքն՝
որ էին անդէն 'ի զօրուն , առ չժու-
թեալ սրտիցն բարկութեան քա-
կեալ որոշեցան 'ի նախարարացն և
յամենայն բազմութենէն . և զմի
ոմն դեսպան ձիով առաքեցին փու-
թապէս յաշխարհն Հայոց : Գոյժ
'ի բերան առեալ և զօձիս պատա-
ռեալ , հասեալ 'ի ժողովս եպիսկո-
պոսացն , մեծապէս յարտասուս հա-
րեալ , կայր և պատմէր զամենայն
անցս չարչարանացն . այլ ոչ յայտ-
նէր նոցա զձածկութիւն խորհրդ-
դոցն :

Յայնմ Տամանակի տիպեցան եւ պիակոսութքն յիւրաքանչիւր իշխանութիւնս, և առաքեցին զքորեպիակոսոսս 'ի դեօղս և յաղարակս և 'ի բաղում ամուրս շեռնային գաւառացն : Դրդեցին Տողովեցին ըզբազմութիւն արանց և կանանց, շեռնականաց և աղատաց, զքահանայից և զմենակեցաց . խրատ եղին, պնդեցին և արարին զամենեւեանս զինուորս Քրիստոսի :

Եւ յառաջին բան խորհրդին այս հաստատեցաւ . Չեռն եղբօր հարազատի 'ի մերձաւոր իւր լիցի՝ որ անցեալ իցէ ըստ ուխտ սրատուրանին Աստուծոյ, և մի՛ խնայեացէ հայր յորդի, և մի՛ ակն առնուցուորդի հօր սրատուոյն : Աին կռուեացի ընդ առն ամուսնոյ, և ծառայ դարձցի ընդդէմ տեառն իւրոյ : Օրէնք աստուածային կացցեն թագաւոր 'ի վերայ ամենայնի, և 'ի նմին օրինաց ընկալցին յանցաւորք զպատիժս դատապարտութեան :

Եւ իբրեւ այս այսպէս հաստատեցաւ կազմեցաւ, երեւեցան ա-

մենեքեան զինեալք և սաղաւարտեալք, սուր ընդ մէջ և վահան 'ի ձեռին՝ ոչ միայն արանց քաջաց, այլ և կանաց առնականաց :

Իսկ գունդն Հայոց ամենայն օգնականօքն հանդերձ և մոգացն բազմութեամբ յամսեանն չորրորդի եկին հասին յաշխարհն Հայոց, 'ի գեօղաքաղաք մի մեծ՝ որում անուն էր Անգղ : Բանակեցան, բոլորեցան, զետեղեցան, և յամենայն կողմանց անդր ժողովեցան, և էին անթիւ բազմութիւն :

Եւ եղև յեա աւուրց քսան և հնգից, մոգպեան ինքնին մոգօքն հանդերձ հասանէր մեծաւ զօրութեամբ՝ քակել զգրունսն եկեղեցւոյն յաւուր միաշաբաթուն . ըզփորձ առնուլ կամէր զառաջարկութեան գործոյն : Իսկ սուրբն Ղեւոնդ երէց միաբանութեամբ առաջին խորհրդակցօքն և բազում ուխտիւ 'ի տեղւոջ անդ սրատրաստական դիպեցաւ, ոչ ետ թոյլ : Թեպէտ և ոչ էր տեղեկագոյն մտացն ամենեցուն նախարարացն, և ոչ

զօրութեան ուժոյ մտգալեալին, ոչ
ինչ եկաց մնաց ամենայն եպիսկո-
պոսացն, և ոչ առ սակաւ մի համ-
բեր անօրէն իշխանին թողացուցա-
նել. այլ բազում ամբօխ ազաղակի
զօրացն և մտգացն հասուցանէր :
Քանզի վերդս 'ի ձեռն առեալ՝ զկա-
ռափունս մտգացն և մտգալեալին
Չարդեցին. փախստական յիւրա-
քանչիւր վանս արկանէին, և ին-
քեանք զպաշտօնն բարձրացուցեալ
յեկեղեցւոյն՝ զտերունական կա-
նօնն կատարէին, մինչեւ 'ի նոյն միա-
շարաթին անդադար լինելով :

Եւ յետ այս տագնապի խռովու-
թեանն՝ յամենայն կողմանց յաշ-
խարհէն հայոց բազմութիւն արանց
և կանանց 'ի տեղին հասանէին : Եւ
անդ էր տեսանել զմեծ աղէտ տա-
րակուսին. ոմանք զգերարտօսրն իբր
յաղբերականց հոսէին յաչաց իւ-
րեանց. այլքն բարձրաձիչ աղաղա-
կաւ՝ իբր այն թէ գերկինս գողա-
ցուցանէին. իսկ կէսքն խիզախե-
լով և 'ի զէնս ընթանալով՝ զմահ-
քան զկեանս ընտրէին : Իսկ ոմանք

'ի սուրբ ուխտէ եկեղեցւոյն՝ զաւե-
տարանն 'ի ձեռն առեալ, աղօթիւք
առ Աստուած կարգային, և այլք
ըզձանային զպատասումն երկրին,
զի անձանց լիցի գերեզման: Եւ
այսպէս շտապ տագնապի 'ի վերայ
մոգսեալին հասուցանէին: Բազում
անգամ աղաչէր զօգնականսն իւր,
զի 'ի մահուանէ կարասցեն զնա ապ-
րեցուցանել, և ողջանգամ անգէն
յարբունիս հասուցանել:

Այլ վասն գործոյն յոր եկեալն
էր՝ ստիպէր զնոսա և ասէր. Թող
գրեմ և ցուցանեմ մեծ թագաւո-
րին, զի 'ի բաց թողացուցանէ զայս-
պիսի իրաց առաջարկութիւն. զի
եթէ ինքեանք աստուածքն եկեացեն
յօգնութիւն, չէ հնար օրինացս մո-
գութեան 'ի հայս առնուլ զհաս-
տատութիւն. որպէս զփորձ առ ի
միաբանութեան ուխտին եկեղե-
ցւոյ: Զի թէ էին զօրք աշխարհիս
մոգք, ոչ ինչ խնայէին սոքա 'ի նո-
սա ստատեմամբ՝ ոչ միայն զարտա-
քինան, այլ և յեղբարս և յորդիս
և յամենայն մերձաւորս իւրեանց,

Նա և ոչ յանձնես իւրեանց: Մարդք,
որք ոչ 'ի կասանաց զանգիտեն, և
ոչ 'ի տանջանաց երկնչին, և ոչ 'ի
ստացուածոց պատկառին, և որ յե-
տին չար է քան զամենայն չարիս,
մահ քան զկեանս ընտրեն, ով է որ
կարէ նոցա գիտակաց լինել:

Ղուեալ իսկ իմ էր 'ի նախնեաց
մերոց, եթէ յաւուրս Շապհոյ ար-
քայից արքայի, իբրեւ սկաւ ու-
սումագ այդ աճել և բազմանալ և
լնուլ զամենայն երկիրն Պարսից, և
եւս անգր յարեւելս հասանել, իսկ
որ վարդապետքն էին օրինացն մե-
րոց՝ յորդորեցին զԺագաւորն, զի
մի բնաւ ամենեւին բարձցին օրէնք
մոգութեան յաշխարհէն, ետ հրա-
ման սաստիկ, զի լուեալ դադարեա-
ցէ քրիստոնէութիւնն: Եւ որչափ
նա կամեցաւ արգելուլ, եւս քան
զեւս աճեցին և բազմացան, և հա-
սին մինչեւ յաշխարհն Քուշանաց,
և անտի 'ի հարաւակողմն մինչեւ 'ի
Հնդիկս տարածեցաւ:

Եւ այնպէս աներկեւղ և համար-
ձակք էին յաշխարհին Պարսից, մին

չեւ յամենայն քաղաքս աշխարհին
 եկեղեցի շինեցին , որ զանցուցանէր
 պայծառութեամբ զԹագաւորա-
 բնակ արքունեօքն : Շինէին և վկայ-
 արանս իմն անուանեալս , և զնոյն
 զարդ եկեղեցեաց զարդարէին , և
 յամենայն տեղիս՝ յապատս և յան-
 ասարատս միայնանոցս շինէին : Եւ
 իբրեւ ոչ ինչ երեւէր յայտնի օգ-
 նութիւն ուստեք , աճելով աճէին և
 բազմանալով բազմանային . և մար-
 մնաւոր մեծութեամբք մեծանային :
 Զսպառճառս հարստութեան մեք
 ինչ ոչ գիտէաք . բայց այսչափ ինչ
 ճշմարտիւ իմանայաք , զի տիեզերքս
 մենայն զկնի ուսմանց նոցա դնային :

Թէպէտ և արկ 'ի նոսա Թագա-
 ւորն զձեռն իւր խատութեամբ , և
 զբազումս կալաւ և չարչարեաց 'ի նո-
 ցանէ , և զեւս բազումս մահուամբ
 սատակեաց , դառնացաւ և ձանձ-
 րացաւ յանձն իւր , և զնոսա ոչ կա-
 րաց նուազեցուցանել 'ի բազմու-
 թենէն : Դարձեալ Թէպէտ փա-
 կեաց և կնքեաց զգրունս եկեղե-
 ցեացն ընդ ամենայն աշխարհն Պար

սից, նոքա զամենայն տուն եկեղեցի արարին . և յամենայն տեղ ոչ զերեանց օրէնան կատարէին : Եւ զանձինս իւրաքանչիւր վկայարանս համարէին, և լաւագոյն զշինուածս մարդկեղէնս քան զհողեղէնս հաշուէին : Սուրբ սպանողացն բժեցան, և նոցա պարանոցքն ոչ ձանձրացան . աւարաւուք սասցուածոց նոցա աշխատեցան, և աւարն օր քան զօր աճեցեալ բազմացաւ : Սրբամտեալ էր Թագաւորն, և յոյժ դառնացեալ դահիճք բարկութեանն . խկնոքա արթունք և զուարթունք, և խնդալից ընդունէին զամենայն հարուածս տանջանացն, և սիրով տանէին զամենայն յափշտակութիւն ընչից իւրեանց :

Իբրեւ ետես Թագաւորն եթէ գոռն տուեալ դիմեցին 'ի մահ իբրեւ խաշինք սուրբք յաղն երկնաւոր, արգել և կարճեաց 'ի նոցանէ զհարուածս տանջանացն, և հրաման ետ մտգաց և մտգպետացն, զի մի ամենեւին ոք խուեսցէ զնսսա, այլ հաստատեալ կայցեն աներ

Ինչպէս թեամբ յիւրաքանչիւր ուս-
 անա, մտղն և զանգիկն և Հրեայն
 և քրիստոնեայն, և որ այլ բազում
 կեշտք են ՚ի կողմանս կողմանս աշ-
 խարհին Պարսից : Եւ ապա առ եր-
 կիրն զխաղաղութիւն հաստատու-
 թեամբ, և լռեալ դադարեցին ա-
 մենայն խառնութիւնք յուզմանց :
 Քանզի ընդ մերոյ աշխարհին շարժ-
 մանն՝ և արեւմուտք եւս մեծապէս
 շարժեցան, և ամենայն տաճկա-
 տան ընդ նոսին խառնեցան :

Չայն ահա ՚ի լռելոյ դիտեմք .
 բայց այս որ ես ինձէն աչօք տեսի,
 թուի ինձ՝ թէ մեծագոյն եւս լինի
 քան զառաջինն : Արդ դու որ մարդ
 պանդ ես աշխարհիս, պարտ է քեզ
 հոգ յանձին ունել, գրել և ցու-
 ցանել յարքունիս զմիաբանութիւն
 բռնութեանս, որպէս աներկիւղու-
 թեամբ առ ոչինչ համարեցան ըզ-
 հրամանս արքունի : Եւ եթէ չէր
 մեր աճապարեալ և ՚ի փախուստ
 դարձեալ, միում ՚ի մէնջ ոչ տային
 ապրել : Եւ եթէ անզէն մարդիկ
 այդպէս բռնացան, եթէ յանկարծ

զինուորս եւս ընդ ինքեանս միարա-
նեցուցանեն, ո՞ կարիցէ կալ առա-
ջի գոցա յանդուգն յարձակմանդ :

Ես ահա անտեղեակ էի անքակ-
ուխտի եկեղեցւոյդ 'ի միմեանց. զի
այլ է՝ զոր ըէ մարդ, և այլ է՝ զոր
տեսանէ հաստատուն իւրովք աչօք :
Դու որ 'ի մանկութենէ յայդմ օ-
րէնս անեալ էիր, և ճշմարտեալ գի-
տէիր զպնդութիւնդ մարդկանդ, ե-
թէ առանց բազում արիւն հեղլոյ
դոքա մեզ ոչ տան ձեռն արկանել
յեկեղեցիսդ, ընդէ՞ր ոչ զայդ ամե-
նայն հաւաստեալ յանդիման չա-
տացեր ց[թագաւորն] : Քանզի ամե-
նայն նախարարացն աւագ դու էիր,
և զբոլոր աշխարհս քեզ յանձն ա-
րարեալ էր մարդպանութեամբ. ընդ-
է՞ր ոչ մեծապէս հոգ տարար յանձն
քո : Զի յայլ ժամս իմաստուն էիր,
և ես գիտէի. զայս՝ գործ իմաստու-
թեան ոչ գործեցեր : Ապա թէ ոչ,
յայտ է եթէ դու 'ի նոցա բանի ես,
և քոյով խորհրդով անցուցին զայս
անցս ընդ իս և ընդ զօրս :

Արդ եթէ այդ այդպէս է, և

քեզ կամք չէ ունել զմոգութիւն ,
 մի ինչ սրատկառեր դու երկիրդիւ
 յարքայէ . ես գրեմ և ցուցանեմ
 'ի դուռն մովպետան մովպետի և
 դերանդարձապետի և մեծ հազա-
 րապետին , զի ածցեն զարքայ 'ի հա-
 ւանութիւն , որպէս զի 'ի բաց թո-
 զացուսցէ ըստ առաջին հրամանին ,
 և 'ի կամս մարդկան ապաստան ա-
 րասցեն , զի առ սակաւ սակաւ ըն-
 դելցին ընդ օրէնս մոգութեանս . զի
 որք կալցին՝ սիրով երեւեսցին կա-
 տարեալ զհրամանս արքունի : Քան-
 զի մարդ է աշխարհս , գուցէ յոր-
 ժամ լնաս ինչ առնիցեն , և ին-
 քեանք ցրուեալ վասնեսցին յօտա-
 րութիւն . իսկ յորժամ աշխարհս
 թափուր լինիցի 'ի մարդկանէս ,
 յայնժամ և քեզ գլխովին մեծա-
 պէս լնաս հասանէ յարքունուստ :

Ետ սրատասխանի մարդպանն մոգ-
 պետին , և ասէ . Ամենայն բանք
 խրատուդ՝ զոր ատացեր , ճշմարիտ
 են . բայց զառաջինն զոր չխնացաք՝
 տեսեր , և մեծապէս զղջացաք այժմ :
 Բայց դու արդ զոր ասեմս արա , և

բարիոք թուեացի քեզ . սակաւիկ մի
երկայնամիտ ընր և զխորհուրդս քոյ
արդեւ ՚ի բազմաց, բայց արանց՝ որոց
ես ասեմ, նոցա յայանեա . մինչեւ
ես ինձ ոյժ ժողովեցից զօր ՚ի թի-
կունս ամեւոյ, և զուխտ եկեղե-
ցւոյդ թերեւս կարացից երկփեղ-
կել: Եւ եթէ զայդ այդպէս արա-
րից, գիտեմ ապա թէ և զհրամանն
արքունի կարող եմ կատարել:

Եւ անդէն հրոս հանեալ ՚ի Սիւ-
նեաց աշխարհէն, զիւր գունդն ըս-
տուարացոյց ՚ի թիկունս օգնակա-
նութեան մոզաց և մոզպետին: Եւ
ապա սկսաւ ասել. Աղէ դու ան-
գամ մի հրովարտակ ՚ի դուռն ասը-
վասն այրուձիոյն՝ որ յԱղուանան է
տասն հազար, զի ՚ի ձմերոց ՚ի հայսս
եկեացեն, և յորժամ զնոսա ՚ի ձե-
ռին ունիցիսք, չլք ոք որ եղծանել
կարէ զհրաման արքունի:

Պատասխանի ետ մոզպետն և ա-
սէ ցմարզպանն . Այդ խորհուրդ
դարձեալ իմոց բանիցս ընդդէմ է .
քանզի մեք յորժամ բռնութեամբ
կուուեսցուք ընդ աշխարհիս, աշ-

խարհս'ի բաց քանդի, և մեք'ի սլա-
տուհասէ չապրիմք . անձանց մնաս,
և արքունի մեծապէս զեան :

Եւ ոչ ինչ կամեցաւ ամենեւին
ունին զնել նմա մարդպանն, զի սրբ-
տի մտօք կալեալ էր զպարսկական
օրէնան : Սկսաւ այնուհետեւ սլա-
րել զոմանս կարաւսով և զոմանս
ողոքական բանիւք . զուամիկն ամե-
նայն՝ ահեղ բանիւք սպառնացեալ
սրտաթափ առնէր : Հանասրազորդ
առատացոյց զուճիկան տաճարին,
և յերկարէր զնուագան ուրախու-
թեան, մաշելով զերկայնութիւն
գիշերացն յերգս արբեցութեան և
'ի կաքաւս լիտութեան . քաղցրա-
ցուցանէր ոմանց զկարգս երաժշտա-
կան և զերգս հեթանոսականս . մե-
ծապէս գովութիւն մատուցանէր
օրինաց թագաւորին : Բերեալ էր
և յարքունուստ բազմութիւն կա-
րասոյ, և միում միում կաշառ
գաղտ խթէր 'ի սլատճառս սլա-
դեւի և սլատուոյ . և բազում նեն-
գութեամբ զանմեղ մարդիկ հրա-
սլուրէր և յինքն արկանէր :

Իսկ զայս ամենայն իբրեւ տեսին սուրբ եպիսկոպոսունքն, եւս քաջ գրգեալ յորդորեցան 'ի նոյն միաբանութիւն, և հնարագէտ խմատութեամբ ընդ երկուս բաժանեցին զբանակն : Մանաւանդ իբրեւ հաստատեալ գիտացին 'ի միտս իւրեանց, եթէ անօրէն իշխանն Սիւնեաց զօրհասական վերսն 'ի յոգիսն ընկալեալ էր, խորշեցան մերժեցան և 'ի բաց փախեան 'ի նմանէ :

Խորհուրդ արարեալ 'ի գիշերի միում ամենայն ուխտին բազմութեամբ, կոչեցին և զսպարապետն զօրաց 'ի խորհուրդն, հարցին և քննեցին և 'ի վերայ հասին մտացն անշարժութեան, որոյ ոչ սակաւ մի թերացեալ էր 'ի սիրոյն Քրիստոսի : Եւ միաբան աղօթս արարեալ 'ի վերայ նորա, վերստին ընկալան զնա յառաքինութիւն : Եւ նովաւ որսացեալ զբազումս 'ի նոյն միաբանութիւն, որք ոչ էին քակեալ յառաջին միաբանութենէն, եկին և ժողովեցան գունդ զօրաց բազմաց : Եւ եւս առաւել հեռագոյն զատան

'ի մոգացն և 'ի մոգալեալն և յանօրինէն Վասակայ :

Իսկ նա այնչափ յիմարեցոյց և ամիշեցոյց զմիտս մոգալեալն , մինչեւ չեա նմա իմանալ զելլ իրացն : Սկսաւ բաշխել մոգս 'ի տունս նախարարացն և մեծամեծ ռոճիկս կարգել , զոհել սպարուճակս , և բռնաբար կնքաւոր մարդկանն տալ ուտել միս յազածոյ , և երկիր սազանել արեգականն : Իբրեւ սկսաւ բաղմանալ ընդ ամենայն աշխարհն այնպիսի սղծագործ խառնակութիւն , յանդգնեցան և եւս կանայք փշտիսանացն յաւուր կիրակէի անցուցանել զճրագունս եկեղեցոյն և սրտատել զհանդերձս հաւատաւոր կանանցն :

Զայս գոյժ աղմկի իբրեւ տեսին միաբան սուրբ եպիսկոպոսունքն , զաւետարանն 'ի ձեռն առեալ հասին և անկան առանց հարցանելոյ 'ի վանս սպարապետին , ուր ժողովեալ էին զօրքն հայոց : Համբարձին զձայնս իւրեանց և ասեն . Աղաչեմք զձեզ զամենեւեան սուրբ ա-

ւեառարանաւս . եթէ ձերով խորհրդ
դիւ գործէ զայն անօրէնութեան
չարիս մարդպանն և մոգպետն , նախ
զմեր սարանոցս հատէք , և սպա
յեկեղեցին ձեռնարկեցէք : Ապա թէ
առանց ձեր կամաց նոքա զայն չարն
գործեն , այսօր խնդրեսցի վրէժդ
այդ 'ի նոցանէ :

Իսկ որք էին 'ի ներքս 'ի վանս սպա
րապետին՝ յոան կացին , միաբան
համբարձին զձայնս իւրեանց առ Աս
տուած և ասեն . Դու Տէր սրտա
գէտ ամենեցուն , ոչ ինչ պիտի քեզ
վկայութիւն 'ի մարդկանէ . եթէ
խտտորեալ իցեմք 'ի քէն սրտի մօօք ,
զայն դու ինքնին քաջ գիտես , այսօր
իսկ դատեա զմեզ ըստ մեզաց մերոց :
Ապա եթէ հաստատուն կամք յուխ
տի սուրբ աւետարանիս , դու Տէր
լեր մեր օգնական այսօր , և տուր
զթշնամիան ճշմարտութեան 'ի ձեռս
մեր , զի արասցուք ընդ նոսա ըստ
կամաց մերոց :

Զայս իբրեւ ասացին , ամենեքեան
զգլուխ զգեանի հարկանէին . և ող
ջունեցան յաւետարանէն և յեպիս

կոպտասացն : Իսկ մի ոմն 'ի նախարարացն որ անդր գիպեցաւ , էր 'ի նոցա խորհրդի , և ոչ միաբանեաց ընդ նոսա 'ի մեծ վկայութիւնն . և անդէն առ ժամայն 'ի նոցունց 'ի տեղւոջն քարկոծեցաւ , և ահ մեծ անկաւ 'ի վերայ ամենեցուն :

Յայնժամ ամենեքեան 'ի նախանձ բարկութեան բրդեցան , մինչեւ ամենայն տեսողացն երիկամունքն դողային , որք առ ոչինչ համարեցան զպարգեւս արքունի , և առ թանհարին զհրամանս ահագինս : Ընթացան վաղվաղակի 'ի զէնս իւրեանց , վառեցան կազմեցան զգիշերն ամենայն , և ընդ ծագել արեգականն զգունդն յերիս մասունս բաժանեալ 'ի բանակն արկանէին : Գունդըն առաջին յարեւելից կուսէ , և գունդն երկրորդ յարեւմտից կողմանէ , և գունդն երրորդ 'ի հիւսիսոյ կողմանէ , շուրջանակի 'ի մէջ առեալ փակեցին զբազմութիւն բանակին . և զբազումս կոտորեցին , և զեւս բազմագոյնս կապեցին զերեւելի մարդիկ , և արկին 'ի բերդս ա

մուրս ընդ իւրեանց իշխանութեամբ :
Եւ զառ և զապուռ զաւար բանա-
կին 'ի մի վայր ժողովեալ սրահէին
իբր հրամանաւ արքունի :

Իսկ զմարդպանն ձերբակալ ա-
րարեալ, և միաբանէր ընդ նոսա
երդմամբ՝ հաստատուն կալ յուխ-
տին, զզջանայր զառաջին քակումն
'ի նոցանէ : Անկանէր ասպաշխարու-
թեամբ յոսոս սուրբ եպիսկոպոսացն,
և աղաչէր խաղասպատելով զի մի՛
մերժեալ ընկեսցի առ 'ի նոցանէ :
Արկնէր և երեքկնէր զանսուտ եր-
դումն առաջի բազմութեանն 'ի
սուրբ աւետարանն, դնէր և կնքէր
զերդումն և կապէր զաւետարանէն .
և աղաչէր զի յԱստուծոյ խնդրեսցի
վրէժ խնդրութիւնն, և մի՛ նոքա
մարդկաբար սատակեսցեն զնա : Իսկ
նոքա թէպէտ և հաստատեալ գիտէ-
ին զնենդաւոր կեղծաւորութիւնն
նորա, և թէ խաբէութեամբ զառ-
նայ անդրէն 'ի հին մոլորութիւնն,
ոչ ինչ փոյթ առնէին ձեռն ար-
կանել 'ի նա վասն առաջին յան-
ցանացն, այլ սուրբ աւետարանին

Թողին 'ի դատապարտութիւնս :

Իսկ որք եկեալ էին յաւարի առ նուլ զսուրբ գանձս եկեղեցւոյն, ահամայ եղին զանձինս և զաւար խրեանց առաջի սուրբ եպիսկոպոսացն և ամենայն զօրացն. և եղծեալ սպականեցաւ հրամանս Թադաւորին : Եւ յաջողեալք զօրութեամբն Աստուծոյ՝ աղաղակէին և ասէին գոհանալով արք և կանայք և ամենայն ռամիկ բազմութիւնն . Պատրաստ եմք 'ի հալածել և 'ի մեռանել և յամենայն նեղութիւնս և 'ի չարչարանս վասն սուրբ եկեղեցեաց, զոր աւանդեցին հարբն մեր առաջինք՝ զօրութեամբ գալստեան Տեառն մերոյ Յիսուսի Քրիստոսի, որով վերստին ծնայք 'ի մի յոյս հաւատոցն մկրտութեամբ 'ի Քրիստոս Յիսուս . ըստ նմին նմանութեան կամխք չարչարանօք և արեամբ նորոգել զանձինս : Քանզի հայր մեր՝ զսուրբ աւետարանն գիտեմք, և մայր՝ զառաքելական եկեղեցի կաթողիկէ . մի ոք չար անջրպետ 'ի մէջ անկեալ, զմեզ քակեացէ 'ի սմանէ :

Ոչ երեւէր այնուհետեւ առաւել տէր քան զԾառայ, և ոչ ազատ փափկացեալ քան զգեղջուկ վշտացեալ. և ոչ ոք քան զոք նուազեալ 'ի յարութենէ : Մի սիրտ յօժարութեան ամենեցուն արանց և կանանց, ծերոց և տղայոց և ամենայն միաբանելոց 'ի Քրիստոս : Քանզի առ հասարակ զմի զինուորութիւն զինուորեցան, և զմի ազան զրահս հաւատոց սրատուիրանին Քրիստոսի. միով գօտեաւ ճշմարտութեան սնդեցին զմէջս արք և կանայք :

Ընկեցեալ կայր այնուհետեւ ոսկի, և ոչ ոք առնոյր իւր առանձինն արծաթ. և արհամարհեալ առանց ազահութեան, անարգեալ սրտուական հանդերձք առ 'ի զարդս մեծարանաց : Նա՛ իւրաքանչիւր ստացուածք ոչ ինչ համարէին յաչս իւրեանց ստացողին. տեսանէին զանձինս իւրեանց իբրեւ զմեռեալ դիակունս, և զիւրաքանչիւր գերեզմանս ինքեանք փորէին. և կեանք իւրեանց 'ի մահ համարեալ էին, և մահք իւրեանց անշուշտ կեանք :

Բայց այս բարբառ ստէպ ստէպ
 ընթանայր . Քաջութեամբ միայն
 մեռցուք, զանուն և զողիս եւեթ
 ժառանգեսցուք . զի կենդանի իցէ
 ՚ի մեզ Քրիստոս, որում գիւրին է
 միւսանգամ նորոգել զմեզ ՚ի հո-
 ղոյ և զամենայն զյառաջագոյն զնրն
 ջեցեալսն, և հատուցանել ըստ իւ-
 բաքանչիւր զգործս իւրեանց :

Զայս և առաւել քան զսոյնս խօ-
 սելով, և միսիթարելով զանձինս և
 զմիմեանս, դարձեալ միւսանգամ
 զինուորքն սլաւորաստեցին զղէնս իւ-
 բեանց, և աղօթականքն անդադար
 լինէին յաղօթսն իւրեանց, և պա-
 հողքն ճգնէին ՚ի պահս իւրեանց :
 Զայնք սրաշտօնէիցն ՚ի սուէ և ՚ի
 գիշերի անհատ էին ՚ի սուրբ սաղ-
 մօսն . ընթերցուածք աստուածայ-
 ին կտակարանացն ոչ երբէք առ-
 նուին դադարուին յամենայն ժամ-
 սոյնսպէս և մեկնիչքն ՚ի միսիթա-
 րութիւն երկնաւոր վարդապետու-
 թեանն :

Յայնմ ժամանակի դարձեալ
 յարձակեցան ՚ի վերայ բերդիցն և

աւանայ , զոր ունէին պարսիկքն
 'ի տեղիս տեղիս , յամրոցս աշխար-
 հին . տասպալէին քանդէին զքնակու-
 թիւնս նոցա : Առաջին զմեծն Ար-
 տաշատ հանդերձ աւանօք իւրովք .
 և առնուին զանմատոյց . ամուբսն՝
 զԳառնի քաղաքն , զԱնին , զԱր-
 տաղերս , և զաւանս իւրեանց . զԱր-
 կայնորդան և զԱրհնին , և զաւանս
 իւրեանց . զԲարձրաբուղն , զԽո-
 ռանիստն , զԾախանիստն , զանկա-
 կածելի Ողականն , և ընդ նոսա և
 զաւանս իւրեանց . զԱրփանեալն ,
 զԱննն աւան , ընդ նմին և զաւանսն
 իւր . զԳռեալն և զԱսպոյան , զՈ-
 ռոտն և զԱսասկաշատն :

Զամենեսին զայս իւրաքանչիւր
 գեղիւք և ագարակօք , զօրօք և զօ-
 րագլխօք 'ի նմին ամի առեալ տա-
 սպալեցին , և 'ի գերութիւն վարե-
 ցին զարս և զկանայս ընչիւք և ստա-
 ցուածովք , հանդերձ պատուական
 գանձիւք և նոցին սպասուք : Տա-
 սպալէին քանդէին զշինուածս նո-
 ցա , և այրէին կիզուին զսունս պաշ-
 տօնարկի և պաշտաման կրակի : Սըր-

բէին զպղծութիւն կռապաշտութեանցն, և առնութիւն զկահ և զկազմածս ատրուշանացն, բերէին և դնէին 'ի սուրբ եկեղեցւոջն. և 'ի ձեռն սուրբ քահանայիցն նուիրէին 'ի սպաս տերունական սեղանոյն: Եւ փոխանակ անտօի պաշտամանցն զոր տապալեցին յամենայն տեղիս հեթանոսացն, զփրկական խաչն Քրիստոսի կանգնէին. զամենասուրբ սեղանն ուղղէին, և զկենդանարար խորհուրդն կատարէին սրբութեամբ. սրաշածնեայս և քահանայս 'ի տեղւոջն կացուցանէին: Յուսով հաստատեալ խնդայր ամենայն երկիրն առ հասարակ:

Եւ մինչ դեռ յայսմ մեծի առաքինութեան կատարեալ գործէին զգործնահատակութեանն, երեւեր իմն 'ի վերայ ամենեցուն աստուածային շնորհք. քանզի առանց հրամանի 'ի զօրացն Հայոց, յարեւելից կողմանէ աշխարհին, յարձակեցան ոմանք յԱրարատական աշխարհն, և 'ի տեղիս տեղիս բազում փնասարարին՝ առնելով և աւերելով և

քանդելով զբազում ատրուշանս :

Իսկ որ 'ի մեծ ամուրան անկա-
նէին , խաչանշան արարեալ 'ի վե-
րայ զօրուն յարձակէին . որ և եր-
կու մեծամեծ բերդացն պարխաւքն
առանց ուրուք մերձենալոյ անկեալ
կործանեցան . մինչև ամենայն բը-
նակչաց երկրին զահի հարեալ 'ի մեծ
նշանէն , ինքեանք ինքեանց ձեռօք
զկրակատունս պրէին . ուրանալով
զօրէնս մոգութեանն՝ խոստովանէ-
ին 'ի սուրբ աւետարանն :

Եւ այլ մեծամեծ աջողութիւնք
կատարէին 'ի ձեռն զօրականին .
քանզի ուր ոչ էր ակնկալութիւն ,
եթէ զանուն Աստուծոյ ոք յիշեա-
ցէ , արհաւիրք մեծ անկանէին 'ի
վերայ նոցա . և ամենայն մարդ պատ-
մէր ընկերի իւրում տեսիլս նորս և
զարմանալիս : Սոյնսէս և աստեղք
'ի յերկինս երեւէին յոյժ լուսալիր
պայծառացեալ , զոր ոչ ունէին յա-
ռաջին բնութեանն : Եւ ամենայն
աղայք աշխարհին իբրեւ զարս պա-
տերազմողս խիզախէին :

Եւ ահա յետ աւուրց բազմաց

Եկին Եհաս հաղարասպետն Ազուանից
 սուրբ եպիսկոպոսաւ աշխարհին ,
 մեծաւ տաղնապաւ փուլթացուցաւ
 նէր զզօրան անելով . Գունդ Պար-
 սից , որ էր 'ի կողմանս աշխարհին
 հոնաց , դարձաւ այսրէն , եկին Ե-
 մուտ յաշխարհս մեր . և բազում
 եւս և այլ այրուծի որ 'ի դրանէ
 եկն : Եւ թող զայս ամենայն , այլ
 երէք հարեւր մոգ վարդապետ ա-
 ծեալ ընդ իւրեանս , սպառակտե-
 ցին զաշխարհն , և զոմանս ոմանս
 յինքեանս արկին , և կամէին յեկե-
 ղեցին ձեռն արկանել . և հրամանաւ
 թագաւորին ստիպէին զամենեւեան
 և ասէին . Եթէ կամօք յանձն առ-
 նուք զօրէնան , սարգեւս և սա-
 տիւս դասնէք 'ի նմանէ , և թողու-
 թիւն հարկացն յարքունուսս լիցի
 ձեզ . սարա թէ կամօք չառնէք , հրա-
 մանս ունիմք 'ի գեօղս և 'ի քաղաքս
 շինել ասրուշանս , և զվաւանական
 կրակն 'ի ներքս դնել , և կացուցա-
 նել մոգս և մոգապետս օրէնադիր ա-
 մենայն աշխարհիդ : Եւ եթէ ստամ
 բակեալ ոք ընդդէմ դարձցի , ինքն

մահու սրատուհաս ընդունի, և կին
և որդիք այնպիսւոյն անաշխարհիկ
եղեալ յարքունիս երթիցեն :

Իսկ գունդն Հայոց իբրեւ լուաւ
զայս գոյժ գառնութեան, ոչ ինչ
թուլացեալ լքան'ի քաջութենէն .
այլ դարձեալ համագունդ ժողով
լինէր ամենայն աշխարհին վասն գու
ժաբեր հրեշտակացն, որ հասին առ
նոսա : Եւ միաբան քաջալերս տը
ւեալ, արձակեցին զնոսա, զի առ
ժամանակ մի զնոսա պատիր խա
բէութեամբ կալցեն, զի խափանեա
ցին 'ի չար կամացն, չձեռնարկել 'ի
սուրբ ուխտ եկեղեցւոյն իւրեանց .
և զօրութեամբն Աստուծոյ խոր
հուրդ 'ի մէջ առեալ իրացն հնա
րիւք ելա խնդրէին :

Յայնմ ժամանակի զմի ոմն 'ի մեծ
նախարարացն, 'ի սոհմէն գնու
նեաց Ասով, ճեպով առաքեցին
յերկիրն արեւմտից ցուցանել զայս
ամենայն խորհուրդ զչարխմաց թա
գաւորին արեւելից, միանգամայն
և սրատու զիւրեանց քաջութիւն
արութեանցն, զոր գործովք կատա

րեցին՝ առ թան հարկանելով զհրա-
մանն ահեղ, և մեծապէս սատա-
կուին ՚ի վերայ մոգացն հասուցա-
նել. խնդրել ՚ի նմանէ օգնականու-
թիւն սատարութեան, և եթէ նա
կամեսցի՝ նմա խկ մտանել ՚ի ծա-
ռայութիւն: Եւ այս է պատճէն
հրովարտակին, զոր գրեցին առ Թէո-
գոս կայսր:

ՅՈՎՍԷՓ եպիսկոպոս բազում
եպիսկոպոսակցօք խնովք և ամենայն
զօրք հայոց, Վասակ մարզպան և
Ներշապուհ ռքմբոսեան հանդերձ
սպարապետուս և ամենայն մեծա-
մեծ նախարարօքս՝ առ մեծանունդ
Թէոգոս կայսր, բազմացի ողջոյն
մեր առ քեզ և ամենայն զօրաց քոց,
որ խաղաղասէր մարդասիրութեամբ
ձերով տիրէք ծովու և ցամաքի, և
չիք ոք յերկրաւորացս՝ որ ձերում
անարգել տէրութեանդ ընդդէմ
գառնայցէ: Որպէս մէք խկ ունխք
զանսուտ յիշատակարանան զառա-
քինի նախնեացն ձերոց. ունելով
զԵւրովպէ՝ անցին և տիրեցին և ա-

սխացւոց կողմանցն 'ի սահմանացն
Սէիրայ մինչեւ 'ի կողմանս Գաղե-
րուիսի, և ոչ ոք գտաւ ստամբակեալ
և ելանել ըստ ձեռն նոցա :

Եւ յայնչափ մեծ իշխանութեան՝
դաստակերս մեծ և սիրելի զՀայոց
աշխարհս անուանէին : Ասան որոյ
և նախնին մեր Տրդատիոն յիշելով
դառաջին սերն ձեր, որ 'ի աղայու-
թեան փախուցեալ 'ի հայրասպան
մարդախողխող հօրեղբարցն իւրոց՝
ապրեալ սնաւ յերկրիդ Յունաց,
և 'ի ձէնջ թագաւորեալ արեւր հայ-
րենի աշխարհիս, սոյնաէս և զհա-
ւասան որ 'ի Քրիստոս՝ ընկալեալ 'ի
սուրբ եպիսկոպոսապետէն Հռով-
մայ, որ լուսաւորեաց զխաւարային
կողմանս հիւսիսոյ, զոր և այժմ կա-
մին 'ի մէնջ կորզել հանել խաւա-
րասէր որդիքն արեւելից :

Եւ մէք 'ի ձեր քաջութիւն արու-
թեանդ իփզախեալ, էր ինչ՝ որ ընդ-
դէմ դարձաք նոցա հրամանացն,
և բազում այն է՝ որ արդ առաջի
պատրաստեալ եմք : Ընտրեցաք ըզ-
մահ աստուածաբաշտութեամբ քան

զկեանս ուրացու թեամբ, եթէ դուք
եւս 'ի ձեռն առջիք զմեզ, ահա կրբ
կին կենաց դիպեցաք և ոչ մի ան
գամ մահու : Եւ եթէ սակաւիկ մի
հեղգայք, գուցէ բազում և այլ
աշխարհաց հասանիցէ տապ բոցոյ
սորա :

Եւ իբրեւ յանդիման եզեն մեծի
թագաւորին, և ընթերցան զգիր
պաղատանաց Հայոց աշխարհին և
գլխատակարանան նախնեացն, բա
զում մատեանք 'ի մէջ եկեալ ըն
թերցան, որ զնոյն ուխտ հաստա
տու թեան 'ի ներքս գտանելին : Եւ
մինչ դեռ երանելին Թէոդոս հար
ցանէր զամենայն սինկղիտոսն, և
հնարս իրացն կամէր գտանել իա
ղաղութեամբ, և հոգ տանէր մե
ծաւ յօժարութեամբ, զի մի' եկե
ղեցիքն արեւելից յախշտակեացին
յանօրէն հեթանոսացն, 'ի նմին ժա
մանակի հա' անդէն վաղվաղակի հա
սանէր վախճան կատարածի կենաց
նորա, և կարի չար խափան լինէր
գործոյն օգնականութեան :

Եւ թագաւորէ փոխանակ նորա Մարկիանոս կայսր, և ՚ի ձեռն վառ թար արանց խրատտուացն իւրոց ծառայիցն, Անատոլեայ՝ որ սպարապետն էր, և Եղիարիոս ասորի երկոքեան անարդք և վատթար արանց, միանգամայն և անատուածք ՚ի նոցա քանա ելեալ թագաւորն, ոչ կամէր անսալ միաքան ուխտին հաւատոց, որ ամենայն ուժովն իւրեանց ընդդէմ կացեալ էին չարութեանն հեթանոսաց: Իսկ անարիս այս լաւ համարէր սրահել զուխան հեթանոսաց վասն մարմնական խաղաղութեան, քան սրտերազմակից լինել ուխտին քրիստոնէութեան: Ասան այսորիկ փութացաւ արձակեաց դեսպանս առ թագաւորն Պարսից զնոյն Եղիարիոսն, և եմուտ ընդ նմա յուխտ հաստատութեան՝ ձեռնթափ լինել ՚ի զօրացն հայոց զօրու և զինու և ամենայն օգնականութեամբ:

Եւ իբրեւ այսպէս հաստատեցաւ, և հատաւ օգնականութիւն յուսոց նոցա ՚ի մարդկանէ, դարձեալ սուրբ

Եպիսկոպոսքն քաջալերել սկսան զանձինս և զօրսն հայոց: Թէպէտ և հայէին յիւրեանց սահաւութիւնն և յերկոցունց թագաւորացն միաբանութիւն, ոչ ինչ վատասրտեալ գողային. այլ ըստ առաջին ուխտին խիզախէին և ասէին. Պատրաստեմք 'ի սպանանել և 'ի մեռանել. դիւրին է Աստուծոյ սահաւութք զբազմաց գործ գործել, և անարդօք զմեծամեծ իրս կատարել:

Թէպէտ և ոչ ունէին թագաւոր առաջնորդ, և ոչ արտաքուստ օգնական զոք յօտարաց, սակայն անձանց առաքինութեամբ և սուրբ վարդապետաց մխիթարութեամբ համադունդ ամենայն զօրօք նախարարացն յիւրաքանչիւր տանէ 'ի մի վայր գային հասանէին վաղվաղակիրազում և այլ այրուծի, որ յարքունի տանէ անտի էր: Եւ զամենայն զօրսն յերիս դունդս բաժանէին: Զգունդն առաջին տային ցՆերշապուհս յըմբօսեան, և դամարէին զնա սրահատան աշխարհին, մերձ 'ի սահմանս Արարատական

աշխարհին : Եւ զգունդն երկրորդ
տային 'ի ձեռն Վարդանայ զօրավա-
րին հայոց՝ անցանել ընդ սահմանս
Վրաց 'ի վերայ մարզապանին Ճորայ ,
որ եկեալ էր աւերել զեկեղեցիսն
Աղուանից : Իսկ զգունդն երրորդ
տային 'ի ձեռս Վասակայ իշխանին
Սիւնեաց , որ ոչ 'ի բաց կացեալ էր
յուխտէն հեթանոսաց ըստ ներքին
խորհրդոցն իւրոց :

Ընտրեաց և առ ընդ իւր զորոց
գլխէր զԹուրուԹիւն հաւատոց նո-
ցա . զիշխանն բազրատունեաց զօ-
րօք իւրովք , զիշխանն խորխուու-
նեաց զօրօք իւրովք , զիշխանն ապա-
հունեաց զօրօք իւրովք , զիշխանն
վահեւունեաց զօրօքն իւրովք , զիշ-
խանն սալունեաց զօրօքն իւրովք ,
զիշխանն դաբեղենից զօրօք իւրովք ,
զիշխանն Ուրծայ զօրօքն իւրովք :
Եւ զայլս բազում զօրս յարքունի
տանէն արկ յինքն , և զսեպուհս ու
մանս յայլմէ տոհմէ : Եւ խորամանկ
խաբէութեամբ դարանամուտ լի-
նէր յամուրս իւրոյ աշխարհին , 'ի
պատճառս կեղծաւորութեան՝ ե-

Թէ ընդ ճապուեկ անդր անցանէ՛ ՚ի վերայ դնդին Պարսից՝ հալածականս առնել յաշխարհէն Աղուանից :

Իսկ նա յամբածածուկ հաւարուցէն ճեպով գեսպանս արձակէր առ գունդն Պարսից . Ահա աւագիկ քակեցի զմիաբանութիւն ուխտիս հայոց , և ընդ երիս կողմանս զգունդն քակեալ բաժանեցի : Չգունդն առ առջին հեռացուցի ՚ի կողմանս հերայ և Չարաւանդայ . և գունդս երկրորդ ընդ խնով ձեռամբ է , որոց ոչ ինչ տամ մնաս առնել զօրաց արքունի : Եւ զայլ ամենայն , որ այր կռուոյ յաշխարհի աստ գտանէր , ցանեցի ցրուեցի ընդ ամենայն միջոցս աշխարհիս : Բայց զգունդն երրորդ արարի ընդ Արդանայ յԱղուանս՝ սակաւաձեռն և ոչ բազմաթիւ : Եւ համարձակ ընդ առաջ նորա , և մի զանգիտեր ամենեւին տալ սրտաբազմ . գիտեմ՝ զի ՚ի սպարաութիւն մատնին առաջի քոյոյ մեծի զօրութեանդ :

Չայս գրեաց և եցոյց մարզպանին , որում անուանն էր Սեբուխա :

Իսկ նա իբրև լուաւ զայս ամենայն
 զքաջալերս 'ի Ասասկայ, և սաու-
 դեալ հաստատեաց 'ի միտս իւր, և
 թէ սակաւաձեռն գնդաւ զայ սպա-
 րապետն հայոց 'ի վերայ նորա, ոչ
 եկաց մնաց 'ի կողմանս Ճորայ: այլ
 կուտեաց զամենայն բազմութիւն
 զօրու իւրոյ, և փութանակի ան-
 ցանէր ընդ մեծ գետնս Աուր անուն .
 և սրատահէր նմա մերձ 'ի սահմանս
 Արաց հանդէս Խաղխաղ քաղաքի,
 որ ձմերոց էր թագաւորաց Ալուա
 նից: Անցանէր բաւանդակէր ամե-
 նայն զօրօք իւրովք. ուազմ արարեալ
 զբոլոր մեծութիւն զաշտին 'ի ներ-
 քրս փակէր, զինեալք և վառեալք
 ամենայն սրատրաստութեամբ 'ի
 մարտ սրատերազմի ընդդէմ գնդին
 հայոց:

Իսկ քաջն Աարդան և ամենայն
 զօրքն, որ ընդ նմա էին, իբրև տե-
 սին զբազմութիւն սրատրաստու-
 թեան գնդին հեթանոսաց, հայե-
 ցան և յիւրեանց սակաւութիւնն,
 թէպէտ և կարի յոյժ նուազունք
 էին քան զնոսա, ոչ ինչ զանգիտե-

ցին առ յոյժ բազմութենէն, այլ հասարակ միաբանեցին և համբար ձին յերկինս զձեռս իւրեանց, ազազակէին և ասէին. Դատեալ, Տէր, զայնոսիկ՝ ոյք դատին զմեզ. մարտիր ընդ այնոսիկ, որ մարտնչինս ընդ մեզ. զինու և ասպարաւ քով օգնեալ մեզ: Շարժեալ և դողացս զգունդագունդ բազմութիւն անօրինացս. ցրուեալ և վասնեալ զար միաբանութիւն թշնամեաց քոց առաջի քոյոյ փրկական մեծի նշանիս, և սուր ՚ի ձեռն սակաւուցս զքաջութիւն յաղթութեան ՚ի վերայ անհնարին բազմութեանս: Աջ ՚ի սրարձանս անտի փառաւորութեան անօգուտ վաստակոց ինչ ազաչեմք՝ յազահութիւն ընչասիրութեան զանցաւոր մեծութիւն կապտելոյ, այլ զի ծանիցեն և դիտացեն ամենեքեան այնօքիկ՝ որ հնազանդին սուրբ աւետարանին քարոզութեան, եթէ դու ես Տէր կենաց և մահու, և ՚ի ձեռս քո է յաղթութիւն և սրարտութիւն: Եւ մէք սխտորատս եմք ՚ի մեռանել վասն

քո սիրոյդ . և եթէ սպանանել եւս հասանէ զնոսա , եղիցուք վրէժխն , դիրք ճշմարտութեանն :

Եւ զայս ասելով խումբ արարեալ յարձակէին , և զաջ թեւն բեկեալ զձախոյ կողմամբն արկեալ , և սրոյ ճարակ զամենեւեան տային ընդ երեսս դաշտին , և փախաստական անէին մինչեւ յամուր տեղիս մայրեացն առ խորագոյն դարիւքն Նոբնաս գետոյ : Ուր ընդդէմ դարձեալ թագաւորազանց ոմանց բազասական արքայի , ընկեցին զոմն 'ի ձիոյ 'ի նախարարաց Հայոց , 'ի գընդէն գիմաքսենից զՄուշ սպանին , և զԳազրիկ վերաւորեցին :

Յայնմ տեղուջ գէտ ակն 'ի վեր ամբառնայր Արշաւիր արշարունի , գոչէր առիւծաբար և յարձակէր վարազաբար , հարկանէր և սատակէր զՎուրկն քաջ զեղբայր թագաւորին՝ Նփնեաց արքային , և զբազում համհարզս նորին ընդ նմին սատակէր : Եւ այնպէս ամենեքեան առ հասարակ սյր զախոյեան իւր յերկիր կործանէր : Եւ առ յոյժ

յանդուզն յարձակմանն՝ յոլովա-
գոյն այն էր զոր գետամոյնս առ-
նէին քան զանկեալն սրոյ՝ ի ցամա-
քի : Ի բազմութենէ դիականցն ան-
կելոց՝ յստակ ջուրք գետոյն յարիւն
դառնային , և ոչ գտանէր որ ամե-
նեւին ՚ի նոցանէ ապրեալ և թաքու-
ցեալ յանտառախիտ մայրիս դաշ-
տացն : Բայց մի ոմն ՚ի զօրականէ
թշնամեացն՝ զինու հանդերձ ելեալ
՚ի նիւս երիվարին անցանէր ընդ մեծ
գետն , մազապուր պրծեալ ՚ի սա-
տերազմէն՝ գոյժ տանէր ՚ի մնացեալ
բուն բանակն , որք փախտտական
անկանէին ՚ի մեծ շահատանն :

Յայնմ ժամանակի զօրքն հայոց
կատարելով զմեծ գործ սատերազ-
մին , դիակապուտ դառնային , ժո-
ղովէին զբազում աւար բանակին ,
և կողոպտէին զանկեալ դիակունան .
և կուտէին բազում արծաթ և ու-
կի , զղէս և զլարդս զարի արանց
և զքաջ երիւարաց :

Դարձեալ յարձակէին ոչ սակաւ
քաջութեամբ ՚ի վերայ բերդիցն և
քաղաքացն , զոր ունէին սլարսիկքն

յաշխարհին Ազուանից • հզօրապէս մարանչելով և սյրելով զամուրս արգելանաց նոցա , և զերամս երամս մոգացն՝ զոր պատրաստական ածեալ աշխարհին գայթակղութիւն , ուր և գտանէին յամուրս ամուրս վայրացն , սրոյ ճարակ տուեալ՝ դնէին գէշ թռչնոց երկնից և գազանաց երկրի : Սրբէին զտեղիան յամենայն սղծագործ զոհիցն , և փրկեալ ազատէին զեկեղեցիան յանհնարին նեղութենէն :

Եւ բազումք 'ի նախարարացն Ազուանից և յամենայն շինականացն , որք վասն անուանն Աստուծոյ ցրուեալ և վատնեալ էին յամուրս լերանց Վապկոհի , իբրեւ տեսին զաջողութիւն գործոյն՝ զոր կատարէր Աստուած 'ի ձեռն գնդին Հայոց , գային ժողովէին և նոքա , և խառնէին 'ի զօրս նոցա • և միաբանք և հաւասարք կցորդք լինէին գործոյն նահատակութեան : Խաղային գնային այնուհետեւ 'ի վերայ սահակին հոնաց , զոր ունէին բռնութեամբ սրարսիկքն • առնուին

քանդէին զպահակն, և կոտորէին զգօրան՝ որ 'ի ներքա բնակեալ էին. և զգօւռնն տային 'ի ձեռն Ահաւ նայ, որ էր յազգէ Թագաւորացն Աղուանից: Եւ յայտր ամենայն քաջութեան վերայ ոչ ոք անկեալ վերաւորեցաւ ամենեւին 'ի նոցանէ, բայց 'ի միոյ երանելոյ որ կատարեցաւ նահատակութեամբ 'ի մեծ պատերազմին:

Եւ անդէն 'ի նմին տեղւոջ զայրն՝ որում զգօւռնն յանձն արարին, զնոյն դեսպանս արձակեցին յաշխարհն Հոնաց, և 'ի բազում յայլ ազգս բարբարոսաց, որ համադործք էին Հոնաց աշխարհին, բանս զնել ընդ նոսա և ուխտ հաստատել՝ անքակութեամբ ունել զմիաբանութիւնն: Իսկ նոքա իբրեւ զայն ամենայն լուան, փութապէս վաղլաղակի հասանէին 'ի տեղին, և ակա նատեսք լինէին գործոյն յաղթութեան: Եւ ոչ ինչ յապաղեցին երգմամբ յուխտ մտանել ըստ կարգի իւրեանց օրինաց, յանձն առին և զերդուամս քրիստոնէից՝ սրահել ընդ

նոսա հաստատութեամբ զմիտքա-
նութիւն :

Իսկ իբրև զայս կատարեցին և
արարին իւրեանց մեծապէս հաս-
տատութիւն, և դեռ անդէն ՚ի տե-
ղոջն զետեղեալ էին խաղաղու-
թեամբ, դուժկան հասանէր յաշ-
խարհէն Հայոց, զճակատ հարեալ
և զօձիս սխառտեալ վասն ասղրս-
տամբին Ասասիայ. յետս կացեալ
յուխտէն քրիստոնէութեան և ա-
ւերեալ զբազում տեղիս Հայոց աշ-
խարհին, մանաւանդ զձմերոցս ար-
քունի, որ կայեանք զօրացն էին,
զԳառնին և զԱրամօնս և զԴրահա-
նակերան՝ զմեծ դաստակերան, ըզ-
Արդանաշատն և զամուրն Օշա-
կան, զՓառախտան, զԱրգեանան,
զՉոպկերան աւան և զԷրզն Ար-
մաւրի, զՎուաշն աւան, զԱրուճն,
զԱշնակն և զամենայն ոսն Արա-
գածու, և զնահանգն Արտաշատու
և զԱրտաշատն ինքնին գլխովին,
և զամենայն գեւղս և զաւանս՝ որ
չուրջ զնովար էին, առեալ աւե-
լտեալ և հրձիգ արաշեալ, և զա-

մենեցուն ձեր զընտանիս փախուցեալ մերժեալ յիւրաքանչիւր բնակութենէ :

Չե՞ն արկեալ և 'ի սուրբ եկեղեցիսն, տարեալ և զսուրբ սպասեկեղեցւոյն սեղանոյ . գերի վարեալ զընտանիս քահանայից, և զնոսին կապեալ և եղեալ 'ի բանգի . և ինքն սփռեալ տարածեալ ասպատակաւ աւերէր զերկիրն ամենայն : Եւ գունդն՝ որ էր 'ի կողմանս Ատրպաւտահանի, ոչ ժամանեաց ձեռն տալ 'ի միջոց աշխարհին : Եւ զօրքն՝ որ անդ մնացեալ էին, խոյս տուեալ յանօրինէն մերժեցան յեզր աշխարհին, և դեռ սրահեն ընդ ձեզ զուխա միաքանութեան սիրոյն Քրիստոսի : Բայց այն որ ընդ նմայն էին, են ամանք՝ որ փախեան յիւրաքանչիւր տեղիս, և բազումք այն են՝ որ զհեամոլորեցան նորա ամբարշտութեանն :

Չու արարեալ 'ի տեղւոջէ անափ դառնալ անդրէն յաշխարհն Հայոց մեծաւ ստիպով և բազում աւարաւ և անչափ մեծութեամբ, և անտրտում ուրախութեամբ երգս 'ի

բերանն առեալ և ասէին ձայնիւ .
 Խոստովան եղերուք Տեառն, զի բա-
 րի է, զի յաւիտեան է ողորմութիւնս
 նորա . ո եհար զագղս մեծամեծս և
 սպան զիշխանս հզօրս, զի բարի է,
 զի յաւիտեան է ողորմութիւնս նո-
 րա : Եւ զայս սաղմոսս երգելով մին
 չեւ 'ի վախճան կատարեալ աղօ-
 թիւք փառատրութիւնս սուրբ Եր-
 րորդութեանն մատուցանէին : Անդ
 յանձանձէր ածէր զօրավարն զկայ
 և զմնաց զօրականին առաջապահօք
 և վերջապահօք, կողմապահօք ողջ
 և առողջ հասուցեալ յաւուրս երե-
 սուն մերձ 'ի սահմանս հայրենի աշ-
 խարհին :

Ազգ եղեւ ուրացեալն Աստակայ
 և իշխանացն որ ընդ նմա էին՝ քա-
 ջութիւն նահատակութեան գնդին
 Արդանայ յաշխարհին Աղուանից,
 և միաբանութիւնն եւս Հոնաց :
 Մինչ չեւ յանդիման եղեալ էին մի-
 մեանց, զգիշեր մի օգնական գտեալ
 նորա՝ փախստեայ անկանէր յամուրս
 Իւրոյ աշխարհին . և այնպէս տագ-
 նապաւ մերժեցաւ, զգերի և զա-

ւարն զոր առեալ էր յԱյրարատ գաւառէ, ակամայ զիւրն եւս 'ի վերայ եթող և փախեաւ :

Եւ քանզի ժամանակ ձմերայնուոյ հասեալ էր, և զուռնիկս՝ թնառեաց գնդին հարեալ էր, ոչ կարէր զմիով տեղեալ համագունդ զգորան դարմանել. այլ սփռէր տարածանէր ընդ գաւառս գաւառս աշխարհին առ 'ի հանդիսս ձմերուցին: Պատուէր հրամանի տայր պատրաստական լինել կազմութեամբ առ ժամանակ գարնայնոյն : Եւ զսակաւս 'ի գրն գէն յաւազ նախարարացն գործակից իւր թողեալ, բռնանայր 'ի վերայ՝ ունելով զթագաւորանիսս տեղիսն :

Եւ գունդս գունդս արձակէր յաշխարհն Սիւնեաց, առնոյր և աւերէր զբազում գաւառս. և այնպէս 'ի նեղ արկանէր զնա և զամենայն զգորան որ ընդ նմա էր, զի զէշս և զձիս մեռելոտիս առ սովոյն վտանգի անխափր ուտէին : Եւ բազում հարուածս հասուցանէին 'ի վերայ ուրացելոյն. մինչև թողով սուրբ

Եպիսկոպոսացն և ամենայն ուխտ
քահանայու թեանն դառնապէս ար-
տասուա իջուցանելին ՚ի վերայ չա-
րաչար վտացելոցն, որ բռկ և հեփի
վարելին զարս և զկանայս փափկա-
սունս, և բազում տղայք զքարի
հարեալ ընկեցան յանցս ճանապարհ
հայ :

Իբրեւ այս ամենայն աջողութիւն
լինէր երկիւղածացն Աստուծոյ, ա-
մենայն եպիսկոպոսունք և երիցունք
սրատուէր հրամանի տուեալ աշ-
խարհին, զողջոյն ամիսն քաղոց սա-
հօք և աղօթիւք առնել խնդրուածս
առ Աստուած, և զտօն սրատերազ-
մացն յաղթութեան խառնել ՚ի
սուրբ տօն յայանութեանն Քրիս-
տոսի, զի անխափան կացցէ մեծ յի-
շատակարանս այս ընդ աստուածայ-
ին անանց տօնին : Եւ զսոյն զայս ա-
մենայն այցելութիւնս Աստուծոյ,
որ ՚ի վերայ աշխարհին հայոց մեծա-
պէս երեւեցաւ, գրեցին սուրբ ե-
պիսկոպոսունքն և ետուն տանել
յաշխարհն Յունաց ՚ի մեծ քաղաքն
առ սուրբ ուխտ եկեղեցւոյն • զի և

նորքա աղօթս առնելով խնդրեսցեն
 Ղաստուծոյ, որպէս սկսաքս 'ի նմին
 և կատարեսցուք :

Եւ զոմն յառաջին կապելոց
 պարսկաց լուծեալ և ածեալ զառա-
 ջեաւ նախարարացն, խօսէին ընդ
 նմա և ցուցանէին զամենայն զնաան
 որեղեւ, կամ աշխարհացն աւերելն,
 կամ զօրացն արքունի հարկանելն,
 և կամ որ այլ իրք առաջոյ լինելոց
 էին : Եւ իբրեւ զայս ամենայն բո-
 վանդակ ցուցին նմա, միաբան լի-
 նէր ամբաստանութիւն երկոցունց
 կողմանցն՝ զառաքինեացն և զյետս
 կացելոց . որպէս զուր և տարա-
 սրարաուց նեղեաց զնոսա՝ 'ի հայրե-
 նի օրինացն յետսկալ, և զխաբէու-
 թիւն ապստամբին Վասակայ, որ-
 պէս Հայոց բանիւ խաբեաց զթա-
 դաւորն, յանձն առնուլ զմոգու-
 թիւն . իբրեւ չէր ուրուք ընդ նմա
 բանս եղեալ, նա յանձնէ սուտա-
 կատաս լինէր :

Իբրեւ լիով զայս ամենայն խնացու-
 ցին, արձակեցին զնա հրեշտակու-
 թեամբ յաղերս ապարանութեան և

'ի հնարս հայթայթանաց, թերեւս
 կարասցեն զեղբարս իւրեանց 'ի նե-
 ղու-թենէն գողանալ: Այլ առ նա՝
 անօրէնն Ասասկայ գուժկանքն յա-
 ռաջագոյն հասեալ էին, պատմել
 զազէտս տարակուսանացն, զոր ան-
 ցուցեալ էր ընդ զօրան արքունի-
 և ամենայն ամբաստանութիւնն 'ի
 սուրբ ուխտ եկեղեցւոյն կրթեալ
 էր: Քանզի այն իսկ կամք էին ան-
 օրինին, եթէ զմիաբանութիւն ե-
 պիակոպոսացն քակեսցէ 'ի նախա-
 բարացն, և զայս ոչ էր տեղեկա-
 ցեալ տակաւին, եթէ հոգի և մար-
 մին բաժանիցին առ ժամանակ մի՝
 գոյ տեսանել 'ի բնութեանս, այլ
 որ սիրտին Աստուծոյ յուխտ մտեալ
 է՝ այսմ անհնար է լինել:

Արդ երթեալ այրն 'ի տեղի ձմե-
 րոցին, պատմեաց զայս ամենայն
 յականջս թագաւորին, շարժեալ
 գողացոյց, որ և յամենայն զօրու-
 թենէն պակասեալ գտաւ, մանա-
 ւանդ զի յարեւելից պատերազմէն
 կորակոր և ոչ բարձրագլուխ էր
 գարձեալ: Իբրեւ ստուգեալ հաս-

տաստեաց 'ի վերջին հրեշտակէն՝ որ
 եհաս առ նա, զամենայն մնասա զիւր
 գործոցն զխորհրդակցօքն արկանէր:
 Եւ անդէն շիջանէր 'ի բազմաբոց բոր
 բորմանէն . քանզի խցաւ բերան չար
 խրատութեացն, որ անդագար յոր
 գորէին զնա 'ի գործ դառնութեան:
 Խոնարհեցաւ 'ի բարձր հարարու
 թենէն, և զվայրենացեալ սիրան
 դարձոյց 'ի մարդկային բնութիւն .
 հայեցաւ և ետես զինքն լի տկարու
 թեամբ . գիտաց եթէ զամենայն զոր
 կամի առնել՝ ոչ կարէ կատարել:
 Ասան այնորիկ և դադարեաց յան
 դուզն յարձակմանէն, և լռեցոյց
 զմտեղնոտաբար գոչումնն:

Եւ որ մեծաձայն բարբառով ու
 բոտայր, և եւս ահագին հրամանօքն
 զհեռաւորս և զմերձաւորս գողա
 ցուցանէր, սկսաւ քաղցր և աղերս
 բանիւք խօսել ընդ ամենեւեան և
 ասել . Չի՞նչ ինչ մնաս գործեալ
 է իմ, և կամ զոր յանցս յանցու
 ցեալ կամ առ ազգս կամ առ լե
 զուս կամ առ անձն իւրաբանչիւր:
 Ա՛չ ահա բազում ուսմունք են յաշ

խարհիս Արեաց, և իւրաքանչիւր
 պաշտամունք յայանի են. ո՞ երբէք
 նեղեաց պնդեաց դարձուցանել ՚ի
 մի օրէնս մոգութեան. մանաւանդ
 վասն օրինաց քրիստոնէութեանն,
 որպէս հաստատուն և ճշմարիտ կա-
 ցեալ են յիւրեանց դենին, նոյնպէս
 և առ մեզ լաւագոյն քան զամենայն
 կեշտան նորա երեւեալ են: Եւ բիծ
 իսկ ոչ կարէ որ դնել ընտրեալ օրի-
 նաց նոցա. այլ զոյգ և հաւասար
 համարիմ գենիս մազդեզանց, որ-
 պէս և յարգեալ իսկ էին նորա առ
 նախնեօքն մերովք, զոր ես ինձէն
 իսկ յիշեմ առ հարբն իմով որ նըս-
 տէր ՚ի մեծ գահոյս յայամ:

Յորժամ սկսաւ անգաճել և
 քննել զամենայն ուսմունս և հաս-
 տատութեամբ ՚ի վերայ եհաս, ա-
 ռաւել վեհ գտանէր զօրէնս քրիս-
 տոնէից քան զամենեցուն. վասն
 այսորիկ մեծարեալք և պատուեալք
 շրջէին ՚ի դրան արքունի, և առա-
 տաձեռն պարգեւօք երահիկք լի-
 նեկին ՚ի նմանէ, և համարձակու-
 թեամբ շրջէին ընդ ամենայն երկիր:

Նա և որ գլխաւորքն էին քրիստոնէիցն, զոր և եպիսկոպոս անուանեն, ընծայից և պատարագաց արժանիս առնէր զնոսա, իբր հաւատարիմ ոստիկանս : Յանձն առնէր նոցա զհեռաւոր մարզսն, և ոչ երբէք սխալ լինէր ՚ի մեծամեծ իրացն արքունի :

Եւ դուք զմի զայն երբէք ոչ յիշեցէք, այլ հանապազօր ձանձրացուցէք զլսելիս իմ, խօսելով զնոցանէ զամենայն չարութիւն : Տեսէք՝ զի ետուք գործել ինձ զոր ինչ ոչ կամէի, և եղեն ինասք մեծամեծք ՚ի սահմանսն ՚ի մէջ երկուց անհաշտ թշնամեաց : Եւ մեք դեռ ՚ի հեռաւոր ձանապարհի, և ոչ մի ինչ գործ ՚ի պատերազմիս ՚ի գլուխ երթեալ, և դուք աստէն յիմում տանս յարուցէք ՚ի վերայ պատերազմ, որոյ չարագոյն եւս լինելոց է կատարածն իւր քան զարտաքին թշնամեացն :

Զայս ամենայն և առաւել քան զայն խօսէր ընդ ամենայն աւագանին, և զինասս յանցանացն արկա-

նէր զմոգսեալն և զմոգօքն : Եւ
ամենայն վզուկքն և սրտուական
նախարարքն , որ նստէին յատենին
և ունին գնէին յեղեղուկ լեզուի
նորա , ամաչեցեալ կորանային և ընդ
երկիր սշնուին , և զգլուխ 'ի վեր
ոչ կարէին համբառնալ :

Բայց սակաւք 'ի նոցանէ զմիտս
հաճելով՝ ասէին զայս . Այո , ար
քայ քաջ , այդ այդպէս է որպէս
ասացերդ , և արդ կարես զամենայն
ուղղութեամբ նուաճել . չեք ինչ
այն , որ ըստ քո կամսդ արտաքս կա
րէ ելանել , զի տուեալ է քեզ աս
տուածոցն , զի զամենայն զոր և կա
միս , կարես առնել : Մի նեղեալ
տաղնապիր յանձն քո և հարկաներ
զմիտս մեր ամենեցուն . Թերեւս և
դէւր իցեն հնարք իրացն կատարա
ծի : Երկայնամիտ լեր և համբերու
թեամբ Թողացո մարդկանդ անդ
րէն զքրիստոսինէութիւն , և դոքօք
զատրտամբան ածցես 'ի հաւանու
թիւն :

Հաճոյ Թուեցաւ բանքն առաջի
Թագաւորին . և անդէն վազվազա

կի կոչէր զառաջեալ յամենայն ազգացն որ ունէին զքրիստոնէութիւնն, որ 'ի զօրու նորա էին, և բռնաբար արգելեալ էր զնոսա, զի մի՛ ոք իշխան լիցի յանդիման պաշտել զԱստուած: Քանզի որ ընդդէմ կացին, չարչարեաց և արգել 'ի նոցանէ զյայտնի պաշտօնն, և ոմանց ոմանց ահամայ երկիր ետ պագանել արեգականն, և նստոյց 'ի սուգ տրտմութեան զամենայն զօրականսն:

Իսկ այն օր հրամայէր անդրէն համարձակութեամբ ըստ առաջին կարգին հաստատուն կալ յօրէնս քրիստոնէութեանն: Իսկ որք յանցաւորքն էին, ոչ կամէին վաղձազակի սուանց մեծի ասպաշխարութեանն գալ և խառնել 'ի կարգքրիստոնէութեան. հրամայէր թագաւորն՝ զի բռնի կալցին և տարցեն յեկեղեցին իւրեանց: Եւ երիցանցն համարձակէր, որպէս զխարդ և գիտիցեն՝ ըստ կարգին իւրեանց արացն: Եւ զհաստեալ ռոճիկսն կարգէր անդրէն իւրաքանչիւր, և զալ

գեղեւալ բազմականնն՝ ՚ի նոցանէ՝ ՚ի տեղի հրամայէր մատուցանել, և հանապազորդ յարքունիս մտանել ոչ արգելոյր զնոսա . և զամենայն որ զհարդ և կարգեալ էին յառաջագոյն՝ անգրէն յօրինէր : Խոնարհէր և խօսէր ընդ նոսա սիրով ըստ առաջին սովորութեանն :

Եւ իբրեւ զայս ամենայն արար և կարգեաց, յանդիման նոցա թողութեան հրովարտակա առօքէր ընդ ամենայն երկիր իշխանութեան տէրութեան իւրոյ վասն քրիստոնէից . Եթէ ՚ի կապանս որ կայցէ, արքունի հրամանաւ արձակեալ լիցի . և եթէ ինչք ուրուք յափշտակեալ լիցեն, դարձցին անգրէն : Այնպէս և երկիրք, եթէ հայրենիք, եթէ սարգեւականք և եթէ քսակագինք, և հանեալ ուրուք իցէ, հրամայեցաք զի դարձցին : Եւ իբրեւ այսմ ամենայնի զնոսա տեղեակ առնէր, իւրնորէր ՚ի նոցանէ վկայութիւն հաւատարմութեան յերկիրն Հայոց, և երգմամբ յուխտ մտանէր առաջի նոցա՝ հաստատութեամբ ամենայն

մեծամեծաց իւրոց, եթէ ոչ ինչ յիշեցից ամենեւին զքէն վրիժուցն ինդրելոյ : Արպէս ունէիք յառաջ ճշմարտութեամբ զօրէնս ձեր, այսուհետեւ առաւել կալարուք. բայց միայն ՚ի ծառայութենէ մերմէ մի ելանէք :

Ձայս ամենայն գրէր և ցուցանէր յերկրին Հայոց և ՚ի բազում յայլ աշխարհս, որ ունէին զօրէնս քրիստոնէութեանն. և ինքն գաղտխորամանկեալ փութացեալ դեսպանս առաքէր առ Մարկիանոս կայսր : Եւ իբրեւ ստուգեալ ճշմարտեաց, եթէ Հռոմք ՚ի բաց կացին ձեռնառու լինել քրիստոնէութեանն ոչ զօրու օգնականութեան և ոչ այլ իրօք, դարձեալ անգրէն ՚ի նոյն յառաջին կարծիս մօլորութեանն շքեցաւ : Ձի յաջողութեան իրացն ՚ի ձեռն իւրոց պաշտօնէիցն հրամայէր. և այնպէս ածէր զմտաւ, եթէ ըստ առաջին կարծեացն կատարեացեն զամենայն :

Իսկ Հայք թէպէտ և ընկալան զգիրն խաբեբայ ողորանաց թագա-

ւորին , որ 'ի վերոյ ունէր զաւետիս
կենաց և 'ի ներքոյ զդառնութիւն
մահու , զարմացեալ էին ընդ թերի
խորհուրդսն , ասէին ցմիմեանս .
Քանի լիրք է խորամանկ խաբէու-
թիւն նորա , զի երկիցս և երկցս ըզ-
փորձ առեալ կշտամբեցաւ , և ոչ
ամաչէ : Եւ տեղեակ եղեալ մերոյ
անբակ միաբանութեանս , տակա-
ւին լրբի և լինի , զհետ մտեալ՝ կա-
մի զմեզ լքուցանել :

Իսկ հաւատասցունք անհաստատ
հրամանի նորա . զոր բարեգործու-
թիւն տեսաք առ ամենայն եկեղե-
ցիս , որ են յաշխարհին Պարսից :
Զի որ ինքն իւր չար է , այլում բա-
րի ոչ կարէ լինել . և որ ինքն ընդ
խաւար գնայ , այլում ոչ առաջնորդ
դէ ճշմարտութեան լուսով : Արպէս
զի չիք յանիրաւութենէ արգարու-
թիւն , այսպէս 'ի ստութենէ ճշ-
մարտութիւն , սոյնպէս և 'ի խոռ-
վասէր մտաց ակնկալութիւն խաղա-
ղութեան :

Այլ մեք ապրեալքս զօրու-
թեամբն Աստուծոյ , և հաստա-

տեալք հաւատովքն՝ ՚ի յոյսն Քրիստոսի, որ եկն և հառ ՚ի սուրբ կուսէն զմարմին մերոյ բնութեանս, և միացեալ անբաժանելի աստուածութեամբն՝ ընկալաւ զչարչարանս մերոյ մեղաց ՚ի յիւր մարմինն, և նովին խաչեցաւ և թաղեցաւ և յարուցեալ երեւեցաւ բազմաց, և վերացաւ յանդիման աշակերտացն առ հայր իւր, և նստաւ ընդ աջմէ զօրութեանն, զսոյն հաւատամբ Աստուած Ճշմարիտ, և նմին ակն ունիմք, որ փառօք հօր և զօրութեամբ գայ յարուցանել զամենայն նեջեալս, և նորոգել զհնութիւն աւրաածոց, առնել համառօտս յաւիտենից ՚ի մէջ արդարոց և մեղաւորաց :

Աչ սրտորիմք իբրեւ զողայ, և ոչ մոլորիմք իբրեւ զանտեղեակս, և ոչ խաբիմք իբրեւ զողէտս . այլ սրատրաստ եմք ամենայն փորձութեանց : Աւ աղաչեմք զԱստուած, և անդադար խնդրեմք ՚ի բազում ողորմութենէ նորա, զի յորում սկսաք, ՚ի նմին և կատարեսցուք

քաջութեամբ, և ոչ վատութեամբ:
 Զի արդ արեւելք և արեւմուտք
 գիտացին զձեր աստուածամարտդ
 լինել, և զմեզ 'ի զուր սպանանել
 'ի վերայ ամենայն վաստակոցն մե-
 րոց: Ա կայեն մեզ երկինք երկնառ-
 օք և երկիր երկրաւորօք, եթէ չեմք
 ինչ մեղուցեալ 'ի միտս մեր անգամ.
 և 'ի վերայ պարգեւաց և բարիս առ-
 նելոյ մեզ՝ զճշմարիտ կեանս կամիք
 հանել 'ի մէնջ, որում չեք հնար,
 և այլ մի լիցի:

Իսկ արդ հաւատասցուք անար-
 ժան բերանոյ նորա, որ ստիպէր չա-
 բաչար յուրացութիւն, և այսօր ա-
 ռանց մի ինչ բարիս գործելոյ լինի-
 ցի՛նա քարոզիչ աւետեաց: Եւ որ
 հայհոյերն զՔրիստոս, և ուրացու-
 ցանէր 'ի նմանէ զհաւատացեալս,
 այսօր ահամայ խոստովանութեանն
 ոչ կարեմք վաղվաղակի յանձն առ-
 նուլ: Եւ որ երգնոյրն 'ի սնտախ
 պաշտմունս իւրոյ մոլորութեանն,
 անցուցանել զամենայն չարչարանս
 ընդ պաշտօնեայս եկեղեցւոյ, արդ
 եկեալ գողանալով գոհութիւն մա-

տուցանէ : և այնու կամի զամենայն
չարութիւն իւր 'ի մեզ հեղուլ : Ոչ
այդմ հաւատամք, և ոչ զսուտ հրաւ
մանդ յանձն առնումք :

Իսկ նա իբրեւ գիտաց, եթէ ոչ
կարեմ քակել զհաստատութիւն
միաբանելոցն, յայնժամ քակեաց
յինքենէ զձերն լի դառնութեամբ,
յորում հանգուցեալ էր սատանայ
զօրութեամբ իւրով, և բազում
գործեալ էր նորա նախճիրս . որոյ
կերակուր կամաց իւրոց էր 'ի ման
կութենէ անարատ մարմին սրբոց,
և ըմպելի անյագութեան նորին՝ աւ
րիւն անմեղացն : Յաւելոյր եւս 'ի
վերայ չարութեան նորա և զիւր մա
հաբեր հրամանն . գունդս գունդս
յամենայն աշխարհացն գումարէր
ընդ նմա, և բազում երամակս փղաց
յղէր ընդ նմա :

Հասեալ մերձ 'ի սահմանս Հայ
ոց, մտանէր 'ի քաղաքն Փայտակա
րան, և զզօրսն ամենայն սփռէր սա
րածանէր շուրջ զքաղաքաւն առ 'ի
զգուշութիւն պատրաստութեան
իւրոց չարահնար խորհրդոցն : Եւ

յամուր որջն մտեալ հին վիշապն
 շարածոյն, և բազում կեղծաւո-
 րութեամբ զինքն թաքուցանելով
 յաներկեղութիւն, հեռաւորացն ա-
 հագին ձայնիւ սաստէր, և ՚ի մեր-
 ձաւորսն իբրեւ զօձ սողալով փչէր :
 Սա էր իշխան և հրամանատար ա-
 մենայն տէրութեանն Պարսից, ո-
 րում անունն էր Միհրնեբսէհ, և
 չէր ոք ամենեւին, որ իշխէր ըստ
 ձեռն նորա ելանել : Եւ ոչ միայն
 մեծամեծք և փոքունք, այլ և ինքն
 թագաւորն հրամանի նորա անսայր-
 որոյ և ձախող իրացն իսկ բուռն
 հարեալ էր նորա :

ՉՈՐՐՈՐԴ ՅԵՂԱՆԱԿ

Վասն Երկդասախոսեանն իշխանին
Սիւնեաց և անօրէն ընկերաց իւրոց :

ՄԻՆՉԵՒ ցայս վայր ոչ ինչ կա-
րի զանգիտէի պատմել զհարուածս
ազգիս մերոյ, որ յարապքին թշու-
մեացն ճշմարտութեանն շարաշար
յարեան ՚ի վերայ մեր . որք սակա-
ւագոյնք հարին զմեզ, և յուրվա-
գոյնք հարեալ գտան ՚ի մէնջ . քան-
զի դեռ եւս միաբանք և հաւասարք
էաք : Թէպէտ և ոմանք ՚ի ծածուկ
ունէին զերկմտութիւն նենգու-
թեանն, սակայն յաչս արտաքնոցն
ահաւոր երեւէր միաբանութիւնն .
որպէս յերկուս և յերկուս տեղիս ոչ
կարացին կալ առաջի :

Արդ յայսմ հետէ և անգր, ուր
սարգեալ անկանի երկպառակու-
թիւն ՚ի ներքս, ընդ քակել միա-

բանութեանն՝ և երկնաւոր առա-
քինութիւնն հեռանայ . և անձնըն-
տիրք լինելով յոյժ բազմանայ լա-
լուան ողբոյս : Քանզի հատեալ ան-
կեալ անգամքն , որ յառաջագոյն
սորուն սուրբ մարմնոյս էին , դառ-
նայ մարդ յարտասուս առաջի մեր
ձակայ դիականն : Եւս առաւել
լնու դառնութեամբ 'ի վերայ այ-
նորիկ , որ յոգի և մարմին առ հա-
սարակ դիակնանայ : Եւ եթէ 'ի վե-
րայ միոյ անձին այսպէս , որչափ եւս
առաւել 'ի վերայ ողջոյն ազգի միով :

Այլ յայտ տեղւոջ ոչ միայն 'ի
վերայ միոյ ազգի է ողբումն մեր ,
այլ 'ի վերայ ազգաց և աշխարհաց .
զոր և յառաջ մատուցեալ ասացից
բառ կարգի , թէպէտ և ոչ խնդու-
թեան մտօք : Ահա ակամայ ճա-
ռագրեմ զբազումս , որպէս կորեան
ոմանք 'ի ճշմարիտ կենացն իւրեանց ,
և սրաւճառք եղեն բազմաց կորրս-
տեանն , ոմանց՝ երեւելեացս միայն ,
և այլոց՝ երեւելեաց և աներեւու-
թից : Եւ այն՝ եւս չար է քան զա-
մենայն . դուռն՝ զոր բացին կորրս-

տեանն, Աստուծոյ միայն կարողու
թիւն է փակել զնա. այլ ըստ մարգ-
կան սահման՝ ահա անցեալ է հնար:

Այս անօրէն Միհրնէրսէհ, քան
զի յառաջագոյն ստուգեալ գիտէր
զամբարշտութիւնն Ասասկայ, և
յայնմ ժամանակի եւս յղէր և կո-
չէր զնա առ ինքն: Որպէս նորա
խակ յառաջագոյն զատեալ և որո-
շեալ էր ՚ի միաբանութենէն Հայոց,
եկն և յանդիման եղեւ. և ստու-
գէր զիւր հաւատարմութիւնն և ըզ-
Հայոց անիրաւ ապստամբութիւնն:
Յաւել և սրտմեաց եւս առաւե-
լաբանութեամբ զոր ինչ ոչ էր գոր-
ծեալ Հայոց. և կամէր ընդանեբար
ընդ միս մտանել անօրինին:

Բայց նա թէպէտ և ՚ի ներքոյ
յոյժ գորովէր զնա, այլ արտաքին
գիմօք մեծարեաց զնա, և եղ առա-
ջի նորա զմեծամեծ պարգեւս երկ-
րաւորս: Եւ խոստացաւ նմա իշ-
խանութիւն աւելի քան զոր ու-
նէրն. և հայեցոյց զնա ՚ի կարծիս
անտախ, որ ՚ի վեր էր քան զիւր տէ-
րութիւնն. իբր թէ անկ իցէ նմա

հասանել մինչ 'ի Թագաւորական վիճակն . բայց միայն հնարս իրացն խնդրեսցէ , թէ որպէս քակտեսցի միաբանութիւն ուխտին Հայոց , և Թագաւորին կամքն կատարեսցին յաշխարհին :

Եւ իբրեւ յանձն էառ զամենայն ինչ՝ երթալ զկնի կամաց նորա , գիտաց և ծերն դառնացեալ , եթէ թմբրեալ և ցնորեալ և քակեալ է 'ի հաստատութենէ միաբանելոցն . յոյժ մխիթարեցաւ 'ի միտս իւր արամեալս , և ած զմտաւ՝ թէ և զամենեւեան այսպէս կարիցեմք որսալ յանգիւտ կորցւսան : Եւ իւրոյ հնարադիտութեանն տայր զխնաստութիւնն . և այնմ ոչ էր անդեակ , թէ նա իւրովի զիւր անձն զատեալ և որոշեալ է 'ի սուրբ եկեղեցւոյն , հեռացեալ և օտարացեալ 'ի սիրոյն Քրիստոսի :

Քանզի մոռացօնք եղեն նմա զարուստ որդւոյն Աստուծոյ , և ոչ յիշեաց զքարոզութիւն սուրբ աւետարանին . և ոչ 'ի սարսառնալեացն զանգիտեաց , և ոչ յաւետիան մխի

Թարեցաւ : Ուրացաւ զաւազանն՝ որ յղացաւ զնա, և ոչ յիշեաց զընկալուչ սուրբ Հոգին՝ որ ծնաւ զնա : Անարգեաց զմարմինն սառտուական՝ որով սրբեցան, և առ թան եհար զարիւնն կենդանի՝ որով և քաւեցան ՚ի մեղաց : Զնշեաց զգիր որդէգրութեանն, և իւրովք ձեռօք խորտակեաց զհաստատուն կնիք մասանւոյն : Եւ ՚ի Թուոյ երանելեացն, և ապատամբեցոյց ընդ իւր զբազումս :

Ձեռն արկ կամակորութեամբ և եմուտ յորդէգրութիւն գիււապաշտութեանն, և եղեւ աման չարին, և ելից զնա սատանայ ամենայն խորամանկութեամբ : ՚Ի ձեռն էառ իբրեւ զվահան, և ագաւ զնա իբրեւ զրահս, և եղեւ իբր զինուոր կատարեալ կամաց նորա : Մարտեաւ հնարիւք ընդ իմաստունս, և յոյժ խորագիտութեամբ ընդ գիտունս, յայանի ընդ անմեղս, և ՚ի ծածուկ ընդ խորհրդականս . ձեռն էարկ և եհան զբազումս ՚ի գնդէն Քրիստոսի, և խառնեաց ՚ի դու նդս

դիւաց : Եւ 'ի բազում յայլ տեղիս
գողաբար սողեցաւ և եմուտ իբրեւ
զօձ 'ի մէջ ամրացելոցն . և խրամ
հատեալ յափշտակեաց և հառ և ե-
հան յայանու թեամբ զբազումս յա-
զատաց և զբազմագոյնս իշխանաց ,
և զայլ ոմանս յանուանեալ քահա-
նայից :

Արոց անուանքն են այս գործակ-
ցաց նորա . իշխանն ռըշտունեաց
Արտակ անուն , իշխանն խորխո-
ռունեաց Գաղիշոյ անուն , իշխանն
վահեւունեաց Գիտ անուն , իշխանն
բաղրատունեաց Տիրոց անուն , իշ-
խանն ապահունեաց Մանէճ ա-
նուն , իշխանն դաբեղենից Արտէն
անուն , իշխանն Ակեաց Ընջուղ ա-
նուն , իշխանն Ուրծայ Ներսէս ա-
նուն , իշխանն մեւս եւս պալու-
նեաց Վարազշապուհ անուն , սե-
պուհ մի ամատունեաց Մանէն ա-
նուն . բազում և այլ ազատ մար-
դիկ , զոր ռստանիկսն անուանեն
յարբունի տանէ :

Եւ բովանդակ զիւր բոլոր աշ-
խարհն ապստամբեցոյց յուրացու-

Թիւն, ոչ միայն ըստ աշխարհին բազմաթեանն, այլ և զբազումս յուխտէ եկեղեցւոյն • մանաւանդ սուտ երիցամբքն, որով գործէր զչարխան • երէց մի Չանգակ անուն, երէց մի Պետրոս անուն, սարկաւազ մի Սահակ անուն • զորս յղէր սու անմեղ մարդիկ, խաբէր և պատրէր • սուրբ աւետարանաւն երդնուին և ասէին, եթէ 'ի Թագաւորէն շնորհեացի ամենեցունց քրիստոնէութիւնդ: Եւ այսպէս խորամանկութեամբ հանէին զբազումս 'ի սուրբ միաբանութենէն, ածէին և խառնէին 'ի դունդս ուրացողացն:

Եւ Ժողովեաց զամենայն գայթակղութիւն, և արար դունդ զօրաց բազմաց • գրեաց և եցոյց զբազումս 'ի նոցանէ յսկանէ յանուանէ մեծ հազարապետին, և զիւր քաջութիւն արութեանն, մեծապէս պարծելով՝ որպէս աշակերտեաց 'ի մոլորութիւն խաբէութեան, և բաւ Ժանեալս և երկցեղս երեւեցոյց ըզզօրսն հայոց:

Եւ իբրեւ այս ամենայն չարիք

յաջողեցան նմա, քակեաց և զմիա
 բանութիւն աշխարհին Արաց 'ի
 Հայոց, և Աղուանիցն ոչ եա յա-
 ռաջ խաղալ. և զաշխարհն Աղձ-
 նեաց ըստ նմին իսկ օրինակի յեա-
 կալաւ: Գրեաց հրովարտակ և աշ-
 խարհին Յունաց, ցուցանելով նա-
 ցա այլ ընդ այլոյ ստութեամբ, առ
 այր մի, որոյ Ասասկ անուանէր,
 յայնց մամիկոնենից, որ կան 'ի ծա-
 րայութեան Յունաց: Եւ 'ի Թը-
 շուառութեան ժամանակին այրն
 այն սպարապետ էր ստորին Հայոց,
 և հաւատարիմ զօրացն Հոռովմոց
 'ի սահմանին Պարսից. և արտաքոյ
 էր օրինացն Աստուծոյ գործովք իւ-
 ըրովք: Եդիտ այս Ասասկ զայն Աւ-
 սակ իւր գործակից 'ի մեծամեծ չա-
 բիսն, զոր միաբանեցին Երկոքեանն:

Գրէր և ցուցանէր հանապազօրդ
 նա, իբր թէ ամենայն Հայք զկնի
 իւր միաբանեցին. և զնոյն գիր մե-
 ծաւ զգուշութեամբ ներքին Աս-
 սակն տայր տանել 'ի Թագաւորա-
 նիստ քաղաքն կայսեր. մինչեւ ըզ-
 սուրբ Եպիսկոպոսացն զմիտան եւ

ուծացոյց 'ի նոցանէ , և զամենայն
 զօրսն Յունաց յերկբայս արար յուխ
 տէն : Մանաւանդ զի 'ի ձեռն սուս
 քահանայիցն սրաօրէր և խաբէր
 իբրեւ ճշմարիտ մարդովք , աւե-
 տարան հանդերձ խաչիւ տայր տա-
 նել , և զիւր զամենայն սատանայ-
 ահան ստուծիւնն նոքօք ծածկէր :
 Դնէր զինքն յաստուածս պաշտու-
 թեան կարգի և զամենայն կողմ ու-
 րացելոցն . առաւել զինքն հաստա-
 տէր հաստատուն քան զամենայն
 զօրսն Հայոց . երդնոյր և հաստա-
 տէր , եւս և զամենայն հրամանս թա-
 զուծեան յարքունուստ ցուցանէր :
 Այն էին և կամք Յունաց աշխար-
 հին , լսել զայն ախորժուծեամբ .
 այլ 'ի ձեռն նորա առաւել եւս 'ի
 նոյն յեղեալ տապալեցան : Սոյն-
 պէս առնէր և ընդ ամենայն կող-
 մանս ամրականաց աշխարհին , 'ի
 Տմարիան և 'ի Վորդիան , յԱրցախ
 և յԱղուանան , 'ի Վիրս և յաշ-
 խարհն Խաղտեաց . յղէր պնդէր ,
 զի ասպնջականուծեան ոք արժա-
 նի մի արասցէ :

Եւ ըստ մեծի չարութեան նորա
առաւել եւս ժամանակն երբէր նմա
զյաջողութիւն իրացն, զի ամենեւին
արտաքուստ օգնական ոք ոչ գտաւ
գնդին Հայոց, բայց յայնց Հոնաց,
որոց բանս եղեալ էր : Սակայն և
վասն նոցա կուտեաց զբազում այր-
ուձին Արեաց, արգել և փակեաց
զգրուես ելին նոցա, քանզի ոչ տայր
դադար ամենեւին թագաւորին
Պարսից, այլ յղէր և կոչէր զգուն-
դըս բազումս ՚ի սրահակն Ճորայ, և
զՎրաց աշխարհին բովանդակ գու-
մարէր, զՊորսն Ղփնաց և զՃղբաց,
և զՎասն, զԳաւն և զԳղուարն և
զԽրսանն և զՀեճմատակն, զՓասխն
և զՓոսխն և զՓիւքօնան և զամե-
նայն զօրսն թաւասարանն, զԵռ-
նայինն և զգաշտայինն, և զամենայն
ամրակողմն լերանցն : Եւ զոր կա-
րասեաւ, մեծաւ սարգելօք և ա-
ռատաձեռն բաշխելով զգանձան
արքունի, և էր՝ զոր հրամանաւ
թագաւորին սասախւ տաղնապէր :

Զայս ամենայն իբրեւ արար և
կատարեաց ըստ հրամանի թագա-

ւորին , որ ըստ օրէ գրէր և ցուցաւ
 նէր մեծ հազարապետին Պարսից ,
 որ զօղեալ և թաքուցեալ էր 'ի քա-
 ղաքն Փայտահարան : Համարձակե-
 ցաւ այնուհետև և նա ցուցանել
 զինքն բազում ազգաց . էր՝ որոց ահ
 արկանէր , և էր՝ որոց սիրով պար-
 դեւս բաշխէր : Առէր առ ինքն
 զԱսասկ , և որք ընդ նմա իշխանքն
 ամենեքեան . բազում պարգեւս
 բաշխէր նոցա յարքունուստ , և զօ-
 ռացն՝ որ 'ի նորա բանի էին : Տանէր
 զառաջեալ և զուրացեալ երկցուն-
 սըն . ցուցանէր , հաստատէր և յայտ
 առնէր , եթէ սոքօք որսացայց զնո-
 սա՝ քակտել 'ի միաբան յուխտէն :
 Իսկ հազարապետն իբրև զայն լսէր ,
 յոյժ շնորհակալ լինէր երկոցուն-
 ցըն , և յոյս առաջի գնէր նոցա .
 Եթէ լիցի մեր յաղթութիւն , զայ-
 լոց քահանայից կեանս դոցա շնոր-
 հեցից , և զմեծ վաստակ դոցա ցու-
 ցից թապաւորին :

Եւ այսպէս շարժեաց և շփո-
 թեաց զաշխարհն Հայոց , մինչև
 զբազում եղբարս հարազատս քա-

կեաց 'ի միմեանց , ոչ եթող միաբան զհայր և զորդի , և 'ի մէջ խաղաղութեան արար խռովութիւն :

Նւ անդէն իսկ յիւրում աշխարհին եղբորորդիք երկու էին նորա 'ի սուրբ ուխտին առաքինութեան , գրեաց և եցոյց վասն նոցա յարքունիս , և էառ իշխանութիւն 'ի վերայ կենաց նոցա , մերժեաց և եհան զնոսա յաշխարհէն , զի մի այլ դարձցին անդրէն : Հալածեաց և փախոյց զամենայն միայնակեացս աշխարհին , ոչք հայհոյէին զանդարձ ամբարշտութիւն նորա : Արար և կատարեաց զամենայն չարիսն ընդդէմ ճշմարտութեանն . և զոր ինչ ոչ գիտէին անօրէն հեթանոսքն 'ի մացուցանէր նոցա , և վասն ուխտին քրիստոնէութեան , եթէ որպէս հնարիւք կարացէ բառնալ յաշխարհէն Հայոց :

Չայս ամենայն չարիս իբրեւ ետես 'ի նմա Միհրնէրսեհ , քան յանձն իւր՝ առաւել 'ի նա էր յուսացեալ : Հարցանէր և ստուգէր , թէ քանի՛սայր կայ 'ի Հայոց աշխարհին 'ի գրն

դին Արդանայ ընդ ամենայն բազմութիւնն : Իբրեւ լուաւ 'ի նմանէ՝ թէ աւելի քան զվաթսուն հազար են , ինդրէր եւս տեղեկութիւն վասն իւրաքանչիւր անձին քաջութեան , և կամ քանի՛ այն որ իցեն՝ որ սպառազէնքն իցեն , և կամ քանի՛ այն որ իցեն՝ որ մերկ առանց զինու աղեղնաւորք իցեն . սոյնպէս և վասն վահանաւոր հետեւակացն :

Եւ իբրեւ լուաւ զթիւ համարոյ բազմութեանն , առաւել եւս փութացաւ ուսանել՝ թէ քանի՛ք իցեն սրարագլուխք քաջ նահատակացն , զի երիս ընդ միոյ սրատրաստեացէ առ մի մի 'ի նոցանէ . թող զայլ ամենայն : Այլ և դրօշից անգամ իւրաքանչիւրոց տեղեկանայր 'ի նմանէ . և թէ քանի՛ գունդ զգօրսն բաժանիցեն , և ո՞ր որ 'ի նոցանէ սազարք լինիցին , և ո՞ր զօրագլուխ յորմէ կողմանէ յուսում մտանիցէ , և զինչ անուանիք՝ իւրաքանչիւր համհարդ անցանիցեն , և քանի՛ փողահարք 'ի մէջ գնդին ձայնիցեն : Ղազինչ գործիցեն արդեւք , եթէ ար-

ճակ բանակեցեն . ճակատ առ ճակատ գործիցեն , եթէ համագունդ ընդ մի տեղի գրդիցեն : Ո՛րք ՚ի նոցանէ յերկրայս կայցէ , և կամ ո՛րք ՚ի նոցանէ զանձն ՚ի մահ զնեւով գուն գործիցէ :

Եւ իբրեւ զայս ամենայն տեղեկացեալ ՚ի նմանէ , կոչէր զամենայն զօրագլխեանն , սրատուէր հրամանի տայր ամենեցուն յանդիման նորա , զի իսրատու նորա լուիցեն ամենեքեան : Կը զամենայն զօրան զօրագլխօքն հանդերձ յանձն առնէր առն միում յաւագացն , որում ա նուն էր Մուշկան Նիւսարաւուրա :

Եւ ինքն խաղայր անդրէն գնայր յերկիրն արեւելից , և յանդիման եղեալ մեծի Թագաւորին , սրատուէր զամենայն անցս իրացն , զիւր հնարաւոր իմատուծիւնն և զՎատակայ խաբերայ սրատանն հայթայթանացն . որպէս զառաջինն զիւր զամբարշտուծիւնն կամեցաւ ծածկել այնու՝ զի քակեալ երկազառակեաց զգունդն հայոց : Իբրեւ լուաւ զայս ամենայն Թագաւորն ՚ի բերաւ

նոյ մեծ հաղարաստեալն , դառնա-
ցաւ յանձն իւր , և սակ անսուտ
երգմամբ . Նթէ սպրեւցի անօրէնն
այն 'ի մեծ պատերազմէն , մեծաւ
անարգանօք տամ ըմպել նմա զբա-
ժակն դառնութեան մահու :

Handwritten text, likely bleed-through from the reverse side of the page. The text is mirrored and difficult to decipher.

Second block of handwritten text, also appearing to be bleed-through from the reverse side.

Third block of handwritten text, continuing the bleed-through from the reverse side.

Fourth block of handwritten text, showing significant fading and bleed-through.

Fifth block of handwritten text, the bottom-most section of the page, heavily obscured by bleed-through.

ՀԻՆԳԵՐՈՐԴ ՅԵՂԱՆԱԿ

Յարձակումն արեւելեաց :

ԱՆԾ է սէրն Աստուծոյ քան զամենայն մեծութիւն երկրաւոր .
և այնպէս աներկեւղս առնէ զմարդիկ , իբրեւ զանմարմին զօրս հրեշտակաց . որպէս անդատին իսկզբանէ է տեսանել զբազումս բազում անգամ 'ի բազում տեղիս : Մարդիկ , որ սիրոյն Աստուծոյ իբրեւ զինու վառեալք էին , ոչ ինչ խնայեցին զանդիտելով իբրեւ զանարի , գտլով վատասիրաք , կամ 'ի մահ անձանց , կամ յափշտակութիւն ընչից , կամ 'ի խողխողումն սիրելեաց , կամ 'ի գերութիւն ընտանեաց , ելանել 'ի հայրենի երկրէն և անկանել 'ի սարկութիւն յօտարութեան . առ ոչինչ համարեցան զայս ամենայն անցս չարչարանացն . այլ մի-

այն միաբան կալ ընդ Աստուծոյ, զի
 'ի նմանէ միայն մի՛ գերի ելցեն, և
 ամենայն երեւելի մեծութեանս զնա
 բաւական համարեցան՝ ընտրեալ 'ի
 միաս իւրեանց: Եւ զուրացութիւնն
 մեռելութիւն վարկանէին, և զմահ
 վանն Աստուծոյ անանց կենդանու-
 թիւն, և ծառայել յերկրի՝ ազա-
 տութիւն կենաց իւրեանց, և ըն-
 կենուել զանձինս յօտարութիւն՝ ընդ
 Աստուծոյ գիւտից: Որպէս յայտ
 ժամանակի տեսաք աչօք մերովք,
 զի զնոյն նահատակութիւն նահա-
 տակեցաւ և աշխարհս հայոց:

Քանզի իբրեւ ետես մեծն Աստ-
 դան զերկաբաւակութիւն աշխար-
 հին իւրոյ, ոչ ինչ թերահաւատու-
 թեամբ զանգիտեաց: Թէպէտ և
 ստուգեալ գիտաց զբազմաց այլոց
 եւս զերկմտութիւն, որ գեռ եւս
 ընդ նմա միաբանեալք էին, քաջա-
 լերեցաւ յանձն իւր և քաջալերեաց
 զզօրան իւր. քանզի ինքն իսկ բռնա-
 ցեալ ունէր զթաղաւորանիստ տե-
 ղիան միաբանութեամբ նախարա-
 րացն, որ ոչ քակեցան 'ի սուրբ ուխ-

տէն : Հրաման տուեալ ամենայն զօրացն ժողովել յԱրտաշատ քաղաք , փոխանակ յետս կացելոցն՝ որ ելին զհետ իշխանին Սիւնեաց , զեղբարս կամ զորդիս կամ զեղբարցն որդիս ՚ի տեղի նոցա մատուցանէր , և զերաբքանչիւր զօրս տայր նոցա , զեղեռ եւս ինքն ունէր զամենայն աշխարհն :

Եւ փութով ամենեքեան ՚ի տեղի պատերազմին եկեալ հասանէին իւրաքանչիւր զօրօք և ամենայն պատրաստութեամբ , նոքա և որ բունքն հաստատուն կացեալ էին ՚ի տեղւոջն , Ներշապուհ արծրունի , և Խորէն խորխոռունի , և ինքն սարաբապեան , և Արտակ պալունի , և Ահհան ամատունի , և գունդն վահեւունեաց , և Թաթուլ գիմաքսեան , և Արշաւիր արշարունի , և Շմաւոն անձաւացի , և Տաճատ գնթունի , և Ատոմ գնունի , և Խոսրով գաբեղեան , և Աարէն սահառունի , և Հմայեակ գիմաքսեան , և մեւս եւս այլ Գաղղիկ գիմաքսեան , և Ներսէհ քաջբերունի , և

Փարաման մանդակունի, և Արսէն ընծայացի, և Այրուկ սղկունի, և Արէն տաշրացի, և Ապրասով արծրունեացն, և Շահ ախոռապետն արքունի, և Խուրս սրուանձտեաց, և քողեանքն և ակէացիքն և արբապատունիքն և զօրքն ռըշտունեաց և ամենայն գործակալքն արքունի իւրաքանչիւր զօրօքն հանդերձ :

Սոքա ամենեքեան համագունդք հասանէին ՚ի գործ պատերազմին ՚ի դաշան Արտազու, և լինէր հանդէս համարուն վաթսուն և վեց հազար այր ընդ հեծեալ և ընդ հետեւակ : Եկին ընդ նոսա սուրբքն Յովսէփ և Ղեւոնդ երէց, և բաղում և այլ քահանայք, և եւս բազմագոյն պաշտօնեայք : Քանզի ոչ ինչ զանգիտեցին և նոքա գալ ընդ նոսա ՚ի գործ պատերազմին • զի ոչ եթէ մարտնական համարէին զկռիւն, այլ հողեւոր առաքինու թեամբ ցանկային մահակից լինել քաջ նահատակացն :

Սկսաւ սարապետն խօսել միաբանութեամբ նախարարացն ընդ

զօրան և ասէ . 'Ի բազում պատե-
 րազմունս մտեալ է իմ , և ձեր ընդ
 իս . է ուրեք՝ զի քաջապէս յաղթե-
 ցաք թշնամեացն , և է ուրեք՝ զի
 նոքա մեզ յաղթեցին . և բազում
 այն է՝ որ յաղթող գտեալ եմք և
 ոչ յաղթեալք : Եւ միանգամայն
 այն ամենայն էին մարմնոյ պար-
 ծանք . քանզի հրամանաւ անցաւ որ
 թագաւորին մարտնչէաք : Ար փախ-
 չէր , վասանուն յաշխարհի երեւ-
 էր , և անողորմ մահ՝ ի նմանէ գտա-
 նէր . իսկ որ քաջութեամբ յառաջ
 մտայէր , քաջ անուն ազգի Ժա-
 ոանդէր , և պարգեւս մեծամեծս
 յանցաւ որ և ՚ի մահկանացու թա-
 գաւորէն ընդունէր : Եւ մեք իսկ
 աւասիկ յիւրաքանչիւր մարմինս ու-
 նիմք վերս և սպիս բազումս . և բա-
 զում այն քաջութիւն իցէ , վասն
 որոյ առեալ իցէ և պարգեւս մե-
 ծամեծս : Անարգ և անօգուտ զքա-
 ջութիւնան համարիմ , և առ ոչինչ
 զպարգեւան զբազումս . վասն զի ա-
 մենեքեան խափանելոց են : Իսկ արգ-
 էթէ վասն մահկանացու հրամա-

Նստառւին զայն արուժիւնս կատարէաք, սրչափ եւս առաւել վասն անմահ թագաւորին մերոյ, որ տէրն է կենդանեաց և մեռելոց, և դատելոց է զամենայն մարդ ըստ գործոց իւրոց: Ապաքէն եթէ կարի շատ յառաջ մատուցեալ ծերացայց, սակայն ելանելոց եմք ՚ի մարմնոց աստի, զի մտցուք առ Աստուած կենդանի, որ ոչ եւս ելանիցեմք ՚ի նմանէ:

Արդ աղաչեմ զձեզ, ովքաջ նի զակակիցք իմ, մանաւանդ զի բազումք ՚ի ձէնջ լաւագոյնք էք քան զիս արուժեամբ, և գահու ՚ի վեր ըստ հայրենի սրատուոյն. բայց յորժամ ձերով կամօք և յօժարութեամբ առաջնորդ և զօրագլուխ ձեզ կացուցէք, հեշտ և բաղձալի թուեսցին բանք իմ ՚ի լսելիս մեծա մեծաց և փոքունց: Մի երկուցեալ զանգիտեսցուք ՚ի բազմութենէ հեթանոսացն, և մի յահագին սրոյ առն մահկանացուի զթիկունս դարձուցուք. զի եթէ տացէ Տէր յաղթութիւնն ՚ի ձեռս մեր, ստատակեա

ցուք զդօրու թիւն նոցա, զի բարձրասցի կողմն ճշմարտութեանն. և եթէ հասեալ իցէ ժամանակ կենաց մերոց սուրբ մահուամբ պատերազմիս, ընկալցուք խնդութեամբ սրբաբալ. բայց միայն յարութիւնս քաջութեան՝ վատութիւն մի խառնեացուք :

Մանաւանդ զի անմտաց է ինձ, յիշելով զխտ և զոմանց 'ի ձէնջ, 'ի ժամանակին՝ զի զանօրէն իշխանն խաբեցաք, պատրեցաք իբրեւ զմանուկ մի տղայ անպխտան. իբր այն էթէ 'ի վերինն երեսս զկամս նորա ամբարշտութեանն կատարեցաք. բայց 'ի ծածուկ զխորհուրդս Տէր ինքնին վկայէ մեզ, որպէս անբակ կացեալ եմք 'ի նմանէ : Չոր և գուք ինքնին խկ գիտէք, վասն սիրելեաց մերոց՝ որ 'ի մեծի նեղութեան էին, հնարս խնդրէաք վասն յանգորր հանելոյ. զի նոքօք հանդերձ մարտ եղեալ կռուեսցուք ընդ անօրէն իշխանին վասն հայրենի աստուածատուր օրինացն : Եւ իբրեւ նոցա ոչ ինչ կարացաք օգնել, անհնար լիցի

այս՝ եթէ վասն մարմնաւոր սիրոյ
զԱստուած ընդ մարդկան փոխա-
նակիցեմք :

Իսկ արդ յերկուս և յերիս կռիւս
Տէր ինքնին մեծաւ զօրութեամբ օգ-
նեաց մեզ , որպէս զի զանուն քա-
ջութեան ժառանգեցաք , և զզօրան
արքունի չարաչար հարաք , և զմոզ-
սըն անողորմ սասակեցաք , և զպրզ
ծութիւն կռապաշտութեանն՝ ի տէ
ղեաց տեղեաց սրբեցաք , զանօրէն
հրաման թագաւորին եղծաք սպա-
կանեցաք , զխռովութիւն ծովուն ցա-
ծուցաք , լեառնացեալ ալիքն դաշ-
տացան , բարձրագէզ փրփուրն ըս-
պառեցաւ , դազանացեալ սրտմտու-
թիւնն դադարեաց : Որ ՚ի վերայ
ամպոց որոտայր , նկուն եղեալ՝ քան
զսովորական բնութիւնն ՚ի վայր
դտաւ ընդ մեզ խօսելով : Որ բանիւ
հրամանաւ կամեր կատարել զչա-
րութիւնն իւր ՚ի վերայ սուրբ եկե-
ղեցւոյ , արդ աղեղամբ և նիզակաւ
և սրով կռուի : Որ իբրեւ զհանդերձ
կարծէր ունել մեզ զքրիստոնէու-
թիւնն , արդ իբրեւ զգոյն ՚ի մար-

մնոյ՝ չկարէ շրջել. Թերեւս և ոչ այլ կարասցէ մինչեւ 'ի կատարած : Քանզի հիմունք սորա հաստատու թեամբ եղեալ են 'ի վերայ վիմին անշարժութեան , ոչ 'ի վերայ երկրի , այլ 'ի վեր յերկինս , ուր ոչ անձրեւք իջանեն և ոչ հողմք շնչեն և ոչ հեղեղս յարուցանեն : Եւ մեք թէպէտ և մարմնով յերկրի եմք , այլ հաւատով յերկինս եմք շինեալ . ուր ոչ ոք կարէ հասանել յանձն . ազորժ շինուածն Քրիստոսի :

Հաստատուն կացեք յանշուշտ զօրագլուխն մեր , որ ոչ երբէք մեռասցի զգործս նահատակութեան ձերոյ : Ո՛վ քաջք , մեզ այս մեծապէս է՝ զոր կատարեաց Աստուած 'ի ձեռն մերոյ բնութեանս , յորում և զօրութիւնն Աստուծոյ մեծապէս երեւի : Զի եթէ զայլս կոտորելով 'ի վերայ աստուածային օրի նացն՝ պարծանս անձանց ժառանգեցաք , և զքաջ անուն ազգաստն մին մերոյ թողաք եկեղեցւոյ , և վարձուց ակնկալութիւն 'ի Տեառնէ է , որ սահի իւրաքանչիւր ումեք 'ի

մէնջ ըստ սրտին յօժարութեան և ըստ գործոց առաջարկութեան, նրա շափ եւս առաւել եթէ մեք մեռանիցիմք՝ ի վերայ մեծի վկայութեան Տեառն մերոյ Յիսուսի Քրիստոսի, որում և երկնաւորքն են ցանկացեալ, եթէ գոյր հնար : Եւ զի այս պարգեւք ոչ ամենեցուն է անկ, այլ որում պատրաստի ՚ի բարերար Տեառնէն, և մեզ այս ոչ եթէ յարգար գործոց ինչ պատահեաց, այլ յաննախանձ պարգեւատուէն, որ պէս և ասէ իսկ ՚ի սուրբ կտակարանին . Ուր առաւել եղեն մեղքն, անդէն առաւելան շնորհքն Աստուծոյ :

Եւ մեզ կարի քաջ ՚ի դէպ ելանէ հրաման պատասխանուոյս այսորիկ . որպէս և առաւելապէս երեւեցաք մարդկան ամբարշտեալք, կրկին առաւելապէս երեւեցուք արգարացեալք մարդկան և հրեշտակաց և հօրն ամենեցուն : Զի որ օր լուան ապաքէն զմէնջ մարդիկ ՚ի գործ ամբարշտութեանն, արտասուս բազում հեղան ՚ի սուրբ եկե-

դեցւոջն , և եւս բազմագոյն 'ի մէջ սիրելեացն մերոց : Նա և ընկերք մեր սրով սրտմտեալ սպառնային մեզ , և մահ դառնութեան 'ի վերայ հասուցանել կամէին . և ծառայքն մեր սարտուցեալ փախչէին 'ի մէնջ : Եւ հեռաւորաց , որոց լուեալ էր զանուն քրիստոնէութեան մերոյ , քանզի ոչ էին տեղեակ խորհրդոցն մերոց , որքս 'ի բերան առեալ անդադար աշխարհին զմեզ , և անգիտութեամբ հայհոյութիւնս բազումս խօսէին զմէնջ : Եւ որ մեծն քան զամենայն սասցից . ոչ միայն մարդիկ յերկրի , այլ և հրեշտակք յերկինս ղերեսս իւրեանց դարձուցին 'ի մէնջ , զի մի ատուր գիմօք հայեացին 'ի մեզ :

Եւ ահա եկն եհաս Ժամանակ , զի զամենայն զկեղա անուն 'ի մէնջ 'ի բաց բարձցուք : Յայնժամ իբրեւ զԺախժեալ սգաւոր՝ յողի և մարմինն էաք տրամեալք , այսօր զլարթացեալ և զգաստացեալք յերկոսեան առ հասարակ եմք լըջուցեալք . քանզի և զՏէրն բարերար

ընդ մեզ տեսանեմք յառաջնորդու-
թիւն . չէ մեր մարդ զօրավար , այլ
զօրագլուխն ամենայն մարտիրոսաց :
Երկեւղ թերահաւատութեան է
նշանակող թերահաւատութիւն մեք
'ի մէնջ վաղ մերժեցաք , ընդ նմին
և երկեւղն փախիցէ 'ի մտաց և 'ի
խորհրդոց մերոց :

Զայս ամենայն առաքինի զօրա-
վարն խօսեցաւ ընդ ամենայն բազ-
մութեանն . դարձեալ և զմի մի 'ի
նոցանէ քաջալերէր 'ի ծածուկ և
սրտասնդէր , և զամենայն սակա-
սութիւն աղքատութեան ընոյր :
Որոյ ոչ ինչ գոյր զօրականին , յանձ-
նէ և յընկերաց մատուցանէր . որոյ
զէն չէր , զէն սատրաստէր . և ո-
րում հանդերձ պիտոյ էր , հանդերձ
զգեցուցանէր , և որում երիւար՝
երիւար տայր : Եւ առատ ոռձկօք
ուրախ առնէր զամենեւեան , և զը-
ւարթագին զինքն ցուցանէր ամե-
նեցուն : Եւ ըստ սատերազմական
կարգին զքաջ արանց զյիշատակա-
րանս հանասլազ երկրորդէր առա-
ջի նոցա . զի և ինքն խի տեղեակ էր

'ի մանկութենէ իւրմէ սուրբ կտաւ
 կարանաց : Չոր և 'ի ձեռն առեալ
 զքաջ նկարագիրն մակաբայեցւոցն
 ընթեռնոյր 'ի լսելիա ամենեցուն ,
 և յորդառատ բանիւք զելա իրացն
 խնայուցանէր նոցա , որպէս մար-
 տուցեալ կռուեցան 'ի վերայ աս-
 տուածատուր օրինացն ընդդէմ թաց
 դաւորին անտիրացւոց : Չի թէ
 պէտ և 'ի նմին կատարեցան մա-
 հուամբ , սակայն անուն քաջու-
 թեան եկաց մինչեւ ցայսօր ժամա-
 նակի , ոչ միայն յերկրի , այլ և ան-
 մուաց յերկինս : Նա և զայն յուշ
 առնէր զօրականին , որպէս ազգա-
 տոհմն Մատաթեայ քահտեալ բա-
 ժանեցան 'ի միութենէ նորա , դար-
 ձան 'ի հրաման թագաւորին , շինե-
 ցին մեհեանս , մատուցին զոհս սրբ-
 ծութեան , խոտորեցան յԱստու-
 ծոյ , և ընկալան զսրատիժս պատու-
 հասի մահուան 'ի սուրբ միաբանե-
 լոցն : Իսկ Մատաթի և որք ընդ
 նմայն էին՝ ոչ ինչ լքեալ թուրա-
 ցան , այլ եւս առաւելապէս պնդե-
 ցան , և ձեռնամուխ եղին 'ի գործ

սրատերազմին բազում ժամանակա :
 Չայս ասէր , և անդէն 'ի դաշտին
 զտեղի առեալ՝ զգօրսն զետեղէր , և
 յամենայն կողմանց տակաւ զայրու-
 ձին կազմէր :

Իսկ յետ բազում աւուրց զօրա-
 գլուխն Պարսից խաղայր գայր ամե-
 նայն հեթանոսական բազմութեամբ
 բրն . և եկեալ հատանէր յաշխարհն
 հայոց 'ի Հէր և 'ի Չարաւանդ գա-
 ւառ : Եւ անդէն 'ի գաւառին զտե-
 ղի առեալ նորա , բանակ բոլորէր ,
 փոս հատանէր , սլատնէշ կանգնէր ,
 շերտաւոր փակէր , ամրացուցանէր
 իբրեւ զքաղաք ամենայն սլատրաս-
 տութեամբ : Գունդ բազում հա-
 տանէր 'ի զօրաց նորա , ասպատա-
 կաւ արշաւէր , յաւարի առնուլ
 կամէր զգաւառս բազումս :

Չայն իբրեւ լուան զօրքն հայոց ,
 սեպուհ մի յազգէն ամատունեաց ,
 Առանձար անուն , ընտրեցին յամե-
 նայն զօրականէն լի իմաստութեամբ
 և քաջութեամբ : Եւ ընդ առաջ նո-
 րա հաղարօք երկու , հար սատա-
 կեաց զբազմութիւն գնդին , և ըզ-

մնացեալն 'ի նոցանէ անդրէն փա-
խատական 'ի բանակն արկանէր : Եւ
ինքն ողջանդամ այսրէն դառնայր ,
և լինէր տօն ուրախութեան մեծ
յառուրն յայնմիկ զօրացն Հայոց :

Դարձեալ միւսանգամ ուրա-
ցեալն Վասակ անդրէն 'ի հնարս
հայթայթանաց մտանէր ըստ առա-
ջին կեղծաւորութեանն իւրոյ . շքը
ընցաւ 'ի ձեռն սուտ երիցանցն՝ զոր
յառաջագոյն ասացաք , նոքօք հրա-
մանաւ արքունի 'ի պատգամաւո-
րութիւն խօսէր , և երգմամբ հառ-
տասէր զբրիտոնէութիւնն անդ-
րէն ունել : Եւ զայս արարեալ զբա-
զում աւուրս՝ ոչ կարաց զմիաբա-
նութիւնն քակտել , մանաւանդ ըզ-
սուրբ ուխտ եկեղեցւոյն , որ ոչ էր
հեռացեալ 'ի զօրականէն : Արսէս
երանելի երէցն Ղեւոնդ հրաման ա-
ռեալ 'ի սուրբ ընկերացն՝ 'ի մեծէն
Յովսէփայ և յամենայն մեծամե-
ծացն , 'ի քահանայիցն և 'ի զօրա-
գլխացն , երաց զերան իւր և ասէ
բարձր բարբառով առաջի հրեշտա-
կացն .

Յիշեցէք ամենեքեան զհարսն զառաջինս, որ յառաջ քան զծագումն որդւոյն Աստուծոյ յւերաքանչիւր ժամանակս : Քանզի իբրև մերժեաց և ընկէց զմեզ չարն յաստուածային տեղւոյն, գտաք մէք անկեալք ընդ անողորմ դատաստանօք ըստ մեղացն յանցաւորութեան, որ ՚ի կամս ազատութեան մերոյ գործեցաք զանարժանս, և զարարչական զօրութիւնն շարժեցաք ՚ի վերայ մեր ՚ի ցասումն բարկութեան, և զողորմած դատաւորն յուղեցաք վրէժ առնուլ անաչառութեամբ յարարածոցս. մինչև հրաման արւեալ երկնային ծովուն հեղուլ ՚ի վերայ ցամաքիս, և հաստատուն յատակք երկրիս ծակոտեալ ընդդէմ զհակառակն գործեցին : Աւերինք և ներքինք եղեն մեզ գործիք տանջանաց՝ առանց բարեխօսի վրէժ առնուլ յանցանաց մերոց :

Ապաքէն արդարն Նոյ միայն գրտաւ կատարեալ յազգի մարդկութեանս, որ ցածոյց զսրամտութիւն բարկութեան տէրունեան ցամանն,

և եղև սկիզբն առաջարկութեան
 առ անունն բազմութեան մարդ-
 կային ազգիս : Դարձեալ և Աբրա-
 համ'ի փորձութեանն իւրում գը-
 տաւ առաքինի, և զընկալեալ սար-
 գեան Նստուծոյ ինքեան ձեռօք
 փոխ անդրէն նմին մատուցանէր .
 վասն այսորիկ և յառախ ընկալաւ
 զնա Աստուած, զի 'ի նմա տալաւ
 րեալ տեսանէր զաներեւոյթ գա-
 լուսա որդւոյն Աստուծոյ, և զըմ-
 բանուն անբռնելոյն և զգնուն
 անմահին, որ իւրով մահուամբն
 խափանեաց զիշխանութիւն մա-
 հու : Եւ եթէ մահուամբ մահ մե-
 ռանի, մի երկիցուք մահակիցք ըւ-
 նել Քրիստոսի. զի ընդ որում մեք
 մեռանիսք, ընդ նմին և կենդանաւ
 նամք :

Յիշեցէք, առաքինիք, զմեծն
 Մովսէս, որ մինչ շեւ հասեալ էր
 յարութեան հասակն՝ խորհուրդ
 սուրբ նահատակութեանն 'ի տիս
 տղայութեանն երեւէր նմա. և տուն
 թագաւորին եգիպտացւոց 'ի ծա-
 աայութիւն մտանէր նմա, և ա-

կամայ դայեկու թեամբ անուցանէր զնա . և 'ի ժամ փրկելոյ զժողովուրդն 'ի նեղութենէն , միջնորդեղեւ երկնի և երկրի , միանգամայն և աստուած անուանեցաւ 'ի վերայ եգիպտացւոցն : Քանզի ուր գտաւ սուրբ խորհուրդն զօրացեալ , անձամբ իւրով վրէժ առնոյր յեգիպտացւոցն . իսկ ուր աստուածային յայանութիւնն 'ի վերայ նորա լինէր , 'ի ձեռն դաւաղանին գործէր զմեծամեծ սքանչելիան : Եւ վասն սուրբ նախանձուն՝ զոր ունէր , եհար զեգիպտացին և ընդաւաղեաց . վասն որոյ զմեծ անուն զնէր նմա , և առաջնորդ ժողովրդեանն զնա կաջուցանէր : Եւ բազում այն է , որ հեղմամբ արեամբն արդարացաւ , և անուանեցաւ մեծ քան զամենայն մարդարէս . ոչ միայն զարտաքին թշնամիան կոտորելով , այլ զազգատոհմն , որ փոխանակեցին զԱստուած ընդ որթուն յանապատին : Եւ եթէ նա 'ի հեռուստ այնպիսի վրէժ խնդրէր դալատեան որդւոյն Աստուծոյ , մէք որ ահանատուք ե

ղաք, և մեծամեծ վայելեցաք յերկն
 նաև որ պարգեւան շնորհաց նորա,
 եւս առաւել պարտիմք վրէժխնդիր
 լինել մտակայ ճշմարտութեանս :
 Որ եղ մահուամբ զանձն իւր 'ի վե-
 րայ մեղաց մերոց, արդարացոյց լո-
 մեզ յանհնարին դատապարտու-
 թենէն, դիցուք և մեք զանձինս
 մեր մահուամբ 'ի վերայ անմահ զօ-
 րութեանն, զի մի նուաղք քան
 զվրէժխնդիրան դտանիցիմք :

Յիշեցէք զմեծ քահանայն Փենե-
 հէզ, որ սարնմամբ երարձ զպրդ-
 ծութիւնն 'ի ժամ պատերազմին,
 և ազգէ յազգ երդմամբ հաստա-
 տեաց զքահանայութիւնն : Մի մռ-
 ոանայք և զսուրբ մարգարէն զԵ-
 դիսա, որ ոչ կարէր հանդարտել
 հայել 'ի կռապաշտութիւնն Աքա-
 բու . և արդար նախանձուն իւրոյ
 զութ հարեւրան ինքեան ձեռօք սա-
 տակեաց, և զերկուս յունան ան-
 շէջ հրոյն մատուցանէր լուցիկա .
 և զաստուածային վրէժն խնդրե-
 լով՝ անըմբռնելի և ահագին կա-
 ոօքն յերկրէ 'ի յերկինս վերացաւ :

Դուք՝ եւս մեծի մասին վիճակի հա-
սեալ էք . զի ոչ եւս կառք առա-
քին ձեզ 'ի վերացումն , այլ ինքնին
Տէրն կառաց և երևարաց հզօր զօ-
րութեամբ և սրբովք հրեշտակօք
ընդ առաջ եկեալ՝ ձեզ իւրաքան-
չիւր թեւս բուսուցանէ , զի նորա
ուղեկիցք լինիցիսք և նմին քաղա-
քակիցք :

Եւ այլ զինչ եւս երկրորդեցից
առաջի ձերոյ քաջ նահատակու-
թեանդ , զի քան զիս տեղեկագոյնք
և հմուտք էք սուրբ կտակարանացն :
Դաւիթ 'ի մանկութեան ժամանա-
կին քարիւ կործանեաց զմեծ բլուրն
մսեղէն , և ոչ ինչ զանգիտեաց յա-
հագին սրոյ հսկային . ցրուեաց ըզ-
գունդս այլազգեացն , և ապրեցոյց
զղօրան 'ի մահուանէ , և զժողո-
վուրդան 'ի դերութենէ . եղեւ անգ-
րանիկ թագաւորացն Իսրայէլի , և
անուանեցաւ հայր որդւոյն Աստու-
ծոյ : Նա անուանեցաւ առ 'ի պէտս
ժամանակին , և դուք ճշմարիտ ծը-
նեալք 'ի սուրբ հոգւոյն որդիք էք
Աստուծոյ և ժառանգակիցք Քրիս-

տասի : Մի ոք զձեր բաժինն 'ի ձէնջ հատանիցէ , և զձեզ օտար խորթս արարեալ՝ տարաբաժին հանիցէ :

Յիշեցէք զամենայն զօրավարան զառաջնան Իսրայէլի, զՅեսուզդուէ գէոփն զԵփթայեա և զայլս ամենեւեւան : Որք ճշմարիտ հաւատովք էին, հարին կոտորեցին զզօրան հեթաց նոսաց , և սրբեցին զերկիրն 'ի պիղծ կռապաշտութենէն : Եւ վասն հաստատուն արդարագործութեանն , որ ոչ ինչ երկմտեցին 'ի խորհուրդս իւրեանց , արեգակն և լուսինն առանց ականջաց լուան և կատարեցին զբան հրամանի նոցա . ծով և գետք ճանապարհ գործեցին առաջի նոցա ըստ ոչ սովորութեան : Եւ բարձրացեալ պարիսպք քաղաքին Երիքովի ձայնիւ լոկով անկեալ կործանեցաւ : Եւ այլքն ամենայն՝ որ ըստ հաւատոց քաջութիւնս կատարեցին 'ի դարս իւրաքանչիւր , գովեցան 'ի մարդկանէ և արդարացան յԱստուծոյ :

Ապաքէն նոյն Տէր է իսկզբանէ և մինչեւ զայսօր և առ յապա , և

յաւխտենից յաւխտեանս , և անգր
քան զամենայն յաւխտեանս : Աչ
նորողի , զի ոչ հնանայ . ոչ մանկա
նայ , զի ոչ ծերանայ . ոչ փոփոխի
անյեղեղուկ բնութիւնն Աստուծոյ .
որպէս և ինքն ասէր բերանով սուրբ
մարդարէիցն . Ես եմ , ես եմ , նոյն
եմ իսկզբանէ մինչեւ յաւխտեան .
ոչ տամ զփառս իմ այլում , և ոչ
զքաջութիւնս իմ դրօշերոց :

Զայս գիտելով , եղբարք , մի թու
լութեամբ լքանիցիմք , այլ սնդու
թեամբ սրտիւ և հաստատուն հա
ւատովք կամակար յարձակեսցուք
'ի վերայ թշնամեացն , որ յարու
ցեալ գան 'ի վերայ մեր : Մեր յոյսն
մեզ կրկին երեւի . եթէ մեռանիմք՝
կեանք , և եթէ մեռուցանեմք՝ մեզ
նոյն կեանք առաջի կան : Յիշեսցուք
զբանն Առաքելոյ , որ ասէ , թէ փո
խանակ ուրախութեան՝ որ նմա ա
ռաջի կայր , յանձն էառ զհամբե
րութիւն մահու , և մահու խաչի .
վասն այսորիկ և Աստուած զնա ա
ռաւել բարձրացոյց , և ես նմա ա
նուն՝ որ 'ի վեր է քան զամենայն ա

նուն . զի յանուն Յիսուսի Քրիստոսի ամենայն ծունր կրկնեցի երկնաւորաց և երկրաւորաց և սանդաքամետականաց :

Եւ քանզի որ Ճշմարտութեամբ միացեալ է ընդ որդւոյն Աստուծոյ , հոգւոյն աչօք տեսանէ զաներեւոյթ յստակ լոյսն Ճառագայթից իմանալի արեգականն , որ յամենայն ժամ և յամենայն օր գեր 'ի վերոյ ծագեալ երեւի ամենեցուն . և սրբբատեսիլ և սրբահայեացս անպղտոր յստակութեամբ ձգտեցուցանէ զհայեցուածս , և թափանցանց եղեալ ընդ երկինս՝ յանմատոյց տեսիլն մերձեցուցանէ , և կորովութեամբ կշռէ զերկրագագութիւն զերից հաստուածոցն միաւոր զօրութեանն : Եւ արդ որ ընդ Աստուծոյ աստիճանան ոտնկոխ եղեալ իւցեն , և բարձրութեամբ յարբունիան հասեալ , և զամենայն մեծութիւն բովանդակ տեսեալ , նա միայն է՝ որ ժառանգէ զանանց ուրախութիւնն և զանարտամական միութարութիւնն :

Մի՛, տեարք իմ պատուականք,
յեա այսչափ ՚ի բարձունս վերանա-
լոյ, այսրէն յերկիր անկեալ թա-
ւալիցիմք, այլ տեղի առեալ անդ-
րէն ՚ի բարձրութեանն հաստատեա-
ցուք: Թէպէտ և հայեսցուք ՚ի սառ-
րին կողմ երկրիս, տեսանեմք զսա-
լի ամենայն ապականութեամբ և
անսուրբ պղծութեամբք: Քանզի
զինչ աղէաք տարակուսի են, որ ոչ
գործին յերկրայինս ախտաբերս
թշուառութիւնք աղքատաց և ան-
թիւ շարչարանք նոցուն, աղցաւոր
ծանրութիւնք հարկահանաց, զը-
ղուանք և կռփանք ՚ի բռնաւոր ըն-
կերակցաց, քաղց և ծարաւ ըստ կա-
րօտութեան բնութեանս: Սառնա-
մանիք ձմերայնւոյ և խորշակք ա-
մարայնւոյ, հիւանդութիւնք տա-
րաժամք և ախտք մահաբերք հա-
նապազ տանջեն զմարդիկ երկեւղ
արտաքնոց, և արհաւիրք ՚ի ներք-
նոց անդադար ՚ի վերայ հասանեն
ցանկան մահու յառաջ քան զժա-
մանակն, և ոչ գտանեն և բա-
ղումք են՝ որ փորեն և խնդրեն, և

խնդարից ընկն յորժամ գտանեն :
Իսկ որ թուին մեզ, եթէ յաջողեալ
իցեն 'ի մեծութեան և փափկա-
նան ուրախութեամբ 'ի սրակասելի
կեանս, մեծամտեալ հպարտանան
յանցաւոր մասունս աշխարհիս, նո-
քա են՝ որ կուրացեալ են 'ի ճշմա-
րիտ կենացն : Իսկ արդ զինչ այն
չարիք իցեն՝ որ 'ի նոսա ոչ գործի-
ցին . ընդ մեծութիւն խառնեալ
է յափշտակութիւն ընչից աղքա-
տաց, ընդ սուրբ ամուսնութիւնն՝
գէճ պղծութիւն : Յորս վայելեն
ընարութեամբ, նոցուն երկրպա-
գութիւնս իբրև Աստուծոյ մա-
տուցանեն, մոլորեալք 'ի ճշմարիտ
կենացն :

Աչ ահա ամենայն աշխարհս
արարչին բոլորեցուն է գոյացու-
թիւն . և զոր նոքայն պաշտեն և
պատուեն՝ ապաքէն 'ի սմին նիւ-
թոց է մասն . իսկ արդ մասունքն
մասանց կան 'ի ծառայութիւն : Զի
եթէ մի մասն աշխարհիս ապակա-
նացու է, հարկ է թէ և ամենայն
մասունքն ընդ նմին ապականին :

Նա և 'ի մատանց անտի՛ սարս է թէ
 և ընտրու[թիւնք երեւեացին . իսկ
 արդ որ լաւ է՝ յայանի է ամենե-
 ցուն , և որ գիտէն խմանալ՝ նա է
 ընտիր 'ի մատանցն : Ապա թէ այդ
 այդպէս է , քան զամենայն սաշ-
 տամու՛նս հե[թանոսաց , որում եր-
 կիր սագանենն , երկրպագութն են
 առաւելեալք քան զանքան տարեր-
 սին , որոց չարաչար կան 'ի ծառայ-
 ու[թեան . և զէն Աստուած՝ որ 'ի
 մարդ կերպարանեցաւ՝ չպաշտենն ,
 այլ արարածոց տանին երկրպագու-
 թիւն . որոց մեղաց չեք քաւու[թիւն
 յարդար ատենին :

Օ՛ն անդր 'ի բաց թողցուք զխա-
 ւարային խորհուրդս մոլորելոցն .
 եղկելիս և ողորմելիս քան զամենայն
 մարդիկ զնոսա համարեացուք . մա-
 նաւանդ զի կամօք են կուրացեալք
 և ոչ 'ի հարկէ , և ոչ երբէք գացեն
 զճանապարհն ճշմարտու[թեան :
 Այլ մեր բացահայեաց աչօք տե-
 սեալ զոյսն երկնաւոր , մի՛ սպասա-
 հեացէ մեզ խաւարն արտաքին : Չի
 ոյք էին 'ի խաւարի , եկն առ նոսա

լոյսն ճշմարիտ • կուրացեալք վերեւ
պեցան 'ի կենացն , իսկ որք ընկաւ
լայքդ հաւատովք՝ որդիք էք և ոչ
օտարախորթք , սիրելիք և ոչ թշնա
միք , բաժանորդք և ժառանգորդք
վերին իմանալի քաղաքին :

Անդ է առաջնորդ փրկութեան
մերոյ • ասա քաջութեամբ նահա
տակեցաւ , և զնոյն ուսոյց ամենայն
նիզակակից գործակցաց իւրոց Ա
ռաքելոց • յորմէ և դուք էք այսօր
կրկին երեւեալք , օրհնեալք հա
ւատովք ընդդէմ աներեւոյթ թրշ
նամւոյն , պատենազէն զրահիւք
դէմ ընդ դէմ ընկերակից սատա
նայական գործոյն : Եւ եթէ այս
պէս և եթէ այնպէս , զերկօսեան
կողմանան 'ի պարտութիւն մատ
նէք , որպէս և Տէրն ինքնին արար
աշխարհի . թուեցաւ թէ մեռաւ ,
այլ նա յայնժամ տարաւ զկատա
րեալ նահատակ առաքինութեանն •
զախոյեանն ընկէց , զպատերազմն
եհար , զթշնամիան ցրուեաց , զա
ւարն ժողովեաց , զգերիան դարձոյց ,
զպարդեւան բաշխեաց ամենայն սի

բեւեաց իւրոց 'ի ձեռն իւրաքանչիւր
առաքինու թեանց :

Գիտէք դուք ամենեքեան , յա-
ռաջ ժամանակաւ հասեալ ձեր 'ի
գործ պատերազմի , թէպէտ և էր
ձեր սովորութիւն՝ քահանայից հա-
նապազորդել 'ի մէջ բանակիս , 'ի
ժամ ճակատուցն յանձնեալ ձեզ
'ի նոցանէ աղօթիւք՝ յամուր տե-
ղուջ ուրեք թողուիք զնոսա . իսկ
այսօր եպիսկոպոսք և երիցունք և
սարկաւազունք , սաղմոսերգողք և
գրակարգացք իւրաքանչիւր կար-
գեալ կանոնաւ՝ իբր վառեալք զե-
նու և պատրաստեալք 'ի պատե-
րազմ , կամին ընդ ձեզ յարձակել
հարկանել զթշնամիսն ճշմարտու-
թեան : Եւ եթէ մեռանել եւս հա-
սանէ 'ի նոցանէ , սակայն և յայն-
մանէ ոչ են զանգիտելոց , քանզի
լաւագոյն զմեռանելն կամին քան
զմեռուցանելն : Արպէս զի կրկին
աչս ստացեալ ունիցին . հաւատոյ
աչօք զքարկոծանս մարդարեւիցն
տեսանեն , և մարմնոյ աչօք զքաջու-
թիւն ձերոյ նահատակութեանդ :

Մանաւանդ թէ՛ ի ձէնջ զերկօտեան
 իսկ տեսանեմք . քանզի և դուք իսկ
 տեսանէք զչարչարանս սուրբ Առա-
 քելոցն և զսպանմունս զամենայն
 սուրբ մարտիրոսացն , որոց մա-
 հուամբն հաստատեցաւ սուրբ եկե-
 ղեցի , և հեղումն արեան իւրեանց
 եղեւ ՚ի սպարճանս վերնոցն և ներք-
 նոցն : Արդ մինչեւ ՚ի գալուստն երկ-
 րորդ՝ նոյն նահատակութիւն կա-
 տարի չարչարանօք :

Տայս վայր խօսեցաւ ՚ի գիշերին
 յայնմիկ սուրբ երէցն Ղեւոնդ , և
 փառատրելով կատարեաց զԱմենն
 ասելով : Եւ սեղան ուղղեալ՝ զամե-
 նասուրբ խորհուրդն կատարեցին .
 ուղղեցին և սուազան , և եթէ գոյր
 օք երախայ՝ ՚ի բազմութեան զօրուն՝
 զգիշերն ամենայն մկրտեցին . և ընդ
 առաւօտս սուրբ օրինացն հաղոր-
 դեցան , և այնպէս լուսազգեստ ե-
 ղեն՝ որպէս ՚ի տերունեան մեծի
 սուրբ զատկին : Եւ մեծաւ զուար-
 ճութեամբ և յոյժ ինդութեամբ
 աղաղակեաց ամենայն բազմութիւն
 զօրացն և ասեն . Հաւատարեցէ

մահ մեր ընդ մահու արդարոցն և
 հեղուին արեան մերոյ ընդ արիւն
 սուրբ մարտիրոսացն . և հաճես
 ցի Աստուած կամաւոր սլատարա
 դաւա, և մի տացէ զեկեղեցի իւր
 'ի ձեռս հեթանոսաց :

ՎԵՑԵՐՈՐԴԻ ՅԵՂԱՆԱԿ

ԿԵՆԻՆ անգամ ընդդէմ իաւ Հայոց պա-
պերազմաւ Բազմաորին Պարսից :

ՅԵՏ այսորիկ իբրեւ ետես զօ-
րավար գնդին Պարսից , եթէ հա-
տան սրատգամաւորքն 'ի միջոյ՝ խա-
բել զնոսա , և բարձաւ յոյս ակն-
կալութեան իւրոյ ցրուել զնոսա
յանքակ միաբանութենէն , յայնմ
ժամանակի յառաջ կոչէր զանօրէնն
Վասակ և զամենայն ուրացեալ իշ-
խանան , որ էին ընդ նմա յաշխար-
հէն Հայոց . հարցանէր զնոսա , և
ուսանէր 'ի նոցանէ զհնարագիտու-
թիւն յաղթութեան : Եւ իբրեւ
ուսեալ տեղեկացաւ զառն առն իւ-
րաքանչիւր քաջութիւնս , կոչէր և
զբազումս 'ի զօրագլխացն՝ որ էին
ընդ իւրով ձեռամբ , և հրամայէր
ածել զառաջեաւ զերամակս փը-

դացն . և 'ի գունդս գունդս զգա-
 զանան բաժանէր , և առ մի մի փիղ
 երեք հազար սպառազէնք . թող
 զայլ զօրսն ամենայն :

Խօսէր և ընդ մեծամեծսն ար-
 քունի հրամանաւ և ասէր . Յիշե-
 ցէք այր իւրաքանչիւր զպատուէր
 մեծ թագաւորին , և դիք առաջի
 զանուն քաջութեանն . ընտրեցէք
 զմահ քան զկեանս վատութեամբ :
 Մի մտանայք զեւղն և զպսակն և
 զուռսն և զառատաձեռն պարգեւ
 օրն , որ շնորհի ձեզ յարքունուստ :
 Տեարք էք իւրաքանչիւր գաւառաց ,
 և ունիք իշխանութիւն բազում .
 դուք ինքնին գխտէք զքաջութիւն
 աշխարհին հայոց և զառն առն իւ-
 րաքանչիւր նահատակութիւն ա-
 րութեան . դուցէ ձեր 'ի պարտու-
 թիւն մատնեալ , կենդանեալ վրի-
 պիցիք 'ի մեծ կենացն զոր ունիցիք :
 Յիշեցէք զկին և զորդիս ձեր , յի-
 շեցէք զսիրելի բարեկամս ձեր . դու-
 ցէ ոտնահար լինիցիք յարտաքին
 թշնամեացն և ողբակիցք 'ի ներքին
 սիրելեացն :

Նա և յուշ եւս առնէր նոցա ըզբազում ընկերակիցս փախուցեալս, որք թէպէտ և ՚ի պատերազմէն ասրեցան, սրով ընկալան զվճիռ մահուն իւրեանց. ուստեքք և դատեքք և ամենայն ընտանիք իւրեանց յանաշխարհիկս գրեցան, և ամենայն հայրենի գաւառք հատան ՚ի նոցանէ :

Չայս ասէր, և առաւել քան զայն սասակացուցանէր զհրամանն արքունի : Վարդէր կազմէր զզօրսն ամենայն, և տարածանէր երկայնէր զճակատն յերկայնութիւն գաշտին մեծի : Եւ իւրաքանչիւր գազանացն յաջմէ և յահեկէ զերեքհազարեան սպառազէնան սպարաատէր, և զընտիր ընտիր նահատակացն շուրջ զիւրեաւ գումարէր, և այսպէս ամբարցուցանէր զգունդն Մատեան իբրեւ զաշտարակ մի հզօր և կամ իբրեւ զբերդ մի անմատոյց : Նշանս բաշխէր, գրօշս արձակէր, և ՚ի ձայն մեծի փողոյն սպարաատ հրամայէր լինել : Իսկ զգունդն զապարհայիկ, և զՎատշաց և զՀոնաց և զԳեղաց :

և զայլա եւս ամենայն զընտիր ընտիր զօրուն մարդիկ 'ի մի վայր ժողովէր, և հրաման սլատուիրանի տայր ընդ աջմէ կողմանէ գնդին իւրոյ սլատրաստ լինել ընդդէմ հայոց զօրավարին :

Իսկ արին Վարդան յառաջ մատուցեալ և զաւագանին հարցանէր, և միաբան ամենեցուն խրատու զզօրագլուխան կարգէր: Զգուն դրն առաջին տայր 'ի ձեռն իշխանին արծրունեաց, և նիզակակից նմա զմեծ իշխանն Մոկաց. և զայլն ամենայն նախարարեան համահարզըս երկոցունց, և զամենայն բազմութիւն գնդին թեւս աստի և անտի կազմէր նոցա: Եւ զգունդն երկրորդ տայր 'ի ձեռն Խորենայ խորխոռունեաց, և նիզակակից նմա զընծայինն և զՆերսէս քաջերունի: Եւ զգունդն երրորդ մատուցանէր 'ի ձեռն Թաթլոյ վանանդեցոյ, և նիզակակից նմա հրամայէր զՏաճատ գնթունի, և զբազումս 'ի քաջ արանց աստի և անտի 'ի թեւս նոցա: Յանձն իւր առնոյր զգունդն

չորրորդ, և նիզակակից իւր զքաջն
Արշաւիր և զհարազատ եղբայր իւր
զհամազասպեան: Վարդէր և կազ-
մէր զճակատն յորդորելով ընդ ա-
մենայն երեսս դաշտին գէմ յանդի-
ման Արեաց գնդին, առ ասին Տըզ-
մուտ գետոյն:

Եւ իբրեւ այս այսպէս պատրաս-
տեցան, երկոքեան կողմանքն լի
սրամտութեամբ և մեծաւ բարկու-
թեամբ զայրանային, և գազանա-
ցեալ զօրութեամբ յիրեարս յար-
ձակէին երկոքեան, և ամբոխ ազա-
ղակին երկոցունց կողմանց՝ իբրեւ ՚ի
մէջ ամպոց շփոթելոց՝ ճայթմունս
գործէր, և հնչումն ձայնից զքար-
անձաւս լերանցն շարժէր: Ի բազ-
մութենէ սաղաւարտիցն և ՚ի փայ-
լիւն սրտենազէն վառելոցն իբրեւ
նշոյլք ճառագայթից արեգական
հատանէին: Նա և ՚ի բազում սու-
սերացն շողալ, և ՚ի ճօճել բազմա-
խուռն նիզակացն իբրեւ յերկնուսս
ահագին հրաձգութիւնք եռային:
Քանզի ո՞վ իսկ է բաւական ասել
զմեծամեծ տազնասպ ահաւոր ձայ-

նիցն , որպէս կոփիւնք վահանաւո-
րացն և ճայթմունք լարից աղեղան-
ցըն զլակիս ամենեցուն առ հասա-
րակ խլացուցանէին :

Անդ էր տեսանել շտապ մեծի
տաղնաապին և զաղէտս անբաւ տա-
րակուսանացն երկոցունց կողման-
ցըն , առ 'ի յանդուզն յարձակմա-
նէն զմիմեանս բախելով , քանզև
Թանձրամիտքն յիմարէին և վատա-
սիրտքն լքանէին , քաջքն խիզախէին
և նահատակքն գոչէին : Եւ խուճբ
արարեալ ամենայն բազմութեանն՝
զգեսն 'ի մէջ փակէին , և զանգի-
տեալ գունդն Պարսից 'ի գժուա-
րութենէ գետոյն՝ զտեղեաւն զե-
ռալ սկսան : Իսկ գունդն հայոց
հասեալ անցանէին , ձի 'ի վերայ
առեալ յարձակէին մեծաւ զօրու-
թեամբ : Սաստկապէս բախեալք
ընդ միմեանս , յերկոցունց կողմանց
բազում վերաւորք յերկիր անկեալ
գիւթաւալ խաղային :

Յայնմ մեծ տաղնաապի 'ի վեր
հայեցաւ քաջն Վարդան , և տեսաւ
նէր զընտիր ընտիր քաջ նահատա-

կաց Պարսից զօրուն, զի զձախա-
կողին շարժեցին զՀայոց գնդին. մե-
ծաւ ուժով յարձակէր 'ի տեղին,
և զաջ թեւն Պարսից գնդին բե-
կեալ՝ արկանէր զգազանօքն, և շրբ
ջան առեալ կոտորէր մինչեւ 'ի նոյն
տեղի: Եւ այնպէս շտապ տագնա-
սի 'ի վերայ հասուցանէր, մինչեւ
դունդն Մատեան քակեալ բաժա-
նեցան 'ի մեծամուր սրատրաստու-
թենէն, դեռ եւս քաջ քաջ 'ի փա-
խուստ դառնային:

Ապա գէտ ակն 'ի վեր համբառ-
նայր Մուշկան Նիսաշաւուրան, քա-
կեալ զումանս տեսանէր 'ի գնդէն
Հայոց, և զկնի մնացեալ 'ի հովիտս
լերանցն: Ասան որոյ զաղաղակ բար-
ձեալ՝ քաջալերէր շուրջ զիւրեաւ
զօրս Արեաց, որք զտեղի առեալ
կային ընդգէմ՝ գնդին Աարդանայ:
Եւ անգէն 'ի տեղւոջն երկօքին կող-
մանքն զպարտութիւն խոստովա-
նէին, և առ յոյժ թանձր անկեալ
գիտականց իբրեւ զքարակոյտս գերբ
կաց երեւէին:

Չայն իբրեւ ետես Մուշկան Նի-

սալաւութեան, մնայր գաղանացն Արտաշէի, որ 'ի վերայ գաղանացն նրա տէր 'ի բարձր գիտանոցին և կամ իբրեւ յամուր քաղաքին, և 'ի ձայն մեծ գալարափողոցն զիւր գունդան ստիպէր, և յառաջամարտիկ զօրօքն զնա 'ի մէջ փակէր: Իսկ կորովին Վարդան իւրովք քաջ նիզակակցօքն ոչ սակաւ նախճիրս 'ի տեղւոջն գործեաց, յորում տեղւոջ և ինքն իսկ արժանի եղեւ առնուլ զկատարեալ նահատակութիւնն:

Եւ յերկարեալ գործոյ պատերազմին՝ օրն տարաժամէր, և մօտ առ երեկս կարճատէր. բազմաց օրահասք մահու հատանէին, մանաւանդ 'ի թանձրութենէ գիականց մօտ առ մօտ խաացեալ իբրեւ զփայտահարս մայրաւորաց: Անդ էր տեսանել զբեկումն նիզակացն և զխորտակումն աղեղանց. վասն այնորիկ և ոչ կարէին կալ ճշմարտիւ 'ի վերայ սուրբ մարմնոյ երանելեացն. և սաստիկ խուճապ տաղնապի էր կողմանցն երկոցունց անկէլոց: Եւ որք մնացեալքն էին վատնեալք և

ցրուեալք լինէին 'ի լեռնագաշտ
ամուր ձորոցն . և յորժամ սլառա
հէին միմեանց , դարձեալ միւսան
դամ զմիմեանս սատակէին : Եւ մին
չեւ 'ի մուտս արեգականն անգա
դար լինէր գործ դառնութեանն :

Եւ քանզի գարնանային էր ժա
մանակն , ծաղկալից դաշտքն դառ
նային յորդահոսանս արեանց բազ
մաց : Մանաւանդ յորժամ տեսա
նէր ոք զբազմակոյտ գիականցն ան
կելոց , սիրտն բեկանէր և աղիքն դա
լարէին՝ լսել զմնչիւն խոցելոցն և
զմոնչիւնս բեկելոցն , զթաւալդլոր
խաղալ սողալ միրաւորացն , զխա
խուտս վատացն , զթաքուտս լքե
լոցն , զսրտաթափումն զանարի ա
րանցն , զճչիւն կանացեացն , զողբա
սիրելեաց , զաշխարումն մերձաւո
րաց , զվայ և զաւաղ բարեկամացն :
Քանզի ոչ եթէ կողմ էր՝ որ յաղ
թեաց , և կողմ էր՝ որ սլարտեցաւ ,
այլ քաջք ընդ քաջս ելեալ երկոքին
կողմանքն 'ի սլարտութիւն մասնե
ցան :

Բայց քանզի անկեալ էր զօրա

վարն Հայոց 'ի մեծ պատերազմին ,
 ոչ ոք գոյր այնուհետեւ 'ի մէջ գըլ-
 խաւոր , յոր յեցեալ ժողովէին
 գունդն մնացելոցն : Թէպէտ և բա-
 զում այն էր՝ որ ասրեցան , քան
 թէ որ մեռանն , սակայն ցանեալ
 ցրուեցան , և հասեալ անկանէին
 'ի տեղիս տեղիս յամուրս աշխար-
 հին , և բռնանային 'ի վերայ բազում
 գաւառաց և բերդից , զոր և ոչ առ-
 նուլ խկ ոք կարէր :

Եւ այս անուանք են քաջ նահա-
 տակացն՝ որ անդէն 'ի տեղոջն կա-
 տարեցան : Յազգէն մամիկոնէից
 քաջն Վարդան հարեւր երեսուն և
 երեք արամբք , յազգէն խորխոռու-
 նեաց Խորէնն կորովի իննեւտասն
 արամբք , յազգէն պալունեաց արին
 Արտակ յսուն և եւթն արամբք ,
 յազգէն գնթունեաց զարմանալին
 Տաճատ իննեւտասն արամբք , յազ-
 գէն գիմաքսենից խմաստունն Հմայ-
 եակ քսան և երկու արամբք , յազ-
 գէն քաջբերունեաց հրաշակերտն
 Ներսէհ եւթն արամբք , յազգէն
 գնունեաց մանուկն Վահան երիւք

արամբբ, յազգէն ընծայնոց ար-
գարն Արսէն եւթն արամբբ, յազ-
գէն Սրուանձտայ յառաջադէմն
Գարեգին երկու հարազատօքն և
ութուտան արամբբ :

Այս երկերիւր ութսուն և եւթն
նահատակք, ընդ նմին և մեծամեծ
նախարարքն անդէն ՚ի տեղւոջն կա-
տարեցան : Եւ յարքունի տանէն և
՚ի տանէն արծրունեաց և յիւրա-
քանչիւր նախարարաց տանէն, թող
զայս երկերիւր ութսուն և եւթնս,
և այլ եւս եւթն հարեւր և քառա-
սուն այր, որք զանուանս իւրաքան-
չիւր ՚ի գարութիւն կենաց գրեցին
՚ի նմին աւուր ՚ի մեծ սրատերազմին :
Եւ միահամուռն լինի ամենայն հա-
զար և երեսուն և վեց :

Իսկ ՚ի կողմանէ ուրացելոցն ան-
կանէր յայնմ աւուր երեք հազար
հինգ հարեւր քառասուն և չորք
այր : Ինն այր ՚ի նոցանէ ՚ի մեծ սրա-
տուաւորացն էր, վասն որոյ և կա-
րի յոյժ ՚ի խոր խոցեցաւ Մուշկան
Նխարաւուրան : Մանաւանդ իբ-
րեւ ետես զանհնարին հարուածսն

եւ թնայատիկ զիւրոյ գնդին քան
 զՀայոցն, բեկաւ անկաւ զօրութիւն
 ուժոյն իւրոյ, և ոչ հանգարաւէր
 կալ 'ի վերայ խորհրդոց մտացն .
 քանզի ոչ որպէս կարծէր զպատե-
 րազմն՝ կատարեցաւ : Մանաւանդ
 իբրեւ հայէր տեսանէր զբազմու-
 թիւն անկելոյ իւրոյ կողմանն, և
 թիւ համարոյ եւս առնէր, և իբ-
 րեւ այնչափ յոլով գտանէր զիւր
 անկեալն քան զՀայոց գնդին, եւս
 սուաւել վասն երեւելի արանցն,
 զորս յականէ յանուանէ գիտեր
 թագաւորն, 'ի մեծ տաղնապի լի-
 նէր այրն յանձն իւր : Արդարու-
 թեամբ զիրան գրել և ցուցանել 'ի
 թագաւորէն երկնչէր, դարձեալ և
 թաքուցանել եւս ոչ կարէր, քան-
 զի ոչ ծածկէր այնպիսի մեծ կռիւ :

Եւ մինչ գեռ յայսմ մտաց խոր-
 հրդիէր յանձն իւր և նեղէր 'ի միտ
 իւր, ուրացեալն Ատասկ՝ որ զանձն
 իւր 'ի մէջ գազանացն թագուցեալ
 ապրեցուցանէր, միսիթար մատու-
 ցանէր մտացն լքելոյ, և ուսուցա-
 նէր նմա հնարս նենգութեամբ, թէ

օրպէս կարացէ մարանչել ընդ ա-
 մուրան խաբէութեամբ : Երդմունս
 կնքէր արքունի հրամանաւ և վկայ-
 ութեամբ անձին իւրոյ և խաբէբայ
 երիցամբքն, որ ընդ նմայն էին . սլատ-
 գամաւորս առնէր զնոսա, և երեւե-
 ցուցանէր զԹողութիւն աստտամ-
 բութեանն առ 'ի շինութիւն եկե-
 ղեցւոյ շնորհել անգրէն, և զամե-
 նայն կարգս անգրէն յարմարել ըստ
 առաջին սովորութեանն : Թէպէտ
 հրաման Թագաւորին հաստատու-
 թեամբ էր սուեալ, վասն զի յոյժ
 բեկաւ զօրութիւն նորա, որպէս զի
 երկոքին կողմանք նորա հարան, սա-
 կայն զօրքն հայոց վասն նենգու-
 թեանն Ասասկայ, որ բազում ան-
 գամ հասեալ էին 'ի վերայ ստու-
 թեան նորա, վասն այնորիկ և հրա-
 մանի Թագաւորին վաղվաղակի ոչ
 կարէին հաւատալ :

ԵՒԹՆԵՐՈՐԴ ՅԵՂԱՆԱԿ

Յօրում նկարագրի Դարձեալ առատի-
նութիւնն Հայոց, և լարագոյն է-
րէնի անօրէնութիւնն Վասակայ :

ԱՐԴ. դարձեալ յայնժամ գրը
դեաց զՄուշկանն Նիւսաւրաւուրս և
զամենայն աւագանինն Արեաց, ա-
ռեալ զզօրսն՝ հասանէր 'ի վերայ
ամրոցին, յոր անկեալ էին գունդ մի
'ի զօրացն Հայոց հանդերձ սուրբ
քահանայիւքն, և մարտ եղեալ
կռուէին շուրջ զբերդաւն : Եւ իբ-
րեւ ոչ ինչ կարացին ազգել նոցա,
դարձեալ յերդմունս ասպատան ե-
ղեալ, զի ուխտիւ իջուսցեն զնոսա
առանց դաւ ինչ գործելոյ, և եր-
կիցս և երկիցս անդամ ետուն տա-
նել զաւետարանն : Թէպէտ և քա-
հանայքն յանձն առնուին զիջանելն
կալ առաջի, բազումք 'ի զօրակա-

Նայցն ոչ կարէին հաւատալ սուտ
 ուխտին Ասասկայ . քանզի սկսաւ
 երթալ Մուշկան Նիւսաշաւուրս
 զհետ չար խրատուն Ասասկայ :

Եւ ոմն 'ի քաջ զօրականէն Հայ-
 օց , որ անկեալ էր 'ի բերդն փա-
 խըստեամբ , Բակ անուն , ելեալ 'ի
 սարխապն թշնամանս դնէր անօրի-
 նին , և յիշեցուցանէր առաջի Պար-
 սից զօրագլխին զամենայն չարիան ,
 զոր անցուցեալ էր նորս ընդ աշ-
 խարհն Հայոց : Յորոց բազում խակ
 լուեալ՝ արդարացուցանէին զամ-
 բաստանութիւնն , ոչ միայն 'ի Հայ-
 օց կողմանէն , այլ եւս առաւել
 զօրքն Պարսից : Սոյն այրս այս 'ի
 նմին գիշերի եւթն հարեւր արամբք
 ել գնաց 'ի բերդէ անտի , և ոչ կա-
 րացին ձեռն արկանել 'ի նա :

Իսկ որ 'ի ներքս յամբին մնացին ,
 թէսպէս և գիտէին ճշմարտիւ զիսա-
 բեբայ երգմունս նոցա , ոչ ունէին
 համբար 'ի ներքս : Իբրեւ ոչ կա-
 մաւ իջեալ կացին առաջի , հրամայ-
 եաց սպանանել 'ի նոցանէ երկերիւր
 և երեքսասան այր : Ազաղակեցին

ամենեքեանս և ասեն. Գոհանալք զքէն Տէր Աստուած մեր. մինչ գեռ շէն են եկեղեցիք և անբակ տաճարք վկայից և միաբան սուրբ ուխտ եկեղեցւոյ և առաքինացեալ, արժանի արարեր զմեզ կոչմանդ երկնաւորի: Հաւասարեացէ մահս մեր ընդ մահ քաջ նահատակացն, և խառնեցի արիւնս մեր ընդ արիւն անկեալ վիրաւորացն. և հաճեցի Տէր ընդ եկեղեցիս իւր՝ բազմութեամբ կամաւոր զուարակացն, որ երանեն ՚ի վերայ սուրբ սեղանոյս: Չայս ա սելով ՚ի տեղւոջն կատարեցան երկերիւրքն և երեքտասանքն:

Իսկ սուրբ քահանայքն՝ որ անդ դիպեցան յամուրսն, երանելիքս այս Յովսէփ և Ղեւոնդ բազում ընկերակցօքն իւրեանց, մատուցին և նոքա զպարանոցս իւրեանց առաջի սրոյ դահճապետին, ասելով զնոյն բանս՝ զոր խօսեցան երկերիւրքն: Քանզի ոչ եթէ ակնկալութիւն ինչ էր երանելեացն ըստ մարմնաւոր կենացն, այլ խնաստութեամբ հնարս խնդրէին լինել փոխանակ ամենայն

աշխարհին շինութեան : Ասան որոյ
 և բողոք 'ի դուռն կարգային , և զա-
 մենայն ամբաստանութիւն արկա-
 նէին զանօրէնն զԱսասկաւ : Չայս
 իբրեւ լուաւ Մուշկան Կիւսաղա-
 ւուրս , ոչ իշխեաց 'ի նոսա ձեռն
 արկանել մահուամբ . այլ զՅովսէփ
 և զՂեւոնդ գան հարեալ , հրամայե-
 ցին պահել զգուշութեամբ . քանզի
 բողոք 'ի դուռն կարգացին : Իսկ
 զայլ քահանայսն արձակեցին յիւ-
 րաքանչիւր տեղիս , հրաման տուեալ
 վասն շինութեան և խաղաղութեան
 աշխարհին :

Այլ մարդիկն հայոց , որ հա-
 սեալ էին 'ի վերայ յեղեղուկ հրա-
 մանաց թագաւորին և ուրացեալ
 շարխացին Ասասկայ , ոչ ինչ հա-
 ւատային սուտ թողութեանն . այլ
 քաջալերէին զմիմեանս և ասէին .
 Չի՞ պիտոյ է մեզ բնաւ կեանք ան-
 ցաւոր աշխարհիս , և կամ ընդէր
 տեսանեմք զարեւ յետ մերոյ սիրե-
 լեացն : Չի եթէ քաջ նահատակքն
 մեր անկան 'ի մեծ պատերազմին ,
 և բազում վիրաւորք տապալեցան

յարիւն յապագոյժ 'ի մէջ դաշտին ,
 և ամենեցուն մարմինքն եղեն գէշ
 թռչնոց և կերակուր դազանաց , և
 պատուական նախարարքն մեր հա-
 սին յանարգութիւն թշուառու-
 թեան , լքին զիւրաքանչիւր իշխա-
 նութիւն և են 'ի հալածանս նե-
 ղութեան , որ և ամենայն փափկու-
 թիւնն Հայոց եհաս 'ի վիշտս վտան-
 գի և յանհնարին ասականութիւն ,
 ոչ անտամբ խաբերայ հրամանացդ
 և անկանխմբ 'ի ձեռս անօրէն իշ-
 խանացդ :

Թողին այնուհետեւ իւրաքան-
 չիւր զգեօղս և զաւանս և զազա-
 րակս . ելին հարսունք յառադաս-
 տից և փեասոյք 'ի սենեկաց , անկան-
 ծերք յաթոռոց և տղայք 'ի գրկաց -
 երթային երխասարդք և կուսանք
 և ամենայն բազմութիւն տրանց և
 կանանց , հասեալ ունեկին զամուրս
 անապատին և զանխաբ տեղիս բա-
 զում լերանց : Լաւ համարէին զդա-
 զանարար բնակութիւնն աստուած-
 սրաշտութեամբ 'ի քարանձաւս կե-
 լոյ , քան ուրացութեամբ փափկա-

Նալ յիւրաքանչիւր շինուածս : Առանց տրանշելոյ համբերէին խոտաբուս կերակրոցն , և ոչ յիշէին զսովորական խորտիկան : Համարեալ էին նոցա դարանափորքն իբրեւ ըզյարկս բարձր շինուածոց , և դեռ նանկողինքն իբրեւ զնկարեալ սաւորչկանս :

Սաղմոսք էին նոցա մրմունջք երգոց , և ընթերցուածք սուրբ գրոց կատարեալ ուրախութիւնք : Ամենայն մարդ յանձն իւր եկեղեցի էր , նոյն ինքն քահանայ , մարմինք իւրաքանչիւր սուրբ սեղան , և ոգիք նոցունց՝ արտարագ ընդունելի : Քանզի ոչ ոք ՚ի նոցանէ ողբայր յուսահատութեամբ զանկեալն ՚ի սրոյ , և ոչ ոք հեծեծելով հառաչէր ՚ի վերայ մերձաւոր սիրելեաց իւրոց : Խնդութեամբ ընկալան զյափշտակութիւն ընչից բազմաց , և ոչ յիշէին ամենեւին՝ եթէ եղեալ իցեն նոցա ստացուածք : Համբերութեամբ ճգնէին և մեծաւ առաքինութեամբ տանէին զքաջ նահատակութիւնն : Զի եթէ ոչ բացաւ աչօք տեսաւ

նէին զյոյսն խնդալից, և ոչ կարէին խակ դործել զայնպիսի մեծ առաքինութիւն :

Քանզի բազումք յազգէ 'ի մեծ նախարարացն էին, և եղբարք և որդիք և դստերք, հանդերձ ամենայն սիրելէօք իւրեանց 'ի մէջ ամբական վայրացն, ոմանք յանլոյս երկիրն Խաղտեաց, և այլ բազումք 'ի կողմանս հարաւոյ՝ յանմատոյց ամուրսն Տմորեաց, և կէսքն 'ի Թանձրախտ մայրիսն Արձախոյ, և այլ ոմանք անդէն 'ի միջոց աշխարհին բռնացան 'ի վերայ բազում ամրոցացն : Եւ ամենեքին մեծաւ համբերութեամբ տանէին զբազում նեղութիւնն վասն յուսոյն Աստուծոյ ազաչելով զայս միայն, և խնդրէին յԱստուծոյ, մի՛ տեսանել նոցա զաւեր սուրբ եկեղեցեաց :

Այլ որպէս ցուցաւք բազում անգամ զամբարշտութիւն չարին, յոր դորէր և սախաէր զզօրսն Պարսից 'ի մօտաւոր կողմանց աշխարհին, զի հրամանաւ արքունի զօր եկեացէ յօգնականութիւն նոցա : Եւ հա

սեալ բազում այրուձի՝ յաւելոյր
 'ի թիւ անկեւոցն , և լինէր գունդ
 բազմութեան իբրեւ զառաջինն : Եւ
 յառաջ խաղային 'ի միջոց աշխար-
 հին , մարտ եղեալ կռուէին ընդ
 մեծ ամուրս Կապոյտ լերինն : Իսկ
 որ 'ի ներքսն էին՝ քաջութեամբ
 մարտուցեալ հարկանէին զբազումս
 'ի գնդէն Պարսից , և զմնացեալսն
 փախստական 'ի բանակն արկանէին :
 Իսկ նորա զարձեալ յողորմա մա-
 տուցեալ , նուաճել խաբէութեամբ
 կամէին :

Իբրեւ ոչ ոք հաւատաց իջանել
 առ նոսա , զի մի մատնեացին չարա-
 չար 'ի ձեռս թշնամեացն , սակայն
 վասն երգմանցն հարկ եղեւ քահա-
 նայի մի իջանել առ նոսա , որում
 անունն էր Արշէն : Իսուէր ընդ նո-
 սա յաղերս ընտանութեամբ , և ցու-
 ցանէր զանմտաս փախուստ անմե-
 ղացն . արկանէր գութ առաջի ու-
 բացելոյն Ասսակայ , և սրազատե-
 լով յիշեցուցանէր նմա զառաջին
 կարգ ուխաին քրիստոնէութեան ,
 զի թերեւս սակաւիկ մի քաղցրացել

յան հնարին դառնու թե նէն : Այլ նա ոչ ինչ լուաւ և անսաց բազում բանիցն նորա , կապեաց և խաղացոյց զերանե լին և որք ընդ նմա ի ջեալ էին :

Մանաւանդ իբրեւ ետես եթէ երթայ զօրավարն զհետ խրատու կամաց նորա , սկսաւ այնուհետեւ 'ի բազում տեղիս արձակել զասպատակաւորն , և զոր արտաքոյ քան զամուրսն գտանէր զբազմութիւն մարդկանն , վարեցին 'ի գերութիւն , և զամբար 'ի ձեռն առեալ հրձիգ առնէին զբազում տեղիս : Իսկ որք էին յամուրս Տմորեաց , իբրեւ լուան զայս ամենայն չարիս , զոր գործեցին զօրքն արքունի , ոչ ինչ շահ օգտի համարէին զկեալն 'ի մէջ ամրականացն : Քաջութեամբ ելեալ յարձակեցան օգնականութեամբ ամրականացն , և հասեալ 'ի մօտաւ և որ աշխարհն պարսկաց , յանխնայ կոտորելով նախաձիրս արեան գործէին , և զմնացեալն գերի առեալ տանէին , և անդէն յամուրսն արկանէին , և զչինուածսն աշխարհին

զամբար 'ի ձեռն առեալ հրոյ ճա-
րակ տային :

Գարձեալ և որք էին 'ի լերինս
Խաղտեաց , իբրև տեսին եթէ յան-
դրգնաբար զօրքն սրարսկաց յաներ-
կեւղս իջանէին յամուրս աշխարհին
Հայոց , յարձակեցան և նորա մե-
ծաւ զօրութեամբ 'ի ձորագաւառն
Տայոց : Եւ գտին անդ գունդ բա-
զում 'ի զօրացն արքունի , որ գերի
առնուլ կամէին զամբահանս աշ-
խարհին . գարձեալ և կարծէին եւս
եթէ գանձք նախարարացն անդ ի-
ցեն , վասն այնորիկ և յանխնայ
յուզէին զվայրսն :

Նա և տեսին եւս անդ 'ի գեօղս
Երկուս , որ զեկեղեցիանս այրեցեալ
էր . առաւել եւս վասն այնր 'ի նա-
խանձ բրդեցան բարկութեամբ :
Յարձակեցան , հարան 'ի գիմի մի-
մեանց , և կամակարութեամբ յաղ-
թեալ , բեկեալ արկին զզօրութիւն
գնդին Պարսից , և կոտորեցին զբա-
զումս 'ի նոցանէ , և զմնացեալսն
փախստական հանէին յաշխարհէն :
Եւ յայնչափ յանդուգն յարձակ-

մանէն՝ միայն երանելին Հմայեակ , եղբայր սպարապետին Հայոց Վարդանայ , յանխնայ քաջութեամբ մարտուցեալ՝ կատարեցաւ նաՀատակութեամբ ՚ի վերայ սուրբ ուխտին միաբանութեան : Եւ այլքն ամենայն ողջանդամ ապրեալք երթային զհետ փախստականին :

Եւ իբրեւ այս այսպէս կատարեցաւ , դադարեցին զօրք թագաւորին խառնամուխ լինել յամենայն տեղիս անխորութեամբ , և եւս առաւել ձեռնաբահ լինել եկեղեցեացն : Գարձեալ միւսանդամ անդրէն հարցանել սկսան յարքունիսն :

Նա և որ Մրձախայ մայրիան անկեալքն էին փախստականք , ոչ ինչ լռեալ դադարեցին խաղաղութեամբ , այլ հանապաղ յղէին յաշխարհն Հոնաց , շարժէին և յորդորէին զգունդն Հոնաց , և յիշեցուցանէին նոցա զուխան՝ զոր եգեալ էր ընդ Հայս և անսուտ երգմամբ հաստատեալ : Հաճոյ թուէր բաղմաց ՚ի նոցանէ լսել զբանսն քաղցրութեամբ : Նա և մեղազիր եւս

յոյժ լինէին նոցա, եթէ 'ի կռիւն ընդէր ոչ եկիք սրատրաստութեամբ: Եւ իբրեւ յառաջնումն ինչ ոչ հնարէին զմիմեանս հաւանեցուցանել, ապա գունդ բազում գումարէին, և անդէն յարձակեալ հասանէին 'ի սահմանս տէրութեանն Պարսից, և զբազում գաւառս հարեալ, բազմագոյն եւս գերի առեալ տանէին յաշխարհն իւրեանց, և յայտնի ցուցանէին թագաւորին զմիաբանութիւն՝ զոր ունէին ընդ գնդին հայոց:

Իսկ իբրեւ այս ամենայն ազգումն հասանէր առ զօրավարն Պարսից, սրտմտեալ զայրանայր, և մեծաբարկութեամբ կուտէր զմեանս 'ի վերայ անօրինին Ասսակայ, իբր թէ նա իցէ սկիզբն և առաջնորդ ամենայն չարեացն, որ գործեցան: Եւ անդէն շու արարեալ գնայր, խաղայր հասանէր յաշխարհն Պարսից, գրէր և ցուցանէր յարքունիս զամենայն ստուգութեամբ, և զմասս գործոյն արկանէր զուրացելոմն:

Իբրեւ լուաւ թագաւորն զամե-

նայն աւեր աշխարհին, և ստուգեաց զիրս մեծի պատերազմին, բեկանէր անկանէր 'ի մեծ խրոխտալոյն, և լուեալ դադարէր 'ի հանապազորդ և 'ի խաբերայ խորհրդոցն յուզէր և քննէր զվրիպումն անհանճար գործոյն, և կամէր տեսանել՝ ասելով. Ո՞րք իցէ որ զիս ճշմարտութեամբ 'ի վերայ իրացդ հասուցէ : Իսկ որ էր գիտակ անօրէն գործոյն, անգրէն 'ի դրան արքունի, նոյն հազարապետն Միհրնէրսեհ, յառաջ մատուցեալ ասէ ցԹազաւորն. Չայդ ես ասեմ քեզ, արքայ քաջ. եթէ կամիս ստուգութեամբ լսել զարդարն, որք գլխաւորք քրիստոնէիցն են 'ի Հայս, սուր կոչել, և դան յօժարութեամբ և ասեն քեզ զամենայն արդարութեամբ :

Յայնժամ զմի ոմն յաւագ նախարարացն, Ատրորմիզդ անուն, որոյ իշխանութիւնն իսկ խառն էր ընդ Հայոց աշխարհին և գործակից էր զօրավարին 'ի նմին պատերազմի, դրէր և յանձն առնէր նմա զաշ-

խարհն Հայոց մարզապանութեամբ :
 Եւ զՄուշկան Նիւսաւաւուրս հանը
 դերձ ամենայն մնացեալ զօրուն
 գումարէր յաշխարհն Աղուանից և
 Լփնաց և Ճղբաց և 'ի Հեճմասա-
 կաց և 'ի Թաւասպարաց և 'ի Իսի-
 բիովան, և յամենայն ամրականն ,
 զորս աւերեալ էր գնդին Հոնաց
 վանն ուխաինն Հայոց : Արագս և
 յոյժ իսկ տրամեալ էր Թագաւորն ,
 ոչ միայն ընդ աւեր աշխարհացն և
 ընդ անկանեւն զօրացն , այլ եւս ա-
 ռաւել ընդ աւերել պահակին՝ զոր
 'ի բազում Ժամանակաց հազիւ ու-
 րեմն կարացին շինել . որ և յայնմ
 Ժամանակի դիւրեաւ առեալ քան
 դեցաւ , որում և չէր իսկ ակնկա-
 լութիւն շինութեան : Իսկ զԱ-
 սակ հանդերձ գլխաւոր քրիստո-
 նէիւքն 'ի գումն հրամայեաց կոչել :

Արդ եկն եմուտ մարզապանն Աւ-
 բորմիզգ յաշխարհն Հայոց սիրով
 խաղաղութեամբ : Հրամանաւ ար-
 քունի կոչեաց առ ինքն զՍահակ
 սուրբ եպիսկոպոսն յըջտունեաց ,
 ուսանել 'ի նմանէ զիրացն ամբաս-

տանութիւնն : Բայց Թէպէտ և նորա աւերեալ էր ատրուշան մի, և բազում չարչարանօք հարեալ էր ըզպաշտօնեայս կրակին, ոչ ինչ զանգիտեաց գալ յատեան հրասպարակին : Դարձեալ և ՚ի տանէն արծրունեաց բարեպաշտօն երէց մի Մուշէ անուն, որ առաջնորդ էր աշխարհին արծրունեաց, աւերեալ էր և նորա զկրակատուն մի, և կասաւ նօք և տանջանօք բազում չարչարանս անցուցեալ էր ընդ մոգսն. և սա ոչ ինչ զանգիտեաց, այլ կամաւ եկն և յանգիման եղև մարզսանին : Եւ երկու եւս այլ քահանայք երանելիք, որոց անուանքն են Սամուէլ և Աբրահամ. քանզեալ էր և սոցա զատրուշանն յԱրտաշատ, և յառաջագոյն ըմբռնեալ էին ՚ի կասանս յուրացեալն Ասասիայ. ածին և զնոսա յառաքինի ընկերսն : Եւ Ժողովեցին եւս ՚ի նոյն տեղի զմեծն Յովսէփ և զՂեւոնդ և զՔալաջ և զԱրշէն : Եւ իբրև ուսաւ և տեղեկացաւ յամենեցունց մարզսանն, գրեաց և եցոյց յարբունիս

զամենայն ճշմարտութեամբ որպէս
զիարդ լուաւ 'ի բերանոյ նոցա :

Բայց Աստակ թէպէտ և յառա-
ջագոյն հասեալ էր 'ի դուռն, ըստ
կամաց իւրոց այլ ընդ այլոյ եր-
թեալ սրտմէր զամենայն ստու-
թեամբ, սակայն 'ի միտս թագաւո-
րին ոչ կարէր զանձն արդարացու-
ցանել : այլ սրտասխանի արար նմա
և ասէ . Յորժամ քրիստոնեայքն
եւս եկեացեն, հասարակ լուայց յա-
տենի :

Իսկ զսուրբ քահանայսն վասն զի
կապանօք տանէին, յետ երկուց ամ-
սոց և քսան աւուր հասանէին 'ի
ձմերոցն արքունի : Իբրեւ լուաւ մեծ
հազարապետն, եթէ ամին զնոսա
'ի քաղաքն, ինքնին իսկ ականատես
լինէր նոցա : Բայց թէպէտ և տե-
ղեկութեամբ լսէր 'ի նոցանէ զամե-
նայն, ոչ կարէր ձեռն արկանել և
չարչարել զնոսա . քանզի բազումք
'ի նախարարացն Հայոց դեռ եւս
բռնացեալ ունէին զամուրս աշխարհ-
հին, և դեռ եւս մարզպանն յեր-
կիւղի էր : Ասան որոյ զգուշու-

Թեամբ հրամայեաց պահել զսուրբ սրն, և զաշխարհն հրամայէր սիրով նուաճել. վասն որոյ և ինքն իսկ շրջէր և ժողովէր և շինէր ուխտիւ հաստատութեան :

Եւ եպիսկոպոսացն հրաման տայր ունել զիւրաքանչիւր իշխանութիւնն, և ըստ առաջին սովորութեանն պաշտել յայնութեամբ, և համարձակ եւս գալ 'ի հրապարակ : Նա և ընծայից և պատարագաց արժանի առնէր թողուլ զառաջեալ : Եւ քանզի բազում գաւառս առեալ և աւերեալ էր զօրականին, թողուլ հրամայէր զհարկըս աշխարհին, և զայրուծին եւս զարքունի թեթեւացոյց առ ժամանակ մի : Եւ միայնակեացք որք ելեալ և կորուսեալ էին, հրամայէր գալ և ունել զիւրաքանչիւր տեղիան :

Եւ զամենայն կարգս աստուած պաշտութեանն, որպէս զիարդ և ունէին յառաջ ժամանակաւ առ նախնեօքն, նոյնպէս և այժմ, ասէ, կալցին : Եւ եթէ ոք հեռի աշխարհ

ուրեք գնացեալ իցեն , ունիմ իշխանութիւն յարքունուստ , ասէ մարզպանն , եթէ յազատաց իցեն , եթէ ՚ի շինականաց իցեն , եթէ յեկեղեցւոյ , զինչ կեանս և թողեալ իցէ , եկեսցեն և կալցեն զիւրաքանչիւր զարարս . երգմամբ կնքէր և առաքէր ՚ի կողմանս կողմանս : Որ և բազումք իսկ եկին և ժողովեցան , և կալան զիւրաքանչիւր կալուածս :

Նա և որ մեծն է քան զամենայն , որ ՚ի բունութենէ ոք ակամայ կալեալ էր զմոգութիւնն , հրովարտաւ կրս առաքէր յարքունուստ , անգրէն ունել զքրիստոնէութիւնն : Եւ յանդիման խօսէր թագաւորն , որք էին ՚ի տանն արքունի , եթէ Որք ոչ սիրով ունին զգէնի մազգէսն , այնպիսեացն և աստուածքն են ցասուցեալ , և ես ոչ ինչ եմ շնորհակալ . և այսօր զնոյն հրաման տամ ամենեցուն . ՚ի կամս մարդոյն թողեալ ըստ իւրաքանչիւր մտաց , որ պէս զինչ և կամի պաշտել՝ պաշտեսցէ . ամենեքեան իմ ծառայք

են : Չայս ասէր , և գրով հրամանս
տայր ամենայն աշխարհի :

Իբրեւ զայս լուան և տեսին բա-
զումք՝ որ էին ցանեալ և ցրուեալք
'ի հեռաւոր տեղիս , գային և ու-
նէին զիւրաքանչիւր արարս : Իսկ
նախարարքն որ էին յամուրս աշ-
խարհին և կամ 'ի հեռաւոր օտա-
րութեան , իբրեւ տեսին զչինու-
թիւն երկրին՝ մանաւանդ զեկեղե-
ցւոյն հաստատութիւն , քաջալերե-
ցան համարձակեցան և նոքա յան-
գիման լինել արքային : Ասան որոյ
և սխառգամ յլեցին առ մարզպան
աշխարհին , զի 'ի գուռն ցուցցէ
զբանս նախարարացն : Իսկ նա վաղ-
վաղակի յարքունուստ գիր ողորա-
նաց և ուխտ հաստատութեան տայր
տանել առ նոսա հրամանաւ ար-
քունի : Բայց թէպէտ և գիտէին
նոքա զդառնութիւն տէրութեանն՝
թէ սուտ են յամենայնի , կամեցան
չարչարակից լինել սրբոցն , զի եթէ
մահ եւս առաջի կայցէ , ոչ ինչ
զանգիտեսցեն երկիւղիւ :

Եւ զայս լուեալ թագաւորին ,

ուչ հասկանօք, այլ արձակ օտուք և արձակ ձեռօք հրամայեաց առ ինքն հոչել: Ածին վաղվաղակի զկին և զորդիան, և զինչա իւրաքանչիւր եւ տուն 'ի ձեռս մարդպանին. և ինքեանք փութանակի գնացին 'ի ձմերոցն արքունի:

Եւ մինչ գեռ անդրէն 'ի ձմերոցին էր թագաւորն, ատեան հարցափորձի 'ի մէջ նոցա հրամայէր լի նել: Եւ նստաւ հազարապեան՝ զի լուիցէ կողմանցն երկոցունց: Եւ իբրեւ յերկարեցաւ ամբաստանութիւնն զաւուրս բազումս, սխարտաւորեցաւ կողմ ուրացելոցն: Քան զի ցուցանէին զթուղթան՝ զոր արւեալ էր Ասասկայ և ամենեցուն որ ընդ նմա էին, զի միաքանք իցեն ընդ նմա յուխտ ասպատամբութեանն. թուղթ մի 'ի Արաց աշխարհէն, և թուղթ մի յԱղուանից աշխարհէն. սոյնպէս և թուղթ մի յԱղձնիս, և հրովարտակ մի առ թագաւորն Յունաց, և թուղթ մի առ մեծ ասպարապեան Անափոքոս: Եւ 'ի բոլորեսին յայտասիկ թուղթ-

տնն վաւերականի մատանի Ասասկայ եղեալ էր : Սոյնպէս խառն էր նա և 'ի մահ մոգուցն 'ի Ջարեհաւանի : Եւ զբազում բերդս՝ զոր հանին 'ի սարսկաց, յայտ առնէին զնորա թուղթան և զհրամանան . քանզի նա էր մարզպան 'ի ժամանակին :

Արպէս և հրեշտակու թեամբ իսկ զոր յղէր առ Յոյն նախարար մի, որում անունն էր Աստ, յազգէն գնունեաց, սա մատուցեալ յանդիմանէր զնա առաջի մեծի ատենին հրովարտական իսկ՝ զոր տուեալ էր նորա իւրով մատանեալ : Նա և 'ի մէջ իսկ բերէր զամբաստանութիւնն նորա Մուշկան Նիւսալաւորտ, և յայտ առնէր սրտերազմակից ընկերօքն իւրովք, որ և յեա վճարելոյ սրտերազմին բազում արիւն ետ հեղուլ Ասասկ . թէ ո՞րպէս սուտ երգամամբք խաբէր և իջուցանէր յամբոցաց անտի . էր՝ զոր կոտորէր, և էր՝ զոր գերի տանէր զժառայս և զաղախնայս արքունի : Եւ 'ի վերայ այսր ամենայնի վաւ-

սու, և գող եւս գտանէր հարկի աշխարհին, որ յարքունիան երթայր :

Նա և յուրացեալ ընկերացն՝ նորա բազումք էին, որ յայտ արարին զչարիս նորա՝ զոր գործեալ էր ընդ աշխարհն Հայոց : Եւ 'ի մնացեալ մոգացն և 'ի փշախականացն՝ որք 'ի կապանան սարեալ էին և ապա ածին յարքունիս, հարցին և ցնտա վասն նորա և ասեն . Դուք էք ինչ տեղեակ վասն շարութեան սորա : Ետուն պատասխանի և ասեն . Ամենայն անցք շորչարանաց՝ որ անցին ընդ մեզ, և բազում հարուածք որ եղեն 'ի զօրքն արքունի, և աւեր և գերութիւն աշխարհին Հայոց, և կորուստ հարկացն արքունի, ըսկիզբն և առաջնորդ շարեաց այլդ այդ եղեւ :

Եւ մինչ դեռ այս ամենայն ամբաստանութիւն զնմանէ էր զայնչափ բազում աւուրս, յառաջ մատեան և իւր աղգականքն, որ եւս յառաջագոյն դատասխազ լեալ էին զնմանէ առաջի արքային, սկսան

կարգաւ ցուցանել և յայտ առնել, որպէս զի բարեկամացեալ էր նա ընդ Հեռանայ Հոնի միաբանութեամբ բաղասական արքային, 'ի Տամանակին՝ զի կոտորեաց Հեռանն այն զգորան Պարսից յԱղուանս, և ասպատակաւ եհաս յերկիրն Յունաց, և բազում գերի և աւար խաղացոց 'ի Հոռումց և 'ի Հայոց և 'ի Արաց և յԱղուանից. որպէս զի 'ի վերայ իսկ եհաս խորհրդոցն ինքն իսկ Թագաւորն, և սպան զբաղասական արքայ: Եւ Աստակ մարդպան էր Հայոց 'ի Տամանակին, և Թշնամեացն արքունի խորհրդակից գտաւ: Յուցին և յայտ արարին ազգականքն նորա, որպէս զի հմուտ և տեղեակ իսկ էին չար խորհրդոցն նորա. զամենայն ցուցանեին և յայտ առնեին առաջի Թագաւորին. և զայլ եւս բազմագոյն խարդախութիւնսն, որ ստուծեամբ վարէր զկեանս իւր՝ ոչ միայն առ ընկերս, այլ և առ Թագաւորն ինքնին գլխովին. զի ոչ երբէք արդարութեամբ վաստակեալ էր 'ի մանկութենէ:

Յայնմ Ժամանակի հրամանն էա
հազարապետն . Ածէք այսր և ՚ի
կապելոցն , որք են ՚ի բանափ անդ :
Ղուծին և ամին յերանելեացն ըզ-
Սահակ եպիսկոպոսս ուրշտունեաց
և զսուրբն Յովսէփ և զՂեւոնդ ե-
րէց : Եւ իբրեւ մերկացան ամենայն
բանք ատենին առաջի նոցա , էա
սրատասխանի Սահակ եպիսկոպոսն
և ասէ . Որ յայանի ուրացեալն են
՚ի ճշմարիտն Աստուծոյ , ոչ գիտեն
ղինչ գործեն և կամ զինչ խօսին .
քանզի խաւարեալ է խորհուրդք նո-
ցա , զտեսարս սրաշտեն սուտ սրատ-
ճառանօք , և ընդ ընկերս մտանեն
յուխտ ստուծեան : Եւ են նոքա
դարանք սատանայի , զի նոքօք իսկ
կատարէ զգառնութիւն կամացն
իւրոց , որպէս երեւի իսկ ՚ի գոյն
յայդ Ասասկ : Քանզի մինչ ունէր
զանուն քրիստոնէութեան , վերինն
երեսօք կարծէր ծածկել և թագու-
ցանել զամենայն շարութիւն իւր
առաջի ձերոյ անդէտ տէրութեանդ ,
և զամենայն նենգութիւնն իւր
քրիստոնէութեամբն ծածկէր :

Ուստի և ձեր իսկ կարծեցեալ՝
 մեծապէս սրատուեցէք՝ զդա առա-
 ւել քան զարժանն իւր : Հաւատա-
 ցէք դմա զաշխարհն Արաց . հարցէք,
 եթէ գոհ իցեն զդմանէ : Ետուք
 դմա զտէրութիւնն Սիւնեաց . լուս-
 րուք յազգականաց այսի գորա ,
 զինչ պատմեն զդմանէ : Արարէք
 զդա մարզպան հայոց . զոր նախ-
 նեացն ձերոց մեծաւ աշխատու-
 թեամբ գտեալ էր , դա 'ի միում
 ամի կորոյս զերկիրն ամենայն : Տե-
 սեր , իբրեւ բարձաւ 'ի դմանէ սրա-
 տուական անունն Աստուծոյ , զոր
 ունէր ստութեամբ , մերկ երեւեցաւ
 ամենայն շարագործութիւն գորա :
 Զի եթէ պա Աստուածն իւր սուտ
 գտաւ , առ ո՞րք 'ի մահկանացուաց
 աստի դա արդար դացի :

Արդ ամենայն ամբաստանու-
 թիւն՝ որ այժմ յայանի եղև զդմա-
 նէ , ո՞չ ահա ձեր իսկ յառաջագոյն
 լուեալ էր . բայց յոր դէմս ծած-
 կեցէքն , դուք ձեզն իսկ քաջ գի-
 տէք : Ինչ սյսպէս թուի , եթէ
 սուտ յուսով դա զձեզ ինդացոյց :

Այլ ոչ դուք և ոչ գա և ոչ որ զինի ձեր գալոցն է, զայն 'ի մեզ ոչ կարէ տեսանել: Արդ արարէք զգա որպէս և կամիք, ցմեզ զն' հարցանէք:

Զարմացաւ մեծ հազարապետն ընդ միաս իւր, և 'ի խորհուրդս իւր քննէր զամենայն բանս ատենին: Քանզի հասեալ էր 'ի վերայ, եթէ յիրաւի դատապարտեցաւ այրն ըստ անարժան գործոցն իւրոց, եմուտ և եցոյց զամենայն բանս ատենին յարքունիան: Եւ իբրեւ լուաւ թա գաւորն և ստուգեաց 'ի հազարապետէն զառնն պարտաւորութիւն, բարկացաւ յոյժ և 'ի խոր խոցեցաւ. բայց միայն երկայնմտութեամբ կամեցաւ հասուցանել զնա 'ի մեծ անարգութիւն: Լուռ եկաց աւուրս երկոտասան, մինչ 'ի գլուխ չոգաւ փուրախ ամբաստանութեանն:

Եւ եղև յաւուր միոջ մեծի զամենայն երեւելի և զպատուականսն հրամայէր յընթրիա կոչել: Վաչեցին և զուրացեալն. և նա ըստ առաջի կարգի օրինացն արքունի ար

կանէր զպատուական հանդերձն , զոր ունէր 'ի Թագաւորէն . կապէր և զպատուաւորսն , և զխոյրն սուկեղէն դնէր 'ի վերայ , և զկուսակուռ ձոյլ սակի կամարն ընդելուզեալ մարգարտով և ակամբբ ստուականօք ընդ մէջ իւր ածէր , և զգինդան յականջսն , և զգումարտակն 'ի սարանոցին , զսամոյր սրն զԹիկամբն , և զամենայն օրէնս սպատուոյն զանձամբ արկեալ՝ երթայր յարքունիս . շքեղ և երեւելիքան զամենեսեան երեւէր բազմութեանն :

Իսկ նախարարքն որք կամօք 'ի Հայոց չոգան անձամբ տուեալ զանձինս 'ի փորձութիւնն , և սուրբքն որ յառաջագոյն հասեալ էին , կապանօք ունէին զամենեսեան առ գրանն արքունի : Իբրեւ ատփն զնա զարգարեալ և շքեղացեալ , և բազմամբոյս գնդաւ գայր յարքունիս , 'ի միտս իւրեանց սկսան այսրանել և ասել . Ո՛վ անմիտ վաճառական , զանմահ և զանանց սրատիւ ետուր , և զանցաւորդ դնեցեր , զոր և զայդ

եւս ընդ մօտոյ աւուրս կորուսանե-
լոց ես :

Եհաս և նստաւ 'ի ներքոյ դահ-
լիճան, որ էր հրապարակ մեծամե-
ծացն : Արդ եկն ել սենեկապանն
յարքունուտ , հարցանէր ցնա և
ասէր . Արքայ յլեաց առ քեզ , յոր
մէ՞ գտեալ է քո զայդ ամենայն սրա-
տուական սրափուդ , ասա ինձ վաղ
վաղակի , վասն որոյ արդար վաստա-
կոց : Եւ յուշ առնէր նմա զամե-
նայն բանս ատենին , յորում դա-
տապարտեցան . նա և զոր ոչ եւս
անդ խօսեցան՝ զայն եւս յայտնէր
նմա : Զի ոչ ըստ կարգի ունէր նա
զտէրու [Թիւնն Սիւնեաց աշխարհին,
այլ նենդու [Թեամբ և քսու [Թեամբ
եւս սպանանել զհօրեղբայր իւր ըղ-
Վաղինակ , և ինքն տարաւ զտէ-
րու [Թիւնն իբրեւ քրտիկար յարքու-
նիս : Նա և այլ եւս բազում բա-
նիւք գատապարտեցին զնա , որում
ամենայն աւագանին վկայ դային :
Պատանձեցաւ ամենեւին, և չգտաւ
բան ճշմարիտ 'ի բերան նորա : Իբ-
րեւ կրկնեցին և երեքկնեցին ցու-

ցանկելով 'ի ներքս յարքունիան, հա-
տաւ վճիռ մահու 'ի վերայ նորա :

Արդ էկն ել դահճապեան, և
մատուաւ առաջի ամենայն մեծա-
մեծացն մերկեաց 'ի նմանէ զպա-
տիւն զոր ունէր յարքունուստ, և
զգեցոյց նմա հանդերձ մահապար-
տի : Վապեցին զոտս և զձեռս, և
կանանցաբար նատուցին 'ի ձի մա-
տակ . տարան և ետուն յայնմ զըն-
դան, ուր կային մահապարտք ամե-
նայն :

Իսկ նախարարքն Հայոց և սուրբ
Եպիսկոպոսքն հանդերձ երկցամբքն,
Թէպէտ և էին 'ի մեծի պատուհա-
սի, ոչ ինչ յիշէին զնեղութիւնն՝
որ անցեալ էր ընդ նոսա, և կամ
որ այլ եւս ակնկալութիւն էր գալ
'ի վերայ, այլ զարմացեալ էին ընդ
մեծ յայանութիւնն՝ որ եղեւ յԱս-
տուծոյ : Մխիթարէին զմիմեանս և
ասէին . Քաջութեամբ պատերազ-
մեցաք, առաւել եւս համբերու-
թեամբ ճգնեսցուք : Նուեալ է մեր
'ի սուրբ հարցն մերոց, եթէ գլուխ
ամենայն առաքինութեան համբե-

բուժիւն է, և խմաստու թիւն երկնաւոր՝ կատարեալ աստուածաբանութիւն, և զայս ոչ ոք կարէ գըտանել առանց չարչարանաց: Իսկ չարչարանքն յորժամ ընդերկարանայ՝ ի վերայ, յայնժամ բազմանայ վարձ հասուցմանց սարգեւին:

Ապա թէ այդ այդպէս է, զայս միայն աղաչեսցուք զԱստուած, զի համբերել կարացուք ամենայն փորձութեանց. և Տէր ինքնին աբասցէ հնարս մերում փրկութեան: Լուեալ է մեր զդատատան քառասուն զինուորացն Քրիստոսի, որք բազում հարուածս տանջանաց ընկալան: Մինն ՚ի նոցանէ փութացաւ ՚ի բաղանիան, և վրիպեաց ՚ի սրահէն. իսկ երեսուն և ինն համբերութեամբ կատարեցան, և հասին այնմ աւետեացն, որում ցանկացեալն էին: Իսկ մեր ընկերակիցն աւանիկ, որ յառաջագոյն որոշեցաւ ՚ի մէնջ, ահա եղև գործակից սատանայի: Մինչ դեռ ողիքն ՚ի մարմնին են, ընկալաւ զառհաւատչեաց գեհեհին տանջանաց, որ ոչ

միայն սրբոց է ողբալի, այլ և ամենայն գազանաբարոյ մարդկան :

Զայս ասէին, և բազում արտասոււս'ի վերայ կորուսելոյն հեղուին . և անդէն զերգս հոգեւորս 'ի բերան ասեալ ասէին . Բարի է յուսալ 'ի Տէր քան յուսալ 'ի մարդիկ . բարի է յուսալ 'ի Տէր քան յուսալ յիշխանս . ամենայն ազինք շրջեցան զինեւ, և անուամբ Տեառն յաղթեցի նոցա : Քաջալերէին զմի մեանս և ասէին . Զայս գիտելով, և զբարբ, մի երկիցուք յանաստուած ազգէս հեթանոսաց, որ քան զմեզուս վատթարագոյն եւս են 'ի զայրանալն իւրեանց . զի և նոցա ցատուին 'ի սատակումն անձանց իւրեանց լիցի . այլ մեք զանուն Տեառն կարդացուք, և վանեցուք զամենեւեան :

Իսկ ուրացեալն Աստակ հայէր 'ի միաբանութիւն սուրբ կապելոցն, որք մեծաւ խնդութեամբ ընդունէին զչարչարանսն, և զուարթագոյն և սպայծառք երեւէին որպէս յառաջագոյն յաղբունիսն . հայէր

և կարօտէր, և ոչ ոք խառնեաց զնա
 'ի նոսա, այլ ուրոյն նովին կասա-
 նօք պահէին: Եւ օր ըստ օրէ բե-
 րէին իբրեւ զգէշ ընկենուին 'ի մեծ
 հրապարակին, ձաղէին և այսպանէ-
 ին, և տեսիլ ամենայն կարաւանին
 զնա առնէին: Աողոսպտեցին հանին
 և ոչ ինչ թողին զոր ընդ իւրն ու-
 նէր. այնպէս ձաղեցին աղքատու-
 թեամբ, մինչ հաց մուրանային և
 բերէին նմա իւր ծառայքն: Եւ այն-
 պէս սաստիկ արկին զպարտերս հար-
 կաց աշխարհին 'ի վերայ տան նո-
 րա, որ մինչեւ զհարց և զհաւուց
 և զիւր արարս և զզարդս կանանց
 եւս եղ 'ի վերայ և ետ և տուժե-
 ցաւ, և ոչ կարաց հասուցանել
 զպարտան արքունի: Եւ յայն տեղի
 հասուցին, մինչեւ հարցանել նմա՝
 եթէ կայցէ՞ ինչ գանձ 'ի գերեզ-
 մանս նախնեացն մերոց: Եւ եթէ
 գտեալ էր նորա, հանէր և տայր
 ընդ իւր և ընդ ընտանեացն տու-
 գանս. որպէս զի բազում մարդիկ
 իսկ չողան 'ի տուժի:

Եւ իբրեւ այսպէս յամենայն կող-

մանց հարեալ վատթարացաւ, անկաւ յախտս դժնդակս անդէն 'ի կապանան : Զեռաւ փոր նորա, և հարան և արօրեցան գոգք նորա, և քամեալ մղեցաւ թանձրամտութիւն նորա : Եռացին օրգունք ընդ աչս նորա, և 'ի վայր սօրեցին ընդ սրնդունս նորա. խցան լսելիք նորա, և ծակտակեցան շարաշար շքթութունք նորա. լուծան ջիղք բազկաց նորա, և յետ կոյս կորացան կրկունք ոտից նորա : Բղխեաց 'ի նմանէ հոտ մահու, և փախստական եղէն 'ի նմանէ ձեռնասուն ծառայք նորա : Ղեզուն միայն կայր կէնդանի 'ի բերան նորա, և ոչ գտաւ խոցաովանութիւն 'ի շրթունս նորա : Ճաշակեաց զմահ հեղձամղձուկ, և էջ 'ի դժօխս անհնարին դառնութեամբ : Ոտնհար եղէն նմամենայն սիրելիք նորա, և ոչ յագեցան սասաիկ հարուածովք ամենայն թշնամիք նորա :

Եւ այն օր կամերն թագաւոր լինել մեղօք՝ հայոց աշխարհին, ոչ երեւեցաւ տեղի գերեզմանի նորա .

քանզի իբրեւ գլուխ մեռաւ և իբրեւ զգէշ քարշեցաւ : Ոչ յիշեցաւ անուն նորա 'ի մէջ սրբոց, և ոչ մատեաւ յիշատակ նորա առաջի սուրբ սեղանոյն յեկեղեցւոջն : Ոչ ինչ եւ թող չարիս՝ զոր ոչ գործեաց 'ի կեանս իւր, և ոչ ինչ մնաց 'ի մեծամեծ չարեաց՝ որ ոչ անցին ընդ նա 'ի մահուան նորա :

Գրեցաւ յիշատակարանս այս վանն նորա, առ 'ի կշտամբումն յանդիմանութեան մեղաց նորա . զի ա մենայն՝ որ զայս լուեալ գիտասցէ, նզովս 'ի հետ արկցէ, և մի լնցի ցանկացող գործոց նորա :

ԱՐՏԱՔՈՅ

ԵՒԹՆ ՅԵՂԱՆԱԿԻՆ

ՈՒԹԵՐՈՐԴ

Դարձեալ շան նորին պատերազմին և
լարլարանայ սուրբ Ժահանայիցն :

ԱՐԴ 'ի վեշտասաներորդի ամի
տէրութեան նորին թագաւորի ,
դարձեալ անդրէն խաղայր գնայր
յաշխարհն Քուշանայ մեծաւ սրբա-
մտութեամբ 'ի գործ պատերազմի :
Եւ գնացեալ 'ի Արկանէ , և ելեալ
յԱպր աշխարհ , նովին կասրանօք
զնախարարան և զքահանայան հրա-
մայեաց պահել 'ի գղէկ քաղաքի 'ի
Նիւշապուհ . և զերկուս յերանելի
կապելոցն ընդ իւր խաղացոյց : Ահ
արկանէր ամենայն քրիստոնէութեան
ընդ որ անցանէր :

Իբրեւ զայն տեսանէր Հոն մի, որ էր յազգէ Թագաւորացն 'ի Խայլանգրաց աշխարհէն, Բէլ անուն, և 'ի ծածուկ խոնարհէր առ քրիստոնեայն, և սիրով յօժարուԹեամբ ուսանէր 'ի նոցանէ զճշմարտութիւնն, և կամօք իւրովք նուաճեալ էր ընդ իշխանութեամբ Թագաւորին, և կարի յոյժ գառնանայր 'ի միտս իւր յորժամ տեսանէր չարչարեալ զսուրբսն: Եւ իբրեւ այլ ոչ ինչ էր ձեռնհաս, փախըստական անկանէր առ արքայն Քուշանաց: Երթայր և պատմէր նմա զամենայն անցս չարչարանացն, զոր անցոյց Թագաւորն ընդ աշխարհն Հայոց, տեղեակ եւս առնէր զնա վասն խրամատութեանն պահակին Հոնաց-ցուցանէր և զերկ պառակուԹիւն զօրացն, որ բազում ազգք բաժանեցան 'ի սիրոյ Թագաւորին. ազգէր նմա և զարտունջ զԱրեաց աշխարհին:

Զայս իբրեւ լուաւ Թագաւորն Քուշանաց, ոչ ինչ երկմտութեամբ Թերանայր յառնէն, և ոչ կարծիք

լրտեսի անկանէին 'ի սիրտս նորա :
 Քանզի սակաւ մի յառաջագոյն նո-
 րա լուեալ էր, դարձեալ իբրեւ
 ստուգեաց եւս 'ի Բէլայն յայնմ՝
 եթէ խաղացեալ գայ 'ի վերայ աշ-
 խարհին Քուշանաց, փութացաւ
 վաղվաղակի զօր ժողովէր, գունդ
 կազմէր՝ ելանել նմա ընդ առաջ
 հզօր ձեռամբ : Զի թէսէտ և օչ
 կարէր յանդիման տալ պատերազմ
 ընդդէմ նորա, այլ 'ի վերջին թեւ-
 ոյն անկեալ, բազում հարուածս
 հասուցանէր 'ի վերայ զօրացն ար-
 քունի : Եւ այնպէս նեղեալ շտա-
 պէր, զի անձուկ լաշքարաւ վա-
 տախտարակ արարեալ՝ այսրէն դար-
 ձուցանէր, և ինքն ասպատակաւ
 զհետ մտեալ աւերէր զբազում գա-
 ւառս արքունի. և ինքն ողջանդամ
 անդրէն յերկիրն իւր դառնայր :

Եւ իբրեւ ետես եթէ անարգա-
 նօք և վատթարութեամբ դարձեալ
 եմ 'ի պատերազմէս, զիջաւ փոքր
 մի 'ի հպարտութենէն, և գիտաց
 եթէ յերկպառակութենէ զօրացն
 կզէն շարիքն ամենայն : Եւ առ

մղձկել սրտին՝ չգիտէր թէ յի թափէր զթոյնս դառնութեանն : Իսկ մեծ հազարապետն յոյժ էր յերկիւղի , քանզի ինքն էր պատճառք ամենայն չարեացն՝ զոր գործեաց :

Սկսան բանս 'ի բերան դնել մոգպետին և մոգացն , որք մատուցեալ յանգիման ասէին ցթագաւորն . Արքայ քաջ , մեք 'ի դէնէ իսկ գիտեմք , զի ոչ ոք 'ի մարդկանէ կարէ կալ առաջի քոյոյ մեծի զօրութեանդ . այլ վասն քրիստոնէից , որ են ընդդէմ օրինաց մերոց , բարկացեալ են մեզ աստուածքն , զի մինչեւ ցայսօր կենդանի պահեցեր զնոսա : Եւ յիշեցուցանէին եւս նմա , սրպէս նոքա 'ի բանախ անդ անիծանէին զքեզ : Եւ բազում և այլ հայհոյութիւնս խօսէին զսրբոցն , և զոր հանապաղ զնոսա յաչաց հանէին , և զմիտս թագաւորին ածէին 'ի ցասումն բարկութեան . մինչեւ փութացաւ վաղվաղակի հեղուլ զարիւն անմեղացն :

Ետ հրաման վասն երկուցն՝ որ անդէն 'ի կարաւանին առ իւրն էին ,

Սամուէլ և Աբրահամ, զի գաղտ
կորուսցեն զնոսա : Իսկ որք էին 'ի
դղեկ քաղաքին, հեռի էին 'ի կարա-
ւանէն իբրեւ օթիւք հնգետասան :
Հրամայեաց համբարակապետին, ո-
րում անունն էր Դենշապուհ, զի
յառաջ քան զնա երթիցէ 'ի քա-
ղաքն, ուր էին սուրբ քահանայքն
Տեառն, և չարաչար տանջանօք իշ-
խեսցէ դատել և հարցանել, և սրով
վախճանել :

Այլ զնոսա մոգպետին յառա-
ջագոյն, որում յանձն արարեալ
էր, բազում անգամ աւելի քան
զհրամանն արքունի չարչարեալ էր .
քանզի իշխան դենպետ էր Ապր
աշխարհին, և առաւել ջերմագոյն
էր 'ի մոգութեանն . քան զբազում
գիտունսն եւս տեղեակ էր զրազեչ-
տական օրինացն : Նա և զոր մեծ
սարժանս համարէին ըստ իւրեանց
մոլորութեանն կարգին, համակ-
դեն անուն էր . գիտէր և զամպարտ
քաշն, ուսեալ էր և զբողապոյխոն,
ունէր և զպաշտաւիկն և զպարսկա
դենն . քանզի այս հինգ կեչաք են՝

որ գրաւեալ ունին զամենայն օրէնս մոգու թեանն : Բայց արտաքոյ սոցա է մեւս եւս այլ վեցերորդ , զոր մոգ պեան կոչեն :

Թուէր իմն անձին , եթէ կատարեալ իցէ ամենայն գիտութեամբ . հայէր ընդ երանելիան , եթէ առ 'ի տգիտութեան մոլորեալ են 'ի մեծ գիտութենէս մերմէ : Եդ սնտաի կարծիս 'ի մտի՝ անդադար չարչարել զնոսա , զի թերեւս առ չժուժալ մարմնոյն նեղութեանց՝ լուաց 'ի նոցանէ բանս ինչ ողորանաց : Ասան որոյ զատ և որոշեաց 'ի նախարարացն զքահանայսն , և հեռացոյց 'ի նոցանէ բացադոյն . և արկ զնոսա 'ի ներքնատուն մի գէճ խաւարչտին : Եւ հրամայէր վեց առն երկու քաշկէնս ժամէ 'ի ժամ , և դորակ և կէս ջուր . և ամենեւին ոչ զոք թողոյր մօտ երթալ 'ի դուրս բանտին :

Եւ իբրեւ աւուրս քառասունս սյսու նեղէր զնոսա , և ոչ լուալ 'ի նոցանէ բան թուլութեան , այլ իմն ած զմտաւ , եթէ ոք յիւրոյ

Ծառայիցն գաղտ եղիտ ինչ 'ի նո-
ցանէ, և 'ի ծածուկ տացէ նոցա
կերակուր: Ինքն երթեալ կնքէր
զերդ և զգուռն բանդին, և զկար-
գեալ ռոճիկն տայր յիւր հաւատա-
րիման տանել նոցա, և արար զայս
աւուրս հնգետասան: Սակայն և
այնպէս երանելիքն ոչ ինչ շտա-
պեալ տաղնապեցան, այլ մեծաւ
համբերութեամբ տանելին զճգնու-
թիւնն, և անդադար սաղմոսիւք
կային 'ի հանապազորդ պաշտամանն,
և 'ի կատարել աղօթիցն զուարթա-
գին գոհանալով, սակաւիկ մի հանգ-
չէին 'ի գետնախշախ յանկողինան:

Իսկ պահապանքն, որ 'ի վերայ
կապելոցն կային, յոյժ էին զարմա-
ցեալ ընդ առողջութիւն անհիւանե-
դութեան նոցա, իբրեւ լսէին զան-
գադար հնչումն ձայնիցն: Ասան
այնորիկ պատմեցին յահանջս մոգ-
պետին և ասեն. Ոչ են արքն այն
լոկ առանց մեծի զօրութեան, զի
եթէ պղնձի մարմինք ունէին նոքա,
արդ լուծեալ էր 'ի գէճ խոնաւոյ
անախ: Բազում ժամանակք են մեր,

զի յանձն է մեզ սլահապանութիւն
 բանդիս . ոչ յիշեմք՝ եթէ 'ի կասե-
 լոց ոք ամսօրեայ ժամանակ կեցեալ
 է 'ի տանդ յայդմիկ : Արդ մեք ա-
 սեմք քեզ . եթէ առեր հրաման մա-
 հու նոցա և սպանանես , դու գի-
 տես . ասլա թէ ոչ , սլահել յանձն
 արարաւ քեզ և ոչ դատել զնոսա ,
 չարաչար վտանգ է կասեւոցն : Նա
 և մեք զահի հարեալ եմք և յոյժ
 երկնչխմք , յորժամ տեսանեմք զայն
 սխիտ անհնարին նեղութիւնս :

Եւ իբրեւ զայս լուաւ մոգսեան ,
 յարուցեալ ինքնին երթայր 'ի մէջ
 գիշերին յերդ բանդին : Եւ հայե-
 ցեալ 'ի ներքս ընդ մութ գիշերոյն ,
 այն ինչ լինէր նոցա 'ի սլաշտամա-
 նէն հանգչել , և տեսանէր զանձն
 իւրաքանչիւր կասեւոցն , զի իբրեւ
 զկանթեղ անշիջանելի վառեալ բոր-
 բորէր : Չահի մեծի հարաւ , և ա-
 սէր ընդ միաս իւր . Չինչ է այս
 մեծ սքանչելիքս . աստուածք մեր
 ուրեմն եկեալ իջեալ են 'ի բանդս ,
 և նոցա փառաւորութիւնն լու-
 ցեալ բորբոքի : Եւ եթէ նոքա առ

սոսա ոչ մերձենան, մարդոյ լոկոյ
անհնարին է զայսպիսի պայծառու-
թիւն լուսոյ զգենուլ: Կով այսպէս
լուեալ էր վասն կեշտիս այսորիկ,
եթէ առ յոյժ յիմարութեանն մա-
լորեալ են, և ստութեամբ կերպա-
րանին 'ի յաչս ազէտ մարդկան •
Թերեւս և այս տեսիլ այնպէս ինչ
երեւեցաւ ինձ:

Եւ ոչ կարէր համօրէն կալ 'ի
վերայ իրացն երեւման: Եւ մինչ
դեռ յայսմ մտաց խորհրդի էր, դար-
ձեալ սուրբքն յիւրաքանչիւր իւրչ-
տեկացն կանգնեցան կացին 'ի սո-
վորական սրաշտամանն: Յայնժամ
ճմարտեալ գիտաց մոգպետն, եթէ
ոչ այլ ընդ այլոյ տեսանէր՝ որ ե-
րեւեցաւն նմա, այլ 'ի նոցունց յան-
ձանց փայլէր լուսաւորութիւնն:
Յայնժամ կրկին անգամ զահի հա-
րաւ և ասէ • Ո՛ւմ 'ի կասկեւոցն ե-
ղեւ այսպիսի յայտնութիւն • ես և
ոչ զվի ոք ոչ գիտեմ, և ոչ լուեալ
է իմ 'ի հարցն յառաջնոց: Եւ քան
զի անհնարին շարժեցաւ 'ի մեծ
սքանչելեացն, և դողացին ամենայն

մարմինքն, և թմբրեալ կիսամեռ լի նէր 'ի վերայ տանեացն մինչեւ յառաւօտն . և 'ի ծագել լուսոյն իբրեւ զբազմօրեայ հիւանդ յարուցեալ երթայր 'ի վանս իւր, այլ և ոչ ումէք իշխեաց ամենեւին սրտմել զոր ինչ ետեսն :

Կոչեաց առ իւր զպահասպանն և ասէ ցնոսա . Երթայք հանէք ըզկապեալն 'ի վերնատուն մի ցամաքագոյն, և անդ սրահեցէք զնոսա զցուշութեամբ, որպէս և ասացէքն : Մի ոմն 'ի դահձաց անախ, իբրեւ լուաւ զհրամանս մոգպետին, փութով ընթացեալ երթայր, իբրեւ մեծ իմն աւետիս տանէր նոցա : Հրամայեաց ձեզ, ասէ, ելանել 'ի ցամաք վերնատուն մի . արիք վազ վաղակի, և մի հեղգայք, քանզի և մեք իսկ սրտառեցայք վասն ձերոյ տառասրանացդ :

Իսկ սուրբն Յովսէփ հեզաբար սկսաւ խօսել ընդ դահձապետին և ասէ . Երթ և ասա ցլխմար առաջ նորդն ձեր . չէ լուեալքս վասն հանգերձեալ դալստեան Տեառն մերոյ

և կամ վասն մերոյ հրաշակերտ շի-
նուածոցն, որք մեզ կան սլահին
խկզբանէ սլատրաստու թիւնքն •
վասն որոյ գիւրեաւ համբերեմք մե-
ծի նեղութեանս առ սէր այնր յու-
սոյ՝ զոր տեսանեմք : Դու բարեոք
արարեր, զի արգահատեցեր մեծի
նեղութեանս մարմնոյ • այլ ոչ ինչ
եմք ձանձրացեալք իբրեւ զանաս-
տուած ոք, որ չիք այլ ինչ յոյս ՚ի
միտս նորա քան որ երեւինս : Այլ
մեք առ սէրն Քրիստոսին մերոյ՝ ընդ
այս յոյժ եմք ինդացեալ, և կա-
տարեալ սարգեւս զսա խկ համա-
րիմք, զի ժամանակեայ վշտօքս զան-
ժամանակ երանութիւնսն ժառան-
դեսցուք :

Եթէ շինուածոց իցեմք ցանկա-
ցեալք, ունիմք շինուածս յերկինս
առանց մարմնաւոր ձեռագործի, որ
ոչ երեւին ձեր արքունիքդ առ նո-
քօք : Նոյնալէս և հանդերձից և փա-
ռաց և անախտ կերակրոց, զոր ե-
թէ ոք կամեսցի ասել ձեզ, չհան-
դարտէ լսել ձեր տկարութիւնդ •
վասն զի կուրութեան հնութեամբն

չտեսանէք և ոչ լսէք և ոչ իմանայք, յայն սակա զմեզ զուր և անիրաւ և առանց յանցանաց անողորմն դատիք : Այլ մեր թագաւորն առատ է և բարերար , և բաց է դուռն արքայութեան նորա . եթէ կամեսցի որք դիմել՝ դիմեսցէ համարձակ . 'ի դարձելոց յապաշխարութիւն շնախանձի և ոչ ընդ ումեք երբէք :

Բայց վասն դիւրութեանս՝ որ դու հրամայեցեր առնել մեզ , էր մեր իշխանութիւն անդրէն յաշխարհին մերում չանկանել մեզ 'ի ձեռս թագաւորիդ , որպէս և այլքըն՝ զի ապրեցան յայսպիսի փորձանաց , այլ որպէս կամօք և յօժարութեամբ եկաք , իբրեւ թէ գիտեաք զվիշտ վտանգիս , ոչ ինչ զանգիտեցաք յայսպիսի ճգանց , սոյնպէս և կամիմք՝ զի և այլ եւս ծանրացուսցես 'ի վերայ մեր , մինչեւքո չարութիւն կամացդ յադեսցի 'ի մեզ : Զի թէ Աստուածն մեր , որ է արարիչ երկնի և երկրի և ամենայն երեւելեաց և աներեւութից , և առ սէր իւրոյ բարերարութեանն

խոնարհեցաւ առ ազգս մարդկան ,
 և զգեցաւ մարմին չարչարելի , և
 անց ընդ ամենայն հանդէս առաքի
 նութեան , և կատարեաց զամենայն
 գործ անտեսութեան , ՚ի կամս իւր
 մատնեցաւ ՚ի ձեռս խաչահանուա
 ցին , մահու մեռաւ և եղաւ ՚ի գե
 րեզմանի , և զօրութեամբ աստուա
 ծութեանն իւրոյ յարուցեալ երե
 ւեցաւ աշակերտացն և այլոց բազ
 մաց , և վերացաւ առ հայր իւր յեր
 կինս , և նստաւ ընդ աջմէ հայրենի
 աթոռոյն , և շնորհեաց մեզ զօրու
 թիւն երկնաւոր , զի ըստ նորա ան
 մահութեանն՝ և մեք մերով մահ
 կանացու մարմնովս կարիցեմք չարչա
 րակից լինել անմահ մեծութեանն ,
 և նա ոչ եւս իբրեւ զմահկանացու
 համարի զմեր մահն , այլ իբրեւ ան
 մահից հատուցանէ մեզ զվարձա
 վաստակոց մերոց , արդ փոքր հա
 մարխմբ մեք զչարչարանս զայս առ
 սէր փոխարինին , զոր էարկ առ ազգս
 մարդկան :

Իբրեւ լուաւ զայս ամենայն բանս
 մողսելան ՚ի դահճապետէ անախ ,

խառովեցաւ, սղտորեցաւ 'ի միտս
 իւր, և հատաւ քուն յաչաց նորա
 զբազում գիշերս : Իսկ յաւուր միտջ
 յերեկուն պահուն յարուցեալ եր
 թայր առ նոսա միայնիկ լռիկ, և
 ոչ զոք առնոյր ընդ իւր 'ի սպասա
 ւորացն : Եւ իբրեւ եհաս 'ի դուրս
 տանն, հայեր ընդ ծակ մի 'ի ներքս
 և տեսանէր ըստ առաջին տեսեանն,
 բայց նոքա 'ի քուն կային խաղաղիկ :
 Հեզաբար կարգաց յանուանէ զե
 սիսկոպոսն, քանզի քաջ իսկ գի
 տէր պարսկերէն : Եկն 'ի դուրս և
 հարցանէր . Ո՞վ ես դու : Ես ինքն
 իսկ եմ, ասէ . կամիմ 'ի ներքս մտաւ
 նեւ և տեսանել զձեզ :

Եւ իբրեւ եմուտ 'ի մէջ սրբոցն,
 ոչ եւս երեւէր նմա այլ նշանն . և
 պատմեաց նոցա զերկիցս երեւումն
 սքանչելեացն : Ետ պատասխանի
 Ղեւոնդ երէցն և ասէ . Աստուած,
 որ ասաց 'ի խաւարի լոյս ծագել,
 որ և ծագեաց և լուսաւորեաց ի
 մաստու թեամբ զաներեւոյ թարա
 րածս, նոյն զօրութիւն և այսօր ծա
 գեաց 'ի խաւարեալ միտս քո, և

բացան աչք կուրացեալ ոգւոյդ, և տեսեր զանշիջանելի լոյս շնորհացն Աստուծոյ . փութա, մի՛ հեղգար . գուցէ դարձեալ կուրացեալ ընդ խաւար գնայցես :

Եւ զայս իբրեւ ասաց, յոտն կացին ամենեքեան ասելով զքառասներորդ երկրորդ սաղմոսն, Առաքեա, Տէր, զլոյս քո և զճշմարտութիւն քո, զի նոքա առաջնորդեցեն և ամցեն զմեզ 'ի լեառն սուրբ և 'ի յարկս քո : Արդարեւ ճշմարտիւ, Տէր, առաջնորդեցեր և ամեր զմոլորեալս զայս յանանց ուրախութիւնդ և յանմերժելի հանգիստդ : Ահանմանեալ է օրս այս սուրբ չարչարանացն քոց . որպէս ասլրեցուցեր զմահապարտ աւազակն յերկրորդ մահուանէն, և նովաւ բացեր զաղխեալ դուռն Ադենայ, այսպէս գտեր և զայս կորուսեալս : Որ էր պատճառք մահու բազմաց, արդարարեւ զսա պատճառք կենաց մեզ և անձին իւրում : Գոհանամք զքէն, Տէր, գոհանամք և ձայնակիցք լինիմք սուրբ մարգարէին . Մի՛ մեզ

Տէր, մի՛ մեզ . այլ անուանի քո սուր
փառս վասն ողորմութեան և ճշշ-
մարտութեան քո . զի մի՛ երբէք ա-
սասցեն 'ի հեթանոսս , [Թէ՛ ուր է
Աստուած նոցա . որպէս և այսօր
խակ յայանի եղև զօրութիւն քո մեծ
'ի մէջ ասպրասան խաւարազգեստ
ազգիս :

Իսկ որ ձրին եգիտ զաստուածա-
սուր շնորհան , սկսաւ և նա առանձ-
նին ասել . Տէր լոյս իմ և կեանք
իմ , ես յու՛մէ՛ երկեայց . Տէր ասա-
ւէն կենաց իմոց , ես յու՛մէ՛ դողա-
ցայց : Քանզի գիտեմ՝ ճշմարտիւ ,
եթէ բազում են այսուհետեւ [Թշ-
նամիք իմ , և կամին մերձենալ և
ուտել զմարմինս իմ . այլ դու , Տէր
ամենայնի , եկիր վասն ամենեցուն
կենաց , զի դարձցին և կեցցեն ա-
ռաջի քոյոյ մարդասիրութեանդ :
Մի՛ որոշեր զիս 'ի սուրբ գառանցս՝
յորս խառնեցայ , զի մի՛ ըստ քո փա-
րախդ արտաքս ելեալ՝ չար գաղան
դարձեալ բեկանիցէ զիս : Մի՛ հայիր ,
Տէր , 'ի բազմամեայ ամբարշտու-
թիւնս իմ , զի մի՛ մեղորեալ 'ի ճշշ-

մարիտ կենացդ՝ դբազուսն անդրէն
 'ի կորուստ աշակերտիցեմ . այլ որոց
 եղէ պատճառք մահու , նոցին եղէց
 և պատճառք կենաց : Սատանայ՝ որ
 ինեւ խրոխտացեալ պարծէր 'ի մէջ
 մեծի կորստականացս , ինեւ կորա
 ցեալ ամաչեացէ 'ի մէջ իւրոց աշա
 կերտացն :

Եւ զայս իբրեւ ասացին , նմին խակ
 ետուն կատարել զաղօթան , և դա
 դարեցին նովաւ հանդերձ մինչեւ 'ի
 պահն երրորդ . և այնպէս խաղա
 զացեալ կացին 'ի քուն ամենեքեան
 մինչեւ 'ի ժամ առաւօտուն : Իսկ
 նորա յուն կացեալ , և 'ի քուն ոչ
 մտանէր . այլ զձեռսն իւր 'ի վեր
 համբարձեալ՝ կայր յաղօթս : Եւ
 մինչ դեռ ընդ երգ սշուցեալ հայ
 էր յերկինս , յանկարծակի տունն
 լի եղեւ լուսով . և երեւեցան նմա
 սանդուղք լուսեղէնք՝ որ կանգ
 նեալ էր յերկրէ 'ի յերկինս , և
 գունդք գունդք զօրաց ելանէին 'ի
 վեր . և էր ամենեցուն տեսիլն նոր
 և չքնաղ և ահաւոր և սքանչելի
 իբրեւ զտեսիլ հրեշտակի : Ունէր և

զթիւ համարոյ 'ի միտս իւր զիւրաքանչիւր գնդիցն, զոր տեսանէր. էր՝ որ զհազարի, էր՝ որ զերեսուան և զերից, էր՝ որ զերկերիւրոց և զերեքսասանից: Եւ այնպէս մօտագոյնս մերձենայր, մինչեւ ճանաչել նմա զերիս 'ի նոցանէ, զԱարդան և զԱրտակ և զՆորէն: Եւ ունէին ինն պսակ 'ի ձեռին, խօսէին ընդ միմեանս և ասէին. Ահա եկն եհաս ժամ, զի և սոքա խառնեացին 'ի գունդս մեր. քանզի և մեք սոցա խի մնայաք, և առհաւատչեաց սրտաիւ սոցա բերաք: Եւ որում ոչ եւս մնայաք՝ եկն երեւեցաւ և խառնեցաւ, և եղև իբրեւ զմի 'ի զինուորաց Քրիստոսի:

Այս երիցս անգամ երեւեցաւ չքնաղ տեսիլս առն երանելոյ: Չարթոյց զսուրբան 'ի քնոյ անտի, և սրտամեաց նոցա զամենայն տեսիլն կարդաւ: Իսկ նոքա յարուցեալ կացին յաղօթս և ասէին. Տէր Տէր մեր, զի սքանչելի է անուն քո յամենայն երկրի. համբարձաւ մեծ վայելչութիւն քոյ 'ի վերոյ քան զեր-

կինս . 'ի բերանոց մանկանց տղայոց
ստրնգիացաց հաստասեցեր զօրհ-
նութիւն , զի եղծցի թշնամին և
հակառակորդն : Ձի ոչ եւս է այ-
սուհետեւ ասել , եթէ տեսից զեր-
կինս զգործս մատանց քոց , այլ թէ
տեսից զքեզ Տէր երկնի և երկրի .
որպէս երեւեցար իսկ այսօր 'ի ձեռն
սուրբ զօրականացն քոց հեռաւոր
օտարիս , որ անցեալ էր ըստ ակն-
կալութիւն կենաց իւրոց :

Ահա դու Տէր ողորմութեամբ
քով պսակեցեր զսիրելիս քո , և
գթութեամբ քով ելեր 'ի խնդիր
կորուսելոյս , դարձուցեր և խառ-
նեցեր 'ի դասս սրբոց քոց : Ոչ միայն
ետես սա զերկինս՝ զգործս մատանց
քոց , այլ ետես զերկինս և զբնա-
կիչս նորա , և մինչ դեռ է յերկրիս՝
խառնեցաւ 'ի գունդս բիւրաւոր
հրեշտակաց քոց : Ետես և զոգիս
արդարոց կաաարելոց , ետես և ըզ-
նամնութիւն փառաց աներեւոյթ
պատրաստութեանցն , ետես և 'ի
ձեռին նոցա զանշուշտ սբունայն , որ
հանդերձեալ պահի 'ի ձեռն ճար-

տախտակտին : Երանի՛ տմա վասն սուրբ անսլեանս , և երանի՛ է՛ մեզ վասն սորա մերձաւորութեանս առ մեզ . քանզի հաստատեալ գիտացաք սովաւ , եթէ որում այսպիսի սքանչելիք յայանին , մեծ մասն ընկալաւս յանսպառ քոց բարութեանցդ : Անսպառ են պարգեւքն քո , Տէր , և առանց խնդրելոյ տաս ում և կամիս քոյով յորդ և աննախանձ առաւորութեամբդ : Եւ եթէ որ ոչ խնդրեն՝ չարգելուս ՚ի նոցանէ , բաց մեզ , Տէր , զդուռն ողորմութեան քո , որ ՚ի մանկութենէ մերմէ ցանկացեալ եմք բարեմասնութեան սրբ քոց քոց : Զնորագիւտ դաստակերտարս քո բարեխօս առնեմք վասն անձանց մերոց . մի՛ ընկղմեսցի նաւ հաւատոց մերոց ՚ի մէջ ալէկոծեալ ծովու մեղաց :

Եւ այսպէս յերկար կատարելով զաղօթան , յորդ և առատ արտասուս հեղուին ՚ի վերայ անձանց իւրեանց : Գութ ողորջանաց արկանէին առաջի բարերարին , զի ըսելի լիցի ձայն սրաղատանաց նոցա , և

Հաստատուն կացցենն 'ի վիշտս ճը-
 դանցն , զի մի՛ զրկեսցինն 'ի ցանկա-
 լի սպակացն , զոր ունեկին սուրբքն
 'ի ձեռս իւրեանց , որպէս և ազգե-
 ցաւ նոցա 'ի ձեռն Հոգւոյն սրբոյ ,
 զի մերձեալ էր Տամանակ կոչմանս
 նոցա . որպէս զի երթիցենն և աներ-
 կելզ դադարեսցենն 'ի կասկածելի
 ակնկալութենէն . որում համբե-
 րէին բազում տառապանօք , զի առ-
 հաւատչէիւ փոքու հացցենն երկնա-
 ւոր մեծութեանն , որում 'ի վաղըն-
 ջուց իսկ էին ցանկացեալք :

Եւ քանզի ինքն իսկ մտգաւտն
 իշխանն էր աշխարհին , և նմա յանձն
 արարեալ էր զկապեալն քաղաքին ,
 վասն այնորիկ և համարձակու-
 թեամբ ընդ առաւօտն հանեալ տա-
 նէր յապարանսն իւր : Լուանայր
 և սրբէր զնոսա 'ի չարչարանաց բան-
 դին , առնոյր զջուր լուացմանն սրբ-
 բոցն և արկանէր զիւր մարմնոջն :
 Ուղղէր 'ի տան իւրում աւազան ,
 և ընդունէր 'ի նոցանէ զսուրբ մկրթ-
 տութիւնն . հաղորդէր 'ի կենդա-
 նարար մարմինն և 'ի քաւիչ արիւնն

Տեառն մերոյ Յիսուսի Քրիստոսի :
 Բարձր բարբառով աղաղակէր և ա-
 սէր . Մկրտութիւնս այս լիցի ինձ
 'ի լուացումն մեղաց խնոց , և 'ի ծը-
 նունդս նորոգութեան վերափն Հո-
 գւոյն սրբոյ , և ճաշակումն անմահ
 խորհրդոյս 'ի Ժառանգութիւն երկ-
 նաւոր որդէգրութեանն : Դնէր և
 ըստ մարմնոյ առաջի նոցա սեղան
 կերակրոյ , և միսի թարութեան բա-
 Ժակ մատուցանէր նոցա , և միաբա-
 նէր ընդ նոսա հացին օրհնութեան :

Այլ թէպէտ և ինքնեհաս յերկ-
 նաւոր բարիսն , և աներկեւզ էր 'ի
 մարդկանս հարուածոց , սակայն
 վասն ընտանեացն յոյժ ունէր կաս-
 կած , զի մի իբրեւ վնասակարք մատ-
 նեացին յիրս արքունի : Ասան այ-
 նորիկ 'ի ծածուկ կոչէր 'ի գիշերի և
 զնախարարան , որ 'ի նմին քաղաքի
 էին 'ի կապանս , և առնէր ծախս
 մեծամեծս : Եւ էին ամենեքեան 'ի
 մեծի խնդութեան վասն սքանչե-
 լեացն , որ երեւեցաւ նոցա : Ոչ յե-
 շէին ամենեւին , եթէ վիշտք ինչ
 անցեալ էին ընդ նոսա :

Բայց 'ի ժամ բազմականացն կար
 ծիք իմն եղեն 'ի միտս սրբոցն վասն
 երկցու միոյ, որ էր ընդ նոսա 'ի
 սուրբ կապանան. զի 'ի մէջ շինա-
 կան մարդկան կեցեալ էր, և ագի-
 տագոյն եւս էր 'ի գրոց մխիթարու-
 թենէ: Հրամայեցին ունել զգլուխ
 բազմականին. ետ սլատասխանի ե-
 րանելին և ասէ. Չի՞նչ է այդ՝ զոր
 դուքդ գործէք. և կամ յինէն զի՞
 թաքուցանէք զծածուկս խորհրդ-
 գոցդ: Ես քան զկրտերս ձեր խոնար-
 հագոյն եմ, և քան զեւս փոքունս
 յաշակերտաց քոց ագիտագոյն եմ,
 զիարդ կարացից այդմ տանել: Այս
 խկ մեծ էր ինձ, զի սուրբ կապա-
 նաց ձերոց հաղորդեալ եմ այսօր:
 Եթէ արժանի համարիք ձերում սե-
 զանոյդ, կալարուք դուք զիւրա-
 քանչիւր տեղի բազմականիդ, և
 հրամայեցէք ինձ զիմ տեղին: Եւ
 բռնադատեաց սուրբ եպիսկոպոսն
 միաբանութեամբ ամենայն սրբոցն,
 և 'ի վերոյ քան զամենեսեան բազ-
 մեցուցին զնա:

Եւ իբրև բոլորեցաւ ահումբ

բազմականին, և հաղորդեցան ամենեքեան 'ի կերակուրն զուարթութեամբ, յոսն եկաց սուրբ Յովսէփ, և սկսաւ զուրախութեան նըւագն մատուցանել և ասել այսպէս. Ուրախ լերուք ամենեքեան 'ի Քրիստոս. քանզի վաղիւ այս ժամ իցէ, ահա մոռացեալ իցէ մեր զամենայն նեղութիւնս և զչարչարանս՝ զոր կրեցաք: Եւ փոխանակ սակաւ աշխատութեանս մերոյ՝ բազմապատիկ հանդիսս ընդունելոց եմք, և փոխանակ արդէլանի բանդին՝ մտանելոց եմք յերկնից քաղաքն լուսաւոր, որոյ քաղաքի քաղաքապետ ինքն Քրիստոս է, հանդիսապետ՝ յորում ասարիաի նախ ինքն առաքինեցաւ առնելով զնշան յաղթութեան: Եւ այսօր նոյն Տէր է, որ յաջողէ մեզ զնոյն նշան ընդունելով 'ի փրկութիւն անձանց մերոց և 'ի պարծանս մեծափառ սուրբ եկեղեցւոյ: Եւ զոր օրինակ տեսէք դուք զեղբայրս զայս 'ի գլուխ բազմականիս մերոյ, սոյնպէս սա նախ ընդունելոց է վաղիւ զսրսակն 'ի

ձեռն կատարմանն իւրոյ : Չի ահա
 ւասիկ եկն եհաս և մերձեցաւ առ
 մեզ թշնամին կենաց մերոյ և սրա
 կիչ սուրբ չարչարանաց ծառայիցս
 Քրիստոսի :

Չայս իբրեւ ասաց, լուաւ 'ի նմա
 նէ բանս անդու թեան , որով յոյժ
 միսի թարեցան ամենեքեան : Ասէ .
 ' Ի սուրբ աղօթից ձերոյ այգպէս
 արասցէ ինձ Քրիստոս , և կատա
 րեացէ զելս վախճանին խնոյ յաշ
 խարհէս ըստ բանի քում : Եւ ահա
 ընդ ասելոք քո ազգումն եղեւ հո
 գւոյս խնոյ , և յիշեցի ես զմարդա
 սիրութիւնն Քրիստոսի , որոյ և դա
 լուսս իսկ նորա յաշխարհս վասն
 մեր մեղացն եղեւ : Գթասցի յիս
 որպէս և յաւազակն 'ի ժամ իա
 ջինս . որպէս նովաւ զգրումնս վա
 կեալ գրախափն եբաց , և յառա
 ջեցաւ լինել կարասկեա այնոցիկ՝ որ
 անդրէն 'ի նոյն տեղի դառնալոց էին
 յուրախութիւն , արասցէ և զիս
 այսօր Տէր Յիսուս Քրիստոս սպա
 սաւոր ձերում մեծաշուք գնդիդ :
 Աւանիկ վասն միոյ մեղաւորի՝ որ

գառնոյ յապաշխարութիւն , ան վախճան լինի ուրախութիւն հրեշտակաց յերկինս . որպէս զի գիտեն իսկ զկամս տեսողն իւրեանց : Քան զի վասն միոյ կորուսելոյ ոչխարին եկն 'ի խնդիր , վասն այնորիկ և նոքա խնդակիցք լինին վասն միոյ գարձելոյ յապաշխարութիւն : Թերեւս վասն իմ եկեալ էր մեծ զօրավարն հայոց բազում սուրբ ընկերակցօքն իւրովք . զպսակն վասն ձեր բերեալ էր , այլ զուրախութեան աւետիան հասարակաց տայր : Եւ առաւել եւս ընդ իս էին զարմացեալ , զի ոչ ճանաչէին զիս 'ի կեանս իւրեանց , ահա 'ի սուրբ մահն իւրեանց՝ կամէին զի և ես մասն ընկալայց ընդ երանելիան :

Աղաչեմ զձեզ , տեսրք իմ և հարք , ազօթս արարէք 'ի վերայ անարժանութեանս իմոյ , զի արժանի եղէց մեծի աւետեացն հասանել , որ յանսուտ ձերոց բերանոցդ բարբառեցաւ 'ի լսելիս իմ : Արդ փութամ տեսանել զօրն , և յաւուրանդ զժամն եկեալ հասեալ 'ի վե-

րայ մեր : Եւ երբ իցէ՛ զի ելից 'ի
 Թանձրադանդադ ձանձրալի մար-
 ժնոյս այսորիկ , երբ իցէ՛ զի տեսից
 զքեզ Տէր Յիսուս , երբ իցէ՛ զի ան-
 երկեւղ եղէց 'ի մահուանէ , երբ ի-
 ցէ՛ զի տգիտութիւնս խճ հասցէ 'ի
 կատարեալ գիտութիւն : Օգնեա
 ինձ , Տէր , օգնեա ինձ , և կարկա-
 սեա զամենազօր անշ յօգնակա-
 նութիւն . զի խոստման բանիցս ի-
 մոց և գործք արդեամբք կատարեա-
 ցին 'ի վերայ մեր . և փառաւոր լի-
 ցի յիս 'ի մեղաւորս անուն Տեառն
 մերոյ Յիսուսի Քրիստոսի :

Զայս իբրեւ ասաց երանելին ,
 յոսն կացին 'ի բազմականացն անդ ,
 գոհանային ասելով . Փառք քեզ ,
 Տէր , փառք քեզ Թագաւոր , զի ե-
 տուր մեզ կերակուր ուրախութեան .
 Ընդ զմեզ հոգւովդ սրբով , զի գրա-
 ցուք առաջի քո հաճոյք և մի՛ ամա-
 չեցեալք . զի դու հասուցանես իւ-
 րաքանչիւր զգործս իւր :

'Ի նմին Ժամու եղեւ խորհուրդ
 մեծ 'ի մէջ նոցա , Թէ զինչ օրինա-
 կաւ կարասցեն ասրեցուցանել ըդ-

մոգսեան . զի մի լուեալ յարքունիան, իբրեւ զհօւր բորբոքեացի բարկու-թիւն 'ի վերայ մնացելոցն : Իբրեւ ոչ ինչ կարացին 'ի ժամուն վճարել, միաբանութեամբ աղօթս արարեալ՝ յԱստուած ապաստան առնէին զկեանս առնն հաւատացելոյ :

Իսկ նախարարքն հրաժարեցին 'ի սրբոցն յորդառատ արտասուօք, և ողբալից ուրախութեամբ անկեալ յօտս նոցա ալաչէին մեծաւ պաղատանօք՝ յանձն առնել զնոսա հոգւոցն սրբոյ . Զի մի ոք 'ի մէնջ, ասէն, թուլացեալ և ելեալ արտաքս 'ի հաւատար միաբանութենէս, կերակուր լիցի չարարարոյ դազանին :

Իսկ երանելիքն միաբան քաջալերէին զնոսա և ասէին . Զօրացարուք, եղբարք, 'ի Տէր և մխիթարեցարուք 'ի մարդասիրութիւնն Աստուծոյ, որ ոչ թողու զձեզ որքա և ոչ 'ի բացէ առնէ զողորմութիւնն իւր 'ի մէնջ հաւատով 'ի Քրիստոս . բազում բարեխօսիւքն՝ զոր ունիմք

առ նա , ոչ շիջանի վառուին կան-
 թեղաց ձերոց , և ոչ ուրախ լինի
 խաւարասէր թշնամին կենաց ձե-
 րոց : Այլ նոյն Տէր է , որ զօրացոյց
 զառաջին նահատակն խառնելով
 զնոսա՛ի գունդս հրեշտակաց իւրոց .
 նոցուն սուրբ ոգիք և ամենայն դասք
 արդարոց հասցեն ձեզ յօգնակա-
 նութիւն համբերութեան , զի ընդ
 նոսին նոցունց սրակացն արժանի
 լինիջիք :

Զայս խօսէին ընդ նոսա , և զգի-
 շերն ամենայն սաղմօսիւք ՚ի գլուխ
 տանէին . իսկ ՚ի ժամ առաւօտուն
 ասէին ամենեքեան . Ծագեա , Տէր ,
 զողորմութիւնս քո՛ ոյք ճանաչեն
 զքեզ , զարդարութիւնս քո՛ ոյք ու-
 ղիզ են սրաիւք : Մի եկեսցէ ՚ի վե-
 րայ մեր ոսն ամբարտաւանից , և
 ձեռք մեղաւորաց մի՛ գողացուցեն
 զմեզ . անդ անկցին ամենեքեան , որ
 գործեն զանօրէնութիւն . մերժե-
 ցան , և այլ մի կարասցեն հաստատել :

Եւ անդէն վաղվաղակի հասին
 դահիճքն ՚ի գուն բանդին . մտին
 ՚ի ներքս և տեսին , զի որ յառաջ

մոգպետն էր, և նմա իսկ յանձն ա-
 րարեալ էր պահել զնոսա, նստէր
 'ի մէջ նոցա և լսէր 'ի նոցանէ, նա
 և քաջալերէր եւս զնոսա չերկնչել
 'ի մահուանէ : Իբրեւ տեսին զմեծ
 սքանչելիան դահիճքն, յոյժ զար
 մացան ընդ իրան, այլ ոչ ինչ իշխէին
 հարցանել ցնա. բայց չոքան և պատ-
 մեցին Դենշապհոյ, որում յանձն
 արարեալ էր զչարչարանս սրբոցն :
 Իսկ նա իբրեւ լուաւ 'ի դահճացն
 արքունի, զահի մեծի հարաւ 'ի մի-
 արս իւր, թէ գուցէ և ինքն ան-
 ձամբ 'ի ներքս լիցի. քանզի և ծա-
 նօթագոյն եւս էր առնն : Հրամայ-
 եաց հանել 'ի բանդէ անտի զամե-
 նեսեան հապանօքն, և հեռացու-
 ցանէր 'ի քաղաքէ անտի երկոտա-
 սան սարսիկ հրասխաւ : Եւ 'ի ծա-
 ծուկ խօսէր ընդ մոգպետին, եթէ
 զինչ պատճառք իցեն հապանաց
 նորա : Ետ պատասխանի այրն և
 ասէ ցնա. Մի խօսիր ընդ իա 'ի ծա-
 ծուկ, և մի լսեր զխորհուրդս լու-
 սոյ 'ի մէջ խաւարի, զի բացան աչք
 իմ արդ. քանզի տեսի զոյսն երկ-

Նաւոր : Եթէ կամիս լինել խորհրդ
գակից կենաց , հարց ցիս յանդի-
ման , և պատմեմ քեզ , զի տեսի զմե-
ծամեծան Աստուծոյ :

Եւ իբրեւ լուաւ 'ի նմանէ զամե-
նայն , և ստուգեաց եւս վասն իւ-
րոյ միաբանութեանն , եթէ ոչ քակ-
տի 'ի սրբոցն հաւանութեանէ , ոչ
իշխեաց ձեռն արկանել 'ի նա , [ե-
պէտ և ունէր հրաման յարքու-
նուսա : Այլ փութացաւ , և ինքն
երթեալ պատմէր [Թագաւորին 'ի
ծածուկ զամենայն որպէս զիարդ
լուաւ 'ի նմանէ :

Ետ պատասխանի [Թագաւորն և
ասէ ցրենշատուհ . Մի ոք ամենե-
ւին լուիցէ զայդ 'ի քէն , մանաւանդ
վասն տեսեանն մեծի՝ որ երեւեալ
է նմա , զի մի տգէտ մարդիկ երկ-
մտեալ՝ բաժանեցին 'ի մեր հաստա-
տուն օրինացս : Մինչ մէք զայլս կա-
մէաք հնազանդեցուցանել [Թերեւս
զողիս գտցեն , իբրեւ նոցա ոչ ինչ
կարացաք առնել , մեր որ վարդա-
պետ օրինացդ էին , զկնի նոցա մտ-
լորութեանն խոտորեցան :

Նա և այն եւս չար է մեզ քան զամենայն, զի ոչ գուզնաբեայ ոք խոտորեցաւ 'ի նոցա օրէնան, այլ այր մի համակդեն, երեւելի ընդ աւմենայն վերին աշխարհս: Եթէ փայլ քարխմբ ընդ նմա, նա տեղեկագոյն է քան զամենայն վարդապետս աշխարհիս. գուցէ 'ի հիմանէ խարխարեալ աւերէ զօրէնս մեր: Եւ եթէ դատխմբ զնա ընդ այլ չարագործսն, նա և այնպէս հռչակեալ էլանէ համբաւ քրիստոնէութեան նորա, և մեծ անարգանք զինի դե նիս ձգին: Եւ եթէ սրով եւս վախճանեացի, բազում են քրիստոնեայք 'ի կարաւանիս, ընդ ամենայն երկիր ցանեալ ցրուեսցեն զօսկերս նորա: Սակաւիկ ինչ էին մեզ անարգանք առ ամենայն մարդիկս, ուր մէծարեալ պատուէին օսկերբք նաճրացւոցդ. իսկ եթէ մոգացդ և մոգապետացդ զնոյն պատիւ կրեսցեն, մէք մեզէն լինիցիմք քակտիչք օրինացն մերոց:

Այլ այժմ իմ է քեզ երգումս տուեալ յանմահ գիան. նախ զգառ-

Ը
 նայեալ ծերն կոչեա առաջի քո :
 Եթէ հաւանեացի սիրով, և զզջա-
 ցեալ ապաշաւեացէ զկախարդու-
 թիւն նոցա, մեծարեսցիր զնա սի-
 րով պատուով ըստ առաջին կար-
 գին. և մի ոք գիտացէ զթշնա-
 մանս նորա ամենեւին : Ասա թէ
 ոչ հաւանեացի, և ոչ կամեացի ան-
 սալ բանից իմոց, յարուսցիր 'ի վե-
 րայ նորա բազում ամբաստանս յաշ-
 խարհէ անտի, զի ինասակար գացի
 յիրս արքունի. և աշխարհաւ փութ
 սիշն 'ի վերայ յարուսցիր, և շիօ-
 թակ արասցիր յայն կոյս քան զՎու-
 բան և զՄակուբան. և անդ ընկե-
 ցեալ զնա 'ի վերասդ մի, և ընկալցի
 զմահ թշուառութեան : Եւ զայլա-
 դեման փութանակի կարճեա 'ի կե-
 նաց աշխարհիս, զի մի գլորդեացեն
 զօրէնս մերոյ աշխարհիս : Չի եթէ
 զճարտար մոգսեան այնպէս արագ
 աշակերտեցին, ազէս մարդիկ զե-
 անդ կարացեն կալ առաջի նոցա
 պատիր խաբէութեանն :

Արդ ել նստաւ Գենշապուհ ար-
 տաբոյ բանակին յատենի, որպէս

ասացաք, հեռի երկոտասան հրաս-
խաւ : Հարցանէր ցմոգպեանն և ա-
սէր . Իշխանու-թիւնն առի վասն քո ,
ոչ միայն բանիւ հարցանել , այլ և
ամենայն հարուածովք տանջանաց :
Մինչ շեւ ձեռն արկեալ է խմ 'ի
քեզ , ընկալ զմեծարանս և արհա-
մարհեա զանարդանս , և ինայեա 'ի
սրտուականն ալիադ : Թող անդր 'ի
բաց զքրիստոնէու-թիւնդ՝ զոր ոչ
ունէիր 'ի բնէ , և դարձիր անդրէն
'ի մոգու-թիւնն , որպէս զի վարդա-
պետ էիր բազմաց :

Ես պատասխանի երանելին և
ասէ . Ազաչեմ զքեզ , տէր , որ յա-
ռաջ իբրեւ զհարազատ եղբայր հաւ-
աստեալ էիր յաչս խմ , և այսօր
թշնամի կատարեալ , մի ըստ առա-
ջին սիրոյն գ-թար դու յիս , այլ կա-
տարեա 'ի վերայ խմ զկամս շարու-
թեանն Թագաւորինն ձերոյ . և որ-
պէս առեր իշխանու-թիւնն 'ի վերայ
խմ , դատեա զիս :

Յայնժամ իբրեւ ետես Դենշա-
սրուհ , եթէ առ ոչինչ զսարսնա-
լիսն արքունի համարեցաւ , և ոչ

ողորմանացն երեսս ինչ արար, և քան
'ի ծածուկ՝ յայսնի եւս կամէր զի
խօսեսցի, կատարեաց 'ի վերայ նո-
րա ըստ խրատուն արքունի: Եւ
գաղտագողի ընկեցաւ 'ի հեռաւոր
օտարութիւն, որպէս զհարգ և ու-
սաւ 'ի վարդապետէն, և արար:

Եւ հրամայեաց եւս Դենշապհոյ
երկուս եւս ընկերակիցս օգնականս
յաւագ գործակալացն, զՋնիկանն՝
որ է մարդպետ արքունի, և զՄո-
վան հանդերձապետ 'ի ձեռանէ մով-
պետան մովպետի:

Արդ երեքեան սոքա իւրաքան-
չիւր սպասաւորօք առին զսուրբան
յայնմ անասաակ, և փոխեցան
նոյնչափ եւս հեռագոյն 'ի մեւս եւս
գժնդակ տեղի 'ի նմին գիշերի: Եւ
զոր 'ի կարաւանէ անտի ոչ թողին
տեսանել, ոչ 'ի Հայոց և ոչ յամե-
նայն քրիստոնէից, և ոչ բնաւ յար-
տալքին հեթանոսաց: Եւ սպասա-
ւորքն՝ որ էին 'ի վերայ կապելոցն
անդէն 'ի քաղաքին, հրամայեցին
սրահել զգուշութեամբ, զի զհետս
նոցա մի ոք գիտասցէ՝ ընդ որ տաւ

նիցենն 'ի մահաւ տեղի , մի՛ նորա և
մի՛ ամենեւին ոք 'ի մարդկանէ :

Բայց այր մի խուժիկ անունն 'ի
գորացն արքունի , որ 'ի ծածուկ ու
նէր զքրիստոնէսութիւնն , և վիճա
կեալ էր 'ի դասս դաճացն , և կայր
'ի սպասու օրասպահացն հանդերձ
գործիական տանջանարանօքն , եկն
եմուտ 'ի մէջ գիշերին և խառնե
ցաւ 'ի դասս նախարարացն : Առա
ջին դասն 'ի միջնոյն կարծէր զնա ,
և միջինն երրորդին , և երեքեանն
միմեանց համարէին զնա . և ոչ ոք
'ի նոցանէ եհարց՝ եթէ դու սիվ ես
ընդ մեզ , ոչ 'ի տերանցն և ոչ 'ի
սարասաւորացն :

Իբրեւ հասին 'ի տեղի անասա
տին , որ ամենեւին անբոյս էր 'ի դա
լարոյ , և այնպէս էր սպասաժ
գժնեայ , զի և ոչ նասելոյ անգամ
տեղի գտաւ անդ նոցա , իջին հե
ռագոյն նախարարքն երեքեանն , և
հրամայեցին դաճացն խրեանց կա
պել զոտս և զձեռս նոցա : Եւ ար
կին պարանս երկայնս յոտս նոցա ,
և երկու երկու լծեցան և առին 'ի

քարշ : Եւ այնպէս ձգեցին և ճող
քեցին ընդ ապառաժ տեղիսն քար
շէլով, զի ամենեւին խայծ ոչ մնաց
’ի մարմինս երանելեացն : Եւ ապա
լուծին և ածին ’ի մի տեղի :

Եւ Թուէր իմն նոցա այսպէս, և
Թէ կահղեցաք զխատուԹիւն նոցա,
և հնազանդեցուցաք զբիրա ապրա
տամբուԹիւն նոցա, և արդ զինչ
և խօսիցիմք, անապցեն բանից մե
րոց, և առնիցեն զկամս Թագաւո
րին, և ապրեալ լիցին յանհնարին
տանջանացն : Եւ զայն ոչ կարացին
քաջ խմանալ, եթէ իբրեւ զքաջ
զինուորս վառեցին զնոսա, և ’ի
հրահանգս կրԹուԹեան վարժեցին
զնոսա, և իբրեւ զգազանս վայրե
նիս, արիւնասխանձս ուսուցին զնո
սա : Եւ եթէ ունէին սակաւ ինչ
կասկած յառաջագոյն, հայեցեալ
նոցա ’ի չարաչար վէրս մարմնոյն իւ
րեանց, զառաջին երկեւղն ’ի բաց
մերժեցին : Սկսան իբրեւ արբեալք
անզգայք զմիմեամբք ելանել ’ի բա
նից սրատասխանիս, և փուԹային
իբր ծարաւք յաղբելը, եթէ ո՛

նախ վաղ զիւր արիւնն հեղցէ յերկիր :

Եւ մինչ դեռ յայտմ պատրաստութեան էին սուրբքն, խօսել սկիզսաւ ընդ նոսա Դենչապուհ և ասէ .
 Արքայ յղեաց զիս առ ձեզ . ամենայն աւերաշխարհին Հայոց, ասէ, և կոտորածք զօրացն՝ որ հասին ՚ի վերայ, ՚ի ձէնջ եղեն փասքն ամենայն . և բազում նախարարք՝ որ այժմ կան կասրանօք չարչարեալ, վասն ձերոյ յամստութեանդ եղեացայք ամենայն : Այլ և արդ եթէ կամիք ինձ լսել, ասեմ ձեզ . որպէս եղերուք պատճառք ամենայն չարչարանաց մահուն, այսօր լերուք պատճառք կենաց ձերոց : Եւ նախարարքն՝ որ կան ՚ի կասրանս, ՚ի ձեռն ձեր է իշխանութիւն արձակել զնոսա, և աւերաշխարհին ձերոյ ձեւք շինի, և բազումք որ վարեալ են ՚ի դերութիւն, անդրէն գառնան :

Ահա դուք ձերոյին աչօքդ տեսէք այսօր, եթէ զորպիսի այր տոհմիկ, զոր թագաւորն ընդն յակա-

նէ յանուանէ ճանաչէր վասն մեծի գիտութեան օրինացս մերոց, և կատարեալ էր յամենայն 'ի դէնիս և ամենայն մեծամեծաց սիրելի, և գրէ թէ բոլոր աշխարհս կախեալ էր զնմանէ, և վասն զի անարգեաց զդէնի մաղղէսն, և սրատրեցաւ 'ի ձեր օխմար գիտութիւնդ, ոչ ինչ ինայեաց թագաւորն 'ի մեծ պատիւ նորա, այլ իբրեւ զգերի մի զանաշխարհիկ շոթակ արարի զնա յայնչափ օտարութիւն հեռաւոր, զի ընդ երթալն իսկ ոչ ժամանէ 'ի տեղի պատուհասին իւրոյ :

Արդ եթէ 'ի բուն զայեկութիւնրն վասն սրատուական օրինացն ոչ ինայեաց 'ի նա, որչափ և ս առաւել 'ի ձեզ յօտարաշխարհիկադ, որ մահապարտ իսկ էք յիրս արքունի : Եւ չեք ինչ ձեզ այլ հնար կենաց, բայց եթէ երկիր պագանիցէք արեգական, և կատարիցէք զկամս թագաւորին, որպէս և ուսոյց զմեզ մեծն Չրադեշան : Եւ եթէ զայդ առնէք, ոչ միայն արձակիք 'ի կապանացդ և ապրիք 'ի մահուանէ,

այլ և մեծամեծ սարգեւօք յու-
ղարկիք յաշխարհն ձեր :

Յառաջ մատուցեալ Ղեւոնդ ե-
րէց և Թարգման կացոյց զՍահակ
Եպիսկոպոս . Չխարդ լուիցուք , ա-
սէ , երկդիմի հրամանացդ քոց . ա-
հա զերկրպագութիւնդ նախ ետուր
արեգական , և զկատարումն երկրը-
սպագութեան 'ի կամս Թագաւորին
ձգեցեր . մեծարեցեր զարեգակն
յառաջ ձայնելով զանուն նորա ,
և մեծացուցեր զԹագաւորն աւե-
լի քան զարեգակն . և յայտ արա-
րեր՝ եթէ առանց կամաց իւրոց սպա-
սաւորէ արեգակնն արարածոց , իսկ
Թագաւորն 'ի կամս ազատութեանն
իւրոց՝ զոր կամի աստուածացուցա-
նէ , և զոր կամի ծառայեցուցանէ .
և ինքն 'ի ճշմարտութեանն վերայ
չեւ է հասեալ : Մի խօսիր ընդ մեզ
իբրեւ ընդ տղայս , զի հասակաւ կա-
տարեալ եմք , և գիտութեանս ոչ
եմք անտեղեակ . ուստի սկսար դու ,
այտի տաց քեզ սրտասխանի :

Ապաքէն զմեզ եղիր սրտածառս
աւերածոց աշխարհին մերոց և հա-

րուածոց զօրացն արքունի. մեր օրէնքն զմեզ այդպէս ոչ ուսուցանեն, այլ յոյժ պատուել հրամայեն զերկրաւոր թագաւորս, և սիրել զնոսա յամենայն զօրութենէ մերմէ, ոչ իբրեւ զմարդ որ դուզնաքեայ 'ի մարդկանէ, այլ իբրեւ Աստուծոյ՝ ճշմարտիս կալ 'ի ծառայութեան. և եթէ զրկիմք 'ի նոցանէ, փոխանակ ընդ երկրաւորիս զերկնիցն խոստացաւ մեզ զարքայութիւն: Եւ ոչ միայն զարքանեկութիւն հարստակութեան պարտիմք հատուցանել նոցա, այլ և մահու չափ զանձինս 'ի վերայ գնել սիրոյ թագաւորին: Եւ որպէս յերկրի ոչ ունիմք իշխանութիւն փոխանակել զնա ընդ այլում տեառն, նոյնպէս և յերկինս չունիմք իշխանութիւն փոխանակել զճշմարտ Աստուածն մեր ընդ այլում, որ չեք Աստուած բայց 'ի նմանէ:

Բայց ասեմ քեզ՝ որում սակաւիկ մի տեղեկագոյն ես: Ո՞վ 'ի քաջ զօրականէն զկնի մտանիցէ 'ի պատերազմ, և եթէ զայս արասցէ, ոչ

քաջ անուանի նա, այլ յոյժ վաս :
Եւ կամ ո՞ յիմաստուն վաճառակա-
նաց զսրատուական մարդարխան փո-
խանակիցէ ընդ անարդ թրուշայի ,
բայց եթէ յիմարեալ իցէ տգիտու-
թեամբ , որպէս և ձեր մտլորու-
թեան առաջնորդքդ :

Միայն գտեր զմեզ 'ի բազում
յառաքինեացն մերոց , և կամիս գո-
ղութեամբ սուրել զամուրս խոր-
հրդոց մերոց . չեմք մեք միայն՝ որ-
պէս և դուդ կարծես . չիք տեղե-
ունայն , ուր չիցէ Քրիստոս թա-
գաւորն մեր . բայց միայն այնոքիկ
են թափուր 'ի նմանէ , որ իբրեւ
զքեզ և զչարագեւ իշխանն քո ,
որք ուրացեալ էք 'ի նմանէ : Զի
թէ զինուորք աշխարհին մերոց , որ
աշակերտեալքն էին մեւք 'ի Քրիս-
տոս , առ ոան հարին զահագին հրա-
մանս թագաւորին ձերոց , և զմե-
ծամեծ պարգեւս առ ոչինչ համա-
րեցան , և զհայրենի տէրութիւնն 'ի
բաց կողոպտեցան , չխնայեցին 'ի
կին և յորդիս և 'ի գանձս մարմնա-
ւորս կենաց աշխարհիս , նա և ոչ

զարիւնն իւրեանց ածէին զմտաւ-
 ինչ վասն սիրոյն Քրիստոսի, այլ
 զերկրագոլուս արեգականն՝ որ ձեր
 վարդապետք էին, չարաչար հա-
 րուածովք սատակեցին զնոսա, և
 մեծամեծ չարիս հասուցին 'ի վե-
 րայ զօրացն ձերոց, և բազումք 'ի
 նոցանէ անկանէին 'ի նմին պատե-
 րազմի, և այլք մասնեցան 'ի սէս
 սէս փորձութիւնս, և կէսքն ընկե-
 ցան 'ի հեռաւոր օտարութիւն, և
 եւս բազմագոյնք վարեցան 'ի գե-
 րութիւն: Եւ ամենեքին նորա յառա
 ջեցին քան զմեզ յարքայութիւնն
 Աստուծոյ, և խառնեալ են 'ի գուն-
 դրս վերին հրեշտակացն, և ցնծան
 'ի պատրաստեալ յուրախութիւնս,
 յոր հասեալ խառնեցաւ երանելի
 այրն, զոր դու ասես շկօթակ սրա-
 թի: Երանի տամ նմա, և երանի
 երկրին՝ ընդ որ նայն անցանիցէ, և
 տեղւոյն՝ ուր նայն վախճանեացի:
 ոչ միայն զարքունեօք ձերովք ան-
 ցանէ պատուականութեամբ, այլ
 և զերկնից լուսաւորօքդ՝ որում
 դուքդ երկիր պագանէք:

Ետ սրտասխանի Մովսէսն հան-
 դերձապետ և ասէ ցնտա . Աս-
 տուածքն բարերար են , և երկայ-
 նամտութեամբ ջանան ընդ արգի-
 մարդկան , զի գիտասցեն և ծանի-
 ցեն զիւրեանց փոքրիութիւնն և
 զնոցա մեծութիւնն , և վայելեացեն
 'ի սրարգեւս աշխարհիս , զոր ար-
 ւեալ է իշխանութիւն 'ի ձեռս
 Թագաւորի , և 'ի բերանոյ նոցա
 ելանեն հրաման մահու և կենաց :
 Եւ ձեզ ոչ է իշխանութիւն այդ-
 պէս ընդգիմանալ կամաց նոցա և
 ոչ առնուլ յանձն զերկրագո-
 թիւն արեգական , որ ճառագայ-
 թիւք իւրովք լուսաւորէ զամենայն
 տիեզերս , և ջերմութեամբ իւրով
 հասուցանէ զկերակուր մարդկան
 և անասնոց . և վասն հասարակա-
 բաշխ առատութեանն և անաչառ
 մատակարարութեանն անուանե-
 ցաւ Միհր աստուած , զի չեք 'ի նմա
 նենգութիւն և անխմաստութիւն :
 Վասն որոյ և մեք երկայնամիտ լի-
 նիմք 'ի վերայ ագիտութեան ձերոյ .
 քանզի չեմք մարդաստեացք իբրեւ

դշազանս շողզակերս և արիւնար-
բուս : Խնայեցէք յանձինս ձեր , և
մի խառնէք զմեզ ակամայ յարիւնդ-
ձեր : Թողէք անդր զառաջին յան-
ցանս ձեր , և զառաջիկայ իրս ուղ-
ղեցէք . զի և այլոցն վասն ձեր լիցի
ողորմութիւն 'ի մեծ թագաւորէն :

Առ այս ետ պատասխանի Սա-
հակ եպիսկոպոս և ասէ . Իբրեւ
ուսեալ և յոյժ խրատեալ՝ զգեղե-
ցիկ հոգ յանձին ունիս շինութեան
աշխարհի և փառաց թագաւորին .
բայց զայս կարի տգիտաբար ուսու-
ցանես , զի աստուածս բազումս խոս-
տովանիս , և զմի կամս ոչ ասես ա-
մենեցուն : Եթէ վէհքն առ մի-
մեանս մարտուցեալ են , մէք խո-
նարհագոյնք քան զնոսա զիարդ
կարացուք հաւանել բանից քոց :
Միաբանեա զժուր և զկրակ , զի ուս-
ցուք 'ի նոցանէ զխաղաղութիւն .
կոչեա զարեգակն 'ի տուն որպէս
կրակ , և եթէ նմա ոչ մարթի գալ՝
զի մի աշխարհ 'ի խաւարի մնացէ ,
յդեա զգա առ նա , զի ուսցի 'ի նմա
նէ զանկարօտութիւնն :

Եւ եթէ մի է բնութիւնս աստուածոցն քոց, հաւասարեացեն ամիմեանս զուգութեամբ . լիցի անկերակուր կրակ իբրեւ զարեգակն, և մի խափանեացին ծառայքն արքունի 'ի ծախս ռոճկաց սորա : Արդ մինգ անյազ ուտէ, և հանապազ մեռանի . և մինն որ չուտէ, առանց օգոյն նուազի լոյս ճառագայթից իւրոց . ցրտանայ ձմերայնի, և սառուցանէ զամենայն բոյսս դալար խոտոյ . տօթանայ յամարայնի, և հրակէզ առնէ զամենայն կենդանիս : Եւ որ ինքն յար 'ի փոփոխման կոյ, ոչ կարէ հաստատուն կեանս ումեք շնորհել : Եւ քեզ ոչ կարեմ մեղադիր լինել . որոյ ոչ տեսեալ է զմեծ թագաւորն, պատուաւորացն մատուցանէ զերկրագագութիւն . իսկ եթէ որ զոյս 'ի հմուտ գիտնոցն արասցէ, վաղվաղակի մահ 'ի վերայ հրամայեն :

Այլ վասն արեգականս, եթէ կա միցիս ուսանել, զճշմարիտն ասացից քեզ : Մասն է նա աշխարհիս արաւրածոց, 'ի բաղում մասանց մի մասն

որոշեալ է . կէսքն 'ի վերոյ են քան
 զնա , և կէսքն 'ի ներքոյ նորա : Ոչ
 է նա առանձին սուրբ յստակ լու-
 սով, այլ 'ի ձեռն օգոյն հրամանաւն
 Աստուծոյ տարածանէ զճառագայ
 թըս իւր, և հրային մասամբ ջեռու-
 ցանէ զամենայն գոյացեալս 'ի ներ-
 քոյ իւրոյ կայանին : Իսկ վերինքն
 ոչ ինչ մասն ունին 'ի նորա ճառա-
 գայթիցն . քանզի իբրեւ յաման ինչ
 արկեալ է զոյսն 'ի գունդ նորա ,
 և 'ի վայր կոյս հեղու բերանացեալ՝
 առ 'ի սէտս ներքնոցս վայելու-
 թեան : Եւ զոր օրինակ նաև մի
 թռուցեալ 'ի վերայ ծովային ջուր
 ցրն բազմութեան, անգիտութեամբ
 գնայ զուղեւորութիւնն 'ի ձեռն
 հմուտ և ճարտար նաւապետին ,
 այսպէս և արեգակն 'ի ձեռն կա-
 ռավարին իւրոյ ունի զփոփոխմունս
 շրջանին իւրոյ տարեւոր ժամանա-
 կին :

Եւ որպէս այլ մասունք աշխարհ
 հիս հաստատեալ են վասն մեր կե-
 նացն , և զնա իբրեւ զմի յայլոց մա-
 սանց տուեալ է մեզ յառաջնոր-

դուժիւն լուսոյ, որպէս զուսին և
 զաստեղս և զօդս յարածուս և
 զամբս անձրեւաբերս . նոյնպէս և
 յերկրիս մասանց զծով և զգետս և
 զաղբերս և զամենայն սխտանացու
 ջուրս, նոյնպէս և զցամաքայինս ա-
 մենայն սխտոյիւք իւրովք : Աս-
 տուած՝ և զմի ոք ՚ի սոցանէ չէ ար-
 ժան անուանել . և եթէ ժպրհիցի
 ոք ասել, զանձն տգիտաբար կորու-
 սանէ . և աստուածանունն մեծա-
 ըելով զնոսա՝ նորս ոչ ինչ օգտե-
 ցան : Միոյ իշխանութեան երկու
 թագաւորք ոչ լինին . և եթէ մարդ
 զայդ քեզ յանձն ոչ առնու, քա-
 նի եւս հեռի է այս յԱստուծոյ
 բնութենէն՝ այդպիսի կարգ շփո-
 թեալ :

Արդ եթէ կամիս ուսանել զճըշ-
 մարիտն, քաղցրացո զդառնութիւն
 սրտիդ, և բաց զաչս մտացդ, և մի՛
 յարթնութեան կուրու թեամբ ընդ
 խաւար գնայցես . որ անկեալ ես ՚ի
 խորխորատ, և զամենեսեան կամիս
 առ քեզ ձգել : Եւ եթէ քոյքն դան
 զկնի մոլար վարդասպետութեանդ՝

որ ոչ տեսանեն և ոչ խմանան, մի՛
 և զմեզ կարծեր դոյն օրինակ . քան
 զի բաց են աչք մտաց մերոց և սրա
 տես իսկ եմք : Մարմնոյս աչօք զա
 րարածս տեսանեմք, և խմանամք
 զսա յայլմէ արարեալ . և ամենե
 քեան են ընդ ապակհանութեամբ :
 Իսկ արարիչն ամենեցուն աներեւ
 ոյթ է ՚ի մարմնաւոր աչաց, այլ
 մտաց խմանի զօրութիւն նորա :

Եւ վասն զի ետես զմեզ ՚ի մեծի
 տգիտութեան, և ողորմեցաւ մե
 ռում անուսումնութեանն, յորում
 և մեք իբրեւ զձեզդ երբեմն զերեւե
 լիս կարծեաք արարիչ և գործեաք
 զամենայն անառակութիւնս, վասն
 այնորիկ առ սէր իւր եկն մարմնա
 ցաւ ՚ի մարդկանէ, և ուսոյց մեզ զան
 երեւոյթ աստուածութիւնն իւր :
 Այն զի բարձրացոյց զինքն ՚ի խաչն
 կախազանի, և զի մարդիկ զհետ լու
 սաւորացդ մոլորեցան, մերկեաց յա
 րեգակնէ զոյս ճառագայթիցն իւ
 րոց . զի եղիցի խաւար սարսաւոր
 մարդկութեան նորա, զի որ իբրեւ
 զձեզ անարժանք իցեն, մի՛ տեսցեն

զկէանս իւրեանց՝ ի մեծի անարգութեան : Որպէս և այսօր, որ ոչ խոստովանի զխաչելեան Նստուած, նոյն խաւար մածեալ է զոգւով և մարմնով նորա . որպէս և դու իսկ այսօր՝ ի նմին խաւարի կաս, և զմեզ դեռ եւս շարշարես : Պատրաստ եմք ըստ օրինակի Տեառն մերոյ մեռանել . որպէս զիարդ և կածիս կատարես զկամս դառնութեան քո :

Յայնժամ իբրեւ հայեցաւ ՚ի նստա անօրէնն Գենշապուհ, և ետես ՚ի մեծի ուրախութեան զուարթագին զամենեւեան, գիտաց եթէ ոչ դնան առ նոսա բանք սպառնալեաց և ողորանաց : Հրամայեաց զմի ոմն ՚ի կրտսրագունիցն յառաջ մատուցանել, երէց մի Արշէն անուն, վասն որոյ յառաջ կասկածն իսկ եղել սրբոցն : Կապեցին զոտան և զձեռան, և մեծաւ ուժով պրկեցին, մինչեւ ճարճատիւն հատաւ ամենայն ջղացն . և այնպէս կայր մեծ ժամս յանհնարին պրկոցսն :

Եբաց սուրբն զբերան իւր և առէ . Ահա շրջեցան զինեւ շունք բա-

զուսք, և ժողովք չարաց սպառա-
ցին զիս. ծակեցին զոտս իմ և զձեռս
իմ, և փոխանակ բերանոյ իմոյ ա-
ղաղակեցին ամենայն օսկերք իմ :
Լուր ինձ, Տէր, և լուր ձայնի ի-
մում, և ընկալ զողի իմ 'ի ժողովս
սուրբ զօրականին քո, որ երեւե-
ցաւ նորակերտ դաստակերտին քոյ :
Ես որ կրտսրս եմ յամենեւեան, ո-
ղորմութիւն քո գլծացեալ յառա-
ջեցոյց զիս :

Եւ զայս իբրեւ ասաց, ոչ եւս
կարէր բանալ զբերանն յանհնարին
սրկոցաց գելարանին : Եւ անդէն
վաղվաղակի դահիճքն հրաման ա-
ռեալ յերկից նախարարացն՝ սրով
հատանել զպարանոց երանելոյն, և
ընկեցին զմարմինն 'ի խորխորատ մի
ցամաք :

Եւ անդէն 'ի տեղւոջն սկտաւ խօ-
սել Դենշապուհ ընդ եսլիակոսյո-
սին և ասէ. Յորժամ եկի ես յաշ-
խարհն հայոց՝ զտարի մի և զվեց ա-
միս եհաս շրջել ինձ անդ. ոչ յի-
շեմ ես ամենեւին՝ եթէ բան մի
սքտունջ յումեքէ լուսյ վասն քո :

Նոյնպէս և առաւել վասն Յովսէփայ . զի դա խիկ էր իշխան ամենայն քրիստոնէից , և հաւատարիմ յամենայն իրս արքունի : Նա և որ մարզպան աշխարհին լեալ էր յառաջ քան զիմ երթալն , մեծապէս գոհ էր զառնէս զայսմանէ . և ես ինձէն աչօք խնովք տեսի , զի որպէս հայր հաստատուն համարեալ էր առ մենայն աշխարհին , և անաչառութեամբ սիրէր զմեծամեծսն և զփոքունս :

Արդ փոխանակ ընդ ձեր՝ ես ազաչեմ զձեզ . խնայեցէք ՚ի պատուական անձինս ձեր , և մի մատնիք ՚ի մահ չարչարանաց ըստ առաջ նոյն կարգի , զոր տեսէք աչօք ձերովք : Քանզի թէ ՚ի դոյն միտս յամառութեան կայք , և իմ եղեալ է ՚ի մտի խնում բազում չարչարանօք կարձել զձեզ ՚ի կենաց ձերոց : Ես գիտեմ , զի ՚ի հրապոյրս առնդ այդորիկ ելեալ էք դուք . քանզի ինքն ախտացեալ է մարմնով , և ձեռնարկու թեամբ բժշկաց չիք գտեալ առողջութիւն . և հիւանդոս կենօք

ձանձրացեալ է, և փափագէ 'ի մահ
քան 'ի կեանս :

Առ այս ետ սրտասխանի սուրբն
Յովսէփ և ասէ . Գովութիւնդ՝ զոր
եառւր դու նախ եպիսկոպոսիդ և
ապա ինձ, յիրաւի արարեր և ըստ
կարգի պատուեցեր վասն ալեացդ,
այդպէս իսկ արժան է : Այլ ճշմա-
րիտ ծառայից Աստուծոյ ոչ է օրէն
դիմադարձ լինել երկրաւոր իշխա-
նաց, և ոչ զոր 'ի Ժողովրդոց տրւ
տունջ առնել վասն մարմնաւոր զօ-
շաքաղութեան, այլ ցածութեամբ
և հեղութեամբ ուսուցանել զպա-
տուիրանս Աստուծոյ, և առանց
խարդախ խնաստութեան խաղաղա-
սէր լինել առ ամենեւեան, և ան-
աչառ վարդապետութեամբ առ մի
Տէրն արարածոց առաջնորդել բո-
լորեցունց :

Այլ վասն առնս այսորիկ հրա-
պուրանաց՝ զոր ասացեր, և զայդ
ոչ ստեցեր, այլ կարի զճշմարիտն
ասացեր : Զի ոչ իբրեւ զօտար ոք
հրապուրէ զմեզ, և ոչ իբրեւ ըզ-
պատրող ոք խաբէբայ մոլորեցու-

ցանկ զմեզ, այլ յոյժ սիրէ զմեզ :
 Քանզի մի է մայր մեր եկեղեցի՝ որ
 երկնեացն զմեզ, և մի է հայր մեր
 սուրբ Հոգին՝ որ ծնաւ զմեզ . զի-
 անոր համահարք և միոյ մօր որդեք
 երկապառակք լինիցին, և ոչ միա-
 բանք : Որ քեզ թուին՝ թէ հրա-
 պոյրք իցեն, մեր 'ի սուէ և 'ի գի-
 շերի գոյն խորհուրդ էր՝ զի անքակ-
 ունիցիմք զկենաց միաբանու թիւնս :
 Իսկ եթէ սա ձանձրացեալ իցէ ե-
 լանել յախտալից մարմնոյս, առա-
 ւել եւս մեք ամենեքեան . զի չեք ոք
 ամենեւին 'ի ծնունդս կանանց, որ
 ունիցի զմարմինս առանց ցաւոց չար-
 չարանաց :

Ետ սրտասխանի Դենշապուհ
 և սահ . Չայդ ոչ գիտէք, որչափ
 երկայնամիտ լինիմ ես 'ի վերայ ձեր-
 այս ոչ հրամանաւ արքունի է այս-
 չափ երկայնաբան լինել ընդ ձեզ
 պայքարաւ, այլ յիսմէ քաղցրու-
 թենէ թողացուցի ձեզ . զի չեմ իբ-
 բեւ զձեզ անադորոյն, զի անձանց
 ասելի էք և այլոց թշնամիք : Իմ
 զի ազ և հաց կերեալ է յաշխարհին

Ը
 ձերում, գութ և սէր ունիմ ընդ
 աշխարհն ձեր :

Ես սրտասխանի Ղեւոնդ երէց
 և ասէ . Որ առ արտաքինան գութ
 և սէր ունի , զսրտուիրանան Աս-
 տուծոյ կատարէ , այլ սրտի և
 յիւր ոգին խնայել . զի չեմք ան-
 ձանց տեարք , այլ է որ համարս
 խնդրէ 'ի մէնջ և վասն արտաքնոց
 և վասն ներքնոց : Այլ որ ասացեր՝
 յինէն անսամ ձեզ և ոչ հրամանաւ
 թագաւորին , եթէ գուք սովոր էք
 անցանել ըստ հրամանաւ թագա-
 ւորին ձերոյ , զայդ բարիոք առնէք ,
 զի աւերիչ աշխարհի է և սատակիչ
 անմեղ մարդկան , բարեկամ սա-
 տանայի և թշնամի Աստուծոյ : Այլ
 մէք ոչ կարեմք անցանել զհրամա-
 նաւ մերոյ թագաւորին , և ոչ զան-
 անց կեանան մեր կարեմք փոխար-
 կել ընդ սպաւականացու սրտորանս
 աշխարհիս :

Այլ վասն իմ զի ասացեր , չը-
 գտեալ զառողջութիւն 'ի բժշկաց ,
 սիրէ զմահ քան զկեանս , այդ բանք
 ոչ այնոցիկ են՝ որ անսանեն զամե-

Ը
 նայն շարձարանս աշխարհիս : Ազէ
 ցածո զքեզ սակաւիկ մի 'ի զայրա-
 դին սրամտութենէդ , և եկ զհետ
 ճշմարիտ բանից իմոց , և հայեաց
 կարգաւ ընդ իրս աշխարհիս : Ո՞
 ոք 'ի մահկանացուացս ունի կեանս
 անարտունջս . ոչ ահա ամենայն լի
 են փափիւք , է որ 'ի ներքոյ , և է
 որ արտաքոյ . ցուրտ և տօթ , քաղց
 և ծարաւ և ամենայն աղքատու-
 թիւն կարօտութեան : Արտաքոյ՝ ա-
 նիրաւութիւն , յափշտակութիւն ,
 գէճ պղծութիւն անառակ յար-
 ձակմամբ . 'ի ներքոյ՝ ամբարշտու-
 թիւն , ուրացութիւն , աղիտու-
 թիւն , անդարձ մոլորութիւն 'ի կաւ
 մաւոր ազատութենէն :

Բայց դու որ զբժիշկս խոտեալ
 անարգեցեր , թէ չիք իմ 'ի նոցա
 նէ գտեալ զառողջութիւն , չեն ինչ
 զարմանք , վասն զի մարդիկ են նո-
 քա . է ցաւ՝ որում գտանեն հնարս
 առողջութեան , և է՝ որ ապատամ-
 բէ 'ի հնարից նոցա . վասն զի ամե-
 նեքեան եմք մահկանացուք , այն որ
 բժշկէն և որ բժշկին : Այլ երանի

Թէ և դուք ըստ բժշկական արուեստին բերէիք զնմանութիւն . զի ոչ փոքր է ճշմարտութիւն նոցա բժշկութեանն : Քանզի յորժամ տեսանեն նոքա զոք հիւանդացեալ , ոչ յապաղեն երթալ առ նոսա , այլ փութացեալ հնարին մատուցանել զառողջութիւն : Մանաւանդ եթէ յարքունիս մի ոք 'ի սիրելեաց Թագաւորին ախտանայցէ , և հասեալ 'ի մեծ հրապարակն՝ տեսանիցէ զբազմութիւն պատուաւորացն և զառողջութիւն գեղեցիկ երիտասարդացն , և եւս 'ի ներքս մատուցեալ 'ի սրահսն արքունի , և անդ տեսանիցէ զամենայն սպասաւորացն զչքնաղ և զսքանչելի տեսիլն , ոչ ինչ զարմանայ ընդ հրաշակերտ տեսիլն : Նա և եթէ գահոյք ակահապաւք իցեն և համակ ոսկեղէնք՝ յորոց վերայ հիւանդն անկեալ գնիցի , չէ ինչ նմա փոյթ զայնմ ամենայնէ : Այլ 'ի բաց հրամայէ առնուլ զոսկէհուռ վերարկուսն , և ձեռն 'ի ներքս տարեալ՝ զննէ զամենայն մարմինն , եթէ ջերմ իցէ

բնութիւնն , և եթէ սիրան 'ի տեղ-
 զւոյն հանդարտ կայցէ , և կամ թէ
 լեարդն կակո՛ղ իցէ , և կամ թէ
 շարժք երակացն յարմար իցեն . և
 ըստ նմին զգարման բժշկութեանն
 առնիցէ՝ շնորհելով նմա զառողջու-
 թիւն :

Իսկ արդ եթէ մարդկային բժըշ-
 կութիւնն այսպիսի գիտէ քամա-
 հել զամենայնիւ , և միայն զիւր ա-
 ըուեսան յառաջ մատուցեալ՝ ըզ-
 գործն կատարէ , որչափ եւս առա-
 ւել ձեզ արժան էր , որ զբոլոր աշ-
 խարհս ունիք յիշխանութեան մե-
 ծի , հոգ յանձին տանել՝ նախ զհո-
 գիսդ բժշկել յամենայն ախտալից
 մոլորութեանց աշխարհիս , և մար-
 մնովք իսկ կային ամենեքեան ձեզ
 'ի ծառայութեան : Արդ այժմ զի
 դուք տգիտացարուք , և զանմահ
 հոգիսդ մահկանացու արարէք յան-
 շէջ հուր գեհեննն , մարմնովդ՝ եթէ
 կամիք և եթէ ոչ կամիք՝ ախտա-
 ցեալ էք յախտաւորութիւն անա-
 ռողջութեան . և զմեզ նախատէք
 մարմնոյ ցաւովք , որ ոչ 'ի կամս մե-

րոյ ազատութեան է, այլ որպէս
գիպեցաւ 'ի բնութեանս մարմնոյ
իւրաքանչիւր մարդոյ :

Եւ Քրիստոս ճշմարիտ Աստուած
կենդանի և կենդանարար՝ 'ի կամս
իւրոյ բարերարութեան եղև բժիշկ
հոգևոց և մարմնոց, և նախ ինքն 'ի
ցաւս չարչարանաց իւրոց բժշկեաց
զամենայն ազգս մարդկան : Եւ եւս
խանդազատագոյն գթացեալ, վե-
րբասին ծննդեամբն ծնեալ զմեզ
յառողջութիւն՝ անցաւս և ան-
վերս, և 'ի ծածուկ հարուածոց
զհին ծակոտուածսն վիշապին ող-
ջացոյց. և արար զմեզ անապիս և
անարատս հոգևով և մարմնով, զի
իցեմք բանակակից հրեշտակաց և
զօրք երկնաւոր թագաւորին մերոյ :
Եւ քո զայս ոչ գիտացեալ, և ոչ
վայելեալ յերկնաւոր սրարգեւան
Աստուծոյ, և ոչ եւս այլ կամիս ու-
սանել 'ի մէնջ. այլ և զմեզ եւս
վրիպեցուցանել կամիս, որում չիք
հնար, և մի՛ այլ լիցի, և ոչ կարես
խակ առնել :

Այլ վասն իմոյ աստալից մար-

մնոյս ասացից քեզ կարճառօտս :
 Խնդամ և ուրախ եմ յորժամ տե-
 սանեմ զմարմինս իմ չարչարեալ :
 գիտեմ, զի զօրանայ յիս առողջու-
 թիւն հողոյս խոյ : Մանաւանդ
 զի ունիմ ինձ գրաւական զմեծ վար-
 դասկան հեթանոսաց, որ ՚ի ցաւս
 մարմնոյ անձին մխիթարէր, և ՚ի
 կռփումս սատանայական մարդոց
 սրարծէր և ասէր . Չի եթէ անկա-
 կիցք եղաք նմանութեան մահու նո-
 րա, որչափ եւս առաւել լիցուք հա-
 զորդք յարութեան նորա : Այլ դու-
 որ ունիս իշխանութիւն ՚ի վերայ
 մեր, դատեա զմեզ ըստ չարութեան
 կամաց քոց : Չեմք ինչ զանգիտելոց
 յահագին յահաւոր սպառնալեացդ
 քոց, և ոչ երկիւզած ՚ի դառն մա-
 հուանէն՝ զոր ամեկոց ես ՚ի վերայ
 մեր :

Յայնժամ մեկուսացոյց սակա-
 շիկ մի զերանելիան ՚ի միմեանց, և
 միայն ասէ ցտուրք եպիսկոպոսն .
 Գովութիւն, զոր ետու քեզ յա-
 ռաջ, ոչ իմացար սլատիւ անձին
 քոյ : Յիշեցուցանեմ քեզ զչարխան,

զոր գործեցեր դու, զի անձամբ
զանձն քո արասցես մահապարտ :
Արդարեւ դո՞ւ աւերեցեր զապու-
շանն յորշտունիս, և կամ զկրակն
դո՞ւ սպաներ. նա և որպէս լուայ
և ստուգեցի, թէ և զմեզսն դու
չարչարեցեր, և սպաս սրաշտամանն
դու տարար. արդ եթէ արդարեւ
դու աւեր, սրատեա ինձ :

Ես սրատասխանի սուրբն և ասէ .
Արդ կամիս ուսանել զայդ յինէն,
եթէ յառաջագոյն գիտէիր : Դեն-
շապուհ ասէ . Այլ է համբաւ, և
այլ է ճշմարտութիւն : Եպիսկոպո-
սոսն ասէ . Որպէս կարծեադ ասա
ինձ : Դենշապուհ ասէ . Իմ լուեալ
էր, եթէ զամենայն լնասն յորշ-
տունիս դու արարեր : Եպիսկոպոսն
ասէ . Եւ զի այդպէս հաւաստեաւ
ի վերայ հասեր, կրկին զի հարցա-
նես : Դենշապուհ ասէ . Չճշմար-
տան ՚ի քէն կամիմ ուսանել : Ե-
պիսկոպոսն ասէ . Ոչ զօգուտ կե-
նաց քոց կամիս ուսանել յինէն,
այլ արեան խոյ ցանկան մտք քոյ :
Դենշապուհ ասէ . Չեմ դազան ա-

Ը
 թիւնախանձ, այլ վրէժխնդիր եմ
 աստուածոյն անարդու թեան :

Եպիսկոպոսն ասէ . Չտարերս
 համերս աստուածս անուանես, և
 զպատկերակիցս քո մարդիկ խողխո-
 ղել կամիս . տալոց հասուցանելոց
 ես վրէժ թագաւորաւն քով յան-
 կաշառ ատենին Աստուծոյ : Եւ զոր
 քո չար կամօքդ կամիս լսել յինէն,
 զայդ ես ասեմ քեզ : Չտունն ար-
 դարեւ ես աւերեցի, և զմեզան չար-
 չարեցի դանիւ, և զկահ սղծու-
 թեան՝ որ 'ի տանն էր՝ 'ի ծովն ես
 ընկեցի : Այլ զկրակ ո՞վ կարէ սպա-
 նանել . քանզի ամենխմատս արա-
 թիչն արարածոց հոգ խնամոց տա-
 րեալ յառաջագոյն՝ անմահս հաս-
 տատեաց զքնութիւն չորից նիւ-
 թոցս : Աղէ սպան դու զօդ՝ եթէ
 կարես, և կամ սպականես զհող՝
 զի մի՛ բուսուսցէ զգալարի, փողո-
 տեա զգեա՝ զի մեռցի : Եթէ զայդ
 երեսին կարես առնել, սպա և
 զկրակ կարես սպանանել :

Ապա եթէ ճարտարապետն մեր
 միաբանեաց զչորից տարերացդ զան-

քակուծիւն, ահա և գտանի բնու-
 թիւն հրոյ 'ի քարինս և յերկաթս
 և յամենայն տարերս զննելիս, ընդ-
 էր ստուծեամբ զըսպարտես զիս,
 թէ դու զկրակ սպաներ: Ազէ դու
 սպան զջերմուծիւն արեգական,
 զի ունի նա մասն հրոյ. և կամ տուր
 հրաման, զի մի թափեացի հուր յեր-
 կաթոյ: Մեռանի այն՝ որ շնչէն և
 շարժի և գնայ և ուտէ և ըմպէ.
 Երբ տեսեր դու զկրակ գնայուն կամ
 խօսուն կամ գիտուն: Արդ զոր
 կենդանի քո չէ տեսեալ, մեռեալ
 խոստովանիս: Քանի՛ անթողի է
 ամբարշտու թիւնդ ձեր քան զամե-
 նայն հեթանոսաց, որ գիտնագոյնք
 են քան զձեզ. որ թէպէտ և 'ի ճրչ-
 մարիան Աստուծոյ մօլորեալ են,
 զանխօս տարերս Աստուած ոչ խօս
 տովանին: Արդ եթէ դու անգիտու-
 թեամբ կորնչելի ասես զբնուծիւն
 հրոյ, ոչ առնուն քեզ յանձն արա-
 բածքս. քանզի խառն է դա յամե-
 նեցունց:

Դենշապուհ ասէ. Ոչ ինչ մտա-
 նեմ ես ընդ քեզ 'ի պայքար քննու-

Թեան վասն բնութեան արարածոցս . այլ խոստովանեա ինձ , եթէ դո՛ւ անցուցեր զկրակն , եթէ ոչ :

Պատասխանի ետ երանելին և ա սէ . Որովհետեւ ոչ կամեցար լինել աշակերտ ճշմարտութեանն , ա սացից զկամս հօրն քոյ սատանայի : Ես ինձէն մտի 'ի կրակատունն ձեր , և տեսի՝ զի կային սաշտօնեալք ամբարշտութեանն սնտաի կարծեացն ձերոց , և կրակարանն լի հրով առաջի նոցա բորբոքեալ այրէր : Հարցի ցնտա բանիւք և ոչ գանիւ , թէ զի նչ համարիք 'ի միտս ձեր զկրակ սաշտամանս այսորիկ : Ետուն սա տասխանի և ասեն . Մեք ինչ ոչ գիտեմք . բայց այսչափ ինչ խմանամք , զի սովորութիւն է նախնեացն և հրամանս բունն թագաւորին :

Ասեմ դարձեալ ցնտա . Եւ ըզբնութիւն կրակիդ զի նչ խմանայք , արարիչ կարծէք , թէ արարած : Ասեն միաբան ամենեքեան . Արարիչ մեք զդա ոչ գիտեմք , նա և ոչ հանգուցիչ աշխատելոց : Ձեռք մեր փապարեալ են 'ի կացնի , և ողուհք

մեր տեռեալ են 'ի փայտակրի , աչք
 մեր գիջացեալ են արտասուօք 'ի
 կծուութենէ ծխոյ դորա , և երեսք
 մեր մրտեալ են 'ի խոնաւութեանց
 թանձրութենէ նորին ծխոյ : Եթէ
 շատ մատուցանեմք նմա զկերա-
 կուրն , յոյժ քաղցնու . և եթէ բնաւ
 չտամք , ամենեւին անցանէ . և եթէ
 մօտ երթամք և երկիր սրագանեմք ,
 կիզու զմեզ . և եթէ ոչ երթամք
 մօտ ամենեւին , մոխիր լինի : Մեր
 սյգակէս հասեալ է 'ի վերայ բնու-
 թեան դորա :

Ասեմ դարձեալ ցնտա . Իսկ
 լուեալ է ձեր , եթէ ոչ ուսու-
 ցեալ է ձեզ զսյգակախ մուրութիւն :
 Ետուն սրատասխանի և ասեն . Ձի
 'ի լսելոյ հարցանես զմեզ , այլ հայ-
 եաց ընդ առաջիկայ իրագ . զի օ-
 բնագիրքն մեր հոգւովք մտաց մի-
 այն կուրացեալ են , այլ թագա-
 ւորն մեր մարմնով միով ակամբն
 կոյր է , այլ ոգւոյն բնաւ չիք իսկ
 աչք :

Ասան այնորիկ և ես իբրեւ լուայ
 զայս 'ի մոգուցն , յոյժ ողորմեցայ .

դի տգիտութեամբ զարդարն խօսեցան : Սակաւիկ մի շարչարեցի զնա սա գանիւ , և նոցուն իսկ ետու զկրակն 'ի ջուրն ընկէնուլ , և ասացի այսպէս . Աստուածք , որ զերկինս և զերկիր ոչ արարին , կորիցեն 'ի ներքոյ երկնից . և ասլա ըզմոգան 'ի բաց արձակեցի :

Չայս ամենայն իբրեւ լուաւ Դենշարուհ 'ի բերանոյ սուրբ եպիսկոպոսին , անհնարին զահի հարաւ 'ի թշնամանաց թագաւորին և յանարդանաց գենին : Ասան որոյ և երկեաւ իսկ մատուցանել զնա 'ի տանջանս հարուածոց , թէ գուցէ այլ եւս մեծ անարդանս զթագաւորէն տացէ ասել յատենին , և 'ի նա ձգիցին կարծիք թշնամանացն . զի երկայնատութեամբ սպաքարեցաւ ընդ նոսա :

Եւ քանզի սուսեր ընդ մէջ ածեալ նստէր յատենի ահ արկանելով սրբոցն , գոչեաց իբրեւ առեւծ զայրազին , և հանեալ զսուսերն գաղանարար յարձակեցաւ 'ի վերայ երանելեացն . և եհար եպիսկոպոսին

զաջ ուսն, Թիկամբն հետ և զձեռն
 'ի վայր ընկէց : Եւ նորա յահեակ
 կողմն յերկիր անկեալ, և դարձեալ
 անդրէն պատասպարէր, առնոյր զաջ
 ձեռն 'ի վեր . աղազակեաց մեծա-
 ձայն և ասէ . Ընկալ, Տէր, զկամա-
 ւոր պատարագս՝ որ ինձէն զիս քեզ
 մատուցի բոլորովիս, և խառնեա
 զիս 'ի գունդս սուրբ զինուորացն
 քոց :

Դարձեալ քաջալերէր զընկերա-
 կիցսն իւր և ասէր . Ահապա առա-
 քինիք, եհաս ժամ կատարման մե-
 րոյ . խցէք զաչս մարմնոյ վայր մի, և
 այժմ տեսանէք զյոյսն մեր Քրիս-
 տոս : Եւ Թաւալելով ընդ արիւնն
 անձին իւրոյ ասէր . Օրհնեցից զՏէր
 յամենայն ժամ, հանապազ օրհ-
 նու Թիւն նորա 'ի բերան իս : 'Ի Տէր
 պարծեսցի անձն իս, լուիցեն հեզք
 և ուրախ եղիցին : Եւ ասելով ըզ-
 սաղմոսս զայս կատարէր մինչեւ ցայս
 տեղի . Բազում նեղու Թիւնք են ար-
 դարոց յամենայնէ փրկէ զնոսա Տէր
 և սրահէ զամենայն ոսկերս նոցա :

Եւ մինչ դեռ կայր յուժի մար-

մնայն սակաւիկ մի, իւրովք աչօք իսկ հայեցեալ տեսանէր յերկնից եկեալ գունդս բազում հրեշտակաց և վեց սրահ ՚ի ձեռին հրեշտակասեփն : Դարձեալ և լսէր եւս բարբառ ՚ի վերուստ, որ ասէր . Քաջալերեցարուք, սիրելիք իմ . զի ահա մոռացայք զվշտալի կեանադ, և հասէք երանելի սրահացդ, որ ձերով ճարտարութեամբդ կազմեցէք . առէք զիք յիւրաքանչիւր գլուխ : Զի նիւթ սրտրաստական ՚ի ձէնջ հիւսեցաւ, իսկ ճշմարտութիւն գործոյդ յամենասուրբ ձեռացն Քրիստոսի կազմեցաւ . զոր ՚ի սարսաւորաց այտի իսկ ընկալեալ, ընդ Ստեփանոսի լինիք սրահակից : Նա և զայն եւս քաջասէս տեսանէր, զի գեռ եւս շողայր սուրն ՚ի վերայ սարանոցի երանելեացն :

Զոր իբրեւ ետես սուրբն Ղեւոնդ, եթէ ոչ եւս զմի մի կամին հարցանել և գատել, այլ միանգամայն հրաման եղեւ մահու, ասէ ցերանելին Յովսէփ . Մատիւր, յառաջեալ ընդգէմ սրոյն, զի գու աստիճանաւ

ի վեր եւ քան զամենեւեան : Եւ զայս իբրեւ ասաց , կարգեցան կացին մի ըստ միտջէ . և առ ձեռք տալնապի ստիպելոյ դահճացն՝ միանգամայն հասին ընկեցին զպարանոցս երանելեացն առաջի սուրբ եպիսկոպոսին . և նորա ընդ հանելոցուցն աղաղակեաց և ասէ . Տէր Յիսուս , ընկալ զոգիս մեր ամենեցուն , և խառնեա զմեզ ՚ի գունդս սիրելեացն քոց : Եւ միանգամայն կատարեցան ամենեքեան ՚ի նմին սեղուց :

Եւ եթէ զմտալեան եւս , որ հաւատաց ՚ի Քրիստոս , կամիցիս ընդ նոսա ՚ի համար արկանել , թուով են եւթն . թող զերկուսն եւս որ ՚ի Արդէսն կատարեցան , և մեւս եպիսկոպոսն Թաթրիկ անուն յաստրեասանի : Բայց անդէն ՚ի սեղուցն վեցեքին , որոց անուանքն են այսոքիկ . Սահակ եպիսկոպոս յարշուտնեաց , սուրբն Յովսէփ ՚ի Այոյոյ ձորոյ՝ ՚ի գեղջէ հողոցմանց , Աւանդերէց ՚ի Անանդայ՝ ՚ի գեղջէ Իջււանից , Մուշէ երէց յԱղբակոյ ,

Արշէն երէց 'ի Բագրեւանդայ՝ 'ի գեղջէ յԵղեգեկայ, Քաջաջ սարկաւադ՝ ուստի եպիսկոպոսն էր յարշտունեաց, իսկ երանելի մագպետն 'ի Նիւշապուհ քաղաքէ, Սամուէլ երէց յԱյրարատոյ՝ 'ի գեղջէ յԱրածոյ, Աբրահամ սարկաւադ 'ի նմին գեղջէ :

Արդ զվէց զայս սուրբս յանապատին՝ ուր կատարեցին, Դենշապուհ, մագպետն և Տնիկանն և մայսպետն անդէն 'ի տեղւոջն պահապանս ընարեցին յաւաքանչիւր սպասաւորացն, և պահել հրամայեցին զմարմինս երանելեացն ցաւորստանն կամ եւս աւելի, մինչեւ կարաւանն արքունի անցեալ գնասցէ ՝ զի մի այլազենքն եկեալ բառնայցեն զոսկերս դոցա, և բաշխեալ սիւեացեն ընդ աշխարհս ամենայն, յոր և մարդիկ եւս առաւել յորդորեալ մուրիցին զկնի նաժարացւոց աղանդին :

Իսկ խուժիկն, զոր յառաջագոյն ասացաք, զինու հանդերձ մնայր անդէն ընդ պահապանան որպէս զմի

ի նոցանէ . այր լի խնաստութեամբ
 և կատարեալ աստուածային գի-
 տութեամբ , սպասէր և դէտ ակն
 ունէր՝ եթէ որով օրինակաւ հնարս
 գացէ զոսկերս սրբոցն գողանալ ՚ի
 նոցանէ :

Եւ իբրեւ աւուրք երեք անցին ՚ի
 վերայ , արհաւիրք մեծ անկանէին
 ՚ի վերայ ամենեցուն , և իբրեւ թըմբ-
 բեալ և կիսամեռք անյարիրք ան-
 կեալ դնէին զերիս աւուրն : Իսկ
 ՚ի չորրորդումն աւուրն երկուք ՚ի
 պահասականացն շարաշար լլկեցան ՚ի
 դիւէ : Դարձեալ հասարակ գիշե-
 բաւ չափ՝ ձայնք ահեղք հնչէին ,
 և թնդիւնք և որոտաձայնք ՚ի ներ-
 քուսս՝ որպէս գղրգումն գեանա-
 շարժի . երկիրն գողայր ՚ի ներքոյ
 նոցա , և շողիւնք սուսերաց փայ-
 լասակունս արձակէին շուրջ զնո-
 քօք : Եւ զամենեւեան զգիակունան
 կանգնեալ տեսանէին , և զնոյն բանս
 ատենին ահագինս բարբառէին ՚ի
 լսելիս նոցա . մինչեւ խուճապել
 նոցա ընդ միմեանս , դեռ եւս զի-
 բեարս աստակէին : Եւ այսպէս տագ-

Նապեալք և ցնորեալք, մինչև այր
զընկերի փախուառ չգիտէր ընդ որ
երթայր : Եւ եկեալ պատմէին մե-
ծաւ զարմացմամբ զամենայն անցս
չարչարանացն, զոր կրեցին :

'Ի խորհուրդ մտին նախարարքն
երեքեան, և սկսան զարմանալով
ասել ցմիմեանս . Ձինչ գործես-
ցուք, զինչ արասցուք վասն ան-
քնին աղանդոյն քրիստոնէիցն . քան
զի մինչ դեռ կենդանի էին, զարմա-
նալի էր կեանք նոցա . ընչատեացք
էին իբրեւ զանկարօտս, սրբասէրք
էին իբրեւ զանմարմինս, անաչառք
էին իբրեւ զարդարադասս, աներ-
կեւղք էին իբրեւ զանմահս : Եթէ
զայս ամենայն ասեմք իբրեւ զողի-
տաց և իբրեւ զյանդգնելոց, իսկ
զայն զի առնիցեմք, զի ցաւոտք ա-
մենայն 'ի կարաւանի ասա նոքօք
առողջանան : Եւ կամ որ մեծս է
քան զայդ ամենայն, ոյր ուրուք զի
կանդնեալ երեւեցաւ 'ի կենդանեաց
կամ բարբառ բանից ոք լուաւ 'ի
նմանէ :

Ձի սուտ չեն մեր սպասաւորքն .

մեր մեզէն իսկ հասեալ է 'ի վերայ ստուգութեան սոցա : Եւ եթէ կա մեցեալ էր սոցա մարմնաւոր ինչ ազահութիւն 'ի ներքս խառնել , սա կաւ մի ակնարկէին քրիստոնէից 'ի կարաւանիս , զկշիռ իւրաքանչիւր մարմնոցն սոցա ոսկի առնուին : Դարձեալ և արքդ , որ 'ի գիւէ շարչարեցան , զի յայնժամ ցաւոտք չէին և մէք գիտեմք . յայտ է եթէ այսօր նշանն մեծ երեւեցաւ : Եթէ լուս լինիսք , այսպէս մեզ և անձանց մերոց կասկած իսկ է . և եթէ սանիսք զգոսա առաջի թագաւորին , լսելով նորա 'ի դոցանէ զայդ ամենայն մեծամեծ սքանչելիս , գուցէ և օրինացս մերոց քակտուին ինչ հասանիցէ :

Ետ սրատասխանի մոգսեան և ասէ ցնտա . Ոչ զիս ոստիկան արարին 'ի վերայ ձեր երկոցունցդ . զի՞ այդ նեղեալ տագնապիք յանձնեա ձեր . գուք զգործ ձեր կատարեցէք , և զհրամանն արքունի 'ի գլուխ տարայք : Արդ եթէ համբաւդ այդ յայանեսցին , և հարցափորձ ինչ

լինիցին առաջի արքային , այդ խընդիր մեր մոգաց է . դուք անհոգ լեբուք , և մի ինչ ամէք զմտաւ : Եւ եթէ զարհուրեցայք ինչ յոգիս ձեր , վաղագոյն առաւօտուցն 'ի դարիւթիր եկայք . զի վաղիւ անդ մովպետան մովպետ ռատ յազէ , և նոյն հաճեալ հաւանեցուցէ զմտարս ձեր :

Իսկ Խուժիկն իբրեւ լուաւ զայս ամենայն , և գիտաց՝ եթէ փոյթ ինչ ոչ է նոցա յայնմ՝ հետէ սուրբ սպանելոցն , փութացաւ վաղվաղակի էւ առ տասն այր , որոց զչափ գիտէր զքրիստոնէութեանն , և հասեալ 'ի տեղին՝ շէն եգիտ զամենեսեան : Եւ քանզի կասկած ունէր տակաւին 'ի նոցուն 'ի դահճացն , դարձեալ փոխեցին անտի զսուրբան յայլ տեղի բացագոյն իբրեւ երկու հրառ խօք : Եւ իբրեւ յանհոգս եղեն , սրբեցին կազմեցին զոսկերս երանելեացն . բերին 'ի բանակն և ունէին 'ի ծածուկ . և առ սակաւ սակաւ յայտնեցին նախ զօրականին Հայոց , և սպա բազում քրիստոնէիցն՝ որ

Ը
 էին 'ի կարաւանին : Եւ զառաջի
 պտուղ ընծային մատուցանէին կա-
 պեալ նախարարացն . և անդէն վաղ-
 վաղակի արձակեցան նոքա 'ի կա-
 պանաց իւրեանց , և սպառնալիք
 մահուանն անցին զնոքօք . և հրօ-
 վարտակք թողութեան առաքեցան
 յաշխարհն Հայոց :

Արդ այս երանելի Խուժիկս , որ
 արժանի եղև 'ի ծածուկ սպասա-
 ւոր լինել սրբոցն , որ ինչ 'ի մա-
 հուանէն և այսր ասացաւ դատա-
 կնիք վճռիս այսօրիկ , սա երկրոր-
 դեաց մեզ զամենայն կարգաւ . զչա-
 րաչար քարշումն , և զհարց և ըզ-
 փորձ դատաւորացն , և զիւրաքան-
 չիւր անձանց սրբոցն զսպասախա-
 նիան , և զկատարումն մահուան նո-
 ցա , և զահագին արհաւիրան՝ որ
 'ի վերայ սահապանայն անկաւ , և
 զհեծեծումն քննութեան նախա-
 րարացն երեցունց , և զամփոփումն
 սուրբ ոսկերաց նոցա , ոչ խառն 'ի
 խուռն 'ի մի վայր ժողովելով , այլ
 զմի մի 'ի նոցանէ ուրոյն ուրոյն 'ի
 վեց տասրանս ժողովէր , և զանուա-

Նրա իւրաքանչիւր ուսեալ և 'ի վե-
րայ տապանացն նշանակեալ էր: Եւ
ղկապանան երկաթիս ընդ իւրաքան-
չիւր ոսկերան եղեալ էր, քանզի
դահճացն 'ի բաց ընկեցեալ էր, որ
սէս և զհանդերձս զիւրաքանչիւր
տապանակի նշանակեալ էր:

Եւ կատարեցան սոքա վեցեքեան
սուրբ և ցանկալի մահուամբն իւ-
րեանց որ օր քսան և հինգ էր հրօ-
տից ամսոյ, 'ի մեծ անապատին յԱպր
աշխարհի 'ի սահմանս Նիւշապուհ
քաղաքի:

Դարձեալ լասն խոստովանող աշակեր-
 փաց նոցունց :

ԻՍԿ աշակերտք երանելեացն 'ի
 կապանս կային 'ի ներքս 'ի քաղա-
 քին . եկն դահճապետ մի արքունի
 և եհան զնոսա 'ի քաղաքէ անախ
 արտաքս :

Եհան 'ի նմին քաղաքէ ասորես-
 տանեայս քրիստոնեայս արս հինգ ,
 քանզի և նոքա 'ի կապանս էին վասն
 անուանն Քրիստոսի . եհարց ցնո-
 սա բանիւք , և ոչ հաւանեցան եր-
 կիր պաղանել արեգական : Չարչա-
 րեաց զնոսա դանիւ , և նոքա եւս
 առաւել 'ի նոյն միտս պնդեցան .
 կարեաց զնոցա ունչս և զական-
 ջըս , և ետ տանել յասորեստան ,
 զի կայցեն 'ի մշակութեան արքու-
 նի : Երթային մեծաւ յօժարու-
 թեամբ , իբրեւ այն՝ թէ մեծ պար-
 դեւս գտեալ 'ի թագաւորէն :

Արդ եկն դարձեալ նոյն դահճա-
 պետն առ աշակերտս սուրբ սպա-
 նելոցն , ընարեաց երկուս 'ի նոցա-

նէ՝ որ համեատագոյնքն էին, առեալ մեկուսի յայլոցն և ասէ ցնտա .
 Ձի՞նչ անուանք են ձեր : Ետ պատասխանի մինն և ասէ . Առ ՚ի ծնօղաց ինձ Խորէն, և դմա Աբրահամ . Իսկ ըստ շնորհատուր կարգիս՝ ծառայք Քրիստոսի եմք, և աշակերտք երանելեացն՝ զոր սպանէք :

Ետ պատասխանի դահճապետն և ասէ ցնտա . Իսկ արդ զի՞նչ գործ է ձեր, և կամ բնաւ ո՞յր իսկ ամեալ է զձեզ այսր : Առ այս ետ պատասխանի Աբրահամ և ասէ ցնտա . Ձայդ ձեզ ՚ի վարդապետաց մերոց արժան էր ուսանել . զի ոչ գուզ նաքեայք որ էին նոքա, այլ ունէին ստացուածս հայրենիս ըստ արժան քաւականին, ըստ նմին և սպասաւորս, էր որ իբրեւ զմեզ, և էր որ լաւագոյն քան զմեզ . որոց անուցեալ և ուսուցեալն էր, ընդ նոսա եմք եկեալ : Քանզի և պատուէր իսկ ունիմք յաստուածատուր օրի նացն մերոց՝ սիրել զնոսա իբրեւ ըզսուրք ծնօղս, և սպաս տանել նոցա իբրեւ հողեւոր տերանց :

Յասեաւ դահճապեանն և ասէ .
 Իբրեւ զանխրատ և զաներկեւղ ըս-
 տամբակս խօսիս : Մինչդեռ 'ի խա-
 զաղութեան և յաշխարհի էիք , բա-
 ըիոք էր . յորժամ գրուահ եղեն
 նոքա յիրս արքունի և մահապարտ
 գտան ըստ գործոց իւրեանց , ձեզ
 չէր արժանի ամենեւին մօտ երթալ
 առ նոսա : Ոչ տեսանէք 'ի մեծ կա-
 ըաւանիս , յորժամ ոք 'ի սրատուա-
 ւորացն 'ի դիպահւոյն արքունի լի-
 նիցի , սգոյ հանդերձ ագանի , և
 զատեալ և որոշեալ 'ի բացէ նստի
 միայնիկ , և ամենեւին հուպ ոչ ոք
 իշխէ երթալ առ նոսա : Եւ դու
 այդպէս իբրեւ զանյանցի աշակերտ
 պարծելով խօսիս :

Առ այս ետ սրատասխանի Խորէն
 և ասէ . Ոչ ձեր կարգդ անիրաւ է
 և ոչ մերս ստութեամբ . նախարարն
 յանցաւոր՝ ուստի զպարգեւն գը-
 տեալ էր , այնպէս սարս էր նմա
 հարտակ լինել , զի 'ի սրատուոյն վե-
 ըայ և այլ եւս սարգեւս մեծամե-
 ծրս գտանէր 'ի նմանէ : Արդ փա-
 խանակ զի զայն չարար , ձախողակի

յետա ընդդէմքն սրատահեաց նմա :
 Եւ մեր վարդապետքն եթէ առ Աս-
 տուած յանցուցեալ էին, և կամ
 առ թագաւորն մեղուցեալ ինչ էին,
 նոյն օրինակ և մէք առ նոսա առ-
 նէաք . ոչ յաշխարհի մօտ երթայաք,
 և ոչ ՚ի տար աշխարհ այսր զհետ
 նոցա դնայաք : Արդ քանզի առ եր-
 կոսին կողմանն արդարութեամբ
 կեցեալ են, և դուք զուր տարաւ
 սրարտուց սարանէք զնոսա, մէք արդ-
 եւս առաւել սպասաւորեմք սուրբ
 օսկերաց նոցա :

Ահէ ցնոսա դահճապետն . Ես
 յառաջագոյն խկ ասացի, եթէ կա-
 ըրի ստամբակ ոմն ես դու . ահա յայտ
 եղեւ աւագիկ, եթէ յամենայն զնաս
 նոցա խառն էք դուք : Աբրահամ
 ասէ . Յո՞ր զնաս : Դահճապետն ա-
 սէ . Առաջին ՚ի մահ մողուցն, ա-
 սա և յայլն ամենայն : Աբրահամ
 ասէ . Այդ ոչ միայն ՚ի մէնջ է,
 այլ ըստ կարգի և ձերոց օրինացդ .
 թագաւորք ձեզ տան հրաման, և
 դուք ՚ի ձեռն ձերոց սպասաւորացդ
 գործէք :

Դահճապետան ասէ . 'Ի Միհր սաւ
տուած երգուեալ է իմ , խատագոյն
եւս խօսիս քան զվարդապետան քո .
յայտ է եթէ փնասակարագոյնք եւս
էք դուք : Արդ ոչ է հնար ձեզ
ապրել 'ի մահուանէ , բայց եթէ
երկիր սրագանիցէք արեգական , և
կատարիցէք զկամս օրինաց մերոց :

Խորէն ասէ . Յայժմ իբրեւ ըզ-
մարդ չարախօսէիր , և արդ իբրեւ
զշուն անախտան ընդ վայր հաչես :
Եթէ գոյր արեգական ականջք ,
դու տայիր նմա թշնամանս դնել-
արդ նա բնութեամբ անզգայ է ,
և դու չարութեամբ անզգայագոյն
քան զնա : Յիմ տեսեր զմեզ սա-
կատագոյն քան զհարսն մեր . մի բա-
նիւք զփորձ առնուլ կամիս զմեր ,
այլ հանդէս արա քում չարու-
թեանդ և մերում բարութեանս ,
և ամաչեցեալ գտանի հայրն քո սա-
տանայ , ոչ միայն 'ի մէնջ՝ որ կա-
տարելագոյնքս եմք , այլ և որ կարի
փոքրիկն թուի քեզ , նա գիցէ վերս
սասափիս յողիս և մարմինս քո :

Զայս իբրեւ լուաւ դահճապետն ,

սրամատեալ բարկացաւ 'ի վերայ նոցա : Եւ քարշէլ չարագոյն քան զառաջինն . և այնչափ սաստիկ քար շեցին , մինչեւ բազմաց կարծիք եղեն՝ Թէ մեռան : Իսկ իբրեւ ժամք երեք 'ի վերայ անցին , դարձեալ խօսել սկսան երկոքեանն և ասեն . Փոքր համարիմք զանարգանս զայս և առ ոչինչ զցաւս մարմնոյս առ մեծ սէրն Աստուծոյ , որով կատարեցան հարքն մեր հոգեւորք : Հասրա մի՛ դար և մի՛ դադարեր , այլ զոր ինչ առ նոսայն արարեր , զնոյն և առ մեզ կատարեա : Եւ Թէ չարագոյն Թուին քեզ գործքն նոցա , կրկին և զմերս համարեսցիր . զի նաքա բանիւք հրամայէին , և մէք գործովք զարդիւնն կատարէաք :

Յայնժամ եւս առաւել զայրագնեցաւ 'ի վերայ նոցա , և հրամայեաց զմահու գան հարկանել : Եւ առ մի մի 'ի նոցանէ փոխեցաւ վեց վեց այր 'ի դահճացն : Եւ մինչ դեռ կիսամեռք յերկիր անկեալ գնէին , հրամայեաց զերկոցունց ահանջս մօտ կարել : Եւ այնպէս բրեցին ,

Ը որպէս թէ չիցէ լեալ 'ի տեղւոջն :

Զարթեան որպէս 'ի քնոյ 'ի սառ
տիկ հարուածոցն , սկսան աղաչե-
լով սրազատանս մատուցանել , և ա-
սեն . Աղաչեմք զքեզ , քաջ զինուոր
Թագաւորին , կամ կատարեա ըզ-
մեզ իբրեւ զհարսն մեր մահուամբ ,
և կամ արա զսրատուհասդ ըստ օ-
րինակի վերջնոցս : Զի ահա լսելիք
մեր առողջացան զանախտաւորու-
թիւն երկնաւոր , իսկ հոտոտելիքս
դեռ եւս աստէն 'ի տեղւոջ կան
յանցս չարչարանաց . մի՛ կիսաալար
դեւ առներ զմեզ յերկնից բարու-
թենէն : Սրբեցեր զմարմինս մեր
քարչելով և զլսելիս մեր կտրելով ,
սրբեա և զընդունս մեր հատանե-
լով . քանզի որչափ տգեղս առնես
զմեզ երկրաւորաւս , գեղեցկագոյնս
առնես զմեզ երկնաւորաւն :

Ետ սրատասխանի հեզութեամբ
դահճապեան և ստէ . Եթէ և այլ
յամեմ ես առ ձեզ մօտ կալով , կար-
ծեմ՝ եթէ և աշակերտէք զիս 'ի ձեր
յամառութիւնդ : Զի ահա արդ
և զխորհուրդս արքունի 'ի վեր հա

նեմ ձեզ : Յայդ վայր եղև հրաման պատուհասիդ ձերոյ , և 'ի վերայ դորին պատուհասի՝ երթալ ձեզ յասորեատան , և լինել ձեզ մշակ յարքունիս . զի որ ընդ ձեզ հայեացի , մի 'ի դմին յամառութեան պնդեացի ընդդէմ հրամանաց թագաւորին :

Ասն ցնա երանելիքն . Դու զմեր երկիրս կխաագործ թողեր . մէք յարքունի երկիրն կէս մարմնովք մերովք ոչ վատասկեմք : Իբրև զայս լուաւ դահճապեան , աղաչեաց զզինուորսն՝ որ տանէին զնոսա , և ասէ . Միայն աստի դուք առէք գնացէք , և հասեալ յասորեատան՝ ուր կամ իւրեանց է և շքեացին :

Այս են հայոց խոստովանողք , որ զխեղութիւնն և զչարչարանան խնդութեամբ ընկալան յանձինս իւրեանց : Եւ վասն զի վրիպեցին 'ի սուրբ մահուանէն , սգով և արամութեամբ երթային զերկայնութիւն ճանապարհին : Ոչ ծանր թուէին նոցա կասկանք ոտիցն և ձեռացն , իբրև զայն՝ թէ ընդէր ոչ եղաք ար

Ը
Ժանի հաւատարեւ ընդ քաջ նահա-
տական :

Եւ իբրեւ տարան հասուցին զնո-
սա յերկիրն բաբելացոց, 'ի գաւառ
մի զոր Շահուղն անուանեն, [Թէ-
պէս և էին յարքունի պատուհա-
սին, սակայն և յայտ և գաղտ մե-
ծապէս ընկալեալ եղեն 'ի բնակչաց
աշխարհին : Սակայն երանելիքն և
յայնմ յոյժ արամագին էին, իբր
այն՝ ե[թէ տակաւ վաստակեցաք և
մեծապէս հանդիսք, և հանապաղ
'ի նմին զզման կային :

Եւ անդէն [Թեւակոխէին տեսա-
նել զսուրբ կապանան նախարարա-
ցին, լինել սպասաւոր մարմաւոր
պխտոյից նոցա : Իմացուցին զայս մե-
ծամեծաց աշխարհին, որք էին 'ի
նմին սուրբ ուխտի քրիստոնէու-
[Թեանն : Եւ հաւանեալ ամենեցուն
մեծամեծաց և փոքունց՝ ազգ առ-
նել ամենայն երկրին, զի հաճոյ
[Թուեսցի ամենեցուն՝ 'ի ձեռն մար-
մաւոր պխտոյիցն կշորդ լինել սուրբ
կապելոյն 'ի հեռաւոր օտարու-
[Թեանն :

Եւ այսպէս ամ յամէ ժողովէին ըստ իւրաքանչիւր կարի մարդկանն, ոմն սակաւ և ոմն շատ, ոյր զինչ և 'ի ձեռս սլափափափութիւն լինէր, եթէ դրամոց և եթէ դահեկանաց, ժողովէին կազմէին տային յերանել լինն՝ տանել նոցա : Եւ այսպէս յարքանեկութեան կային, մինչեւ տասն ամն լցաւ սպասաւորութեանն :

Եւ վասն զի յոյժ խառափոյնս պահէին 'ի ջերմոջ աշխարհին, և անդադար էին 'ի ճանապարհորդութեանն ընդ նոյն Շահուղ, ընդ Մեշոյն և ընդ Քաշկար և ընդ ամենայն ասորեստան և խուժաստան, սաստիկ տապով հարեալ 'ի խորշակէ մեռանէր սուրբն Խորէն, և աւանդեալ լինէր 'ի բնակչաց աշխարհին ընդ սուրբ վկայան :

Իսկ երանելին Աբրահամ կայր 'ի նմին առաքինութեան անդադար և զամենայն տուրս հաւատացելոցն չըջէր ժողովէր և տանէր 'ի մեծ հեռաստանն, և ինքն մատակարարէր ըստ իւրաքանչիւր կարօտութեան :

Ը
 Եւ այնպէս յերկարեցաւ մինչեւ
 յերկոտասաներորդ ամնս պատժա-
 ւորացն, մինչեւ աղաչել զնա միա-
 բան ամենեցուն, զի հաւանեցի եր-
 թալ յաշխարհն հայոց. զի ընդ
 մտանել նորա առ նոսա, ՚ի նմա
 տեսցեն և զքաջ նահատակն՝ որք
 կատարեցան սրով, ՚ի նմա տեսցեն
 և զսուրբ կապանս շարշարանացն :

Եւ յորժամ մարտիրոսք և խոս-
 տովանողք և կասեալք նովաւ տե-
 սանին, նովաւ օրհնի աշխարհն ա-
 մենայն, նովաւ օրհնին և սղայք
 նոցա յաճումն, նովաւ զդաստա-
 նան երկասասարգք նոցա ՚ի սրբու-
 թիւն, նովաւ համեստանան ծերք
 նոցա յիմաստութիւն : Նովաւ ու-
 սանին իշխանք նոցա զմարդասիրու-
 թիւն, նովաւ անկանի գութ յԱւ-
 սուծոյ ՚ի սիրտս թագաւորին՝ շի-
 նել և խաղաղութիւն առնել բոլոր
 աշխարհին : Նովաւ եկեղեցիքն պար-
 ծին իբրեւ քաջ և կատարեալ զի-
 նուոր, նովաւ վկայարանքն զարդա-
 րին, նովաւ և վկայքն ցնծացեալ
 բերկրին : Նովաւ և դաշուն Աւա-

բայրի պայծառացեալ ծաղկալից լինի, ոչ յանձրեւաբեր ամպոց, այլ 'ի սուրբ և յարիւնաբուխ վկայից ցանեալ և ցրուեալք սպիտակութիւնք սուրբ օսկերացն: Յորժամ կօխեսցեն ամենավաստակ ոտք խոստովանողին զլայնատարած տեղիս պատերազմին, յորժամ կենդանի մարտիրոս ընդ նա շրջեսցի, կենդանի առ կենդանիս երթեալ՝ ամենայն աշխարհին կրկին լինի կենդանութիւնն:

Գիտեմք, ասեն, յորժամ տեսցեն զսա ամենայն միայնակեացք աշխարհին հայոց, սովաւ յիշեսցեն զհոգեւոր գունդս պատերազմողացն, որ փոխանակ մեր, ասեն, ետուն զանձինս 'ի մահ, և հեղին զարիւնս իւրեանց 'ի հաշտութիւն պատարագ Աստուծոյ: Սովաւ յիշին սուրբ քահանայքն, որք խողխողեցան յօտարութեանս և ցածուցին զսրամտութիւն բարկութեան թագաւորին: Սովաւ թերեւս զի զմեր կապանս յիշեսցեն, և աղօթս առնելով խնդրեսցեն յԱստուծոյ,

Ը
 զի գերեզարձ լիցի մեզ անգրէն 'ի
 հայրենի երկիրն մեր :

Քանզի յոյժ անձկացեալ եմք՝
 ոչ միայն ըստ մարմնոյ կարօտու-
 թեան , այլ առաւել տեսանել ըզ-
 սուրբ եկեղեցիան մեր և զսրբասէր
 պաշտօնեայան մեր , զոր 'ի նմա կար
 գեալ հաստատեցաք : Եւ եթէ միւ-
 սովս յաջողեացէ մեզ Աստուած եր-
 թալ և ընուլ զկարօտութիւն մնա-
 ցելոցն , գիտեմք զի և մեզ բանայ
 Աստուած զգուռն ողորմութեան
 իւրոյ՝ ընդ նոյն ճանապարհ երթալ ,
 ընդ որ ոտք սրբոյս կարապետն :

Զայս խորհուրդ խորհելով ա-
 տուածաշնորհ նախարարացն , մե-
 ծաւ թախանձանօք ամէին զխոս-
 տովանողն 'ի հաւանութիւն : Եւ
 վասն զի ոչ էր սովորութիւն երբէք
 բարւոյն ընդդէմ դառնալ , ըստ ա-
 ռաջին սովորութեան և յայսմ վայ-
 ըի փութացաւ վաղվաղակի կատա-
 ըիլ զհրամանն զմիաբան հաւանե-
 ցելոցն յաստուածային առաքինու-
 թիւնն : Եկն եմուտ յաշխարհն
 հայոց :

Փութացան և ելին ընդ առաջ նորա վաղվաղակի արք և կանայք, մեծամեծք և փոքունք, և ամենայն բազմութիւն ազատաց և շինականաց : Անկանէին և փարէին զոտիւք և զձեռօք առաջի սրբոյն և ասէին . Օրհնեալ Տէր Աստուած 'ի բարձունս, որ առաքեաց մեզ հրեշտակ յերկնից՝ բերել մեզ աւետիս յարութեան, զի լինիցիմք ժառանգք արքայութեան : Զի ասա 'ի քեզ կերպարանեալ տեսանեմք զամենեսեան զհրաժարեալն յուսով յարութեամբ, և զկապեալն ակնկալութեամբ արձակելով : 'ի քեզ տեսանեմք և զաշխարհին շինութիւն խաղաղութեան, քեւ եկեղեցիքն մեր ցնծացեալ բերկրին, և քեւ սուրբ վկայքն մեր անդադար լիցին մեզ 'ի բարեխօսութիւն առ Աստուած : Օրհնեա զմեզ, սուրբ հայր մեր, դուես բերան հանգուցելոցն, խօսեաց ընդ մեզ յայանի օրհնութեամբ, զի յողիս մեր լուիցուք 'ի ծածուկ զօրհնութիւնս սրբոցն :

Հորդեցեր ճանասպարհ այնոցիկ՝

որ անձկացեալ էին գալ յերկիր իւրեանց, ինդրեա յԱստուծոյ՝ զի ստէալ եկեացեն զհետ սուրբ կարապետիդ : Եւ որպէս հորդեցեր զարգելեալ ճանապարհ երկրի, բաց և յերկինս զդուռն աղօթից մերոց, զի և մեր մեղաւորաց մտցեն պաղատանք առաջի Աստուծոյ՝ ի բարեխօսութիւն նոցին կապելոց, և մինչ գեռ եմք յեւանելի մարմինս, որպէս տեսաք զքո երանելի սրբութիւնդ, տեսցուք և զսիրելի անձկալիան մեր, որ ՚ի բազում ժամանակաց հարեալ և պաշարեալ եմք յոգիս և մարմինս մեր : Արդ հաւատամք յանուտ յոյսն, զի որպէս լլեալ կատարեցաւ ՚ի քեզ տեսիլս ՚ի սուրբ սէր քո, այսպէս և ընդ մօտոյ ունիմք տեսանել զճշմարիտ վկայսն Քրիստոսի, որ հանապազ խանդակաթ եմք ՚ի տեսիլս երկնաւոր գեղոյ նոցա :

Բայց երանելի խոստովանողն, թէպէտ և այսպէս սիրով ընկալեալ եղեւ յամենայն աշխարհէն, ոչ ինչ կամեցաւ ամենեւին մերձենալ առ դք ըստ մարմնոյ կարօտութեան .

այլ ընտրեաց իւր անդի մի զատ յա-
մենայն բազմամբոխ ժողովոցոց, և
առաքինի եղբարքք երիւք կատա-
րեաց զկեանս իւր մեծաւ ճգնու-
թեամբ :

Չոր եթէ կամիցի ոք 'ի կարգ-
արկանեւ, դժուարաւ կարասցէ ա-
սել զվարս առաքինութեան նորա :
Չի եթէ զտքնութիւնն ստիցես,
իբրեւ զկանթեղ անշէջ կայր զա-
մենայն գիշերս, և եթէ զսահաւա-
պիտութիւնս կերակրոցն, համա-
րեաց՝ եթէ զանկերակուր հրեշտա-
կացն բերէր զնմանութիւնն : Եթէ
զհեղութիւն ցածութեանն կամի-
ցիս ասել, ոչ զոք 'ի կենդանեաց կա-
րիցես դտանել նման նմա, և եթէ
զանընչասիրութիւնն կամիցիս ա-
սել, դարձեալ զոր օրինակ չարտրի-
մեռեալ 'ի կարասի, զնոյն օրինակ
ճշմարտութեամբ և առ երանելին
խմայլիր :

Այսպակեան ձայնիւ հանապա-
զորդեալ էր 'ի սբաշտաման, և ան-
հաս աղօթիւք միշտ ընդ Աստուծոյ
'ի բարձունս խօսէր : Աղ եղև նա

անհամեղոց, և խթան ընդոստուցիչ ամենայն հեղգացելոց: Գարս վեցաւ նովաւ ագահութիւն, և կարի յոյժ ամաչեաց նովաւ շուայտութիւն որկորամոլութեան: Առողջութիւն եղեւ նա աշխարհիա Հայոց, և բազում վերաւորք ՚ի ծածուկ նովաւ գտին զառողջութիւն: Եղեւ նա վարդապետ կատարեալ վարդապետաց իւրոց, և սուրբ հայր խրատաւ հարանց իւրոց: ՚Ի լուր համբաւոյ նորա խմասանացան տրգէտք, և ՚ի տեսիլ մերձաւորութեան նորա զգաստացան լիալք: Բնակեալ էր ըստ մարմնոյ ՚ի նեղ խցկանն, և ահ սրբութեան նորա արկեալ էր զհեռաւորք և զմերձաւորք: Չարհուրեցան դեւք և փախեան ՚ի նմանէ, իջին հրեշտակք և բանակեալ էին զնովաւ:

Յոյնք երանի ետուն վասն նորա աշխարհին Հայոց, և բազում բարբարոսք փութացան տեսանել զնա մարմնով: Սիրելի եղեւ նա սիրելեացն Աստուծոյ, և զբազումս ՚ի թշնամեաց ճշմարտութեանն աժ ՚ի

Հաւանութիւն սուրբ սիրոյ: Սկիզբն
 արար առաքինութեանն անդասին
 'ի տղայ տիոց իւրոց, և նովին առա-
 քինութեամբ կատարեցաւ 'ի վախ
 Տան կենաց իւրոց: Որպէս ոչ խառ-
 նեցաւ 'ի կարգս սուրբ ամուսնու-
 թեան աշխարհիս, այսպէս շեմուտ
 ընդ մարմնաւոր պիտոյիւք ամենայն
 ապականացու իրաց աշխարհիս: Եւ
 եթէ պարտ է պարզաբար ասել,
 որպէս փոխանակեաց զպէտս մար-
 մնոյ ընդ պիտանացու հոգեւոր ի-
 ռաց, այսպէս փոխադրեալ եղև
 յերկրէ 'ի յերկինս:

Անուանեալ նախարարացն, որոք խաճոք յը
 ծարուսեալք լսան սիրոյն Քրիստոսի
 էրոսն զանձինս 'ի խաղանս արտունի :

ՅԱԶԳԻՆ Սիւնեաց երկու եղ
 բարք Բարգէն և Բակուր, յազ
 գէն արծրունեաց Ներշապուհ և
 Շաւասպ և Շնգին և Մեհրուժան
 և Պարգեւ և Տաճատ, յազգէն
 մամիկոնեկից Համազասպեան և Հա
 մազասպ և Արուսազգ և Մուշեղ,
 յազգէն կամասարականաց Արշաւիր
 և Թաթուլ, Վարձ, Ներսէհ և
 Աշոտ, յազգէն ամատունեաց Վա
 հան և Առանձար և Առնակ, յազ
 գէն գնունեաց Ատոմ, յազգէն գիւ
 մաքսենից Թաթուլ և Սատոյ, և
 երկու եւս այլովք ընկերօք, յազ
 գէն անձեւացեաց Շմաւոն և Զուա
 բէն և Առաւան, յազգէն առաւե
 ղինից Փապակ և Վարազգէն և
 Դաղ, յարծրունեաց տոհմէն Ա
 սրրասամ, 'ի տոհմէն մանդակու
 նեաց Սահակ և Փարաման, յազ

դէն տաշտացեաց Արէն, յուստ
նեան տանէն Բաբել և Յուսնան :

Այս երեսուն և հինգ արք, են
որ յաւագ նախարարացն, և են որ
'ի կրտերագունիցն, սակայն ամենե-
քեան ըստ մարմնոյ են նախարարա-
զունք, իսկ ըստ հոգեւոր առաքի-
նութեանն ամենեքեան երկնային
քաղաքացիք : Եւ բազում եւս այլ
ազատ մարդիկ, են որ յարքունի
տանէ, և են որ 'ի տանէ նախարա-
րացն իսկ նոցուն, նիղակակիցք և
մարտակիցք քաջ նահատակացն :
Եւ ամենեքին սոքա կամօք մատնե-
ցան 'ի սուրբ կասրանս չարչարա-
նացն :

Այլ մէք առ այժմ ոչ ընդ այս
եմք զարմացեալ միայն, զի կամօք
չոգան մտին 'ի փորձութիւնն, այլ
առաւել ընդ այն եմք սքանչացեալ,
զի մարդիկ փափուկ իբրեւ զնոսա՝
ընդարձակասուն բնակիչք ձիւնե-
դէն լերանց՝ եղէն բնակիչք խորշա-
կաբեր դաշտաց : Ար զօրէն ազատ
էրէոյ շըլէին 'ի մէջ ծաղկաբեր լե-
րանց, ընկեցան 'ի բոցակէզ աշ-

խարհն արեւելից կապեալ սափւք
 և կապեալ ձեռօք : Հաց նեղու-
 թեան և ջուր կարօտանաց, խաւար
 արգել 'ի սուէ և անլոյս 'ի գիշե-
 ըի, անվերարկուք և անանկողինք,
 գազանարար գեանախշափք լինէին
 զինն ամ և զվեց ամիս : Եւ այնպէս
 մեծաւ խնդու թեամբ տանէին զնե-
 ղու թիւնն, զի ամենեւին ոչ ոք տրբ
 աունջ հայհոյութեան 'ի բերանոյ
 նոցա լուաւ, այլ յորդառաս գո-
 հացողութիւն ըստ նմանութեան
 բարեկեցիկ մարդկան, որ են յա-
 տուածագաշտութեան :

Եւ մինչ դեռ էին յայնպիսի նե-
 ղութեան, կարծիք եղէն 'ի միտս
 թաղաւորին՝ թէ առ յոյժ վշտին
 ձանձրացեալ են դառնութեան կե-
 նօքն իւրեանց : Յղեաց առ նոսա
 զմեծ հազարապեան և սակ . Գո-
 նեայ յայտ հեակ զգաստացայք
 յանձինս ձեր, և մի կայք 'ի նոյն
 յամառութեան . երկիր պագէք ա-
 րեգական, և արձակիք 'ի չարաչար
 կապանացդ, և ունիք անդրէն զիւ-
 ըաբանչիւր հայրենի կեանս ձեր :

Ետուն պատասխանի երանելիքն
 և ասեն . Առ փորձ ինչ եկեալ հար-
 ցանես ցմեզ , եթէ արդարեւ թա-
 դաւորն իսկ յլեաց զքեզ : Եր-
 դուաւ հաղարապետն և ասէ . Չիք
 այդր բան աւելի կամ պակաս՝ որ
 ոչ ՚ի բերանոյ նորա ելեալ է : Ասեն
 ցնա անդրէն . Որք միանգամ աշա-
 կերտեալ են ճշմարտութեանն , ոչ
 երբէք փոխին ՚ի նմանէ . այլ որ ենն՝
 նոյն կան : Միթէ յայնժամ առ չի
 մանաղ ինչ սնդեցաք , և այսօր նե-
 դութիւնս իմաստնացոյց ինչ զմեզ .
 այլ ոչ այնպէս : Այլ զզջումն մտաց
 մերոց այս է , եթէ ընդէր ընդ առա-
 ջինան չկատարեցաք զկեանս մեր :
 Բայց արդ ազաչեմք զքեզ և քեւ-
 զթագաւորն ձեր , մի՛ այլ վասն այդ-
 պիսի իրաց հարցանէք ցմեզ , այլ
 զինչ եղեալ է ՚ի մաթի ձերում վասն
 մեր՝ կատարեցէք :

Իբրեւ լուա զայս մեծ հաղարա-
 պետն , յոյժ գոլեաց ՚ի միտս իւր
 զսնդութիւն հաստատութեան նո-
 ցա . և յայնմ հետէ սկսաւ արկա-
 նել սէր ընդ նոսա՝ իբրեւ ընդ սի-

րելիս Աստուծոյ : Եւ բազում բա-
նիւք ողորանօք ամէր զԹագաւորն
'ի հաւանութիւն , զի Թողութիւն
արասցէ նոցա 'ի կասկանացն իւ-
րեանց : Զի Թէպէտ և փոխեցաւ
նա 'ի գործոյ հազարապետութեանն
արքունի , և 'ի բազում իրա գտաւ
մնասակար , ինքն իսկ յանձն իւր
կրթէր զաւեր աշխարհին Հայոց ,
վասն որոյ և մեծաւ անարգանօք
յուզարկեցաւ 'ի տունն իւր , սակայն
զկասկեւոցն ոչ երբէք չարախօս կա-
մէր լինել մինչեւ ցօր վախճանի կե-
նաց իւրոց :

Իսկ յերանեւելացն բազումք , 'ի նո-
ցանէ՝ որ մանկագոյնքն էին , ուսան
զգալրութիւն հայրենի աշխարհին
իւրեանց , և եղև նոցա այն կերաւ
կուր հօգեւոր , որով զանձինս քա-
ղալերէին և զընկերան միտիԹարէին :
Եւ այնպէս զմայլեցան 'ի միտս և
յողիս իւրեանց , զի և որ ծերա-
գոյնքն էին 'ի նոցանէ , փափկացան
մատաղացան մանկացան : Զի Թէ-
պէտ և զալրութեան Ժամանակքն
անցեալ էին , սակայն բազում սաղ-

մասս 'ի բերանս առեալ՝ հոգեւոր երգակից լինելին մատապէրամբ բազմութեան մանկաւոյն :

Եւ այնպէս բարձրացուցանելին զսաղաօսն սրբութեան, մինչեւ ոմանք 'ի դառն գահճացն, մեծապէս քաղցրութիւն անկանէր ընդ ըսելիս նոցա, և որչափ 'ի ձեռս իւրեանց էր՝ արտաքոյ արքունի հրամանին զիւրութիւն առնելին նոցա, և սէր խնամոյ ունէին առ ամենեւեան, և բազում անգամ զմարմնաւոր պէտս նոցա ընուին նոքա : Մանաւանդ զինչանք եւս բժշկութեան յԱստուծոյ յաջողեալ լինէր 'ի ձեռս նոցա . որպէս զի բազումք 'ի դիւահարաց սրբեցան 'ի նմին քաղաքի՝ ուր կապեալքն կային : Իբրեւ ոչ որ գոյր առ նոսա քահանայ, դիմէին առ նոսա հիւանդք և ախտաժետք քաղաքին, և ընդունելին 'ի նոցանէ զիւրաքանչիւր ցաւոց զառողջութիւն :

Նա և որ մեծ իշխանն էր աշխարհին, զոր և հարեւ Շղոմշասուհ առ նուանելին, և նմա խակ յանձն էին ամենայն սրտաժաւորքն, մեծապէս

գութ սիրոյ էարկ առ ամենեւեան :
 Զձերս 'ի նոցանէ առ հարս ունէր,
 և զմանկագոյնս 'ի նոցանէ իբրեւ
 զսիրելի որդիս գգուէր : Բազում
 անգամ գրեաց և եցոյց յարքունիս
 զվիշտս նեղութեան կասկեւոցն , և
 զսոսն առն իւրաքանչիւր զբարս ազ-
 նուականութեանն ցուցանէր նո-
 ցա . առաջի մեծամեծացն տառա-
 պէր , ջանայր ազգի ազգի հնարիւք ,
 մինչեւ բազում բարեխօսիւք ածին
 'ի հաւանս զթագաւորն : Հրամայ-
 եաց լուծանել զկասարանս նոցա , և
 բառնալ 'ի նոցանէ զսուգ պատու-
 հասին , և ազանել նոցա հանդերձ
 զօրէն նախարարութեանն . կար-
 դեաց նոցա ռոճիկ , և զպատրաս-
 տութիւն սպառազինութեանն հրաշ-
 մայեաց յարքունուս : Գրեաց և
 յանձն արար մեծ սպարապետն ,
 զի ընդ զօրս արքունի երթիցեն 'ի
 գործ պատերազմի :

Եւ իբրեւ այս այսպէս կարգե-
 ցաւ , և կազմեցաւ նոր հրամանս թա-
 գաւորին , 'ի բազում տեղիս՝ ուր և
 հասին՝ առաւելաւ դտան 'ի գործ

արութեան, մինչեւ դուլութեան
հրովարտակ վասն նոցա 'ի դուռն
տային: Որպէս զի քաղցրացաւ իսկ
մտաց թագաւորին, հրամայեաց զա
մենեւեան ածել զառաջեաւ: Եկին
և յանդիման եղեն Յազկերտի ար-
քայից արքային: Ետևս զնոսա զը-
ւարթութեամբ, խօսեցաւ ընդ նո-
սա բանիւք խաղաղութեամբ, և
խոստացաւ տալ նոցա զիւրաքան-
չիւր իշխանութիւն ըստ կարգի հայ-
րենի պատուոցն, և արձակել զնո-
սա յաշխարհն օրինօք քրիստոնէու-
թեանն, յորոյ վերայ և մեծապէս
էին շարչարեալ:

Եւ մինչ դեռ անդէն մեծաւ խրն
դութեամբ շրջէին 'ի կարաւանին
առաջի թագաւորին, 'ի նմին Տա-
մանակի հասանէր վախճան կենաց
Թագաւորին՝ յինն և 'ի տասներորդ
ամի թագաւորութեանն իւրոյ: Եւ
ընդ հակառակս ելեալ երկու որդիք
նորա 'ի վերայ աերութեանն կը-
ռուէին. սաստկանայր դործ դառ-
նութեան պատերազմին զերկուս
ամս:

Եւ մինչ գեռ նորա յայնմ խռ
 վութեան էին, ապառամբեաց և
 Աղուանից արքայն, վասն զի քեռ
 որդի էր նոցա, և ըստ կարգի հայ
 րենի հաւատոցն՝ քրիստոնեայ էր
 յառաջ, և Յազկերտ արքայից ար
 քայ բռնի մոգ արար: Եւ նորա գը
 տեալ ժամանակ անձինն պարասոյ,
 հարկեցաւ զանձն՝ ի մահ գնել. լաւ
 համարեցաւ մեռանել ՚ի պատերազ
 մի, քան ուրացութեամբ ունել ըզ
 թագաւորութիւնն: Ասան այսր ա
 մենայնի յապաղումն եղև չարձա
 կելոյն նոցա յաշխարհն:

Իսկ կրտսեր որդւոյն Յազկերտի
 դայեակն, Ռահամ անուն ՚ի Մեհ
 րան տոհմէն, թէպէտ և ետես ըզ
 գունդն Արեաց ընդ երկու բաժա
 նեալ, սակայն կիսովն գազանաբար
 յարձակեցաւ ՚ի վերայ երէց որդւոյ
 թագաւորին. հար, սատակեաց ըզ
 գունդն, և ձերբակալ արարեալ
 զորդի թագաւորին, անդէն ՚ի սե
 ղոջն հրամայէր սպանանել: Եւ
 զմնացեալ զօրան ամէր հաւանեցու
 ջանէր, և առնէր միաբանութիւն

ամենայն Արեաց գնդին . և Թագաւորեցուցանէր զիւր սանն , որում անուն էր Պերող :

Զի Թէպէտ և Արեաց աշխարհին առնէր մեծապէս խաղաղութիւն , սակայն Աղուանից արքայն ոչ կամէր նուաճել անդրէն 'ի ծառայութիւն . այլ խրամատեաց ըզսրահակն ճորայ , և անցոյց յայս կոյս զգորսն Մաղքթաց . միաբանեաց զմետասան Թագաւորս ըզլեառնորդեայսն , և ընդդէմ եկաց սրատերազմաւ Արեաց գնդին , և բազում զնասս արար զօրացն արքունի : Թէպէտ և երկիցս և երկցս ետուն հրովարտակ աղաչանաց , ոչ ինչ կարացին ամել զայրն 'ի հաւանութիւն . այլ գրով և սրատգամաւ յանդիմանէր զնոսս , վասն զուր աւերածին աշխարհին հայոց : Յիշեցուցանէր նոցա զմահ նախարարացն և զչարչարանս կապելոցն : 'Ի վերայ անչափ սիրոյ և վաստակոյ , փոխանակ կեանս առնելոյ՝ զարեւհատէք , սակր : Ղաւ լիցի ինձ , աւսէ , զնոցա չարչարանսն յանձն խմ

Ը
առնուլ, քան թողուլ զքրիստոս
նէութիւնն :

Եւ իբրեւ տեսին, թէ ոչ բռն
նութեամբ և ոչ սիրով կարացաք ա
ծել ՚ի հաւանութիւն, գանձս սառ
տիկա ետուն տանել յաշխարհն խաշ
լանդրաց, բացին զգրունս Ալանաց
և հանին գունդ բազում ՚ի հոնաց,
և կռուեցան տարի մի ընդ Աղուա
նից արքայի : Թէպէտ և թօթափե
ցան և ցրուեցան զօրքն իւր ՚ի նմա
նէ, սակայն զնա ոչ կարացին հնա
զանդել. այլ և հարուածք եւս մե
ծամեծք հասին ՚ի վերայ նոցա, էր
որ կռուով և էր որ ախափւ չարչա
րանօք : Եւ յայնչափ ժամանակաց
ընդերկարել սաշարմանն, մեծ կէս
աշխարհին աւերեցաւ, այլ ոչ ոք
՚ի նմանէ երկմտեալ բաժանեցաւ :

Յղեաց առ նա դարձեալ թագա
ւորն Պարսից . Չքոյրդ խմ, ասէ,
և զքեռորդիդ ՚ի բաց տուր ածել,
զի ՚ի բնէ մոգք էին և գու քրիստո
սեաց արարեր, և աշխարհդ քեզ
լիցի : Իսկ սքանչելի այրն ոչ ՚ի աւ
րութեանն վերայ կռուէր, այլ յաւ

տուածաբաշտութեանն : Չմայրն և զկինն ետ տանել , և զաշխարհն բռնանդակ 'ի բաց եթող . և ինքն զաւետարանն առ և յաշխարհէն 'ի բաց կամէր գնալ :

Չայս իբրեւ լուաւ թագաւորն , կարի զեղջ և ապաշաւ անկանէր 'ի միտս նորա , և զամենայն վրասա ի բացն զհարբն իւրով արկանէր : Անտուա երգումն կնքէր և տայր տանել առ նա , եթէ յաշխարհէդ միայն մի գնար , և զինչ ասես առնեմ : Խնդրեաց զմանկութեան սեփհականն , զոր հօր իւրոյ շնորհեալ էր նմա 'ի տղայութեանն՝ հազար երդ . առ զայն 'ի թագաւորէն , և նստաւ 'ի նմա միայնակեցօք հանդերձ : Եւ այնպէս հանապազորդեաց զինքն յատուածային սրաշտամանն , զի և չիշէր ամենեւին՝ թէ և թագաւոր լեալ իցէ յառաջ :

Եւ այս ամենայն յերկար խոսվութիւնք , որ եղեն մինչեւ 'ի հինգերորդ ամն Պերողի արքայից արքայի , սրտաճառք եղեն չարձակելոյն նախարարացն հայոց . այլ ուռձ

կաւ և 'ի տաճար մտանել յարքու
 նիս մեծապէս առատացոյց քան
 զամաց սովորութիւնն : Եւ 'ի նմին
 հինգերորդ ամին զբազմաց նոցա
 անդրէն զկեանսն շնորհեաց . և այ-
 լոցն առ յոյսն խոստացաւ՝ յամն
 վեցերորդ միանգամայն արձակել
 զամենեւեան կենօք և պատուով :

Բայց 'ի տեղի այսր ինձ դարձեալ
 դալ պիտի :

ԻՍԿ կանայք երանելի առաքի-
 նեացն և կապելոցն և անկելոցն 'ի
 սրտերազմին՝ ընդ ամենայն աշ-
 խարհն Հայոց համօրէն համարել
 ես ոչ կարեմ . զի բազում այն են՝
 զոր ոչ գիտեմ , քան թէ գիտիցեմ :
 Զի հինգ հարիւրով չափ յականէ
 յանուանէ ճանաչեմ . ոչ որ միայն
 աւագագոյնքն էին , այլ զբազումս
 'ի կրտերագունաց անախ :

Ամենեքեան միահամուռ զերկ-
 նաւոր նախանձ բերելով , ոչ ինչ ընդ-
 հատ երեւեցան յայնցանէ՝ որ ոչ
 ճաշակեցին զաշխարհ : Քանզի ե-
 թէ աւագագոյնք էին , և եթէ ման

կազոյնք , զմի առաքինու թիւն հաւատոյ զգեցան : Ոչ ինչ յիշեցին ամենեւին զանուն փափկութեան մայրենի ազատութեանն , այլ իբրև մարդք՝ որ վշտամբերք լեալ իցեն անդասին՝ ի շինական սովորութեանցըն ասնջելով վարեալ զկեանս աշխարհիս , անդրազոյնք եւս քան զնոսա յանձն առին զհամբերութիւն վշտաց :

Ոչ միայն յոգիան մտի թարեալ կացին առ աներեւոյթ զօրութիւնն յուսոյն յաւիտենից , այլ և մարմնոյ նեղութեամբք առաւել եւս բարձին զբեռն ծանրութեան : Չի թէ պէտ և ունէին զխրաքանչիւր ձեռնասուն սարասաւորս , ոչ ոք երեւէր ՚ի նոցանէ՝ թէ ո՞ր տիկինն իցէ և կամ ո՞ր նաժիշտն . մի հանդերձ էր հասարակաց , և միապէս գեանախշտիք երկոքեան : Ոչ ոք ումէք անկողնարկ լինէր . քանզի և չճանաչէին խկ զխոտեղէնան ընտրել ՚ի մի մեանց . մի գոյն թխութեան փրաբայիցն , և մի գոյն սեւութեան սընարից բարձիցն :

Ոչ գոյր նոցա համեմ խախտմաբ անուշարար առանձինն, և ոչ հացարարք որոշեալ 'ի սէտա սարսու ըստ ազատաց կարգի . այս հասարակացն էր: Շարաթամուան ըստ կարգի միայնակեցաց, որ յանասարտ բնակեալ են: Ոչ որ ումեք ջուր 'ի ձեռս արկանէր, և ոչ կրտսերք աւազաց դատարանիս մատուցանելին . չանկաւ օշնան 'ի ձեռս փափկասուն կանանց, և ոչ մատուցաւելղ 'ի դուարթութիւն խրախութեան: Չեղան առաջի սուրբ սկըտեղք, և ոչ անկան բաժակակալք յուրախութիւն . չեկաց ուրուք նոցա նուիրակ առ դուրս, և ոչ կոչեցան սրատուականք յարանց 'ի սառնարս նոցա . չյիշեցան նոցա՝ թէ դուցէ որ ամենեւին 'ի բնականուննդ դայեկաց և կամ բնաւ 'ի սիրելի հարազատաց:

Փոշոտեցան և ծխոտեցան սրահակք և սրակապանք նորեկ հարսանց, և սարգի ոստայնք ձգեցան 'ի սենեակս առադատաց նոցա . կործանեցան բարձրագահք տաճա

րաց նոցա, և խանդարեցան սպառք
 երախանաց նոցա. անկան կործա-
 նեցան սպարանք նոցա, և տապա-
 լեալ աւերեցան ամուրք սպաստա-
 նի նոցա: Չորացան ազազեցան բու-
 րաստանք ծաղկոցաց նոցա, և դաշ-
 տախիլ եղէն որթք գինեբեր այ-
 դեաց նոցա: Աչօք իւրեանց տե-
 սին գլխափշտակութիւն արարոց իւ-
 րեանց, և ականջօք իւրեանց լուան
 զչարչարանս վշտից սիրելեաց իւ-
 րեանց. տուն գանձք իւրեանց յար-
 քունիս, և ոչ մնացին ամենեւին
 զարդք երեսաց իւրեանց:

Տիկնայք փափկասունք Հայոց աշ-
 խարհին, որ գրգեալք և գգուեալք
 էին յիւրաքանչիւր բաստեռունս և
 'ի գահաւորակս, հանապազ բոկ և
 հեափ երթային 'ի տունս աղօթից,
 անձանձրոյթ խնդրեալ ուխտիւք՝
 զի համբերել կարասցեն մեծի նե-
 ղութեանն: Ար 'ի մանկութենէ իւ-
 րեանց անեալ էին ուղղովք զուա-
 րակաց և ամճովք երէոց, խոտա-
 բուտ կենօք իբրեւ զվայրենիս ընդ-
 ունէին զկերակուրն մեծաւ խնդու-

Թեամբ, և ոչ յիշէին ամենեւին զսովորական փափկութիւնն : Սեւացեալ ներկան մօրթք մարմնոյ նոցա, վասն զի ցերեկ արեւակէզք էին և զամենայն գիշերսն գեանաբեկք : Սաղմոսք էին մշանջենաւորք՝ մրմունջք ՚ի բերանս նոցա, և միւր Թարութիւնք կատարեալք ընթերցուածք մարգարէիցն : Միաբանեցին երկու երկու իբրեւ ամուլք հաւանք և հաւասարք՝ ուղիղ տանելով զակօսն արքայութեանն, զի առանց մրիպելոյ հասցեն ՚ի նաւահանգիսան իաղաղութեան :

Մտացան զկանանցի տկարութիւն, և եղեն արուք առաքինիք ՚ի հոգեւոր սրատերազմին, մարտեգեալ կռուեցան ընդ մեղսն կարեւորս, հասին կտրեցին և ընկեցին զմահաբեր արմատս նորա : Միամտութեամբ յաղթեցին խորամանկութեանն, և սուրբ սիրով լուացին զկապուտակ ներկուածս նախանձուն, հասին զարմատս աղահաւթեան, և չորացան մահաբեր սրտուղք ոստոց նոցա : Խոնարհու-

Թեամբ կռփեցին զամբարտաւանու
 Թիւն, և նովին խոնարհութեամբ
 հասին երկնաւոր բարձրութեանն :
 Աղօթիւք բացին զփակեալ դրունս
 երկնից, և սուրբ խնդրուածովք ի
 ջուցին զհրեշտակս 'ի փրկութիւն,
 լուան աւետիս 'ի հեռաստանէ, և
 փառաւորեցին զԱստուած 'ի բար-
 ձունս :

Այլեք որ 'ի նոսա էին՝ եղէն վե-
 րբասին հարսունք առաքինու թեան,
 և բարձին յանձանց զնախատինս
 այրութեանն : Իսկ կանայք կապե-
 լոցն կամօք կապեցին զմարմնաւոր
 ցանկութիւնս, և եղէն կցորդ չար
 չարանաց սուրբ կապելոցն. 'ի կեանս
 իւրեանց նմանեցին քաջ նահատա-
 կացն մահուամբ, և 'ի հեռաստանէ
 եղէն վարդապետք միսիթարիչ քբան
 դարգեւեացն : Մատամբք իւրեանց
 վաստակեցին և կերակրեցան, և
 զկարգեալ ռոճիկ նոցա յարբու-
 նուստ՝ առ յամէ թոշակ առնելին և
 տային տանել նոցա 'ի միսիթարու
 Թիւն : Անարիւն ճիպոանց նմանե-
 ցին, որ երգոյն քաղցրութեամբ ա

Ը
 անց կերակրանաց կեան, և կեն-
 դանի են միայն զօրն ծծելով, զան-
 մարմնոցն բերեն զնմանու թիւն :

Բազում ձմերաց հալեցան սառ-
 նամանիք, Եհաս գարուն և Եկին
 նորեկ ծիծեռունք. տեսին և խըն-
 դացին կենցաղասէր մարդիկ, և նո-
 քա ոչ երբէք կարացին տեսանել
 զանձկալիան իւրեանց : Ծաղիկք
 գարնանայինք յիշատակեցին զսառ-
 կասէր ամուսինս նոցա, և աչք իւ-
 րեանց կարօտացան տեսանել զցան-
 կալի գեղ երեսաց նոցա : Սպառե-
 ցան բարակք որսականք, և խցեալ
 կուրացան արշաւանք որսորդաց :
 Բնագրօք յիշատակեցան նոքա, և
 ոչ մի տօնք տարեկանաց ոչ ամիս
 զնոսա 'ի հեռաստանէ, 'ի ճաշակաւ
 տեղս նոցա հայեցան և արտասուե-
 ցին, և յամենայն յատեանս յիշե-
 ցին զանուանս նոցա : Բազում ար-
 ձանք կանգնեալ էին յանուն նո-
 ցա, և անուանք իւրաքանչիւր նշա-
 նակեալ 'ի նոսա :

Եւ իբրեւ այնպէս յամենայն կող-
 մանց ալէկոծ լինէին միտք նոցա,

որ ինչ կասեալ թուլացան յերկնա-
 ւոր առաքինութենէն : Արտաքնոցն
 երեւելին իբրեւ այրիք սգաւորք և
 չարչարեալք , և յողիս իւրեանց
 զարդարեալք և մխիթարեալք երկ-
 նաւոր սիրով : Ոչ եւս սովորեցին
 հարցանել զեկեալ ոք 'ի հեռա-
 սանէ , եթէ երբ լինիցի մեզ տեսա-
 նել զսիրելիան մեր . այլ այն էին
 իղձք աղօթից նոցա առ Աստուած ,
 եթէ որպէս սկսանն՝ քաջութեամբ
 'ի նմին կատարեսցին լի երկնաւոր
 սիրովն :

Եւ մեք և նոքա հասարակ ժա-
 ռանդեսցուք զքաղաքամայրն բա-
 րեաց , և հասցուք խոստացելոց սի-
 րելեացն Աստուծոյ 'ի Քրիստոս Յե-
 սուս 'ի Տէր մեր :

Պ. Ե. Բ. Զ.

ՆՈՐԻՆ

ԵՂԻՇԱՅԻ ՎԱՐԴԱՊԵՏԻ

ԲԱՆ ԽՐԱՏՈՒ

ՅԱՂԱԳՍ ՄԻԱՆՁԱՆՑ

ՍՎԱՐԴԻԿ, որ էն 'ի մարմնի
և կամօք ետուն զանձինս իւրեանց
յաստուածսւրաշտութիւն, անդրա-
տին 'ի աղայութենէ խոկան՝ կրթին
'ի վըշտամբերութիւն. հեռանան 'ի
հայրենի բնակութենէն, և վարին
յանապատ յանշէն երկիր. ոչ իբրև
չարակնելով նախանձութիւն փախու-
ցեալք 'ի բազմամարդոյ աղքատաց,
այլ զի տեսանեն զաշխարհս լի ամե-
նայն չարեօք, խոյս տան 'ի խորշս
և 'ի ստորոտս անապատ վայրաց:

Չոր տեսանեմք իսկ յաճախ 'ի
կողմանս հարաւոյ բազմութիւն ա-
րանց՝ առանց կանանց միաբանու-
թեան, յաղգաց և 'ի լեզուաց ըզ-
միով վայրօք հասեալք, ժողովեալք

Իբրեւ 'ի հայրենի գաւառս՝ առնեն զբնակութիւնս երկու ընդ երկուս, և կամ երեք ընդ երիս, և կամ եւս բազումս քան զսոյնս: Եւ շինեն իւրաքանչիւր խցկունս զատուցեալս 'ի միմեանց, որոք գուզնաքեայ առ ցրտոյն սրահսրանութիւն, և զոյգ նմին ձեղուն՝ առ արեգահան սրահանիլ. յատակք անարածոյճք՝ շատացեալք խտեղէն անկողնօք: Եւ քանզի բնութիւնս մեր զուղակ է՝ սիրէ ծածկել զմերկութիւն, առնեն և նորս հանդերձս անարածոյճս և յոյժ գձուձս, կողորս ամարանի և թեզանաւորս ձմերանի, արկանեն և աղաբողոնս մեկ նաւորս:

Մանաւանդ 'ի սրբա շրջադայ անդադար սրաշտամանն՝ երգս հոգեւորս հօրն բոլորեցուն մատուցանեն զուարթ հոգւով: Ասն ընդդէմ միմեանց զաչս 'ի վայր արկեալ՝ ըզճայրս ռախց մատանցն նկատելով, իբր թէ մի կէտ տեսակի ամենեքեան հայեացին, զաջ ձեռն 'ի վերայ ճնօտին եզեալ և զահեակն 'ի վերայ

կրծիցն, որպէս կարծեմ ուսեալ
 'ի բնական հարցն : Երկու են պա-
 տուականագոյնք 'ի մարմնի, կեն-
 դանական և խոհական, երկոքումք
 երկոցունց սպասաւորեալ, կենդա-
 նականին՝ արտմտականն է հակա-
 ոակ, իսկ խոհականին՝ արտաբերա-
 կան բանս : Արդ ձախուն զերասա-
 նակ 'ի ձեռն առեալ՝ զարտմտականն
 սանձակոծիցէ, և զաջ ձեռն 'ի վե-
 րայ աջոյ ծնօաին եղեալ՝ խոհակա-
 նին սպաս ունի առ գրան բերման
 բանին, զի մի այլակութիւն յու-
 ղիզ փառաարութիւնն խառնեացի :
 Եւ ընդ այսու երկու մասամբքս նա-
 հանջին ամենայն զգայութիւնքս +
 աչք յուղիղ աեսութիւն և ահանջք
 'ի զգաստ շողութիւն, միտք 'ի սուրբ
 իմաստութիւն և այլն ըստ իւրա-
 քանչիւր մասին :

Եւ իբրեւ այսպէս կարգեալք և
 յօրինեալք, ամենեքեան 'ի նմանու-
 թիւն վեցթեւեան սերովբէից շուրջ
 սարմակեալք, ձայնս անհաստ 'ի
 վեր հնչեցուցանեն, և օրհնութիւն
 եռաչափս 'ի խորհուրդս միաբանու-

Թեան արարչին իւրեանց բոլորեն :
 Չտիւն ամենայն սգարասպեն երգոցն
 քաղցրութեան, յագեալք և զմայ
 լեալք ՚ի կերակուրան երկնայինս՝
 առլցեալք հասանեն ՚ի ժամ երե-
 կոյին : Եւ քանզի մարմին ունին
 ըստ բնութեանս մերում զգայու-
 թեանս, ուտեն՝ զի մի քաղցիցեն,
 և ըմպեն՝ զի մի ծարաւեսցին :

Արդ դու իբրեւ լիցես զուտէն,
 մի առ մերս ընթանայցես . զի հաց է
 նոցա անպաճոյճ և բանջար վայրե-
 նի՝ զոր համով աղին համեմեն, և
 ջուր յստակ՝ զոր յամալոց բերմանէ
 ՚ի գուքս ժողովեն : Սակայն և զայս
 ոչ երբէք ՚ի տունջեան մասուցա-
 նեն ՚ի դարմանս սխտոյից մարմնոց .
 այլ միաբանս սահելով զերկայնու-
 թիւն աւուրն, տեղի տան արեգա-
 կան մտանելոյ . ձգեն երկայնեն զե-
 րեկունն, մինչեւ սասեղք յիւրա-
 քանչիւր կայանս սոյժառանան .
 դոհանան իբրեւ ընդ մի բերան ա-
 սելով . ՚Ի խաւարային ժամու զխա-
 ւարային կերակուրս խաւարային
 մարմնոյս տացուք :

Նւ զայս ասելով, 'ի ձայն բարձրր փառատրեն զուրբ Երրորդութիւնն, խնդալից ուրախութեամբ ակրմբին իւրաքանչիւր տեղիս: Նւ որպէս ասացօքն՝ ուտեն հաց և զուրա, և ըմպեն ջուր ցուրտ: Քանզի գոն 'ի նոսա ծերք փափկավարք, մատուցանեն ջուր ջերմ, զոր և բարեխառն անուանեն. այլ գինի և կամ այլ ինչ զանազանեալ, և գտանի ոչ 'ի սուրբ միայնանոցս նոցա:

Նւ յարուցեալ յանպաճոյճ ընթրեացն, միաբանութեամբ ասեն. Փառք քեզ Տէր, փառք քեզ Թագաւոր մեր, զի ետուր մեզ կերակուր ուրախութեան. լցո զմեզ հոգւով սրբով, զի գացուք առաջիքս հաճոյք, և մի՛ ամաչեսցուք. զի դու հատուցանես իւրաքանչիւր ըստ գործոց իւրեանց: Նւ այսպէս տեառնազրելով զինքեանս՝ տան զանձինս սակաւ մի անօսր քնոյ. զի մի՛ տհալ կերակրովք գեղեցիկ շնորհած մարմնոյն շփոթեալ խանդարիցի: Նա և եթէ յամեն եւս 'ի քունն, երազ հոգեկան տեսանեն,

և անդէն զանուրջնս մեկնեն իբր
զբանս սուրբ մարգարէիցն :

Եւ զարթուցեալք առ հասարակ
անդէն 'ի շրջանս սարուց բոլո-
րին . ոչ հակառակք և ոչ ընդդիմա-
ցեալք , քաղցր հաւանութեամբ և
հեզ հանդարտութեամբ : Առաջ-
նորդք դասուցն հնչումն ձայնի ար-
ձակէն , երգս հոգեւորականս քաղց-
րանուագս փոփոխելով , իսկ այլ
կրտսրագոյնքն ձայնիցն միտ դնելով ,
խառնեն զիւրաքանչիւր բարբառն
յարմարելով և կազմելով զմիաբա-
նութիւն հնչմանն , զի իբրեւ 'ի միտ-
ջէ բերանոյ ամենայն բազմութիւն
ձայնիցն հնչիցէ : Եւ այսպէս յերկա-
րելով զձայնաւոր սաշտօնն , ծունր
դնեն ամենեքեան , յաղօթս կան-
լուութեամբ . և 'ի ձեռն սուաջնոր
զի աղօթիցն կանդնեալք ամենե-
քեան զփառաստութիւնն կատա-
րեն :

Եւ կատարեալ զտունջեանս սաշ-
տօնն , լաւ համարեցան զգիշերան
վաղայարոյց լինելով մնչեւ յառա-
ւօտ աղօթիցն սարասպեալք , և ըն-

Թեոնուն զգիրս սուրբս . իսկ որք
ունին շնորհս վարդապետու Թեան ,
առնեն մեկնու Թիւնս 'ի մխիթարու
Թիւն լսողացն : Պատմեն վասն լի
նելու Թեան աշխարհի յոչընչէ ե-
ղեալ , և կարգեալ մի ըստ միոջէ
զխրատս բարեաց կարգեն 'ի լսելիս
ժողովրդոցն վկայու Թեամբ սուրբ
գրոց : Եւ այսպէս ուսուցանելով
մինչեւ մտանալ լսողացն զամենայն
իրա աշխարհականս , և չյիշել ամե-
նեւ իմբ զհարկաւոր կերակուր և ըմ-
պելիս :

Եւ այնպէս ուրախացեալք 'ի
սէրն Աստուծոյ , մինչեւ չհամա-
րեալ զինքեանս 'ի մարմնի , այլ յեր-
կինս . և հեշտու Թեամբ անցուցա-
նեն զերկայնու Թիւն գիշերոյն մին-
չեւ յառաւօտ : Քանզի սոսկացեալք
են յերկրէս և զգեցեալք զերկինս :
Ամաչէ մահ առ գրունս նոցա , և
գառնացան գժոխք յիջանել նոցա :
Կենդանու Թիւն նոցա գրունք են
աղօթից աշխարհի , և ոսկերք նոցա
գանձ են ամենայն ապաւինելոց :
Լուր նոցա յորդորիչ է ամենայն

հեղցացելոց, և դորձք նոցա վար-
դապետութիւն ամենայն կամեցո-
ղաց. դասակիցք են հրեշտակաց, և
օթեւանք սուրբ Երրորդութեանն :

Արդ զայս ամենայն գիտելով,
եղբարք, պարտխմք թեւակոխել. և
զնոյն նախանձ սրբութեան յան-
ձինս բերելով, նմանողք լիցուք այն-
պիսոյ բազմադունդ միայնացելոց
յաշխարհէ և գիմելոց 'ի քաղաքա-
մայրն վերին, որ ազատ է յախախց
երկրաւորաց. քանզի ընկերակիցք
են մերոյ բնութեանս, որ զօրացու-
ցանէ զտկարութիւնս : Միայն կա-
մեաց, բուռն հար հաւատովք,
յուսս, սիրեա, և կարես տեսանել
զայնպիսի նահատակութիւն : Զի
ոչ ինչ համեմատ են շարշարանք ժա-
մանակեանք առ կեանան՝ որ սրա-
րաստեալ է այնպիսի ճգնօղաց :

Քանզի յոյժ իսկ երկուցեալ եմ
ես ընդ հեղգութիւնս մեր. գրեթէ
զամենեսեան տեսանեմ թաւալեալ
յերկրաւոր ստացուածս : Իսկ արդ
բնութիւնս իմ ո՛չ կշտամբեալ յան-
գիմանէ զիս, եթէ ստեղծայ մերկ,

և եթէ եղայ 'ի գրախօսին մերկ , և
 եթէ ելի անտի մերկ , և եթէ ծնայ
 մերկ , և եթէ անդրէն յերկիր մերկ
 անգամ երթամ : Արդ եթէ տա
 նել աստի ոչ կարեմք , զի եւս աս
 տէն 'ի սմին թարթափիմք յաշ
 խարհիս : Մերկացիր ստահացիր , ով
 միայնակեացդ , մի թաւ ամուր ըն
 դունակ լինիր նենգաւոր թնա
 մւոյն . դուցէ 'ի դարան մտեալ մօ
 տալուա՝ զքեզ անդէն 'ի քեզ արշա
 ւեսցէ կողոպտել , զերծանել 'ի քէն
 զգանձան երկնաւորս : Բաւական
 համարեաց քեզ զտերունեան կա
 նոն , ոչ ոք յերկրաւորացս կարէ եր
 կուց տերանց ծառայել . որ յայտ
 նագոյն իսկ ցուցանէ առանց միջ
 նորդի և մեկնութեան . Ոչ կարէք
 դուք , ասէ , Աստուծոյ հաճոյ լի
 նել և Մամոնայի :

Եւ արդ ես տեսանեմ 'ի մերում
 աշխարհիս և ոչ զոք աղատեալ յայտ
 պիտի աղեափց : Յետս ընդդէմ ըն
 թերցաք զգեղեցիկ գրեալն . 'ի
 սրամձառս ուխտաւորութեան հե
 ռացաք 'ի սուրբ ճնօղացն , և արա

րաք բազում հարս օտարութիւն . զորս պատուելոյ արժանի էր՝ անարգեցաք , և յորս ոչն ունէաք իշխանութիւն գնել մեծարանս՝ զախտ աղէտից մերոց յոյժ ծախեցաք : Ազատացաք ՚ի հարկաց արքունի՝ զորս առանց մեղաց էր հարկիլն , և մտաք ընդ հարկաւ ստացուածոց , որ լինէն անառակ ադահութեամբ : Չէլաք յանկողինս սուրբ հարսանեաց , և արարաք մեզ բարձրագահոյս առաւել քան զաշխարհի : Փափկանամք յանկողինս յարմարեալս , և յածեալ կոծին միտք մեր ՚ի խորհուրդս աղակցիս զգիշերն ամենայն :

Կօշիկք ոտից մերոց յանդիմանեն զմեզ , եթէ ոչ են սուրբ ճանապարհք մեր : Հանդերձք մեր աղաղակեն զգործոց մերոց , եթէ մերկեմք յերկնաւոր զգեատուցն : Երկւարք մեր ցուցանեն զմեզ , եթէ ոչ եմք յափշտակելոց ընդ առաջ Տեառն ՚ի վերայ օդոց : Ելնուածք ասպարանից մերոց յայտ առնեն , եթէ ոչ ունիմք մեք տաճար առանց ձեռագործի յերկինս , յոր մտանե-

լոց են ամենայն դասք սոսկացելոցն
յերկրաւոր ախակց : Ապոււածք ան
դաստանաց մերոց կշտամբեն զմեզ,
եթէ չիք մեր բաժին 'ի վիճակն
երկնաւորս :

Մրգուղք անյագք եղաք 'ի կե-
րակուրս, և առանց չափոյ արբաք
գինի պղտորիչ խորհրդոց և մտաց :
Խոր 'ի քուն ննջեմք ամենեքեան, և
երազ թուի մեզ ճշմարտութիւնն :
Աստուծոյեալ են աչք մտաց մերոց
'ի տեսական խորհրդոց, և անյագ
պակշտակալ հայել 'ի կեանս աշ-
խարհիս : Արգելեալք զլսելիս 'ի
սուրբ ընթերցուածոց, և ունկնդիր
եմք բառաչման խաշանց մերոց : Ոչ
եկն մեզ հոտ անոյշ 'ի հողւոյն սրբ-
բոյ, վասն զի սիրեցաք մեք զեւզ
ախտալից աշխարհիս : Ոչ ճաշա-
կեցին բխմք ողւոց մերոց զկերա-
կուր երկնային, վասն զի պարարե-
ցաք զանձինս մեր 'ի զանազան խոր-
տիկս : Մութ է գոյն գիմաց մերոց,
վասն զի ոչ զուարթացան երեսք
մեր 'ի խորհուրդս սրբութեան : Տա-
ւալից են անդամք մարմնոց մերոց,

վասն զի յառաջ քան զմարմինս՝ զոգիս աստացուցաք : Գերեզմանաց բուերոց նմանեցաք յանձինս մեր, վասն զի ունայն եմք 'ի շնորհաց սուրբ հոգւոյն :

Վասն այսորիկ և ամենայն չարիք եկին հասին յաւուրս մեր. կենդանեաւ մերով տեսաք զգլխակունս անձանց մերոց : Քաջ նահատակք մեր անկան 'ի սլատերազմի, և սուրբ քահանայք մեր խողխողեցան 'ի ձեռաց անօրինաց. գեղեցիկ երիասասարգքն զենան 'ի սպանումն, և բազում կուսանք վարեցան 'ի գերութիւն. գիրգ կանայք անկան 'ի տառապանս այրութեան, և բազում օրքք կահանին գառնապէս : Ազատ եկեղեցի անկաւ 'ի ծառայութիւն հեթանոսաց, և սուրբ քահանայք նորա կռփին չարչարին յանօրէն հարկահանաց : Բարձեալ է ողորմութիւն յաշխարհէ, և հեռացեալ է գութ յիւրաքանչիւր մտաց : Այլ կինք 'ի վերուստ բարկացեալ են, և երկիր 'ի ներքուստ կայ յերերի տատանման :

Շինուածք մեր եղեն գերեզմանք
 գիականց մերոց, և վաստակք ձե-
 ոաց մերոց տապալեցան 'ի վերայ
 մեր: Պայթեաց և սրատառեցաւ
 Թանձրու-Թիւն երկրիս, և բազում
 մարդիկ 'ի վայր հոսեցին: Ոչ սպա-
 սեաց որդի հօր, և ոչ քոյր զաչս
 եղբօր կալաւ, և ոչ ել ձայն լալոյ
 կանանց 'ի վերայ ծննդոց իւրեանց,
 վասն զի լքոյց սով զբերանս նոցա:
 Հօրք խորտակեցան յանկարծակի
 իբրեւ զմայրս բարձունս Վիբանա-
 նու. հնծանք եղեն բարկու-Թեան,
 և ճմլեցան ամենեքեան իբրեւ զող-
 կոյզս ընդ ոտամբ, փոխանակ գի-
 նուոյ՝ արիւն անմեղաց ցայտեցաւ 'ի
 հանդերձս մեր: Դառնացաւ քան
 զդեղի կերակուր 'ի քիմս մեր, և 'ի
 քացախ դարձաւ սուրբ ըմպելիք
 մեր: Ընդ հարեալսն հարաք ամե-
 նեքեան յոգի և 'ի մարմինս մեր, և
 ընդ մեռեալսն զմահ ճաշակեցաք:
 Արդ ոչ ապաքէն վասն մերոյ հեղ-
 գու-Թեան անցին այս անցք չարչա-
 րանաց ընդ աշխարհ:

Օ՛ն անդր 'ի բաց կաց յաշխար-

հէ, որ վաղղ ելեր մեկնեցար յա-
ղեախց սորա . թօթափեալ ընկեա
'ի բաց զկեղեւանս ախտալից աշխար-
հիս : Մերկեաց իբր զըմբշամարտիկ,
օժ իւղովն Քրիստոսի, զի մի կռուես-
ցին 'ի քեզ ձեռք ախոյանին : Իսկ
արդ եթէ հէթանոսք, որ ըմբռնե-
ցան 'ի տեսական խնամութիւն,
ոչ միայն 'ի ստացուածոց 'ի բաց կա-
ցին, այլ և յօրինաւոր կերակրոց
հրաժարեցին, համառօտ և անպա-
ճոյճ ըմպելեօք շատացան յանձինս
իւրեանց, և առաքինի մահուամբ
վախճանեցան 'ի կատարած կենաց
իւրեանց, որչափ եւս առաւել մեք
պարտխմք նմանողք լինել սիրելեացն
Քրիստոսի, որք հրեշտակակրօնք
զանձինս կարգեցին, խառնելով
զինքեանս 'ի դունդս վերնոցն :

Եկայք և մեք, ով միայնացեալք,
զօրէն թշնամեացն մտցուք 'ի մերն
ստացուած իբր յօտար երկիր, ար-
մատախիլ զծառատունիս թշնամ-
ւոյն կոտորեացուք . իբրեւ զգերի ա-
ռեալ ծախիցեմք 'ի նեղեալս զինչս
մեր, ոչ զի ասիցեմք զազդականս,

այլ զի սիրիցեմք զաղքատան , որ են
 զօրականք Քրիստոսի և ճշմարիտ
 բարեխօսք : Ապա թէ ասանն կապիտ
 ընչիւք , և քեզէն վարես զքեզ յան
 դարձ գերութիւն , ուր չիք անդ
 գինք վրկանաց : Փութա փութա
 ճեպես , եղբայր , ապրիլ յայնպիւ
 սի անողորմ գեհնէն . զի կարիցես
 հասանել յամուր քաղաքն , ուր ոչ
 դոյ քեզ կասկած կամ երկեւզ
 խախտիլ և վարիլ 'ի գերութիւն :

Եւ եթէ եկեացես զհետ գեղեցիկ
 վարդապետութեան հարցն , զորս
 վերագոյնն գծագրեցի քեզ զվարս
 սուրբ միայնակեցացն , յայնժամ
 կարասցես համբառնալ զաչս մը
 տացդ առանց ախտից չարչարանաց ,
 հայել և տեսանել զքեզ գեր 'ի վե
 ռոյ քան զամենայն երկինս : Արանի
 տայցես անձինդ քաջապէս ճողոպ
 րեալ 'ի վշտալից կենաց աշխարհիս ,
 և խառնեացիս յերամ միայնակե
 ցացն , 'ի գունդս սրբոց արդարոցն ,
 'ի վիճակ առաքելոցն , 'ի գումարս
 մարդարէիցն , 'ի կաճառս մարտիւ
 րոսացն , 'ի բանակս հրեշտակացն և

'ի Տողովս անդրանկացն, 'ի մեծ քա-
 ղաքն երկնից, 'ի բազմականան ար-
 բահամեան, և 'ի կերակուրս երկ-
 նայինս և յրմալելիս անկարօտս :
 Դու ես այնուհետև մարդարէն,
 որ ոչ պատուեցար 'ի մարմնական
 աշխարհիս, այլ թեւածեալ թաու-
 ցար յանմարմին աշխարհի, և հան-
 գուցեալ դադարեցեր յանասական
 ուրախութիւնան : Յորս լիցի և մեզ՝
 վերջին գրչութեամբ աշխատողացս՝
 միաբանութեամբ սուրբ ուխտիւս
 վայելել, շնորհօքն Տեառն մերոյ
 Յիսուսի Քրիստոսի, որում փառք
 յաւիտեանս և ամէն :

ԱՌ ԲԱՆԱՍԷՐՍ

ԸՍՏ յաճախել օրինակաց գրոց՝
բազմանան և կրկին վերագալք գըր-
չաց, որ ահամայ և որ կամաւոր առ
ազխտութեան. զայսր փորձ գիտէ
և Եղիշէ՝ ամենեցուն ցանկալի մա-
տեան : Որ 'ի մեր ձեռս եկին օրի-
նակք վեց էին, չորք ամբողջ, եր-
կու 'ի մասնէ. երկոցն եւեթ թուա-
կանք յայտնի. ՌՃԻ, ՌՃԻԶ,
ՌՄԼ, յորոց զառաջին զհնագոյնն՝
և ստուգագոյն քան զամենայն գը-
տեալ, զնոյն առաք մեզ յօրինակ,
զահամայ և զյայտնի սխալմունս
գրչին ուղղեալ յայլոցն միաբանու-
թենէ : Իսկ թուեցեալն ոմանց ըն-
տրելագոյն և անսխալ հաւատարիմ
գրչութիւն՝ ՌՄԼ օրինակն, իբրեւ
'ի հնագունէ գաղափարեալ՝ գրելոց
'ի ՈԺԶ, մանրախուզիւ քան զըր-
նաւան փարթամագոյն գտաւ երկա-
տեսակ վերագալքն :

Թէպէտ մատենագիրն զհաստածս
 գրոցն և յեղանակ և գլուխ կոչէ
 'ի յառաջաբանին, բայց գրչագիրք
 'ի կարգի անդ ուրեք ուրեք յեղա-
 նակ միայն ունին, և գլուխ և ոչ
 ուրեք. սմին իրի և մեք զայն կա-
 լաք: Առաջին յեղանակին չիք գը-
 լուխ և մակագրութիւն 'ի գրչա-
 գիրս, այլ կից գնայ ընդ յառաջա-
 բանին. սակայն որպէս այլոց՝ և մեզ
 սրատշաճ թուեցաւ որոշել զայն ըստ
 նորին մատենագրին ակնարկելոյ,
 միայն ուր 'ի գէս եւս թուեցաւ
 մեզ, մեք անտի հաստաք:

Որպէս և բիւզանդացւոց առա-
 ջին տպագիրն ազգ առնէ, խորա-
 գիր հինգերորդ յեղանակի չիք և
 ոչ 'ի մի գրչագիր. այլ վեցերորդ
 զնոյն մակագրեն՝ նորին վեցերորդին
 վերնագրուի, և միահետ տանին մին
 չեւ ցեւթներորդն, բայց միայն 'ի
 միոյ՝ որ հինգերորդ կոչէ զայն, սա-
 կայն և նա նովին վեցերորդին մա-
 կագրով: Մեր ըստ յառաջաբանի
 մատենագրին մակագրեալ զայն,
 զգլուխ վեցերորդին չկամեցաք առ

Ժամն խախտել յերկց առաջնոց
քան զմեզ տպագրութեանցն : Եւ
չունինք ասել, հինգերորդ յեղա-
նակն ինքն արդեւք կորուսեալ իցէ
կամ 'ի Բարժուսայէ խորաման-
կեալ, եթէ գլուխ վեցերորդին այսր
անդր անկեալ վտարանդի : Արդ-
պատմութեանն, [Թէսէա և անընդ-
հատ, չտայ ինչ հաւաստի դուշա-
կել :

Այսչափ ինչ 'ի հարկէ հաւա-
տարմութեան ծանօթս տուեալ բա-
նասիրաց, կարգեցուք զկարեւորն
յայլեալ ընթերցուածոց օրինա-
կացն :

ԱՅԼ ԸՆԹԵՐՅՈՒԱԾԻ

Է.Զ.ՏՈՂ.

- 7. 8. Չբաննն կամ բաննն զոր :
- 8. 9. Տայրալիր սրատարմամբ :
- 11. Ընթեանուցուն :
- 14. ոչ յանձինն կարողութիւն
քո առ տգիտութեան գալ
կամ գող լրմանն :
- 17. անտեսութեանն մատակա-
րարէ :
- 22. այլ դնելով մեծի գիտու-
թեանն . Գ-ընչ այլ դուն
ելով մեծ 'ի գիտութեանն :
- 10. 13. անցանիցեմք :
- 12. 1. որդւոյն Տիրանայ Տրդա-
տայ կամ որդւոյն Տրդատայ
կամ որդւոյն Տիրանայ , և
կռուէր :
- 4. որդւոյն Վռամշապհոյ :
- 22. դարան գեղեալ նեախւք :
- 24. և գոռողանայր և գոռա-
լով հողմ հանէր :
- 13. 2. անխաղաղասէր :

16. 7. գեշաքարչ :
17. 14. սնդով գեապան :
18. 26. տանէ զտուանիկ մարդիկ :
19. 6. 'ի Կորդուաց , 'ի Դասն կամ
և 'ի Գթաց ... և յԱրդնա
բազուն :
20. 5. սրատուիրանապահք :
21. 26. դադարեցին հայել ընդ ու
րուք կամ ընդ ուրեք . Քե
օրինակն խայլընդուք :
22. 21. ոչ միայն յիրա մարմնականն :
24. 1. Թագաւորն 'ի խոր խոցեալ
վեր 'ի վերոյ ծիծաղեցաւ :
25. 2. զիրացն սրատահումն . ամէ
նայն օրինակ :
33. 10. զօրէնս զբազեշականն :
36. 2. կերակուրն : Եւ անախ :
37. 16. և աշտարակ կամ և իբրեւ
աշտարակ զպաշտօնն :
40. 1. աշխարհականաց քրիստո
նէից :
41. 10. վզըրկ կամ վզուրկ :
- 15. զօրէնս գէնխմազդէն կամ
զօրէնս մազդեզանց :
- 16. խարամանոյ . և զնի եր
կիտ :

44. 13. յանձանց պայմանեն :
 — 21. նածարեցիադ :
46. 16. Մեղիակ ... Եղնիկ :
 — 21. Տորութեանոյ իմ՛ Տութութեանոյ :
- 26. Մարդազւոյ իմ՛ Մարդազոյ . Բէ՛ն Մարդոյ աղիոյ :
55. 12. Տի՛ր օ՛ն անդր :
 — 15. դեհակաք . Բէ՛ն դահաակաք :
56. 1. զապառուին բրաութեան ... զմանրամաղ ... զանգանէ ... հողոյն վակմամբ :
 — 22. չորիւք յեղանակօք :
59. 18. անցցեն զպատուիրանաւն :
64. 11. Աստուած՝ որ արար :
74. 17. Եթէ վաղիւ ընդ առաւօտարս :
79. 19. զամենայն խոտորումն . Բէ՛ն խոխոտումն :
80. 18. կոխ եղեալ :
82. 5. մի ոմն ներքինի ՚ի խորհրդակցացն :
 — 9. տանէր հնարից կենաց :
84. 26. ասրականէր :
86. 2. կատարեալ իցէք :

87. 2. Տէրն և Դասն . այլ և դա-
րան կամ և առասան :
— 17. հրամանաւ մինչեւ 'ի նա-
ւասարդ կամ մինչեւ 'ի նա-
ւասարդէ 'ի նաւասարդ :
Ասէ . Յամենայն :
88. 13. 'ի հրահանգս նոցին մո-
գուց :
— 24. յօրինակին անյաջ . այլ ան-
յազգք կամ անազգք կամ ան-
յաշտք :
89. 2. փանդանի ... ծիւք և :
— 4. դումիզոյ կամ քումիզոյ :
98. 23. սրատրաստակ զիպեցաւ :
100. 12. գործոյն ուր որ եկեալն :
106. 4. մոգպետան մոգպետի :
108. 9. զորի բանիւք :
119. 22. ունէին յառաջ 'ի բնու-
թեանն :
122. 12. զօրօք հայոց :
124. 25. չարախափան :
125. 5. Եփզարիոս . և գլխի :
128. 11. Երիտ-օրինակ և գունդն երկ-
րորդ . այլ Երիտ- և զգուն-
դրս կամ զգունդն :
131. 10. Լորնաս կամ Լբնաս :

131. 15. զՄուշն և սարանին :
132. 2. գետամնացս առնէին :
135. 15. զՂրոխանակերանն . . . զամուրնն Ուշականն . . . զԱբգէօնանն իմ զՍարգէօնանն , զՉողակերանն իմ զՉողակերնն :
136. 22. չու արարին :
140. 26. յաղերսաբանու թեանն իմ յաղերսաբանու թիւնն :
143. 24. երահք իմ երայիհք լինէին :
144. 4. և իբրեւ հաւատարիմ ստիկանն՝ յանձն առնէր :
147. 5. զխարդ ինչ և կարգք էին :
160. 6. յազատաց և զյոշովագոյնն ՚ի շինականաց , և զայլ :
163. 10. և քան զամենայն կողմն :
164. 17. և զՓոխանն և զՓիլքայինանն իմ զՓիլքուանն . . . Թօսպարանն :
167. 23. իւրաքանչիւր համհարզացն իմ համհազարացն իցենն , և քանի :
172. 10. յօտարութիւնն՝ ընտանու թիւնն ընդ Աստուծոյ գիտացինն :

173. 7. զօրս տայ կ՝մ տանն նոցա :
174. 4. Շախուռապեանն :
178. 15. բարձրացեալ փրփուրն պաշ-
թեաց :
183. 9. Անախորոսի :
189. 1. մեծապէս վայելեցաք :
193. 6. ընդ սիրոյն Քրիստոսի :
- 19. ընդ այս աստիճանս ոտնա-
փոխ :
194. 11. աստարեր թշուառու-
թիւնք :
197. 21. զկատարեալ նաՀատակու-
թիւնն . զախոյեանն :
199. 1. Եթէ 'ի ձեզ զերկտսեանն :
203. 25. զապարահարիկ կ՝մ զապա-
րահիկ :
205. 8. և իբրեւ այսպէս :
- 18. և 'ի փայլունն :
206. 18. ձի 'ի վեր առեալ :
208. 1. Նխաղաւուրան 'ի վերայ
գազանացն որ նստէր կ՝մ
Նխաղաւուրս մնայր գա-
զանացն Արտաշի՛ որ նըս-
տէր 'ի բարձր գիտանոցին
իբրեւ յամուր :
211. 7. ընդ ինն մեծամեծ նախա-

- բարան որ համ ընդ մեծամեծ
նախարարացն որ անդէն :
215. 1. յեղանակ , կարգագրի :
216. 5. Մի ոմն 'ի քաջ զօրակա-
նացն :
220. 5. դարափորքն համ դարափոս-
քըն :
222. 17. հարկ եղև քահանայիցն
իջանել առ նոսա : Արուժ
... , խօսէր :
231. 22. զամենայն գործս :
232. 4. եթէ յեկեւոց, զինչ կեանս :
- 19. զգէնխնազգէն :
238. 14. զտարերս պաշտեն :
241. 3. զպատմութեան համ զպատիւ
վարտին , ճշն զպատւա-
վութեան :
242. 3. նստաւ 'ի ներքին գահ-
դիճան :
248. 2. իբրև զէշ քարշեցաւ :
249. 12. յԱպար աշխարհ . ե զինի :
251. 4. ստուգեաց 'ի Բեւայ զայն
եւս եթէ համ 'ի Բեւայն թէ :
253. 19. զրադեշական :
- 25. զպահլաւիկն համ զպահլօ-
նիկն :

254. 3. զոր պետանդն կոչեն :
256. 7. ապա եթէ պահել :
261. 17. անմահ աստուածութեան
նրն :
262. 5. ժայնիկ մեջիկ , և :
267. 25. ընթունայն կամ արունեան
պատկն :
272. 18. առնլով զնշան :
275. 16. 'ի բազմականաց անտի կամ
'ի բազմականացն և գոհա
նային :
278. 19. հրաստիաւ կամ հրաստ
հաւ . և զնի :
280. 19. մարձիկս ... նածարացուց :
— 23. մեք մեզոյն լինխմք :
281. 12. փութիշ :
282. 16. եղբայր համարեալ էիր :
283. 5. գաղտ գողացի կամ գաղտաւ
գողացի :
- 11. որ էր մարդպետ ... անդեր
ձապետ :
287. 7. զդէնխմագդէն :
- 24. Չրագենն :
289. 13. պարտխմք հարկանել կամ
արկանել նոցա :
- 15. 'ի վերայ ունել սիրով :

296. 2. յարարածուս իմ յարարածոյս իմ յարածուսիս :
298. 1. իւրեանց , այլ 'ի մեծի աւնարդութեան եղիցին :
- 4. խաւար մնացեալ է :
- 22. ճարճատումն հարաւ իմ ճարճատեցան ամենայն ջիւքն :
303. 20. կարեմք փոխանակել :
304. 7. անարտումն :
306. 4. շարք երակացն :
307. 7. և նա ինքն :
308. 9. սատանայական մարդոյ իմ մարմնոյ :
- 18. և ոչ երկնչիմք 'ի գառն :
311. 14. քանզի անթողլի :
315. 12. հասցա :
- 26. կայր ոյժ 'ի մարմնոյն իմ յուշի մարմնոյն կայր :
316. 10. ճշմարտութեամբք իմ ճշդնութեամբք կազմեցիք :
- 12. նիւթ սրատուական 'ի ձէնջ գործեալ հիւթեցաւ , խակ ճարտարութիւն :
317. 6. առաջին զուրք եպիսկոպոսն :

317. 18. Աատգեասն կամ Աատգե-
տայն կամ Աագէան :
318. 10. Դենշապուհ և Զնիկանն
և մաշպեան կամ մովպեան :
319. 10. կիսամեռք անարիք :
320. 11. կենդանի են , զարմանալի
են . . . ընչատեացք են . . .
սրբասէրք են . . . անաչառք
են . . . աներկեւղք են :
321. 9. զի յայլ ժամս կամ յայլում
ժամու :
- 21. զի այդչափ կամ այդպէս
նեղեալ :
322. 5. 'ի Գարիթեւր կամ 'ի Գա
րիթիւ :
- 7. ռատ սողէ :
324. 6. յիւրաքանչիւր տասրանի
եղեալ էր : Բայց հափռածդ
Եւ զկատարանն Ռնչէ- 'ի
նշանակեալ էր օփար Բուի
յԵշիշային ճոյ և էկամոսփ
'ի ճառընփրաց :
327. 8. չէր արժանն :
328. 17. եղեւ ահաւաղիկ :
335. 23. կատարեալ զինուորաւ :
336. 3. յարիւնարուղիս վտակաց

- ցանեալք և ցրուեալք սպիլ-
տակու թիւն :
336. 24. Թերեւս և զմեր :
343. 11. Արշաւիր, Թաթ և Աարձ
համ և Թաթ վարդ :
- 24. տոհմէն Ահասպրսամ համ
Աբրահամ :
344. 1. յառափսոյնեան համ յուրի
կիսեան տոհմէն Բաբելի և
Յոհաննի :
351. 13. Եղեւ արձակելոյ նոցա յաչ
խարհս :
356. 5. վշտաբերք . . . իշխանական
սովորութեանցն :
357. 1. նոցա խախամոք քանուշա
րարք :
- 4. կարգի . այլ հասարակաց էր
չարածամուտն :
358. 11. զվիշտս շարշարանաց :
- 17. սպասեռուես :
- 23. ուղղոց համ իւղովք զուա-
րակաց և ամճովք էրիոց :
359. 11. յարքայութեան համ յար-
քայութիւնն :
360. 25. ճիւղուաց :
361. 6. ծիծառունք համ ծիծառունք :

ՅԱՆԿՔ ԱՆՈՒԱՆՑ

Աբրահամ խոստովանող 326-342.

Աբրահամ նահապետ 81. 187.

Աբրահամ սարկաւաղ 229. 253. 318.

Ագէն 263.

Ալանաց գրուիք 353.

Ակեայք, որ և Ակէ 160.

Ակէայիք 174.

Ազբակ 317.

Աղձնիք 18. 87. 162. 234.

Աղուանիք 18. 19. 33. 87. 107. 120.
127-129. 133. 134. 137. 162. 163.
228. 234. 237. 351. 352.

Ամասունի 47. 71. 160. 173. 184. 343.

Այրարատ 46. 138. 318.

Այրուկ 174.

Անանիա 46.

Անաստի 13. 125.

Անգղ 98.

Անի 117.

Անձաւացի, անձեւացի 47. 71. 173.
343.

Անտիոքացիք 183.

Մնախորտ 234.

Մշնակ 135.

Մշտ 343.

Մտահունի 47. 71. 127. 160.

Մտար, Մտր 18. 249. 253. 324.

Մտարհայիկ 203.

Մտրտա՛մ 174. 343.

Մռանձար 184. 343.

Մռաւան 343.

Մռաւեղէն 343.

Մռնակ 343.

Մտիացիք 122.

Մտրեատան 325. 332. 334.

Մտրեատանեայ 325.

Մտրի 125.

Մտոմ 121. 173. 235. 343.

Մտրորմիզզ 227. 228. 230. 233. 234.

Մտրպատական 118. 128. 136.

Մրագած 135.

Մրած 318.

Մրդեանք 135.

Մրդնարզուն 19.

Մրիք 17. 47. 48. 143. 164. 205. 207.
215. 250. 351. 352.

Մրծրունի 47. 71. 173. 174. 204.
229. 343.

- Արհմե 42. 43. 53.
 Արհնի, որ և Արխնի 117.
 Արձախ, Արցախ 163. 221. 225.
 Արմաւիր 135.
 Արշակ Բ. Հայոց 11.
 Արշակունի 11.
 Արշարունի 131. 173.
 Արշաւիր 131. 173. 205. 343.
 Արշէն 222. 229. 271-275. 298. 299. 318.
 Արուճ 135.
 Արսէն 174. 204. 211.
 Արտազէրս 117.
 Արտազ 174.
 Արտակ մոկացի 71.
 Արտակ սրաշունի 173. 210. 266.
 Արտակ ռըշաունի 71. 160.
 Արտաշատ 47. 117. 135. 173. 229.
 Արտաշէս Գ. Հայոց 12.
 Արտաշիր 208.
 Արտաւազգ 343.
 Արտէն 160.
 Արցախ. տես Արձախ.
 Արփանեալ 117.
 Աւարայր 335.
 Ա.բաբ, որ և Ա.բաւր 189.
 Բարդէն 343.

- Բաբելոնցի 333.
 Բաբելոն 24.
 Բաբելի 344.
 Բազրատունի 127. 160.
 Բազրեւանդ 46. 318.
 Բակ 216.
 Բակուր 343.
 Բաղասական 131. 237.
 Բասեան 46.
 Բասիլ 47.
 Բարձրաբուղ 117.
 Բզնունիք 46.
 Բէլ 250. 251.
 Գաբեղեան 127. 160. 173.
 Գագ 47.
 Գաղերոսի 123.
 Գաղէշոյ, Գաղիշոյ 71. 160.
 Գաղբիկ 131. 173.
 Գառնի 117. 135.
 Գարեգին 24.
 Գարեգին Սրուանձտայ 211.
 Գաւ 164.
 Գեղէոսի 191.
 Գեղք 203.
 Գիտ, որ և Գիւտ 71. 160.
 Գղուար 164.

- Գ.Ն[ԹուՆի] 173. 204. 210.
 Գ.ՆուՆի 121. 173. 210 343.
 Գ.ուզք կամ Գ.ու[Թ]ք 19.
 Գ.ուեալ 117.
 Դաղ 343.
 Դամն 87.
 Դաւիթ երկց 7.
 Դաւիթ մարգարէ 190.
 Դենշապուհ 38. 253. 278. 279. 281-
 283. 286. 298. 299. 302. 308. 309.
 311. 314. 318.
 Դիմաքսեան 131. 173. 210. 343.
 Դրուք Ալանայ 353.
 Դրահանակերտ 135.
 Եգիպտացի 187. 188.
 Եզնակ, որ և Եզնիկ 46.
 Եղբայր 47.
 Եղեգեակ 318.
 Եղիա 189.
 Եղիշայ, որ և Եղիշէ 47.
 Եղիարիտ 125.
 Երամոնք 135.
 Երան և տաներան, Աբեայ և ան-
 արեայ 41. 47.
 Երեմիա 46.
 Երեմիաս 47.

- Երեքով 191.
 Երկայնորդք 117.
 Եւզաղ 46.
 Եւրովայէ 122.
 Եփթայեա, որ է Եփթայէ 191.
 Զանգակ 161.
 Զանգիկ 104.
 Զարաւանդ 128. 184.
 Զարեհաւան 235.
 Զուարէն 343.
 Զրագաշտական 33.
 Զրագեշա, որ և Զրագեշ, Զրագաշա 287.
 Զրագեշտական, որ և զրագեշական 253.
 Զրուան 41. 42.
 Ընծային, ընծայացի 174. 204. 211.
 Ընջուղ 160.
 Թաթիկ 46.
 Թաթիկ այլ 317.
 Թաթուլ գիւմարսեան 173. 343.
 Թաթուլ կանաւորական 343.
 Թաթուլ վանանդեցի 204.
 Թաւասպարք 164. 228.
 Թէոդոս փոքր 13. 122. 124.
 Իջաւանք 317.

- Խարայէ՛ղ 190. 191.
 Լոփնաա 131.
 Լփնիք 18. 19. 87. 131. 164. 228.
 Խաղխաղ 129.
 Խաղաիք 163. 221.
 Խայլանդուրք , Խայլընդուրք 21.
 250. 353.
 Խարաման . տես Հարաման .
 Խիբիովան 228.
 Խոսրով 173.
 Խորանխաա 117.
 Խորէն խոստովանող 326-334.
 Խորէն խորխոռունի 173. 204. 210.
 266.
 Խորխոռունի 71. 127. 160. 173. 204.
 210.
 Խուժաստան 80. 354.
 Խուժիկ 284. 318. 322. 323.
 Խուրս 174.
 Խրաան 164.
 Ծախանխաա 117.
 Ծօղէք 18. 19. 87.
 Կամսարական 343.
 Կապկո՛հ , որ և Կապկոխ 133.
 Կապոյտ 117. 222.
 Կաաշայ դունդ 203.

- Կարէն 173.
 Կորդէք 163.
 Կորդուք 18. 19. 87.
 Կուաշ 135.
 Կուր 129.
 Կուրան 281.
 Համազասպ 343.
 Համազասպեան 205. 343.
 Հայք աղղ 7. 12. 18. 29. 33. 73. 123.
 129. 148. 164.
 Հայք աշխարհ 100. 107.
 Հայք սասրին 162.
 Հարաման, որ և Խարաման 41.
 44. 77.
 Հարեւ 348.
 Հեճմաստակ 164. 228.
 Հեռան 237.
 Հէր 128. 184.
 Հմայեակ դիմաքսեան 173. 210.
 Հմայեակ մամիկոնեան 225.
 Հնդիկք 101.
 Հողոցիմք 317.
 Հոն 21. 22. 71. 120. 133. 134. 137.
 164. 203. 225. 228. 237. 250. 353.
 Հոռոմ, Հոռովմ 13. 19. 21. 44.
 162. 237.

- Հում. տես Հում. 123.
 Հում, որ և Հում 123.
 Հրեայ 66. 104.
 Չողկերա, որ և Չողակերա 135.
 Ղեւնդ երէց 174. 185. 199. 217.
 218. 229. 238. 262. 288. 303. 316.
 317.
 Ճիղբ 164. 228.
 Ճորայ սահակ 22. 164. 352. մարդ-
 սան 127. կողմանք 129.
 Մաղդէղն 41. 143.
 Մաղքու [թք, որ և Մաքու [թք 352.
 Մակաբայեցիք 183.
 Մակուրան 281.
 Մամիկոնեայ, Մամիկոնեան 71.
 162. 210. 343.
 Մանազկերա 46.
 Մանգակունի 174. 343.
 ՄանէՃ 71. 160.
 Մանէն 160.
 Մատաթի 183.
 Մատեան գունդ 203. 207.
 Մարդ աղի 46.
 Մարդաստան 46.
 Մարիամ մայր Տեառն 44. 64.
 Մարկիանոս 125. 148.

- Մեհրան 351.
 Մեհրուժան 343.
 Մեղեա 46.
 Մեշոյն 334.
 Միհր 53. 58. 292. 329.
 Միհրներսէհ 41. 47. 152. 153. 157.
 165-168. 227. 230. 238. 240. 252.
 345-347.
 Մծբին 13.
 Մոկք 47. 71. 204.
 Մովան 283. 292.
 Մովսէս 58. 187.
 Մուշ դիմաքսեան 131.
 Մուշեայ, Մուշէ եպիսկոպոս 47.
 Մուշեղ 343.
 Մուշէ երէց 229. 317.
 Մուշեան Նիւսաշաւուրս 168. 184.
 201-204. 207. 211. 215. 216. 218. 226.
 228. 235.
 Յաղկերս Ա. 75.
 Յաղկերս Բ. 12-351.
 Յեսու 191.
 Յոյնք 13. 16. 17. 20. 123. 139. 162.
 163. 234. 235. 237. 341.
 Յովհաննէս 66.
 Յովսէփ եպիսկոպոս 46. 47. 72. 122.

174. 185. 217. 218. 229. 238. 258.
272. 300. 301. 316. 317.

Յովսէփի հայր Տեառն 44.

Յորդանան 66.

Յուխնան 344.

Նածարացիք, Նածրացիք 44. 280.
318.

Ներշապուհ 71. 122. 126. 173. 204.
343.

Ներսէհ կամսարական 343.

Ներսէհ ուրծացի 160.

Ներսէհ քաջբերունի 173. 204. 210.

Նիւշապուհ 249. 318. 324.

Նիսաշաւուրա, Նիւսաշաւուրա -
տես Մուշկան :

Նոյ 186.

Շահ կամ շահախոսապետ, որ և
շախոսապետ 174.

Շահուղ 333. 334.

Շապուհ Բ. որսղղեան 12. 75. 101.

Շաւասպ 343.

Շղոմշապուհ 348.

Շմաւոն անձեւացի 71. 173. 343.

Շնդին 343.

Ողական 117.

Ոստանիկ 18. 160.

- Ուն Արագածու 135.
 Որմիզդ 41-43. 53.
 Որմիզդ արքայ 48.
 Որոտն 117.
 Ուրծ 127. 160.
 Պալունի 173.
 Պալունիք 127. 210.
 Պալունիք մեւս եւս 160.
 Պարգեւ 343.
 Պարսիկ 11. 13. 40. 278.
 Պարսիկք 12. 22. 117. 132. 133. 140.
 223. 224. 235.
 Պարսք 87. 91. 101. 102. 104. 120.
 125. 128. 149. 153. 162. 164. 165.
 184. 201. 206. 207. 216. 221. 222.
 224. 226. 237. 353.
 Պաւղոս Առաքեալ 20.
 Պեարոս երէց 161.
 Պերոզ 352. 354.
 Պիղատոս պոնդացի 66.
 Ջնիկան 283. 318.
 Ռաճամ 351.
 Ռափտոնեան 344.
 Ռըմբուեան 122. 126.
 Ռըշուունիք 47. 71. 160. 174. 228.
 238. 309. 317. 318.

- Մազաստան 80.
 Մահակ եպիսկոպոս արշաունեաց
 47. 228. 238. 262. 271. 288. 293. 299.
 308-317.
 Մահակ եպիսկոպոս Տարօնոյ 46.
 Մահակ մանդակունի 343.
 Մահակ նահապետ 81.
 Մահակ սարկաւազ 161.
 Մահառունի 173.
 Մամուէլ երէց 229. 253. 318.
 Մասան 11.
 Մասոյ 343.
 Մերուխա 128.
 Մէիր 123.
 Մինէ , որ և Մինեայ , Մինայ 58.
 Միւնիք 47. 71. 107. 109. 127. 138.
 155. 173. 239. 242. 343.
 Միկունի 174.
 Մուրմակ 46.
 Մտահրաշապուհ , որ և Վրամշա-
 պուհ 12.
 Մտեփաննոս 316.
 Մրուանձտայ ազգ 211.
 Մրուանձտեայք 174.
 Վահան Վրուանից 134.
 Վահան ամասունի 71. 173. 343.

- Վահան գնունի 210.
 Վահեւունիք 71. 127. 160. 173.
 Վաղինակ 242.
 Վայոյ ձոր 317.
 Վան 117.
 Վանանդ 47. 317.
 Վանանդեցի 204.
 Վասակ մամիկոնեան 162.
 Վասակ սիւնի մարզպան 71. 106-
 113. 122. 127-129. 135. 137. 140. 141-
 155. 157-169. 184. 201. 212. 215. 216-
 218. 221-223. 226. 228-230. 234-248.
 Վասակաշատ 117.
 Վատ 164.
 Վարազդէն 343.
 Վարազշապուհ 160.
 Վարդան մամիկոնեան սպարապետ
 71. 109. 110. 122. 127-129. 137. 138-
 167. 172-174. 182. 204-208. 210. 225-
 266.
 Վարդանաշատ 135.
 Վարդէս 317.
 Վարձ 343.
 Վիբք 18. 19. 33. 82. 87. 127. 129-
 162-164. 234. 237. 239.
 Վուրկ 131.

- Առամ Բ. 12.
 Առամական 120.
 Արէն 174. 344.
 Արկան 249.
 Տաճառ արծրունի 343.
 Տաճառ գնթունի 173. 204. 210.
 Տաճառ եպիսկոպոս 46.
 Տաճկաստան 19. 104.
 Տայք 46. 224.
 Տաշրացի 174. 344.
 Տարու-բերան 46.
 Տարօն 46.
 Տիգրան 14.
 Տիրան Բ. 12.
 Տիրոց 160.
 Տրեւուտ 205.
 Տմօրիք 163. 221. 223.
 Տրդատ, Տրդատիոս 12. 123.
 Տրպատունիք 174.
 Փայտակարան 152. 165.
 Փապակ 343.
 Փառախոտ 135.
 Փասի 164.
 Փարաման 174. 343.
 Փենեկէզ 189.
 Փիւքօնան 164.



408

Փոսիս 164.

Վաղղէացի 24.

Վաշկար 334.

Վաշաղ 229. 318.

Վաջրերունի 173. 204. 210.

Վասու 46.

Վողեանք 174.

Վուշանք 16-18. 21. 32. 82. 101.

249-251.

Օշահան 135.





